





*Suppl. Braccio
Grano m. 1000*

DISSERTATIONES CAMALDULENSES

IN QVIBUS AGITUR

- I. *De Institutione Ordinis Camaldulensis.*
- II. *De Ætate S. P. Romualdi.*
- III. *De Visione Scale ejusdem, et Habitus Mutatione pretenfa.*
- IV. *De S. Petri Damiani, et Arvellanitarum Instituto Camaldulensi.*

Obiter etiam multa Ecclesiasticæ, et Profanæ Historiæ
loca illustrantur, et corriguntur.

A U C T O R E

D. GUIDONE GRANDO CREMONENSI
MONACHO CAMALDVLENSI S. T. D.

REGIÆ CELSITUDINIS COSMI III. MAGNI DUCIS ETRURIÆ
THEOLOGO ET MATHEMATICO

Atque in Pisana Universitate Publico Philosophiæ Professore Ordinario.

AD EMINENTISSIMUM, ET REVERENDISSIMUM PRINCIPEM

FERDINANDUM DE ABDUA

S. R. E. CARDINALEM

CAMALDULENSIS ORDINIS PROTECTOREM.



L U C Æ, M. DCC. VII.

Typis Marefandoli. Superiorum Permissu.

THE UNIVERSITY OF CHICAGO

1911

1911

1911

EMIN^{ME} AC REV^{ME} PRINCEPS



Uod omnium nobi-
lissimis Urbibus, at-
que Familiis usu-
venire solet, ut ip-
sarum initia, præ
vetustate, in obscuro posita
delitescant, primosque sui lo-
ci

ci, vel generis Heroas, aut penitus ignorent, aut invicem sepe confundant: id nostrę pariter Camaldulensi Reipublicę contigisse non est quod mire-
ris, FERDINANDE Cardinalis Amplissime. Temporum quippe Religionis hujus auspiciis respondentium ea fuit olı simplicitas, ea nunc est anti-
quitas, ut nec cum ætatis nostrę memoria debeat ista conferri, nec cum diligentia possit altera comparari. Solida septem Sęcula, non percurrenda modò, sed longiùs etiá, quàm vulgò creditur, transilienda menti se præbent, ut ad nostrę
stræ

stre propaginis originem possit assurgere; atque in his quæ tenebræ, qui scopuli occurrunt! Tales occurrunt, ut non semel ad hoc scriptionis genus accedentem absteruerint, sæpius intermittere coegerint, ac penè in totius propositi tedium adduxerint: iis præsertim deficientibus subsidiis, quæ huic negotio maximè necessaria videbantur; iis occupationibus distrahentibus, quæ minimè opportunæ, aut cum his studiis conciliabiles censerì poterant. Evicit tamen asserendæ aliquando Veritatis amor, evicit Religioni meæ restituendi

De-

Decoris sollicitudo ; ut quibusdam hunc, et illam pariter inficientibus, ex Historicorum negligentia contractis, falsitatis nævis, quòad possem, abstergendis constanter insisterè, ac subsecivas horas, jucundioribus speculationibus, quibus me Geometria detinere solet, subreptas, in hisce Differtationibus ad calcem denique perducendis collocarem. Qua in re quid tandem præstiterim, et an pro voto metam præconceptam attigerim, meum non est omninò decernere ; licèt enim causæ merito satis fidam, suadet nihilominus imbecillitatis

tatis propriæ cognitio, ut animum magis, quàm successum à plerisque laudandum expectem : nec spes tamen deest, utrumque simul ab æquis harum rerum æstimatoribus aliqua commendatione fore dignandum, præsertim si propitiis oculis hanc opellam Te respexisse viderint, Princeps Eminentissime, quem inprimis Judicem scriptorum meorum appello, ausim et Mœcenatem pariter polliceri. Qua enim sollicitudine Tibi ab Apostolica Sede commissum Camaldulensis Ordinis Patrocinium administras, eadem et has Ca-

*†

mal-

malduleses Dissertationes, ejus
Originem, Splendoremque cõ-
cernentes, fore ut benignissi-
mè complectaris, minimè est
dubitandum, quando Tuæ ad
fovendas litteras; promovenda
studia, meosque præsertim
labores gratè excipiēdos, pro-
pensissimę voluntatis, non le-
ve saltem indicium, sed arrhā
plenissimam toties præbuiſti.
Quid enimverò aliud ab ex-
celso Animo tuo, Doctrinis
omnibus, ac Disciplinis excul-
to, sperandum esset, quidve ab
insigni Comitatus, atque Hu-
manitate tua, ad omnem offi-
cium paratissima, expectari
pos-

posset, non cùm bonarum Ar-
tium præsidio, non cum Sci-
entiarum favore conjunctum?
Testes sunt latissimæ Provin-
ciæ, quarum Imperij habenas,
vel difficillimis Ecclesiæ, et
Reipublicæ temporibus, incre-
dibili semper sapientia, ac pru-
dentia tamdiù rexisti; atque
ita rexisti, ut in admiratione,
commendationemque [parum
dixi] in amorem tuarum Vir-
tutum universos Fidei, ac Vi-
gilantiæ tuæ creditos populos
facile traxeris. Testes etiam
omnes D. Romualdi familiæ,
Camaldulensis Ordinis appel-
latione comprehensæ, pro qua-
rum

rum felici regimine, ac conti-
nuo profectu dum assidue la-
boras, ita Zelum Æquitate,
Æquitatem temperas Huma-
nitate, ut Te non minus Pa-
trem amantissimum cuncti di-
ligant, quàm justissimum Præ-
sidem singuli venerentur. Te-
stis demùm ipsemet accedere
possum, qui, siquid sum, tuo
potissimùm Beneficio, ac Be-
nevolentia, id ut essem sum
consequutus, meque totum Tibi
propterea debitum sincerè a-
gnosco, nedum leves has Dis-
sertatiunculas, quas Tuo No-
mini consecrandas decrevi, ut
mei erga Te obsequii, Tuique
in

in me Patrocinii aliquod etiam apud posteros monumentum extaret. Vale, et Ecclesię Ornamento, Reipublicę Utilitati, Ordinisque nostri Præsidio diutissimè vive, quod ex animo Tibi apprecatur, ad osculum Sacrę Purpurę tuis pedibus advolutus.

EMINENTIÆ TUÆ

Humillimus, Aldiſſimus, et Obsequentiſſimus
Servus, ac Subditus
D. Guido Grandus Mon. Camal.

1. The first part of the paper is devoted to a general discussion of the problem of the existence of solutions of the system of equations (1) for arbitrary values of the parameters α and β . It is shown that the system has solutions for arbitrary values of the parameters α and β if and only if the condition $\alpha + \beta = 1$ is satisfied. In this case the solutions are unique and are given by the formulas (2).

2. In the second part of the paper the problem of the stability of the solutions of the system (1) is considered. It is shown that the solutions are stable with respect to the initial conditions if and only if the condition $\alpha + \beta = 1$ is satisfied. In this case the solutions are stable with respect to the initial conditions and are given by the formulas (3).

3. In the third part of the paper the problem of the stability of the solutions of the system (1) is considered. It is shown that the solutions are stable with respect to the initial conditions if and only if the condition $\alpha + \beta = 1$ is satisfied. In this case the solutions are stable with respect to the initial conditions and are given by the formulas (4).

4. In the fourth part of the paper the problem of the stability of the solutions of the system (1) is considered. It is shown that the solutions are stable with respect to the initial conditions if and only if the condition $\alpha + \beta = 1$ is satisfied. In this case the solutions are stable with respect to the initial conditions and are given by the formulas (5).

5. In the fifth part of the paper the problem of the stability of the solutions of the system (1) is considered. It is shown that the solutions are stable with respect to the initial conditions if and only if the condition $\alpha + \beta = 1$ is satisfied. In this case the solutions are stable with respect to the initial conditions and are given by the formulas (6).

6. In the sixth part of the paper the problem of the stability of the solutions of the system (1) is considered. It is shown that the solutions are stable with respect to the initial conditions if and only if the condition $\alpha + \beta = 1$ is satisfied. In this case the solutions are stable with respect to the initial conditions and are given by the formulas (7).

7. In the seventh part of the paper the problem of the stability of the solutions of the system (1) is considered. It is shown that the solutions are stable with respect to the initial conditions if and only if the condition $\alpha + \beta = 1$ is satisfied. In this case the solutions are stable with respect to the initial conditions and are given by the formulas (8).

8. In the eighth part of the paper the problem of the stability of the solutions of the system (1) is considered. It is shown that the solutions are stable with respect to the initial conditions if and only if the condition $\alpha + \beta = 1$ is satisfied. In this case the solutions are stable with respect to the initial conditions and are given by the formulas (9).

9. In the ninth part of the paper the problem of the stability of the solutions of the system (1) is considered. It is shown that the solutions are stable with respect to the initial conditions if and only if the condition $\alpha + \beta = 1$ is satisfied. In this case the solutions are stable with respect to the initial conditions and are given by the formulas (10).

10. In the tenth part of the paper the problem of the stability of the solutions of the system (1) is considered. It is shown that the solutions are stable with respect to the initial conditions if and only if the condition $\alpha + \beta = 1$ is satisfied. In this case the solutions are stable with respect to the initial conditions and are given by the formulas (11).

I N D E X

Dissertationum, et Capitum hujus
Operis.

DISSERTATIO I.

De Institutione Ordinis Camaldulensis:

C APUT I. <i>Controversia status, Dissertationis scopus,</i> <i>et necessitas aperitur.</i>	<i>pag. 3.</i>
C APUT II. <i>Præjudicium ab Nominis Camaldulensis aqu-</i> <i>ocatione profectum arvertitur.</i>	<i>13.</i>
C APUT III. <i>Ex B. Petro Damiano Romualdum in Aqu-</i> <i>tania sui Ordinis fundamenta jecisse demonstratur.</i>	<i>41.</i>
C APUT IV. <i>Idem ex S. Romualdi Instituto ostenditur.</i>	<i>38.</i>
C APUT V. <i>Romualdus omnium Eremitarum Pater ab ipsis</i> <i>sue Conversionis initiis institutus.</i>	<i>92.</i>
C APUT VI. <i>Objectiones adversæ Opinionis refelluntur.</i>	<i>103.</i>

DISSERTATIO II.

De Ætate S. P. Romualdi.

C APUT I. <i>Questionis Status, et variae Authorum sen-</i> <i>tentiæ.</i>	<i>pag. 3.</i>
C APUT II. <i>Supra relatæ Bollandianæ sententiæ confutatio.</i>	<i>16.</i>
C APUT III. <i>Probabilis conciliatio juxta nostram sententiam</i> <i>pro-</i>	<i>pro-</i>

proponitur, et Honestus Petri Coepiscopus fuisse suade-
tur. 32.

CAPUT IV. Ex S. Ioannis Gualberti Historia, Romualdus
post annum 1027. vivus evincitur. 41.

CAPUT V. Ex B. Casimiro Poloniae Rege S. Romualdus
post annum 1027. superstes iterum ostenditur. 57.

CAPUT VI. Ex Aedificatione Camaldulensis Eremiti Romu-
aldum post annum 1027. vixisse conicitur. 64.

CAPUT VII. Ab adversis difficultatibus nostra hypothesis
vinducatur. 75.

CAPUT VIII. Nostram hypothesis nonnisi ut probabilem
proponi, atque aliis conciliationibus, quae hic afferuntur,
locum relinquere. 92.

A P P E N D I X

Duas Tabulas Chronologicas exhibens praecipuorum
S. Romualdi Gestorum, juxta varias hypotheses
de anno Mortis ejusdem.

TABULA I. Chronologica juxta Systema Capite III. ex-
positum, et sequentibus explicatum. 103.

TABULA II. Chronologica coherenter ad communem hypo-
thesin de Morte S. Romualdi anno 1027. Interim
composita Controversia de tempore Honesti, juxta ali-
quam ex quatuor Conciliationibus Capite VIII. indi-
catis. 119.

NOTÆ Ad duas Tabulas praecedentes. 137.

DIS-

DISSERTATIO III.
De Visione Scalæ S. Romualdi, et Habitus Mutatione prætenſa.

CAPUT I. *Exponitur, et propugnatur Auſtoris Propoſitum.* pag. 3.

CAPUT II. *Expoſita Viſionis, et Mutationis habitus traditioni mirandum Petri Damiani de utraque ſilentium opponitur.* 10.

CAPUT III. *In Thedaldi, Rodulphi, Martini, Gberardi, Bonaventura, aliſque vetuſtis monumentis, prætenſa Viſionis Romualdi, et Mutationis habitus Traditio ſruſtra quaritur.* 25.

CAPUT IV. *Vetera Tiſturarum, et Scriptorum monumenta ab anno 1365. ad 1500. de eodem Argumento occurrentia expenduntur.* 42.

CAPUT V. *Reliqua ab initio ſæculi ſextidecimi, uſque ad Hiſtoriam Fortunii occurrentia monumenta examinantur.* 61.

CAPUT VI. *Fortunii aſſerta referuntur, ac reſelluntur.* 79.

CAPUT VII. *Prima obiectio eliditur, et color albus à noſtris Monachis ex antiqua retentus, non ex nigro mutatus aſſeritur.* 104.

CAPUT VIII. *Reliqua Obiectiões diſcuſſæ: ubi et de Breuiarii Auſtoritate, ac de Negatiui Argumenti robore diſſeritur.* 131.

EPISTOLA *Ad Clariffimum, Illuſtriſſimæque Virum Antonium Magliabechium, Magni Ducis Etruriæ Bibliotecarium.* 155.



DIS.

DISSERTATIO IV.

De S. Petri Damiani, et Avellanitarum
Instituto Camaldulensi.

C APVT I. <i>Scopus, Argumentum, et Occasio scribendi.</i>	pag. 3.
C APVT II. <i>Avellanensis Eremiti exordium, et Institutio à S. P. Romualdo dependens.</i>	11.
C APVT III. <i>Avellanitarum, et Camaldulensium Instituti comparatio.</i>	22.
C APVT IV. <i>Alia Avellanitarum, et Camaldulensium convenientia.</i>	36.
C APVT V. <i>Camaldulensium, et Avellanitarum affinitas aliis momentis illustratur.</i>	53.
C APVT VI. <i>B. Petrus Damiani inter S. Romualdi discipulos, atque in ejusdem Monasteriis potissimum vixit.</i>	67.
C APVT VII. <i>Præcipua Ladercbii argumenta confutantur.</i>	88.
C APVT VIII. <i>Reliqua à Ladercbio obiecta discutuntur.</i>	106.
APPENDIX <i>Nonnullas animadversiones in Historiam Petri Damiani à Ladercbio scriptam complectens.</i>	121.



CAN

CANDIDO LECTORI.



Autum Areopagi legibus fuerat, ne quis, in forensi causarum pertractatione, ullo Iudices præveniret exordio, quod ipsorum animos, ex arte affectuum moderatrice, ullam in partem flecteret, atque ad amorem vel odium, iram aut commiserationem disponderet. Hanc ego Sapientissimorum Virorum prudentiam imitaturus, quidpiam Dissertationibus meis, præludii loco, proponere superfedebo, ut sincero, infucatoque, ac nullis partium studiis præoccupato animo, ad attentam ipsarum discussionem, *Candide Lector*, accedas. Non est igitur, cur in ipso limine pluribus te detineam, præsertim cum totius Operis scopum, et Auctoris intentionem, quæ duo in generalibus Librorum Præfationibus potissimum exponenda videntur, ex primo singularum Dissertationum capite sis facillimè intellecturus.

Ne tamen ab hujus Voluminis lectione, quasi res nõ magni momenti, vel ad eruditionem fortasse tuam non facientes, complecteretur, ipso CAMALDULENSIUM DISSERTATIONUM titulo, retraharis: animadvertas velim, Ecclesiasticæ Historiæ, cujus hodie studium, et utilitate præcipuum, et jucunditate præstantissimū ab omnibus meritò commendatur, plenam, perfectamque notitiam, sine accurata Monasticarum Originum cognitione, obtineri omninò non posse: cumque inter omnes Monachorum propaggines pusilla hæc Divi

ROMUALDI Familia, et antiquitate, et nobilitate nulli secunda sit, haud penitus contemnenda esse quæ ad ejus Institutionis Systema firmandum, distinguendum, illustrandum, atque à commentitiis circumstantiis repurgandum conducunt. Quamquàm non hisce dumtaxat limitibus Operis hujus utilitas coarctetur, cum non pauca Chronologiæ Episcoporum, Principum, aliorumque Virorum Illustrium, controversa capita hic obiter expendantur, ac verosimili saltem ratione determinantur. Sed et ipsam discernendæ Veritatis historicæ methodum, ac generalia principia eò pertinentia hinc facile elicies, et quis eorum usus in hoc scribendi genere sit faciendus, intelliges.

Porro, etsi à receptis nonnullorum Scriptorum placitis, et sententiis quandoque recedere videar, id nec citra Veritatis asserendæ necessitatem, nec præter modestiæ, ac moderationis leges à me admissum esse deprehendes, qui nullum propterea debita ejus nomini veneratione fraudare in animo habui. An ipse interim inoffenso pede quadripartitum hoc stadium ita percurrerim, ut à nullo vicissim redargui merear, mihi (præterquam in Geometricis Libris) polliceri certè non auisim, cum solos Mathematicos ad aspectum, et colloquium, nullo interposito spatio, Veritas admittat, alijs Scriporibus se velut è nube videndam, et audiendam præbens, ad quos sæpe non tam vox ipsa, quàm vocis species quædam semilanguida, subobscura, et ambiguè interpretationibus obnoxia, è tanto intervallo, remittitur, cui nihilominus aures prudenter accomodant,

om-

omnemque, in ea, referenda, reprehensionis aleam evadunt, si non quasi certam, ac penitus exploratam, sed probabilem, nec planè ruinosis, aut nullis fundamentis suffultam doctrinam se tradere fateantur.

Qualecunque interim de præsentibus Dissertationibus meis judicium ab Eruditis ferendum sit, non admodum anxius expectabo. Scio propitium hæcenus à Summis Viris me retulisse, quibus Tertiam Dissertationem ante omnia communicare placuit, quum de illa, pluribus momentis urgentibus, essem præcipuè sollicitus. Nec tamen publicum ipsorum suffragii testimonium, quod reddere paratissimi erant, colligere curavi, ne quæsitis aliorum commendationibus auram famæ captare viderer, ac, vana ostentatione, mei nominis gloriam aucupari. Sufficiat monuisse, eam ipsam Tertiam Dissertationem, speciali Epistola (quæ ibidem pag. 155. affertur) Clarissimi ANTONII MAGLIA-BECHII Reg. Cels. Magni Ducis Etruriæ Bibliothecarii purgatissimo judicio subiectam, tanti Viri, incomparabilis Litterarum Reipublicæ Luminis, ac Litteratorum omnium Principis, calculo probari meruisse, ut ex humanissimis ejus Epistolis ad me datis liquet, in quibus illam *Doctissimam, Eruditissimam, Accuratissimamque* non semel appellare dignatur, ac talem, cui nihil, nisi aut penitus ineptum, aut à me jam evidentissimè confutatum, opponi posse videatur.

Ceterum non est quod mireris, me Philosophicis, ac Mathematicis speculationibus, ex injuncto publicè, privatimque docendi munere, continuè occupatum, ad hæc nihilominus Historica divertere, eademque ver-

sare

sare animo potuisse; hunc enim meorum in Camaldulensem Historiam juvenilium studiorum fructum, ne illa penitus interciderent, Amicorum votis, precibusque concedere par fuerat, ipsaque temporis opportunitas exigere videbatur: nec tamen hæc per se sola obtinuissent, ut ejusmodi Lucubrationibus, tot intercuras me aliò avocantes, ordinandis, perficiendisque, constantem operam impenderem, nisi Serenissimus ipse COSMUS III. Magnus Etruriæ Dux stimulos addidisset, qui pro suo in Ecclesiasticâ Historiam, et quidquid res sacras respicit, incredibili studio, affectuque singulari, divinum tanti Principis animum, humanis omnibus supervectum indicante, susceptum à me de hoc Argumento cōsiliū, et olim commendavit, et sæpius, summa benignitate, ad ejus Regiæ Celsitudinis præsentiam admissò in memoriam revocare non destitit, usquedum prælo jam commissa Commentaria hæc intellexit. Meæ tamen partes fuerunt, ut non idcirco de Philosophicis, Mathematicisque exercitationibus meis quidpiam remitterem, somno potiùs, et otio, quàm debito, et officio perituras temporis particulas subtrapiens, ut nedum publicæ Prælectiones, domesticæque studiosæ Juventutis Institutiones quotidianæ testantur, sed et Epistolarum cum summis ævi nostri Geometris continuata cōmercia; deque rebus in ea facultate difficillimis expedita Responsa, quàmprimùm, Deo favente, in lucem asserenda, ubi illa Geometrico *De Novis Lineis Curvis* Tractatu collegerim, quem (ut alios quondam editos) divinæ huius Scientiæ cultoribus utilimū, jucundissimum, gratissimumque fore confido. Vale.

Fa-

Facultas Reverendissimi Patris Generalis .



Os D. Petrus Franciscus Gallicius Venetus, Abbas Generalis totius Ordinis Camaldulensis, facultatem concedimus, quatenus Opus inscriptum:
DISSERTATIONES CAMALDULENSES &c. à Patre D. Guidone de Grandis Monacho Camaldulense, ac Lectore Publico Universitatis Pisarum, servatis de jure servandis, possit Typis mandari. In quorum fidem &c.

Datum ex nostro Monasterio SS. Hypoliti, et Laurentii de Faventia, 17 kal. Novembris 1706.

D. Petrus Franciscus Gallicius Abbas Generalis suprad.

Locus ✝ Sigilli

D. Severus Erteli Abbas Cancellarius Camald.



DISSERTATIONES CAMALDULEN-
SES ab Adm. Rev. P. D. Guidone Grando
ejusdem Ordinis Monacho, et eximio
Theologo, nec non in Pisano Lycæo
Publico Philosophiæ Professore, miro or-
dine ingeniosè concinnatas, atque pluri-
um Authorum testimoniis solidè firmatas, accuratè
perlegi; Cumque in eis nihil aut fidei, aut moribus
contrarium repperim, dignissimas censeo, ut ad com-
munem legentium, et audientium utilitatem Typis
mandentur.

Datum Lucæ in Conventu S. Romani Die 12.
Novembris 1706.

*Fr. Antoninus Garzoni Magister,
et Librorum Censor.*

IMPRIMATUR
Vincentius Torre Vic. Gen.
Laurentius Manfi pro Illustriſs.
Magistratu super Jurisdictione.

**DISSERTATIO PRIMA
DE INSTITUTIONE
ORDINIS
CAMALDVLENSIS**



DE INSTITVTIONE ORDINIS CAMALDVLENSIS

CAPUT I.

Controversiæ status, Dissertationis sco-
pus, et necessitas aperitur

SYNOPSIS.

Romualdum Camaldulensis Ordinis Auctorem omnes agnoscunt, de tempore dumtaxat, et loco dubitatur. n. 1. Prior, et antiquior sententia de institutione Ordinis ante millesimum. 2. Varij auctores pro hac sententia laudati. 3. Altera opinio ad annum 1012. eam institutionem differens. 4. Auctoris sui confessione recentius excogitata ostenditur. 5. De opinionis huius veritate iure dubitari, cum ipsam novitas suspectam reddat, nec alterius opinionis argumenta refellerit, sed excusarit poster-

A 2

rioris

rioris sententiæ antesignanus Fortunius, quem hoc loco eius interpres Minius deferendum censuit . 6. Voce tenus secundam sententiam præcipui illius auctores amplexati sunt, cum re ipsa in veteri persisterint . 7. Inconsequentia nonnullorum notata . 8. Veritas tandem emerfura opportuniùs à nostris eruenda . 9. Scriptori nihil timendum in assertionem veritatis, quibusvis imaginationibus præferenda . 10.

I



Atis inter omnes convenit, Camaldulensis Ordinis institutionem Divo ROMUALDO acceptam referri debere; verùm quo tempore, quo loco, quane occasione primitias Familiæ suæ collegerit Vir Sanctissimus, et huius Clarissimæ Monachorum, Eremitarumque Congregationis fundamenta posuerit, varix circumferuntur gravissimorum auctorum sententiæ, quas ad duas præcipuas reduci posse video, easque in præsentì dissertatione mihi examinandas assumo, illam, quæ [omnibus æquo iudicio perpensis] verosimilior, immò unicè vera, mihi semper apparuit, alteri præpositurus, suisque rationum momentis confirmaturus.

II. Prima, eaque, ut num. 5. constabit, omnium antiquior opinio Romualdum Ordinis sui iam Auctorem longè ante annum Christi millesimum recognoscit, putà circa annum 960. (admissa, ut varix sententiæ comprehendantur, ne in singulis referendis, cum Lectorum tædio, immoremur, 20. saltem annorum ultrà, citràque excurrentium latitudine, ob insuperabiles chronologicas diffi-

difficultates, quæ S. Patris ætatem comitantur, de quibus in Dissertatione II. agendum erit) quo nimirum tempore primos discipulos suos, Petrum Urseolum, Ioannē Gradenicum, aliosque Vitæ Eremiticæ Legibus cæpit imbueri, adedque in extremis Galliarum partibus prope S. Michaelis Cusani Cænobium, ut ex serie vitæ eiusdem S. P. N. Romualdi à B. Petro Damiani descriptæ locis infra citandis, colligitur.

III. Subscribere huic sententiæ Paulus Iustinianus in constitutionibus, seu regula vitæ eremiticæ cap. 1. dicēs: *Totum hoc tertium eremiticæ conversationis genus à sanctissimo Viro Eremita, Eremitarumque omnium Patre, et Institutore Romualdo, divina S. Spiritus illustratione afflato, anno post salutiferam divini verbi incarnationem 940. adinventum fuit.* Bernardinus Gadolus singulari opusculo de Origine, et successu Ordinis Camaldulensis ad Iacobum Philippum Bergomatem, in Bibliotheca S. Michaelis Murani mss. asserens, quod *Ordo Camaldulensis circa annum Dominicæ Repromissionis noningentesimum quinquagesimum initium sumpsit.* Venturas Athesinus dialogo primo de Balneis Calderij; Lucas Hispanus historiæ Romualdinæ l. 1. c. 5. Archangelus Hastivillius eius interpolator simili opere, et loco. Cardinalis Cæsar Baronijs tom. 10. ad annum 974. Stephanus Demalevicius in vita S. Bogumili cap. 29. Thomas Minius in vitis SS. Ioanis, et Benedicti, nec non in cathologo Sanctorum Ordinis Camaldulensis, ac rursus in historiis Camaldulensibus Mss. quæ in bibliotheca Angelorum Florentiæ asservantur, lib. 1. cap. 13. et l. 2. cap. 4., aliique passim, quibus novissimè accessit eruditissimus.

mus, ac sapientissimus Vir Ludovicus Thomasinus in egregio Opere, veteris, ac novæ Ecclesiæ disciplinam de Beneficiis illustrante, ubi p. 1. l. 3 c. 25. n. 7. hæc habet: *Sed non intra Benedictinæ Regule cancellos cobiberi potuit fervor perficiendæ, et ad summum apicem impellendæ Monasticæ perfectionis. Romualdus anno 974. (ex margine) longe plurimorum in Italia catuum Auspex, Paterque fuit, qui invias, asperimasque solitudines Anachoretarum gregibus frequentarunt, &c.*

IV. Altera opinio est, quam Augustinus Fortunius Monachus Angelorum Florentiæ in sua luculentissima Camaldulensi Historia, vel primus proposuit, vel certè inter primos vulgavit, eamque ex ipso Ractius noster, ac cæteri demùm exteri Scriptores, quasi indubiam Ordinis nostri Traditionem, à Primario eius Historico productam, nullo adhibito examine, passim exceperunt, ut iam vulgò communior habeatur; docet autem, post annum Christi millesimum, nempe quibusdam circa annū Domini 1008. plerisque verò passim ad annum 1012. [quamquàm id aliquantò seriùs fortasse contigit, ex dicendis dissertatione II. cap. 6.] Romualdum in altissimis Apennini iugis, quibus Ethruria ab Æmia secernitur, eo ipso in loco, ubi nunc sacratissima Camalduli Eremus visitur, prima sui Ordinis fundamenta iecisse, ob admirabilem Scalæ Visionem ipsi (ut tradunt) per somnum obiectam, per quam albescentes monachi ascendere videbantur, unde occasionem à Sanctissimo Viro sumptā fuisse sibi persuadent, candido schemmate se, ac suos deinceps discipulos, nigris abiectis cucullis, quibus eatenus usos fuisse supponunt, induendi, eundemque colorem
ad

ad posteros suos, præcipue hæreditatis nomine, transmittendi, qualem hodie dum retinemus, et in omni vestium genere summa religione se conservare fatentur, quotquot tam in solitudinibus, quàm in cænobiis, Camaldulensis Nominis appellatione gloriantur.

V. Quam quidem sententiam novam esse, præ veteri illa, quam num. 2. retulimus, tum patet ex auctoribus Fortunio faventibus, quorum nullum Fortunio antiquiorem reperire potuimus, tum ex ipsiusmet Fortunii confessione liquet, quatenus Historiarum Camaldulensium .p. 1. l. 1. c. 27. post completam suæ, circa Ordinis Camaldulensis originem, hypotheseos expositionem, sic demùm concludit: *Non me latet, multos Originem Camaldulensium longe antea factam monimentis prodidisse, quos et Venturas Atbestinus Monachus noster (qui et de insigne quoque Malduli diversa scribit) infectatus est. Sed enim ea opinio excusatione digna est, utpote inde pie deducta, quod S. P. Romualdus ante annum millesimum tot plurima, quot prædiximus, iam sanctæ conversationis construxerat loca. Ubi dum Fortunius multos Camaldulensium originem longè ante millesimum factam tradidisse fatetur, atque his nullum opponit, qui secum senserit eandem post millesimum factam, utique opinionis antea inauditæ Architectum, vel certè paulò antea confectæ Patronum se ostendit: optandum verò fuerat, ut sicut alteram antiquiorem opinionem (quæ sua indulgentia est) excusatione dignam censuit, ita (quæ suæ erant partes) refutatione aliqua dignaretur.*

VI. Interim ex hoc loco aperte colligitur, non esse nos temeritatis, aut novitatis insimulandos, si utramque
sent-

sententiam iterum examini subiicere, et priorem posteriori, utcumque magis receptæ, præferre in hoc tractatu conabimur, quandoquidem *Novitatis* character non primæ, sed secundæ opinioni, ex Primarii Auctoris sui confessione reliquus, hanc, non illam erroris suspectam reddit: nam, ut ait Tertullianus advers. Marcion. l. 4. c. 5. *Id verius, quod prius, id prius, quod ab initio*, quum veritas eò purior, et sincerior habenda sit, quò vetustior, et suo fonti proximior; præsertim cum priorem illam antiquiorum, et gravissimorum scriptorum sententiam ad eò non refellat ipse Fortunius, dum suam recens inventam nobis obtrudit, ut optimis potius fundamentis innixam ipsemet asserat, ingenuè fassus, *inde piè deductam*, quod Romualdus ante annum millesimum tot plurima sanctæ conversationis construxerat loca, quæ ad eiusdem Romualdi ordinem cur non pertinere dicenda sint, æquè ac illa, quæ post Camaldulensis Eremitæ foundationem excitata sunt, nulla postmodum rationis umbra nobis it persuasum, sed rem quasi exploratissimam in medio relinquit, nec in ipsamet apologia historiæ suarum, quam adversus Lucam Hispanum post 17. annos idem Fortunius adornavit, causam hanc maioribus momentis fulcire conatur, ut ex dicendis suo loco fiet omnibus manifestum: nunc autem vel ex hoc colligere licet, quòd Thomas Minius in sua MS. Historia Camaldulensi, quæ in ornatissima Angelorum Bibliotheca aservatur, etsi Fortunij Paraphrastem, et in quibusdam Ampliatorem dumtaxat agere videatur, integris eius capitibus ex latino in ethruscum idiomata ita conversis, ut ipsismet Fortunij verbis religiosissimè

fissimè insistat, nihilominus, ubi clausulam Fortunij, *Non me latet &c.* Superiori num. adductam italicè sic reddidit: *Non mi è ascoso, che alcuni istorici danno principio alla nostra Religione Camaldolese avanti questo tempo dell' anno 1012, fra quali il Sabellio Nobile Istorico Viniziano gli dà l' origine di gran tempo avanti all' anno millesimo, e D. Ventura Minardi da Este nostro Camaldolese nella descrizione de' Bagni di Calderia Veronesi scrisse il medesimo: Statim à Fortunij sententia deflectens, eiusque excusationem in argumentum, quo vetustior sententia confirmari merebatur, assumens, subdit: nel qual parere concorro ancor io, come di sopra ho dimostrato, che il P. S. Romualdo cominciò a edificare Monasterii, et avere discepoli intorno all' anno 970, essendo chiarissimo, come afferma il Damiano, che avanti, che il P. nostro S. Romualdo edificasse Camaldoli, averua edificato più di cento, fra Eremiti e Monasterii.*

VII. Imò, ut quod res est semel dicam, ne seriam quidem operam in hac nuperiori sententia instauranda collocasse visi sunt eius Auctores, et sola novitatis specie, vocumque homonymia contenti, fucum lectoribus facere voluisse deprehenduntur, maiorem licèt, quàm ab initio sperassent, et quàm suà interesse videbant, fidem plausibilis apud vulgus fabula invenerit: Enimverò si attentius eiusdem Augustini Fortunij [et Sylvani Ractii eius asseclæ] libros evolvamus, constabit, ipsos æquè, ac omnes alios Camaldulenses Scriptores, verbo tenus novam sententiam secutos, re tamen ipsa in veteri persistisse; quatenus scilicet (præter illud, quod cap. seq. num. 14. ex Fortunio notabimus) inter Sanctorum Camaldu-

B

lensium

lensium album, et illos S. P. Romualdi Discipulos recensent, qui ante annum Christi millesimum floruerunt, vel ante Camalduli ædificationem mortalitatem exuerunt, ut sunt B. Petrus Urfeolus, S. Bonifacius, SS. Ioannes, et Benedictus &c. Hoc enim est, facto ipso comprobare, quòd ex tunc Ordinem suum Romualdus fundaverit, ex quòd primos discipulos suæ disciplinæ rudimentis instruxit, non ex unius Eremitæ Camaldulensis constructione posterius facta, quum prorsus impossibilis sit nova hæc hypothesis, de Camaldulensium Instituti, et Habitus origine ad annum 1012. dumtaxat relata, cum assertionem, quòd Viri illi sanctissimi, annis circiter 990, 1008, 1005. respectivè pridem demortui, ad eundem Camaldulensium Ordinem pertineant, quem 10, aut 20. post annos Romualdus primùm instruxerit.

VIII. Atque hic ego satis mirari non possum quorundam supinitatem, qui ex una parte gravatim ferentes, quòd Arnoldus Vvion ligni vitæ lib. 1. c. 27., et ex illo Hyeronimus Fabri in sacris Ravennæ monumentis, alique rotundo ore prædictos sanctos Camaldulensium Instituti fuisse negent, iusto in hos scriptores zelo exæstuant, eorumque audaciam aliqua tandem apologia reprimendam suadent: sed cum ex alia parte à Camaldulensis Eremitæ institutione totius Ordinis foundationem secernendam audiunt, et Visionem tantoperè deprædicatam, aut nullam esse, aut huc nullatenus pertinere, ex nobis intelligunt, nos quasi venerandæ alicuius traditionis conculcatores traducunt, omnem historię fidem per nos subvertendam inclamant, piaculum esse vel de his litem movere, quæ
etsi

etsi falsa sint , piè tamen creduntur , et semel in vulgus sparsa , absque vulgi offensione retractari non posse sibi persuadent ; cùm tamen , ut innui , hæc invicem adedò connexa sint , ut quisquis seriò perpenderit , videat non aliter infirmari posse illorum Scriptorum optimas , et legitimas consequentias , ex communiter admisis Fortunij , et Rastij principiis rite deductas , quam si ipsamet principia , unde illæ fluunt , solidè refellantur , ut refelli certissimè possunt , merentur , ac debent : possunt , quia falsa : merentur , quia nova : debent , quia non sine maximo Ordinis detrimento , eiusque dignitatis , et amplitudinis præiudicio primùm recepta sunt , et adhucdum retinentur : ut hic locum habere meritò queat illud Augustini de adulterinis Coniugijs . l. 2. c. 4. , quamquàm alio proposito prolatum , *muta ergo antecedentia , si vis carere sequentia* .

IX. Denique cùm eius indolis veritas sit , ut non diutius latere se patiatur , sed aliquando tandem emergens in lucem erumpat , si à me pariter , ut ab alijs nostris scriptoribus , inanis scrupuli prætextu , dissimularetur , verendum esset , ne ab extraneis hominibus , hac præsertim ætate Historiæ Ecclesiasticæ Criticis eruditissimis adedò referta , figmenti huius reiiciendi provincia præoccuparetur , nosque omnes in re tanti momenti , vel ignavi torporis , vel oscitantis redargueremur , quòd rem ad nos maximè pertinentem tot fabulis involutam manere permiserimus , quum omnium maximè nobis è nostris anecdotis documenta idonea suppeterent , quibus quidquid falsi in hypothesim Fortunij irreperat , revinceremus :

fatiustaque fuit, ut argumenti huius tractationem in me susciperem, et quamlibet operam meam ad illud ante alios plenius illustrandum conferrem; Non quòd inter nos plures non occurrerent, cùm auctoritate, tum dignitate longè superiores, qui maiori eruditione, et eloquentia eandem provinciam implere potuissent, sed quòd, iis varia occupationum mole distractis, intempestivum iam videretur silentium longiùs protractum, quod ab aliquo tandem abrumpi congruum erat, sin minus ut firmo præsidio causa hæc sulta maneret, at saltem ne omnino deserta relinqueretur.

X. Ipsa profectò veritas, quæ primos mihi ad scribendum stimulos addidit, confidentiam insuper elargitur, qua sperare ausim, non veniam modò, sed et gratiam ab æquis rerum æstimatoribus me ob hanc lucubrationculam reportaturum; nec enim hi dedignabuntur, postquam, omni mentis præiudicio deposito, evidentissimarum, quibus ad restituendam, et confirmandam veterem sententiam utor, rationum momenta diligenter expenderint, eidem suffragium suum perlibenter adiicere; cæteros verò, siqui futuri sint [fortasse autem non deerunt] quibus nostri conatus adèò non gratè accipienda videbuntur, ut iis ne quidem perlectis averfam manum cum ludibrio sint obtenturi,

Vel quia nil rectum, nisi quod placuit sibi, ducunt,

Vel quia turpe putant parere minoribus, et quæ

Inherbes didicere, senes perdenda fateri,

ut ait Horatius epist. l. 2.; Hos, inquam, adèò non moror, ut aliquam fortunæ, et honoris partem rear, eiusmodi

modi genis non placuisse, illisque dumtaxat hoc Augustini monitum, ad hoc propositum maximè faciens, considerandum relinquo: *Non sit Religio nostra in phantasmatibus nostris, melius est enim qualecunque verum, quàm omne quiddid pro arbitrio fingi potest; melior est vera stipula, quàm lux, inani cogitatione pro suspicantis voluntate formata.*



CAPUT II.

Præiudicium ab Nominis Camaldulensis æquivocatione profectum avertitur.

SYNOPSIS.

Confusa cum Ordinis institutione Camaldulensis Eremitæ fundatio. 1. Religiones aliunde originem, aliunde nomenclaturam passim derivant. 2. Exempla in Clericalibus. 3. In Monasticis. 4. In ipsismet Camaldulensibus. 5. Camaldulense Nomen unius Eremitæ, non Personarum, vel Ordinis universi fuerat tempore D. Romualdi. 6. Id ex Petro Damiano ostenditur. 7. Item ex Alexandro II. et Gregorio VII. ac vetustis contractibus. 8. B. Rodulphus soli Eremitæ Camaldulensis nomen adinexit, non universæ Congregationi, nullamque in alia loca à Romualdo fundata auctoritatem illi tribuit. 9. Primi Prioris sacra Eremitæ pro totius Ordinis Generalibus nequaquam agnita. 10. Primos Discipulos S. Romualdi, eius Ordinis, quem nunc Camaldulensem dicimus, meritò vinctuari, antea Romualdicos

dinos vocator. 11. Luca Hispani id asserentis auctoritas. 12. Pascalis II. privilegio S. Eremitae Prior B. Guido in Generalem Ordinem primò erectus, plerisque locis in unum Camaldulensem Ordinem convenientibus. 13. Alia tamen loca à S. Romualdo fundata suam libertatem conservasse, Fortunio fatente id saltem in Vallecassensibus Monachis contigisse. 14. Imò et plura loca Eremitae Camaldulensis unita Priorum Camaldulensium iugum detrectasse pluribus exemplis ostenditur. 15. Nec tamen à nobis horum contumaciam approbari, sed Luca Hispani testimonio confirmando adhiberi. 16. Fortunij in hunc Hispani locum censura. 17. Refellitur. 18. 19. 20. Duplex Camaldulensis nominis acceptio à Fortunio confusa. 21. Quo sensu Fortunij asserta sustineri possent? 22. Uniones monasteriorum Eremitae Camaldulensis factae, non probant illa Camaldulensis instituti ante à non fuisse. 23.

Verùm ut ad ipsam controversiam accedamus, ante omnia obvium illud, et vulgare praejudicium avertendum est, quod ex Nominis Camaldulensis etymologia complures sefellit, ac veteri sententia postposita, nuperam hanc Fortunij complecti coegit: nimirum Camaldulensem Ordinem vocabulo ipso Patriam suam referre plerique arbitrati sunt, quasi necesse esset, ut unde nomenclaturam, inde et originem suam nostri repeterent; Hinc unius Eremitae Camaldulensis fundatio prototius Ordinis fundatione obtrudi cæpit, sola asserentium fiducia auctoritatem, et rationem omnem supponente, sic enim illos loqui audies, ac si unum, idemque censendum sit alterutrius initium, vel unum ab altero suapte

ptè natura pendeat , nullaque suspicio insurgere possit circa utriuslibet distinctionem : Ecce Augustini Fortunij, et Ractijeiussuccentoris verba in notis ad cap. 47. vitæ S. Romualdi italicè ab ipsis editæ : *L'Eremo adunque di Camaldoli, e CONSEGVEMENTEMENTE tutto l'Ordine, e Congregazione, che da lui è detta Camaldolense, ebbe origine dal detto Padre S. Romualdo &c.*

II. Sedenim quàm pueriliter hallucinati sint qui primum id sibi in animum induxerunt , sequentia declarabunt exempla , quibus abundè constabit , novum non esse , imò passim usu receptum , ut Religiosarum Familiarum Institutio ex uno loco petatur , ex alio autem , licet omnium fortè postremo , per celebri tamen , ac præcipuo omnium domicilio , cunctorum denominatio derivetur ; non omnia , sed notiora in medium hìc asferre sufficiet , non in monasticis tantùm , sed et in clericalibus , canonicisque Ordinibus , imò et domesticos intra parietes occurrentia , ut mirum sit , historicorum nostrorum diligentiam fugisse , nec in suspensionem saltem vocasse , an non simili fato Camaldulense Nomen in totum D. Romualdi Ordinem derivaverit , licèt ante Camaldulensis Eremiti Institutionem exordia sua fortasse repeteret .

III. *Primo* itaque Canonici Regulares , quos Lateranenses appellunt , non ab ipsorum introductione in Lateranensem Basilicam sua ducunt exordia , sed vel longè ante (ut credi malunt) ab Apostolis , vel dudum [ut alii contendunt] à D. Augustino , vel ex ultima saltem ipsorum Reformatione apud Frisonariam , iuxta varias de ipsorum antiquitate sententias , quas nostrà non interest hìc expen-

expendere, aut ullum super ipsis iudicium ferre. *Secundò* qui Scopetini vulgò nuncupantur Canonici pariter Regulares, non apud S. Donati de Scopeto primò collecti sunt, sed cùm iam apud Eugubium in S. Ambrosij Cœnobio, et in S. Marię ad Rhenum, ac S. Salvatoris Bononiensis Congregationem suam Ven. Stephanus eorum Auctor extendisset, et ipsum denique Scopeti Monasterium cæteris est aggregatum, ut Paulus Morigia in historia Religionum cap. 40. demonstrat. *Tertiò* nec Clericis Congregationis Somaschæ primitùs inhabitatum Somaschæ Pagum, sed Venetiis, Bergomi, ac Mediolani plurima ante collegia, vel Orphanotrophia fundasse Ven. Hieronymum Æmilianum ipsorum instituti Antesignanum, ex ejus historię serie colligitur.

IV. *Quartò* in Monachis nigri habitus, quos Casinenses vocamus, eadem nominis, et originis discretio observatur, sive enim illi ad peculiarem eorum reformationis Auctorem Ludovicum Barbum referantur, sive ad communem Monachorum Patrem Benedictum, proximam utique institutionem apud S. Iustinę illustre Patavij cœnobium, altiore verò apud Sublacum habuisse dignoscuntur, antequàm in utrovis statu Casinum incolerent. *Quintò* Grandimontenses itidem Monachi à S. Stephano Abbate in monte Mureto agri Lemovicensis fundati, nō nisi pluribus post eiusdem Stephani mortem annis à Petro Lemonicensi eius successore in Grandimontensem locum divino monitu sunt introducti, à quo deinceps appellationem sortiti, ut Arnoldus Vvion ligni vitę par. 2. l. 5. cap. 5. aliique historię monasticę Scriptores testantur.

tur. *Sextò* Molisimum ante, quàm Cistercium S. Robertus Abbas Cisterciensium Pater extruxit, incoluitque, ubi et Pontificis auctoritate ad obitum usque consiliterè compulsus est, alio Cisterciensibus Abbate præposito, ut ejus acta legentibus satis liquet.

V. *Septimò*, (ut ad exempla domestica divertamus) quis nescit, nostram ipsam monasticam Congregationem S. Michaelis Murani titulo gloriari, eaque pæssim appellatione distingui? cùm tamen in illo primùm cænobio, quòd hoc nomine apud Venetos insignitur, nostri instituti iacta fuisse primordia nemini liceat suspicari. *Ostendit* denique cui manifestum non sit ex Luca Hispano historię Romualdinæ l. 4. c. 1. Eremitas nostros Coronenses, nonnisi post B. Pauli Iustiniani eorum Institutoris obitum, Eremitæ montis Coronæ solitudinem obtinuisse? cùm primos sequaces suos idem Paulus ad S. Hieronymi de Pascilupo, et ad Criptas Malsacii collegisset, aliisque Umbriæ, et Apuliæ locis Congregationem suam Vir Piusimus adhuc in vivis degens dilataisset.

VI. Quæ cùm ita sint, quid mirum, si et ipsos generatim Camaldulenses, Religiosam nempe D. Romualdi Familiam, non primò apud Camaldulum, sed alibi prius institutos fuisse contendamus? sumpta nimirum appellatione, non ex loco, quem primum ante alios S. P. Romualdus institutis suis sacraverit, sed ab eo, qui cùm omnium celeberrimus, pristinquæ Religionis, et Formæ tenax [cæteris ob bellorum clades, aliave infortunia collapsis, et insignem ædificiorum, facultatum, ac morum iacturam pæssis] integer, floridusque ad hanc diem

C

per-

permanferit, in totius Ordinis Principem, multis post S. Romualdi obitum annis, eligi meruit, cùm priùs Camaldulense nomen non totius ordinis, sed unius Eremiti fuerit, ut ex illius ætatis monumentis apertè constat, quibus planè conficitur, ne Romualdi quidem intentionem huc spectasse, ut ex Eremo Camaldulensi potiùs, quàm ex Sytria, ubi diutiùs vixit, aut ex Valle de Castro, ubi diem clausit extremum, Ordinis sui nomenclatura derivaretur, atque eius rei planè inscios, tam ipsum, quàm omnes eius discipulos, quotquot eidem superstites manserunt, ex hac luce migrasse.

VII. Certè Damiani tempore, hoc est post annum Domini 1050., et usque ad 1072, nondum invaluisse, ut Camaldulense nomen aliud, quàm unicam illam sacram Etruriæ solitudinem, designaret, ex eius scriptis manifestum est, in quibus quoties mentio recurrit Monasteriorum Sytriæ, S. Vincentii, Vallis Castri, aliorumve similium locorum, quæ vel post Camalduli ædificationem à S. Patre inhabitata sunt, et in quibus postremæ suæ vitæ maximam partem peregit, et clausit, nunquam illa *Camaldulensis* vocat, sed hoc nomen uni illi Eremo singulariter tribuit, ut cùm miraculum fagi describens vitæ S. Romualdi cap. 47. inquit: *Dum in quadam Eremo valde speciosa, et egregia, cui nomen est Camaldulensis, quam ipse ædificaverat, in cella resideret*; itemque lib. 6. ep. 20. ait: *Domini planè Martinus, qui in Camaldulensi eremo commoratur*; quem rursus bis allegans, nempe lib. 2. ep. 15., et lib. 5. ep. 11. ibi quidem *Martinum Eremitam magnæ Opinionis Virum, ac celebris famæ*, hic verò *Venerabilem Eremitam* dum-

dumtaxat appellat, nusquam *Camaldulensis* titulo adiecto; nec sanè uspiam meminit, Romualdum *Camaldulensis* Ordinis Auctorem fuisse, uti nec *Vallecastrensis*, aut *Sitriensis* Congregationis, sed *Camalduli*, *Vallis Castri*, *Sitrie*, aliorumque similium locorum abs se invicem independentium.

VIII. Præterea cùm Alexander II. Pont. Max. anno 1072. ad instantiam Rustici Prioris, sacram Eremum, et loca omnia ad illam spectantia, Sedis Apostolicæ Patrocinio communiret, neque *Camaldulensium* appellationem locis, aut Personis prædictæ Eremitæ juri subiectis communem fecit, neque ad totam eius Congregationem extendit, imò ne ipsi quidem Eremitæ vel semel detulit, quam semper *Campi Amabilis* dumtaxat vocabulo circumscripsit, ait enim. *Alexander Episcopus Servus servorum Dei. Rustico Priori, et cunctæ eius Congregationi de loco, qui dicitur Campus Amabilis, in perpetuum. Nulli fidelium &c.*, et infrà: *Oratorium S. Salvatoris in Campo Amabili constructum*, et rursus: *Primo itaque loco ponimus Eremum, et Oratorium situm in loco, qui dicitur Campus Amabilis, secundo Hospitium eius, quod dicitur Fons Bonus &c.* Neque ullum ex locis à S. P. Romualdo ædificatis illi subiectum recenset, sed Cænobia quædam, et Ecclesias aliquot Venerabili illi solitudini, longè post S. Patris mortem, fidelium largitionibus acquisitas. Quod ipsum et Gregorius VII. eius successor anno 1074. observavit, quum simili Privilegio eandem *Eremum S. Salvatoris de Campo Amabili* insignivit, illam cum suis pertinentiis sub sua, et Successorum defensione suscipiens; neque

aliad in vetustissimis donationum, et locationum paginis frequentius occurrit, quàm quod Camaldulensis Prior vocetur *Prior, et Rector Ecclesia, et Monasterij S. Salvatoris siti Campo Amabili*, sub cuius potestate, et iure constitutæ dicuntur Ecclesiæ, aut Abbatix ipsi donatæ, vel per ipsum erectæ, nunquam verò eadem *Camaldulensis Ordinis*, aut juris *Camaldulensium Patrum* esse asseruntur, ut Archivum Camalduli, et Monialium S. Petri de Luco versantibus manifestum est, præsertim ex huius paginis sacculo D. n. 8., et 57. Sacculo E. n. 64. Sacculo G. n. 46., Sacculo k. n. 4. et 29. et 37. &c. quanquam et in aliis eorundem Archivorum paginis *Camaldulense* nomen ipsi Eremo vel Ecclesiæ S. Salvatoris tributum fatear, ut ibidem Sacculo D. n. 13., et Sacculo k. n. 4. et 63. &c.

IX. Ipse B. Rodolphus quartus Eremitæ Camaldulensis Prior, cum annis 1080., et 1085. (non 1105., ut perperam statuit Fortunius Hist. Camal. l. 1. c. 65., cum saltem ab anno 1088. mortuus videatur, quandoquidem in Archivij Camaldulensis Armario 1. nu. 85. legitur, quòd anno 1089. die 26. Ianuarii Martinus Camaldulensis Prior locavit ad censum annuum solidorum 18. Uberto, Ugoni, Alberico, et Idebrando olim Alberici, et hæredibus in perpetuum quædam prædia in diversis curtibus posita, manu Aritii Notarij: et sic deinceps alia acta Martini Prioris nomine facta legantur) nunquam in ampliori significatione *Camaldulense* nomen usurpavit, nam in prioribus Statutis cap. 9. de Romualdo inquit: *Eremitica conversationis pluræ loca*

loca

loca construxit, inter quæ loca Camaldulensem quoque Eremitam mirabiliter edificavit; In posterioribus autem hac inscriptione suum designat officium: Ego Rodulphus indignus Monachus, atque Sacerdos, et non meis meritis, sed illius gratia, qui me creavit, Camaldulensis Eremita dictus Prior; Et infra: edificata est Venerabilis prædicta Eremita Camaldulensis; ac rursus: Ut hæc Venerabilis, et Egregia Camaldulensis Eremita semper Spiritu Sancto protegente sit firma, &c. et iterum de ipsa Eremita sic loquitur: Origo, et caput, sicut fuit, et est, nec non Dominatrix, et Rectrix sit de prænotato hospitio, quod est Fons Bonus, atque omnes Monachi, et Laici, qui ibi habitant, vel in antea venturi, corde, et corpore sint subiecti, et servientes, et obedientes in omnibus cunctis fratribus hæc in eremo permanentibus; Qui et in prioribus constitutionibus cap. 14. Priorem monuebat, ut summam gerat sollicitudinem, et Providentiam, ut locus Eremita quasi, imò revera, caput ab his, qui in Fonte bono, vel per obedientias &c. honoretur, quia ubi arctior est vita, maior debet esse reverentia. Ubi patet primò, huic uni singulari Eremita Camaldulensis nomen Rodulphi ætate respondisse, non alijs etiam post ipsam ab Romualdo constructis, adeoque post completam in omnium sententia Ordinis institutionem erectis, vel inhabitatis locis, ne ijs quidem specialissimo donationis, vel foundationis, aut dotationis jure ab eadem Camaldulensi Eremita pendentibus, quorum respectu vel tum Capituli, et Originis dignitatem sacra illa solitudo iure, meritoque, Rodulpho teste, obtinebat. Secundò constat, nullam ex ejusdem Rodulphi sensu auctoritatem huic Eremita

Eremo in alias Discipulorum S. Romualdi mansiones ab ipso Sanctissimo Institutore fuisse relictam, nullum super alia loca principatum delatum, quippe quam non *præ aliis*, sed *inter alia plura Eremitica conversationis loca ab ipso constructa edificatam fuisse* cap. 9. cit. Rodolphus declarat, nulla ab aliis peculiari dignitatis nota distinctam, nullo præ reliquis privilegio donatam, nullo cæteras ad se trahendi jure munitam, et in solum Fontisboni hospitium, aliasque obedientias, ac pauca ad summum membra eidem copulata, Capituli jus exercentem. Tertiò liquet, eandem Camaldulensem Eremum non alio titulo, quàm *ob arctiorem loci observantiam*, ab omnibus honorandam, et non quidem cæteris à S. P. Romualdo, vel post Camalduli edificationem, constructis, sed cænobijs, aut cellis alijs ipsi connexis, aut sui Prioris iussu excitatis, in quibus tantus Eremiticæ disciplinæ rigor non servabatur, meritisimè anteferendam.

X. Atque hinc est, quòd in præcipuis Ordinis nostri Præfectorum cathalogis apud Thomam Minium, Arnoldum Vvion, et alios, Primi Camaldulensis Eremitæ Priores ab universi Ordinis Generalibus scernuntur, neque ullus ante B. Guidonem, cui Paschalis Papa II. id juris concessit, ut num. 13. constabit, hoc Generalis titulo insignitur; sic enim exempli causa, in Minij Cathalogo notatur.

PRIORES PERPETUI SACRÆ EREMI TANTUM

S. Pater Romualdus.

B. Petrus Dagninus Primus Prior à S. P. Romualdo constitutus: Vide in Beatis

B. Al-

B. Albicus

B. Rusticus

Vide supra in Beatis

S. Rodulphus

Martinus Prior Quintus, creatus anno 1106, præfuit annis 19., abdicavit anno 1124., obiit anno 1125.

B. Guido Prior sextus, creatus anno 1125.

PRIORES GENERALES TERPETUI TOTIUS ORDINIS.

B. Guido ex Priore sexto Sacra Eremiti, totius Ordinis Generalis Prior, creatus est à Paschali Papa II. ut supra in Beatis.

Ioannes Generalis secundus, Prior autem VII. creatus anno 1115. &c. [Chronologiam ne attende, ex Fortunio planè depravatam] Unde et in B. Peregrini Revelationibus, quas B. Simeon Reclusus (Vir sanctitate celeberrimus, de quo in Vita B. Humilianz de Cerchis Viduæ Florentinæ mentio perhonorifica habetur) eius confessorius anno 1287. conscripsit, expressè notatur, B. Guidonem Eremitarum omnium Priorem, et Bonum pariter Priorem Camaldulensem, ac totius Ordinis Generalem nuncupatum; at Martinum (Primum videlicet) Priorem dumtaxat Camaldulensem dictum fuisse in anniversariis per cælestem visum coram ipso B. Peregrino celebratis. Quin et B. Paulus Justinianus in proximo constitutionum, ipsum quidem B. Rodulphum vocat Quartum à B. Romualdo Sacra Camaldulensis Eremitæ Patrem, at de Martino III. inquit: B. Martinus itidem Eremitæ Prior, non Eremitarum modò, sed et totius Camaldulensis Ordinis moderator; Quamquam enim Camaldulensis Eremitæ, neque primitus à B. Viro Romualdo Ordinis

dinis Auctore fuerit adificata, neque in ea diutius, quàm alibi, vixerit, neque in ea diem clausit extremum, tamen sanctitate, integraque Eremiticarum Institutionum districta observantia, totius Camaldulensis Ordinis Caput vocari, et esse semper promeruit, intantum, ut usque ad hanc ætatem qui Eremitæ Prior esse meruit, eadem electione, non quasi nova dignitate, sed tanquam proprio jure, totius Ordinis Generalis Pater, ac Rector habitus est; Hic igitur Martinus canobitarum, qui vel à B. Romualdo proprijs quibusdam institutionibus instructi, vel postmodum Eremiticis locis ad canobia deductis creverant, rationem habere æquum iudicans &c.

XI. Longo itaque post tempore, non ab Eremitæ ipsius fundacione dumtaxat, sed et ab ipso Romualdi obitu, Camaldulensium appellatio in omnes Romualdi Asceclas transijt; aded ut qui omnem sibi hac in re scrupulum ademptum voluere, cautiùs scripserint, Romualdum fundatorem Ordinis illius, quem hodiè Camaldulensem dicimus, ut Bonuccius in Ephem. Euchar. 7. Febr. et similiter S. Bonifacium Russorum Apostolum, et ejusdem Romualdi Discipulum, ejus Ordinis, quem nunc Camaldulensem vocamus, ut Brunetius in Fastis Marianis 19. Junij, aliique in similibus, cùm Sanctissimus Pater Romualdus de Ordine hoc in unam Camaldulensium classem redigendo minimè sollicitus fuerit, sed singulas abs se constructas Eremos, ac singula Monasteria abs se invicem independentia, quasi totidem Congregationes (ut tum temporis in more positum fuisset Constitutiones nostræ Monasticæ in cap. 3. Regulæ S. Benedicti testantur) ejusdem licet Ordinis, et Instituti

tuti, ac parís fermè observantiæ reliquerit, nec ulli locorum Religionis Primatum, aut ulli Discipulorum supremam in cæteros Prælationem demandaverit, nec commune aliquod nomen, aut peculiarem habitum, quo sui à reliquis Monachis distinguerentur, invexerit [uti nec Antonius, nec Basilius, nec Benedictus fecere]. Quanquàm Romualdinos aliquando, aut alicubi vocari consuevisse Lucas Hispanus, loco mox referendo, testatur; Quod vocabulum utinam ad hanc diem servassent, non enim huic controversiæ aditus factus esset, sed extra cuiuslibet dubitationis aleam, Ordinem hunc tum primò institutum quisque jam fateretur, cùm primos habere discipulos Romualdus cæpit, nullaque suspicio foret, an quisquis Romualdum in Eremitica, aut Monastica disciplina Præceptorem sortitus est, ad Ordinem hunc, quippe Romualdinum, pertineat [ut nemo primos SS. Benedicti, Dominici, Francisci Discipulos à Benedictino, Dominicano, aut Franciscano Ordine alienos pronunciat] nullamque confusionem, aut deceptionem Camaldulensis Nominis æquivocatio peperisset.

XII. Sed jam Lucæ Hispani huc pertinens testimonium, quod proximè antecedenti numero laudavimus, et complura superiùs asserta illustrat, atque confirmat, in medium afferamus; ait ergo lib. 1. Historiæ Romualdinæ cap. 12. non longè ab initio: *Neque (quod mirum est) superioritatis, regiminisve auctoritatem alicui locorum dedisse (Romualdum) aliqua scriptura comprobatur; nam illa, quæ apud Rodulphum est subiectionis constitutio*

D

ultrà

ultra Fontisboni habitatores non extenditur. Quamobrem Constitutionum Camaldulensium Autor (Is est B. Paulus Justinianus, cum doctrina, tum sanctitate celeberrimus) in proemio tacite miratur, unde factum sit, ut Religio hac Camaldulensis vocetur, cum Eremus, inquit, nec primitus ab Ordinis Auctore edificata, nec in ea diutius, quam alibi, vixerit, nec in ea diem clausit extremum. Unde sine tergiversatione verum esse crediderim quod, nobis audientibus, aliquando venerabilis quidam Monachus Cassinensis retulit: Is namque affirmabat, se olim legisse quandam scripturam antiquissimam, in qua Urseoli, et Grandenici fiebat mentio, inque eadem scriptura D. Romualdi Fratres ROMUALDINOS, non CAMALDULENSES vocari. Solent quidam dubitationem hanc, dicentes, Camaldulensem Eremum sanctitate, integritateque, et Eremiticarum constitutionum stricta observantia, et nomen, et principatum totius Regionis promeruisse. Ad cujus rei veram cognitionem, opera pretium est scire, primos illos eremitas, quos supra memorati sumus, primam illam Romualdinam prolem, Patre orbatam, et quasi Orphanam factam parum profecisse; Nam sine Capite, sineque Rectore pauperes illi Romualdo defuncto remanentes, magna illius etatis bellorum turbatione subsecuta, quibusdam eorum decedentibus, vel discedentibus, aliis vero ad Monasteria (quod illis licitum fuerat) transeuntibus, brevi tempore defecerunt: quorum Eremitoria à multis sæculis non solum derelicta, sed etiam diruta jacent: ideoque ex omnibus Eremitis ab ipso Fundatore conditis, sola Camaldulensis integra, et florens supersuit, indiesque solitariorum numero accrescente, atque vigente in ea rigidissima observantia, in maiori reverentia, seu auctoritate ab omnibus

tum

tum Monachis, tum Sacularibus habitata est. Ac demùm post multa: Hac itaque tanti loci vulgata ubique terrarum opinio, hac religiosa illorum Sanctorum Eremitarum conversatio, illa rerum temporalium prosperitas, ac edificiorum dilatatio, magnam Sacrae Eremitae auctoritatem, cum reliqui Romualdini, ac præcipuè Monachi, qui adhuc sine Capite, sine Duce, sineque Ordine, vel regimine aliquo [quasi oves errantes] manebant distracti, sano quidem consilio, prudentique deliberatione proprium commodum tam spirituale, quàm temporale animadvertentes, libenter et honorificum Camaldulense nomen susceperunt, et societatis dexteram Eremitis dedere &c.

XIII. Hec Lucas Eremita Vir integerrimus, ac gravissimus, quæ (saltem quod ad rerum substantiam attinet) magna ex parte verissima sunt, ac confirmari possunt amplissimo Paschalis II. Papæ Privilegio, quo primùm obtinuit Eremitæ Camaldulensis Prior, ut Ordinis universi, ex varijs congregationibus simul junctis coalescentis, GENERALIS salutaretur anno 1114. Mense Novembri. Ecce ejus tenorem ex Archivo Camaldulensi, ubi ejus authenticum exemplar servatur armario 2. num. 38. fideliter excerptum. Paschalis Episcopus Servus Servorum Dei. Venerabili Viro Guidoni Camaldulensium Priori, ejusque Successoribus regularitèr instituendis in perpetuum. Gratias Deo super inenarrabili dono ejus: nostris siquidem temporibus Camaldulensis Eremitæ, sive Canobij Religio adeò aucta est, adeò abundavit, ut CONGREGATIONES DIVERSÆ IN UNAM CONGREGATIONEM, Dei gratia, convenirent, et LOCA PLURIMA DISCIPLINAM UNAM, ORDINEM UNUM, ET

UNUM REGIMEN, tamquam corde uno, et una anima continerent. Quam videlicet unitatem conservari semper in Domino cupientes, precipimus, et presentis Decreti auctoritate sancimus, ne cuiquam omnino persona, Clerico, Monacho, Laico cujuscunque Ordinis, aut dignitatis, presentibus, aut futuris temporibus liceat Congregationes illas, et loca illa, quæ Camaldulensis Eremitæ, sive Canobij disciplinam, et Ordinem susceperunt, quæque hodie sub illius regimine continentur, ab ejus ullo modo subiectione, et unitate dividere. Quæ videlicet loca, et Congregationes, conservanda unitatis gratia, singularibus visa sunt vocabulis adnotanda. In Episcopatu Aretino &c. Mox enumeratis omnibus locis prosequitur: Hæc igitur omnia cum omnibus ad ipsa Monasteria pertinentibus statuimus, et Apostolica Sedis auctoritate sancimus, tanquam corpus unum sub uno Capite, idest sub Priore Camaldulensis Eremitæ temporibus perpetuis permanere, sub illo, inquam, Priore, qui ab ipsius Congregationis Abbatibus, sive Prioribus, et ab Eremitis regulariter electus, præstante Domino, fuerit. Porro Congregationem ipsam ita sub Apostolica Sedis tutela perpetuè conservandam decernimus, &c. Datum Anagninæ per manum Joannis S. R. E. Diaconi Cardinalis, et Bibliothecarij 11. Nonas Novembris, Indictione 7. Incarnationis Dominicæ anno MCXIV. Pontificatus Domini Paschalis II. Papæ anno XV.

XIV. Licet verò hæc omnes Congregationes in unum Ordinem sub Camaldulensi Priore tunc temporis convenerint, ut etiam Adrianus IV. Gregorius IX. Alexander IV., alijque Pontifices suis diplomatibus eodè fermè tenore confirmarunt, multa nihilominus ejusdè
Insti-

Instituti cœnobîa, multæque Eremi ab ipso S. P. Romualdo vel reformatæ, vel ex integro erectæ, Camaldulense iugum subire detrectarunt, ut S. Mariæ Sitræ, et S. Benedicti ad Bifurcum, ac præter Classenses [qui tamen post 24. annos, nempe anno 1138. ; Gualterio Archiepiscopo Ravennatenfi agente, accesserunt] nec non Avellanitas ante 137. annos dumtaxat sub Pio V. aggregatos, hoc apertissimè constat in Monachis Vallis Caltri, de quibus ita scribit Fortunius ipse Histor. Camald. p. 2. l. 3. c. 25. *Hisce diebus Cœnobita Vallis Castri cum Camaldulensibus convenire jam per spatium annorum 360. incredibili pertinacia adhuc contendebant, elati nimirum, ut semper, sua antiquiori origine: nec non quia aureum scrinium Thesauri Corporis S. P. Romualdi obtinere meruerant, altamque Paradisi cedrum infra suas sylvas retinere. Huc accedebat, quoddam eorum Cœnobium ob memoriam semper ibi recentissimam ipsius Sanctissimi Patris, et Congregationis dilationem, quasi quandam perpetuitatem expectare credebatur; Sed quia UNICA SOLA ESSE DEBUI S. P. ROMUALDI RELIGIO, qua radices firmissimas, et incorruptibiles in Sacra Eremo inter cautes durissimas defixerat, Dei agente Providentia factum est, regione Piceni variis tumultibus bellicis, cladibusque affecta, ut Cœnobium quoque S. Romualdi ferme desolatum sit &c.* Qua occasione narrat Bonifacij IX. autoritate Cœnobium Vallis Castri tandè Sacræ Camaldulensi Eremo copulatum, sed paulò post Angelum Abbatem ab obedientia Generalis Prioris nihilominus defecisse, usquedam Innocentij VII. decreto controversia dirimeretur. Ubi notate obiter iuvat, Fortunius

Fortunium verbis suprà laudatis alias Congregationes ad Romualdi Religionem pertinentes extra Camaldulensium Eremitarum, ac Monachorum ijs tunc unitorum classem recognoscere, quæ subinde huic aggregatæ sint, ut etiam quò ad regimen externum [hodie tamen interruptum, Ordine in tot membra post Fortunij xtatem diviso] *Vnica S.P. Romualdi Religio* resularet.

XV. Nec solùm plures ex Romualdinis Congregationibus, libertatem suam conservantes, Camaldulensium juri se subdere neglexerunt, sed ex ijs ipsis cænobij, quæ jam Camaldulensi Eremo coniuncta fuerant, et prædictorum Pontificum Paschalis, Adriani, Gregorij, Alexandri, aliorumque decretis confirmata, nonnulla notari possunt, vel tam amplæ Camaldulensium Priorum autoritatis pertæsa, vel specialium privilegiorum, aut conventionum jus prætendentia, quæ lites innumeras circa subiectionis suæ modum excitaverint. Ita Bonus Prior Eremi ad vivum, à S.P. Romualdo erectæ prope Abbatiam Montis Amiati, licet ab Azone Generali Camaldulensi institutus, ab ejus obedientia defecit; atque Innocentij II. auctoritate opus fuit, ut lis componeretur, ut narrat Fortunius Hist. Camal. p. 2. l. 2. c. 13. Ita Cænobij S. Mariæ Agnani Vallis Ambraz Abbates à Generali Priore Sacræ Eremi deficere, gravissimæque lites agere, nec habitus quidem candidi convenientiam servare cepisse, tradit idem Fortunius ibidem cap. 4. Ità Guglielmus Abbas S. Mariæ Prægliz à Placido [qui ex Camerario Camaldulensi Abbas

bas

bas dicti Monasterii, tum Generalis Prior evaserat] constitutus, hinc renunciatione præmissa, Major Eremitum Abbas Berardingarum, mox ad instantiam Amedei Aretini Episcopi rursus à Martino Priore Camaldulensi eidem Prataglie canobio Præfectus, nomine Capituli sui Monasterij protestatus est: *Se nec in spiritualibus, nec in temporalibus, subesse Priori Camaldulensi, nec teneri ad Visitationem, Correptionem, Imitationem, aut Receptionem, nisi charitative: quæ omnia D. Martinus Prior Camaldulensis, et Raynaldus Syndicus confessi sunt vera esse & At Guglielmus prædictus Abbas Prataglie cum suis Monachis, promisit se eis unire tantum in pannis, scilicet albos portando, et idem officium faciendo, neque plura, et ultra facere, aut teneri, nec aliud à Priore, et Capitulo Camalduli exigi, et peti posse, aliàs irritata promissione, et 50. librarum auri puri pana transgressoribus imposita. Actum in claustro Camalduli cum sigillo calicis, et columbarum, die 2. Martii 1183. ex Archivio Camaldulensi, ejusque indice verbo Promissio n. 65. Cum tamen ab Hieronymo Aretino Episcopo Monasterium illud Prataglie Sacræ Camaldulensi Eremito aggregatum fuisset, atque Adrianus IV. robur Apostolicæ autoritatis anno 1156. donationi adiecisset, Datum Laterani XVII. Kal. Julij anno III. ipseque Guglielmus, ut notavimus, à Camaldulensibus Prioribus tot beneficijs auctus, semperque inter Camaldulenses præfecturas versatus esset.*

XVI. Omitto alia inferioris ætatis exempla; hæc vero pauca, quæ retuli, non ideo à me notata Lector intelligat, ut horum Præfulum contumaciam, aut morosi-

rositatem commendam, vel Camaldulensis Prioris auctoritatem, ijs temporibus, Apostolicæ Sedis beneficio sibi competentem, ac plerorumque locorum conventionem admissam, extenuem; utinam idem rerum status nunc obtineret, nec rursus in tot membra Divi Romualdi Religio, sola Camaldulensis nominis communionem servata, dissiluisse! Sed eò spectant quæ hic commemoravi, ut modum à Luca Hispano indicatum vindicem, quo Religio hæc Camaldulensis appellationem suscepit, Sacræ Eremitæ principatui paulatim acquiescens, et quatenus id reipsa obtinuerit illustrem, simulque apertum faciam, non suapte natura, non originis primatu, non S. P. Romualdi arbitrio, sed aliorum locorum conniventiâ, et Apostolicæ Sedis privilegio Camaldulensi Eremitæ Principatum paulatim delatum esse, non sine eorum, quorum intererat, contradictione aliqua primùm oborta, ut in ejusmodi novis mutationibus contingere solet: itaque alio, quàm *Camaldulensium* nomine prius insignitos Romualdi sequaces, eorumque posteros, et si Lucæ Hispani coniecturæ supra adductæ, atque Venerabilis Monachi Cassinensis ab ipso laudati testimonio acquiescere velimus, aptissimo vocabulo *Romualdinos* fuisse nuncupatos.

XVII. Non id tamen dissimulaverim, illum ipsum, quem num. 12. recitavimus, Lucæ Eremitæ locum, unum ex ijs esse, quos in Apologia sua refutandos assumit Fortunius, cujus verba, quatenus superius adductis ob stare possunt, non abs re fuerit in medium adducere, et quam vim obtineant paucis expendere; Is
ergo

ergo pag. 7. conqueritur, Lucam Hispanum minime recordatum fuisse, quomodo pleraque ex Congregationibus Religionum, vocabulum sui cognominis ducunt ex loco, unde originem trahunt; Qualis Carmelitarum à Monte Carmelo (non ab Elia Propheta, sive Eliseo auctoribus) et Carthusiensis à Carthusia Sylva, Vallis Umbrosa ab æquivoca valle: et sua Montis Corona, cui iste Pater primus Romualdinæ cognomen tum addidit. Quod enim ad citatam scripturam tempore Ducis Urseoli pertinet, et eorum temporum Monachorum; si isti Romualdini scripti usquam leguntur, nos quidem certè nihil adversamur, quominus taliter in Aquitania nominari poterint, et fortasse hodie nominentur, siqui eorum successores inveniantur. Sed consequentiam negamus, ut nos Camaldulenses propterea Romualdini unquam dicti fuerimus, cum quia Sacra nostra Eremita, ut prædiximus, à situ notissimo cognominatur, tum etiam quia discipuli S. Romualdi Vallis Castri inter Picentes, penes quos solos custoditur eius Sacratissimum Corpus, miraculis semper novis famosissimum, quamvis per quadringentos certaverint annos de primatu cum omnibus Monachis, et Eremitis aliorum locorum, qui fuerant à S. Romualdo instituti, ratione prætense præeminentia, ac dignitatis tanti servati apud illosmet thesauri, nunquam tamen Romualdinorum ipsum introduxerunt vocabulum, ut ex eorum omnibus libris, atque scripturis videre est. Quæ res ed magis roboratur, quò Ordini nostro Camaldulensi, nonnisi Sancta Sede Apostolica cogente, novissimè copulati sunt anno 1400. ex quibus manifestum est, Romualdinorum titulum in Italia ante Romualdinam Historiam nequaquam in usu fuisse.

XVIII. Quæ quidem paulò liberaliùs asserta sunt;

E

ut

ut enim à primo incipiam, sillarum Religionum, quæ ab Institutoris nomine, quæ ab officij sui ministerio, quæ à Patroni peculiaris invocatione, quæ ab indito aliundè cognomento nuncupari solent, ratio habeatur, minimam religiosarum Familiarum partem ex loco aliquo suam appellationem deducere colligemus, et harum insuper, quæ ex loci alicujus celebritate nomen accipiunt, plerasque potiùs loci ejusdem institutione altiore agnoscere originem, suprà num. 3. 4. 5. compluribus exemplis, non externis modò, sed propriis, ac domesticis, evicimus, Clericalium nempe, Monasticarum, ac denique Camaldulensium Congregationum; et (quod mirum est Camaldulensem Historicum, aut penitus ignorasse, aut contradicendi studio abreptum non animadvertisse) ipsam *Montis Coronæ* appellationem, quam ad rem suam confirmandam Fortunius hìc detorquet, ejus opinionem potius labefactare ostendimus, nam et in ipsa illud idem vel maximè contigisse observavimus, ut scilicet ex omnium postremo loco, quæ tantò ante constituta fuerant, cognomentum acciperent.

XIX. Neque verum est, Coronensium Eremitarum Congregationi primùm fuisse à Luca Eremita Romualdinæ nomen impositum, ut cavillatur Fortunius, cum et à Summis Pontificibus illa Societas *Eremitarum S. Romualdi* titulo fuerit insignita, et ipsemet Fortunius, antequàm Lucas de Historia sua scribenda cogitaret, eadem appellatione ipsam distinxerit p. 1. Hist. Camal. l. 3. c. 18., cui titulus est: *Origo Eremitarum S. Romualdi,*

et

et Clericorum Regularium, &c. Nisi forte putet interesse plurimum inter utramque S. Romualdi Eremitarum, et Romualdinorum Eremitarum appellationem, ut proinde carpendi sint qui Fratres S. Dominici Dominicanos, et S. Francisci Franciscanos primi appellaverint; quemadmodum et qui Monachos S. Benedicti Benedictinos dixerunt, et qui Ordinem S. Augustini Augustinianum nuncupare ausi sunt, nec enim video quid ab horum culpa distaret admissum ab Eremita Barchinonensi piaculum, si Eremitas S. Romualdi reverà omnium primus Romualdinos vocasset, atque ad praxim deduxisset Romualdinorum titulum, quem Fortunius manifestum putat in Italia ante Romualdinam Historiam nequaquam in usu fuisse: Quod tamen haud scio, an tanta confidentia potuisset Fortunius asserere, si in ipsamet Monasterij sui Angelorum Bibliotheca Opus Eptaticum Pauli Orlandini Abbatis Camaldulensis MS. percurrere dignatus esset, ubi non semel, sed frequentissimè [vel ante natam Coronensium Eremitarum S. Romualdi societatem, nedum ante Romualdinam Historiam] nos Romualdinos expressè appellatos, et Theologicam nostram Scholam Romualdinam dictam notasset.

XX. Quanquam Hispano Eremitæ satis esset, in Aquitania id nominis usurpatum aliquando fuisse, quod non diffitetur Fortunius, an etiam in Italia, non disquirat, undè extra propositum est Vallis Castri Monachorum exemplum (apud quos solos mirari subit cur affirmet Fortunius custodiri sacratissimum Romualdi Corpus miraculis semper novis famosissimum, cum eo tempore pluri-

quàm centum anni effluxissent ab ipsius ad Fabrianenses translatione) quorum constantior æmulatio, in affectando locorum à S.P. Romualdo ordinatorum Principatu, hoc ipsum, quod nos superius astruximus, abundè confirmat, non ipsa Institutionis suæ natura, non Fundatoris decreto, non Originis jure Camaldulum in Religionis ab Romualdo institutæ Caput, et Fundamentum erectum esse, sed paulatim alijs locis cum ipso copulatis, aut per temporum calamitates excisis, id dignitatis demùm obtinuisse, quam nunc nomine tenus conservat, siquidem in tot membra à se penitus disiuncta, atque ab invicem independentia dissiluit, ex quibus sola Etruscorum Eremitarum Congregatio Sacram illam Eremum Camaldulensem (ut olim) pro Capite, et Principe agnoscit, specialibus alijs titulis, tum Congregationem Monachorum S. Michaelis Murani, tum Societatem Eremitarum S. Romualdi Montis Coronæ, tum Pedemontanam, tum Gallicam Familiam distinguuntibus, solo communi Camaldulensium vocabulo retento, et totius Ordinis Generalis titulo penes Supremum Monachorum Præfectum reservato, quippe qui locorum omnium sub S. Romualdi vexillo militantium, cuilibet ex dictis Congregationibus unitorum, vel etiam extrà omnes Congregationes adhuc persistentium, Pater est agnoscendus (iurisdictionis tamen exercitio nunc temporis impedito, et regiminis cura maioribus Congregationis cuiuslibet Prælati relicta) juxta ea, quæ tum in Leonis X. Privilegio habentur, tum ex eo in nostris Monasticis

Con-

Constitutionibus ad cap. 64. Regulæ, ubi sic legitur :
Ipse enim Generalis, ut etiam habetur in dictis privilegijs S.
129. locorum omnium, qui nunc in nostro sunt Ordine, aut
in futurum erunt, siue in Congregatione in presentiarum sunt,
siue in posterum aggregabuntur, siue etiam extrâ Congrega-
tionem sint: totius scilicet Camaldulensium Religionis Caput,
et Pater Generalis de anno in annum maxima cum auctorita-
te esse censeatur.

XXI. Atque hîc commodùm accidit, ut maximæ
 æquivocationis causam in Fortunio, et alijs animad-
 vertamus, nam huc denique totiùs præsentis capitis
 scopus, ac penè universæ Dissertationis summa devol-
 vitur, ut nempe confusam, et ambiguam *Camaldulen-*
sis Nominis significationem, omni perplexitate remota,
 distinctiùs illustremus. Vel enim Camaldulense nomen
 speciatim sumitur, et in strictissima unius Congrega-
 tionis acceptione, quæ nunc ad solos Eremitas Etru-
 riæ se extendit, olim, et Monachos plerosque comple-
 ctebatur; et sic fatendum sanè id cognomenti neque
 ad primos Romualdi Assclas in Aquitania, neque ad
 Discipulos in Pereo collocatos, neque ad Vallecasteren-
 ses, neque ad Sirientes, neque ad Avellanitas pertine-
 re: sed neque Coronenses, neque Pedemontanos, ne-
 què Gallicæ Congregationis Eremitas, nequè nostros
 S. Michaelis Murani Monachos hoc sensu comprehendi
 manifestum est, neque alios omninò, præter solos il-
 los, qui in Etrusca Sacræ Eremitæ solitudine Religiosæ
 Vitæ tyrocinium posuerunt. Vel idem Camaldulense
 nomen generatim accipitur, atquè in magis ampla si-
 gni-

gnificatione, quatenus per Synecdochen usu receptum est, ut universum Ordinem à Romualdo institutum exprimat, ex præcipuo illius membro sic communiter nuncupatum; et tùm complures Congregationes, quasi totidem species eidem generi subalternas, complectitur, nec minùs Camaldulenses hac ratione sunt, et dici merentur, ac solent omnes superiùs laudati Romualdum sequentes, et Monastica, aut Eremitica disciplina ab eo accepta gloriantes, quàm ipsimet Eremitæ Camaldulensis incolæ, utut ab ipsis regiminis forma divisi, nisi putidam de nomine quæstionem inire volumus. Certè Petrus de Natalibus, Gabriel Bucelinus, Martinus Baronius, Stephanus Demalevicius, alijque Sanctos Bonifacium, Joannem, ac Benedictum Martyres D. Romualdi Discipulos, eorumque sequaces, nonnisi hoc sensu *Camaldulensis Ordinis* passim prædicant, idemque omnes ex nostris usurpant, nemine prorsus excepto, ne Fortunio quidem, et Ractio, quibuscum hæc controversia nunc agitur; Sic B. Thomà de Costaccario tradit idemmet Ractius in ejus vita cap. 1. ad Camaldulensem quidem Eremitum à Patribus Sitriæ remissum, sed licet ejus loci specie, ut sibi prædixerant, summoperè delectatum, religiosam vitam apud Sitriam nihilominus elegisse, atque ab ijs Patribus *Camaldulensi habitu* indutum: quemadmodum et Bollandi continuatores ad diem 25. Martij referunt, eumque *Camaldulensem* vocare non dubitant, hoc utique nomine dumtaxat, quòd in Monasterio Sitriensi à S. P. Romualdo fundato, ejusque disciplinam adhuc observante

fervante, Monasticen professus fuerit, quamvis Eremo Camaldulensi nunquam ullius autoritate, vel conventione subiectum, aut copulatum extiterit.

XXII. Itaque dum Fortunius, loco nuper ex ejus Apologia recitato, admittit Discipulos Romualdi in Aquitania tempore Ducis Urseoli, eorumve Successores Romualdinos appellatos, deinde consequentiam negat, nos Camaldulenses propterea Romualdinos unquam dictos fuisse, in primo quidem, et speciali Camaldulensis Nominis sensu, non mala exceptione utitur [nā Fortunij tempore una erat Monachorum, et Eremitarum Etrurię congregatio, quā singularis hæc acceptio respicit] sed ad propositum non faciente, nam ut ex verbis num. 12. adductis manifestum est, de universo Ordine, seu de tota D. Romualdi Religione quaestio erat, cur communi Camaldulensis nomine vocaretur, cum *Eremus* [verba sunt B. Pauli Justiniani apud Lucam Eremitam ibi relata; quorum occasione suam de Romualdinis coniecturam qualemcunque inferuit] *Nec primitus ab Ordinis Auctore adificata, nec in ea diutius, quā alibi vixerit, nec in ea diem clausit extremum.* Quod si Fortunius loco citato consequentiam negans, de Camaldulensibus in posteriori, et generali significatione intelligit (qui erat Lucę Hispani sensus) hoc petinde est, ac si in dubium verteret, an non inferre liceat, Franciscanos alicubi *Cordigeros* [les cordeliers] appellari, ex quō illo nomine minorum Observantium familia per Galliam salutetur, aut Dominicanos alicubi *Jacobaeorum* (les Jacobins) nomine distingui, ex quō Parisijs à cele-

à celeberrimo S. Jacobi templo id cognomentum obtineant.

XXIII. Nihil dico de repetita Camaldulensis nominis confusione à Fortunio commissâ, dum asserit Valliscastri Cœnobium Ordini Camaldulensi novissimè copulatum anno 1400. ubi de sola unione ad Camaldulensem Eremitum, ejusque specialem Congregationem, sermo esse debuerat, quum et antea ejusdem Camaldulensis Ordinis illi Monachi censerentur, quatenus à S. P. Romualdo originem trahentes, ejusque institutū servantes, licet sine ulla Camaldulensium Etruriæ communione, aut dependentia viverent, ejusdem Religionis S. Romualdi membrum constituebant, ut fatetur idem Fortunius loco num. 14. relato, ubi Divina Providentia factum asserit, ut Valliscastri Cœnobium bellorum cladibus vastaretur, ut Sacræ tandem Eremitæ uniri debuerit, *quia unica sola esse debuit S. Romualdi Religio*, quæ nimirum eatenus saltem duplex fuerat, ob Vallecassensium à Camaldulensibus dissidium; Itaque in hac Monasterij Valliscastri [idem dici posset de Classeni, Avellanensi, et alijs pluribus, quæ subinde Camaldulo accesserunt] unione cum Eremita Camaldulensi, simile quidpiam contigisse puto, ac cum Ordinis Dominicani Cœnobis, mitiorem observantiam professi, Congregationi S. Sabini, alijsve strictioris, seu rigidioris instituti sectatoribus ex eadem Prædicatorum familia per Apostolicam Sedem adjudicantur, neque propterea ad alium Ordinem transferri censentur; Quemadmodum etsi aliquem Coronensem Eremitarū locum

locum Camaldulensi Eremitio Etruriæ nunc temporis copulari contingeret, aut viceversa Eremitum aliquam Camaldulensium Etruriæ, Patribus Montis Coronæ subijci, non idem ad Ordinem novum sive Camaldulensem, sive Coronensem transferri intelligeretur, cujus antea non esset, sed ex una dumtaxat Congregatione in alterius peculiaris Congregationis jus, Ordine eodem servato, recens transiret.



CAPUT III.

Ex B. Petro Damiano Romualdum in
Aquitania sui Ordinis fundamenta
jecisse demonstratur.

SYNOPSIS.

Damianum omittere non potuisse in Historia S. Romualdi ejus Ordinis fundationem 1. Romualdo in Aquitanica Eremitio Spiritualium, et temporalium curam ab omnibus delatam. 2. Varijs institutis suis rexit S. P. dein stabilem vivendi Regulam suis Sectatoribus eo loci præscripsit. 3. Illi conformem fuisse Camaldulensem vivendi morem ex Rodulpho, et Justiniano. 4. Eadem abstinencia Coronensium forma. 5. Item Arvellanitarum sub Petro Damiani. 6. Disciplina Eremitica apud Camaldulum instituta nullatenus discrepans ab ea, quæ in Pereo, Sitria, et alibi Romual-

E

dinis

dinis Discipulis in usu fuit . 7. Siquid immutatum , intro-
 vatumve Camalduli fuisse, erat à Damiano commemoran-
 dum . 8. Qui Patriarcharum vitas describunt Religionum
 suarum institutionem dissimulare nequeunt . 9. Patribus Ca-
 pituli Florentini sub Leone X. persuasum fuisse, nostri Or-
 dinis exordia in Petri Damiani Historia contineri . 10.
 Petrum Delphinum Generalem idem supposuisse , cum San-
 ctos Romualdi Discipulos , tanquam Camaldulenses ; Kalen-
 dario iussit inscribi . 11. Petrum Damianum celebrare dū-
 taxat illustres ex schola S. Romualdi Viros , qui ante , et
 extra Camaldulum floruerunt . 12. De schola Benedicti ,
 non Romualdi fuisse illi in adversariorum hypotesi . 13.
 Proprij Ordinis Institutorem fuisse Romualdum ante Ca-
 malduli constructionem , non unius peculiaris Monasterij
 Abbatem , contra Jacobum Laderchium ostenditur . 14.
 Oeconomica , et Dominativa Romualdi in sua Canobia po-
 testas adversus Didacum Francum vindicatur . 15. Obie-
 ctio ex Sitriensi calumnia depellitur . 16.

INunc verò ex B. Petri Damiani Historia pri-
 ma , ac potissima sententiæ , quam propugna-
 mus , argumenta licet depromere ; nequē enim (quem-
 admodū vulgò sibi persuadent , aut sibi certè persua-
 dere Adversarij coguntur) Scriptor accuratissimus in
 referendis luculente , ac satis prolixo stylo Romualdi
 gestis , illud quod in Patriarcha præcipuum est , Ordi-
 nis videlicet sui fundationem , prætermisit , quanquā
 in Camaldulensis Eremiti institutione nihil ferè immo-
 retur , sed velut aliud agens cap. 47. in referendo Fagi
 mirā-

mirraculo ipsam obiter exprimat indirecta, et satis perfunctoria ad id digressionem contentus, quam hac brevi clausula circumscripsit: *Alio quoque tempore, dum in quadam Eremita valde speciosa, et egregia, cui nomen est Camaldulensis, quam ipse adificaverat, in cella resideret, magnam aliquam sagum, quæ propè cellam ejus stabat, incidi præcepit, &c.* Quo solo persuaderi quis posset, apud Damianum Etruscæ hujus Eremitæ ædificationem non pro sui Ordinis fundatione habitam, aliàs haud neglexisset tanti momenti rem (quòd in aliis minutionibus præstitit) dearticulatiùs adnotare. Expressit igitur optimè Vir doctissimus quo loco, tempore, et modo Discipulos suos ad Eremiticam formam componere cæperit Romualdus, atque ità expressit, ut nonnisi qui suis præjudicijs penitus excæcati essent, eam vel ignorare, vel minus advertere possent, modò ne id circa medium, aut finem hujus Historiæ cū Fortunio, et Rastio frustra requirerent, sed sub ipsum initium, ut Lucas Hispanus Hist. Romualdine l. 1. c. 5., et Stephanus Damalevicius Vitæ S. Bogumili cap. 29., nec non Thomas Minius, alijque cap. 1. n. 3. suprà relati fecerunt.

II. Beatissimus enim Scriptor narrata, cap. 5. Vitæ S. Romualdi, conversione Petri Urseoli Venetiarum Ducis, ejusdem S. P. Romualdi, nec non Marini ejus Magistri, et Guarini Abbatis monitis facta, eundem Ducem cum Joanne Gradenico (quibus alij et Joannem Maurocenum adjungunt) et tribus supradictis Sanctissimis Viris, conscensa navi, in Galliam ad Monasterium Abbatis Guarini aufugisse scribit, mox sic

prosequitur: Petro igitur, et Joanne Monachis in S. Michaelis Canobio factis, Marinus, et Romualdus non longè à Monasterio degentes ad singularem vitam, cui assueti fuerant, reuertuntur, quibus etiam jam dicti fratres, peracto vix annuo spatio, ad perseverendam ejusdem solitudinis distractionem aggregati sunt. Collecto autem pulillo hoc, sed strenuissimo grege, omnibus communi consilio S. Patrem Romualdum præfectum fuisse, ejusque regimini, cum in spiritualibus, tum in temporalibus omnia commissa, Marino ipso prælationis cathedram S. Patri cedente, sic idem Damianus cap. 6. describit: *Interea Romualdus accenso mentis desiderio capit de virtutibus in virtutes mirabiliter crescere, et reliquos fratres sanctæ conversationis gressibus longius antevere, ut jam quidquid inter fratres, sive de spiritualibus, sive etiam de corporalibus, ipse decerneret, cunctis volentibus ejus omnino sententia prævaleret; ipse quoque Marinus gaudebat Romualdo esse devotus, cui nuper fuerat ipse Prælatus.*

III. Et si autem ab initio varijs institutis suos regere aggressus sit Romualdus, quæ eodem cap. 6. et sequentibus usque ad 9. fusè describuntur [nam et ad finem usque vitæ in Sitria degens, ut cap. 52. ait idem Damianus, *per multa alia vivendi genera quid sua Virtus posset, per hæc, et illa se jugiter exercendo tentabat*] Certam nihilominus, et præfixam Eremiticæ Vitæ Regulam Discipulis, et Sectatoribus suis jam tum in Gallica illa solitudine reliquisse cap. 9. narratur his verbis: *Hanc nimiram vivendi REGULAM cunctis Sectatoribus singularis vitæ præfigens, ut tunc unusquisque se Eremitica Vita [ab ipso-*

ipsomet Romualdo tunc institutæ] *jejunium tenere cognoscat, si per hebdomadam triduanas, et biduanas jejunando, quinta feria, et Dominicis diebus olera, vel quodcunque liquamen, cum gratiarum actione percipiat, exceptis scilicet duabus anni quadragesimis, in quibus non solum ipse, sed et plerique sui Discipuli, totius hebdomadæ soliti erant continuare jejunium &c.* ubi et varia alia S. Patris instituta recensita invenies, videlicet de perfectionis studio, de perseverantia, de vigilijs temperatè faciendis, de somnolentia vitanda, de negligentium penis, de attentione, et compunctione in psalmodijs, et orationibus &c.

IV. Cui quidem Eremitarum disciplinæ per Romualdum tunc stabilitæ apprimè consonant, tum B. Rodulphi Prioris Camaldulensis Constitutiones, tum B. Pauli Justiniani Eremitica Regula cap. 27. ibi: *Biduana sanè, et Triduana antiquo tempore tunc vocabantur jejunia, cum feria secunda, tertia, et quarta, et postea sexta feria, et sabbato in pane, et aqua jejunabant, ut priorum scilicet trium dierum triduana, sequentium verò duorum biduana diceretur abstinentia; Hoc enim tum ex S. P. Romualdi vita, tum ex antiquissimis Eremitæ Constitutionibus manifestè colligitur; Et rursus idem Justinianus cap. 28. hæc habet: Hanc igitur vivendi Regulam, et ipse usque ad exitum sui diem servavit, Romualdus, et eam cunctis Eremiticæ Vitæ Sectatoribus reliquit, ut unusquisque se tunc Eremiticæ Vitæ abstinentiam, et jejunium tenere cognoscat, cum per hebdomadam triduana secunda, tertia, et quarta feria, et biduana sexta feria, et Sabbati jejunia, idest in panis tantum, et aquæ perceptione observat, quinta feria, et Dominicis diebus olera*

olera, vel quodcunque legumen cum gratiarum actione percipiat: Quamdiu igitur Beatus iste Vita Eremitica Institutor vixit, et multo tempore postquam ad aeternae beatitudinis gaudia conscendit, hæc fuit in Eremitio Camaldulensi ex integro forma servata. Hæc Justinianus adhuc Etruscæ Eremitæ incola.

V. Neque verò postquam Congregationem suam Eremitarum S. Romualdi, quæ nunc Montis Coronæ appellatur, speciali Dei afflatu, et auxilio excitavit, novisque sanctissimis legibus opportunè instruxit, à veteri illa Eremiticæ abstinentiæ forma vel hilum discivit, ut patet ex Luca Hispano Histor. Romualdinæ lib. 5. c. 3. qui postquam retulit, quibus temperamentis Camaldulenses Patres veterum Romualdi Discipulorum jejunia successu temporis relaxarint, de Paulo Justiniano pristinæ formæ intrepido Restitutore subdit: *At Paulus noster semper, et ubique sui Romualdi verus emulator existens, antiquas Romualdinorum abstinentias restituere civiliter tentavit.*

VI. Parem distinctionis normam sequebantur Avelanenses nostri sub Petro Damiani, qui de illis hæc habet opusc. 14. et 15. præit etiam Histor. Camaldulen. p. 2. l. 5. c. 12. Fortunius refert: *Ab idibus Septembris usque ad Pascha Domini quinque per hebdomadam diebus tenetur sine intermissione jejunium, in biduanas nempe, et triduanas distinctum; quanquam, ob nimis gravem Triduanæ molestiam, de qua idem Damianus Tom. 4. Carmine 211. sic canit:*

*Quam Tridua gravem soleas illidere calcem,
Sapius expertis scit Mens exercita bellis,*

coactus sit alijs temporibus feriæ tertię remissionem invenire, qualem et B. Rodolphus Quartus Camaldulensium Prior suis indulxit, ut ex p. 1. l. 1. cap. 58. Historiæ Camal. patet, ibi : *Per reliquum anni decursum extrâ quadragesimarum tempus feriam tertiam præterea ab abstinentiâ panis, et aquæ immunitatem fecit*; Quod et hodie ipsimet Coronenses, ut naturæ imbecillitati consulere, admiscere cum alijs discretis remissionibus, quæ ex ipsamet Historia Romualdina. l. 5. c. 4. et Constitutionibus Montis Coronę in cap. 39. Regulę notari possunt, prudenti scilicet dispensatione circa rigorem à S. P. Romualdō in Aquitanica Eremitio primitus institutum, et longo temporis spatio à Discipulis Romualdi, eorumque successoribus ubilibet observatum.

VII. Nec ullum prorsus novæ disciplinę vestigium Camaldulensibus dedisse Romualdus legitur supra illa, quæ vel tum in Aquitania suos docuisse deprehendimus, et apud Pereum, Sitriam, Avellanam, atque alibi passim ante Camalduli institutionem, vel independentè ab ipsa, tum ferventissimis monitis suis, tum efficacissimo exemplo mirabilis suæ conversationis, prædicasse legimus; non scilicet rigidam S. Benedicti Regulę observantiam, non perpetuum solitudinis amorem, non inclusionis ritum, non silentij censuram, non vestium squallorem, non contemplationis instantiam, non jejuniorum assiduitatem, non psallendi modum, non denique quidquid vel imaginatione fingere quis præsumperit, sed eodem prorsus tenore, tum Petrus Dagninus Camalduli, tum Petrus Urseolus in
Aqui-

Aquitania; tum Petrus Damianus apud Catriam, tum Bonifacius in Pereo, aliique S. Patris discipuli ante annum millesimum, æquè ac post ipsum, vixisse leguntur, ut non sit planè ovum ovo similis.

VIII. Quid est igitur, cur apud Sacram Camalduli Eremum dumtaxat Ordinis sui fundamenta jecisse Romualdus dicatur? cùm nec Damiani auctoritas id uspiam commemoret, nec ex ejus Historia vel apparentis coniecturæ vestigium se prodat vulgaris hujus traditionis, imò clarissimè Sanctum Patrem suorum Discipulorum Formationi, et Eremiticæ Vitæ Restorationi, ab Aquitanicæ Eremitæ incolatu vacantem Vir Beatissimus nobis descripserit, eodem semper instituti tenore ubique servato, nulla innovatione Regulæ in Gallijs traditæ, nulla Canonum ibi decretorum immutatione, nulla Ordinis alterius foundatione uspiam indicata, quæ si ulla Camalduli saltem contigisset, inter Sanctissimi Patriarchæ gesta fuerat omninò commemoranda, sumpta præsertim occasione ex Fagi miraculo cap. 47. recensito, quòd sicut *sacri illius loci edificationem* obiter indicandi ansam præbuit, ita et potiori jure *ibidem institutæ novæ Religionis* memoriam Damiano excitasset, quam cur neglexisset ad S. Patris Gloriam cumulandam specialius adnotare?

IX. Poteritne quis aut Benedicti, aut Brunonis, aut Dominici, aut Francisci, aut Ignatij Lojolæ, aut Teresie vitas, seu compendiosa, ut libuerit, elogia conscribere, et institutos ab ipsis Religiosarum Familiarum cætus silentio dissimulare? Solus Damianus justo libello

in

in 72. Capita distincto S. Romualdi Vitam complexus, ne unius quidem periodi clausulam prætenſæ apud Camaldulum Foundationi suæ Religionis indigitandæ destinaverit? *Quale enim est hoc*, dicendum erit cum Hieronymo de Scriptoribus Ecclesiasticis in Luca, ut diligentissimus, ac Romualdo Synchronus Scriptor, *inter ceteras ejus res hoc solum ignoraverit!*

X. Certè in Proœmio, quod magni Privilegij Leonis X. editioni, vel ab ipso Petro Delphino Generali, vel ab alio quopiam publica Florentini illius Capituli Generalis autoritate præfixum est, lego, injunctum fuisse, unà cum Constitutionibus, et Bullis Pontificis, Vitæ S. P. Romualdi à Damiano descriptæ primam impressionem, ut Camaldulenses agnoscerent, nedum quis, qualisve fuerit Religionis ipsorum Institutor, sed etiam *Quo tempore, et quàm sanctis initijs eam fundaverit, et quanti, ac quales in ipsius Religionis auspicijs Confessores, Martyresque in ea floruerunt.* Quod si aliunde, quàm ex Damiani Historia nostri Ordinis Institutio petenda sit, si alia, quàm quæ Cap. 5. citato describuntur, fuerint Religionis exordia, quomodo ex illius Vitæ editione sibi persuadere poterant boni Patres, ut ab omnibus plenissimè cognosceretur Religionis hujus origo, et quo tempore, et quàm Sanctis initijs eam fundaverit Romualdus! Si Urfeolus, Gradenicus, Venerius, Bonifacius, Joannes, et Benedictus, alijque similes S. Patris Discipuli ante Ordinis Institutionem, quæ primùm Camalduli facta sit, ut supponitur, jam naturæ concesserant, qui erunt isti *Confessores, et Martyres*, quos

ex Damiani Historia dicere possumus *in ipsius Religionis auspicijs floruisse?*

XI. Adde, quòd ipse Doctissimus Ordinis nostri summus Antistes Petrus Delphinus, sui Magistratus anno 22. cùm apud Vallis Umbrosæ Cænobium animadvertisset peculiarem ejus Congregationis Sanctorum cultum invaluisse, scripsit Venturæ Abbati S. Michaelis Murani (Epistolarum l. 7. Ep. 23.) sibi constitutum esse, ut *Eos, qui de Ordine Camaldulensi relati sunt in ær Sanctos, à neglectu, et oblivione vindicaret.* Quos putamus? Petrum Dagninum, Rodolphum, Parisium, aliosve Camaldulensis Eremiti, aut Monasteriorum huic deinceps aggregatorum incolas? nihilinùs: ejus curæ commisit, ut Sanctos Martyres Bonifacium, Joannem, et Benedictum, quorum mentio in Vita S. Romualdi habetur, Calendario insereret, congruo die, et convenienti officio ipsis assignato, non dubitans utique, hos præcipuos Romualdi Asseclas ejusdem instituti, adedque et Ordinis Camaldulensis fuisse, ac meritissimè protalibus habendos, licèt ante Camalduli ædificationem floruerint, quippe à qua ejusdem Ordinis Institutio non penderet, sed sola denominatio, quæ retrorahi sæpissimè solet, ut exemplis capite præced. num. 3. 4. et 5. adductis manifestum est: simili ferè modo, ac Stephanus Prothomartyr, et Joseph Mariæ Sponsus, et Joannes Christi Præcursor inter Sanctos Christianos certissimè computari debent, licèt in vivis esse desierint antequàm Discipuli apud Antiochiam (Actor. 11. 26.) cognominarentur Christiani, ut observationem Minij nostri

nostri (ad finem vitæ SS. Joannis, et Benedicti, ac Sociorum) usurpem; quanquàm ego prælaudata tot Religionum exempla huic proposito magis opportuna crediderim.

XII. Sed, ut in viam redeam, novum hinc mihi argumentum suboritur, quo luce meridiana evidentius constet, Damianum ab ea, quam confutamus, opinione quàm maximè alienum fuisse, atque in ea sententia, quæ hanc Ordinis Institutionem Sacræ Camaldulensis Eremitæ ædificationi præviâ fuisse authumat, constantissimè versatum; dum observo, nullos ex ijs Discipulis, quos post Camalduli ædificationem Sanctus Pater suis institutis formandos accepit, à Damiano celebrari, non scilicet Dagninum Camaldulensi Eremitæ Præpositum, non Benedictum, non Gissum, non Theuzum, non ipsum Maldulum, Viros Religione, et Sanctitate conspicuos, ac B. Rodulphi, aliorumque nostrorum Patrum memoria celeberrimos, sed illos dumtaxat, qui ejusdem Camalduli ædificationem præcessere, alijsque in locis iuxta primævum Aquitanicæ Eremitæ Institutum conditis florere, ut Petrum Urseolum, Joannem Gradenicum, Marinum, Petrum de Bifurco, Filium Guidonis Comitis, Joannem, Benedictum, et Bonifacium Martyres, quorum Gesta non alio fine se inter Romualdi encomia inseruisse fatetur Damianus, quàm ut fructum ejus sanctissimæ Institutionis ostendat, et ex tantorum filiorum laude Magni Patris gloriam extollat. Sic enim cap. 27. de Bonifacio concludit: *Ideirèd tamen illum cum alijs Romu-*

aldi Discipulis summotenus hic memorare curamus, ut ex eorum laude quàm magnus Vir gloriosus Magister eorum fuerit demonstremus, quatenus dum celsitudo clientium auribus fidelium insonat, quàm excelsus Doctor eorum fuerit, ex schola, quam tenuit, innotescat.

XIII. Ubi quis non videt jam tùm à Romualdo propriam Ordinem institutum in his Beatissimi Scriptoris verbis apertè supponi? Si enim eatenus Vir Sanctus peculiare quicquam nondum instituerat, non fuerat illa vocanda *Romualdi Schola*, sed *Benedicti*, nec tam in peculiaris Magistri Romualdi gloriam Illustrium illorum Virorum laudes cessissent, quàm in Communis Monachorum Legislatoris encomium, si nihil supra Benedictinæ Regulæ canones Romualdus à suis Discipulis exegisset; saltem longè majoris Gloriæ momentum Romualdo conciliare Damianus debuerat ex propriæ Religionis [quam Camalduli postmodum institutam supponunt] Alumnis, in quorum formatione Viri Sanctissimi spiritus peculiariùs reluxisset; dum igitur illos celebrare contentus, in horum Virtutibus recensendis non immoratur, argumento est, aut illos solos, aut saltem præcipuos Romualdi Assceclas esse agnoscendos, atque ut Ordinis Fundationi propiores, ita velut primaria illius lumina constituisse, aut denique hos postremos, prioribus illis per omnia similes, nihil in se, plusquàm illos, ex Romualdi imitatione peculiariùs derivasse, quo singillatim commendari ad tanti Patris encomium mererentur, adedque nullum hos inter, et illos Institutionis discrimen intercessisse, sed

sed ex eodem fonte , per Romualdum in Galliis aperto, Vitæ Eremiticæ Canones hos, et illos hausisse, ac posteris propinasse; neque verò alia Ordinis Institutio, præter illam ipsam, quam ex Aquitanica Eremitio deduximus, Romualdò tribuitur in Supplemento Gallicani Martyrologii, ubi ad VII. Idus Febr. sic legitur: *Eodem die S. Romualdi Abbatis, Ordinis Camaldulensis Patriarchæ, qui ex Italia in Gallias cum Petro Urseolo Venetiarum quondam Duce, Joanne Gradenico, et Marino Magistro veniens, illic Eremiticam Vitam instituit, ac Christi-ssimi Imperii oras, annis circiter viginti, verbo, ac exemplo, magnæque Sanctitatis splendore decoravit.*

XIV. Quòd si cum Jacobo Laderchio, Vitæ S. Petri Damiani lib. 1. cap. 8. num. 13. Romualdum non quasi novæ Regulæ Institutorem, ac propriæ Religionis Auctorem à Damiano describi contendas, sed ut peculiarem dumtaxat hujus, aut illius loci Magistrum et Præceptorem: animadvertas velim, nullum huic suspitioni locum esse residuum, si perpendantur, quæ passim in Romualdi Vita describuntur, Prælationis uni loco non astrictæ, sed ad plura simul protensæ, non obscura veltigia; ut cùm cap. 37. Romualdus inducitur, qui effectis nunquam contentus, dum alia faceret, ad faciendâ mox alia properaret; adebüt putaretur totum mundum in Eremum velle convertere, et Monachico Ordini omnem populi multitudinem sociare; et cap. 49. ubi ad Venerabilem Virum, ubicunque degeret, turba hominum penè innumerabilis concurrebat; ratio ergo poscebat, ut cùm unius loci spatium plenum habitatoribus cerneret, illic Priore constituto, ad replend-

replendum mox alium festinare. Quæ si non sufficiunt; observa Romualdum Parentii degentem, longo terrarum, marisque spatio licet divisum, à Bisurcentibus Discipulis, consilii causa bis conveniri, ut cap. 32. et 33. narratur, ac de modo Eremiticæ Conversationis interrogari; Ad Romualdum ab ejus Discipulis Joanne, et Benedicto Nuncium ex Polonia destinari cap. 28. *Ut aliquos secum de B. Romualdi Fratribus duceret, qui Eremiticæ Conversationis edocti, cum eis simul in Sclavorum partibus habitarent;* Romualdum, cum multos è seculo abstraheret, non in unum aliquod Monasterium, cui singulariter præesset, omnes abduxisse, sed *Per plura sacra loca divisisse* cap. 37. Eundem S. Virum è suis Discipulis Prælatos Monasteriorum S. Adalberti in Pereo cap. 30. Parentii cap. 31. Montis Amiani cap. 65. et alibi constituisse. Perpende, ut in ipsos variorum Locorum Abbates Romualdus ex generali suæ Prælationis auctoritate animadverteret, ut cum cap. 30. habetur: *Præcepit etiam Abbati, ut in Eremum secedens per totam hebdomadam in cella confisteret, diebus verò Dominicis fratres ad Monasterium veniens visiteret;* ac cap. 39. *Volebat Abbatem, ut reverà Monachum, extremitatem diligere, secularia ex desiderio non tractare, res Monasterii pro vana gloria non expendere, fratrum usibus necessaria ministrare.* Et cap. 41. narratur, quòd Romualdus audiens aliquando, quia Venetus quidam Classensem Abbatiam per coemptionem Simoniacæ hæreseos invaserat &c. illuc protinus ire miles Christi impiger studuit, diversisque modis ex eo Monasterium purgare tentavit; ac denique cap. 45. ubi de Romualdo

legi-

legitur, *Abbatem sic alios regere, ut semetipsum tamen nequaquam negligeret, exhortatur; volebat insuper, ut Cellam, qua usus fuerat occasione regiminis, non omnino desereret, sed in ea sibi spiritualiter vivens, præcipuis tantum festivitibus fratres admonitionis gratia visitaret.* Quæ omnia præstant utique, perinde ante, ac post Camalduli ædificationem, non velut privatæ Domus religioſæ Præſidem, sed ut Eremiticæ Disciplina Inſtitutorem, et Monasticæ Philoſophiæ Reſtauratorem egregium Romualdum ab omnibus ejus Discipulis communiter agnitum fuiſſe, adedque ejus Religionis Foundationem ipsius Camalduli conſtructioni, eodem proſus ubique modo ſervato, eademque vivendi forma retenta, præviſſe, multisque antea locis eſſe propagatam, quàm in Camaldulenſi Eremo radices poneret, ubi poſtmodum, benedicente Domino, uberiùs adolevit.

XV. Prætermittendum autem hoc loco non eſt, quàm facile ſit his iſſdem teſtimonijs nuper ex Damiano recitatis, adverſus alium eruditum Scriptorem Didacum Franchum Abbatem Congregationis Vallis Umbroſæ, evidentè aſſerere Dominativam [ut ipſe appellat] et Æconomicam Sanctiſſimi Patris Romualdi in Eremiticas, aut Cænobiticas ædes ab ſe fundatas Poſteſtatem, quam laudatus Auctor lib. 7. Hiſtoriæ S. Jo. Gualberti pag. 202., et 203. Romualdo conveniſſe inſiciatur (de quo et lib. 4. pag. 68. dubitaverat) quia sæpe à diſcipulis expulſus, ac tum verberibus, tum pœna ſuſpenſionis aliquando mulctatus, ut præſertim legitur cap. 50. ejus Vitæ à Damiano deſcri-

scriptæ: *Imposuerunt Discipuli Sancto Viro, quasi de commissio scelere penitentiam, et celebrandi sacra mysteria penitus abstulere licentiam*: Quod si enim, inquit Franchus, prælationis jus in illos Discipulos Romualdus obtinuisset, auctoritatem suam per censuras à subditorum contumelia, et contemptu vindicasset. Sed cum ex tot locis supra laudatis evidentissima sit S. Patris in ipso met Abbates suorum Monasteriorum, nedum in suos filios, auctoritas, cumque insuper ex capitibus 12., et 15. ejus vitæ constet, ipsum *in virtute sanctæ obedientiæ præcepisse Joanni Discipulo, ne Comitem Olibanum defereret*; cum etiam in hoc ipso Sitriæ Monasterio, ubi calumniam passus, et penitentiae à Discipulis impositæ fuit obnoxius, narret Petrus Damiani cap. 55. Virum Sanctissimum Gregorio scabie infecto indixisse, ut per tres dies crura sibi frigida aqua perfunderet, *quod ille adimplere studuit magis necessitate jussionis, quam recipiendæ fiducia sospitatis*, ut alia omittam potestatis hujus, qualem Franchus requirit, apertissima indicia: Quis sibi persuadere possit, huic præjudicare potuisse sacrilegam, et temerariam Discipulorum audaciam, seu veriùs humilem Viri Sanctissimi simplicitatem, qua sola factum est, ut illorum improbitati de facto, non de jure cedens succumberet, nec de ultione sollicitum se præberet? Quasi verò discipuli penitentiam illam Magistro ex auctoritate imposuerint, Magister ex obedientia Discipulis debita susceperit, atque observaverit! At cui demum parebant Monachi Sitrienses, si non Romualdo? Numquid Reipublicæ more singulis


lis omnes legem dabant, omnium singuli decretis vicissim astringebantur?

XVI. Nimirum facti species hæc fuit. Calumnia obscæna per summam impudentiam Romani, quem Vir Sanctissimus ob mores corruptos redarguerat, Romualdo impacta est; ceteris detractori fidem habentibus, tumultus in Magistrum excitatur, atque is dignus habetur, qui ad sacra mysteria accedere non præsumeret, hæc enim impudicis pena statuta erat, atque ea præsertim ætate viguisse dignoscitur ex Actis S. Jo. Gualberti, qui Presbiterum inhonestum Monastico quidem habitu donandum censuit, sed sacris altaribus accedere non permisit, ut apud eundem Didacum Franchum docet Andreas Januensis in Vita S. Joannis Gualberti cap. 23. *Consuetudo, inquit, nostra hæc est, ut nullus apud nos aliquod sacrum officium celebret, qui quolibet tempore carnali contaminatus est scelere. Cum ergo difficilimè posset Vir Sanctus omnem fædæ labis opinionem è Discipulorum Mentibus prorsus delere, satius duxit à divinis mysterijs tantisper cessare, quàm ut ad altare accedens scandalum esset ijs, qui detractori fidem habuerant; Neque verò si contentiosius per censuras egisset, auctoritatem suam vindicans, ut Francho placebat, omnem occulti sceleris suspicionem idèò abs se eliminasset, sed maioribus turbis ansam præbere poterat; maluit ergo patientiæ, humilitatis, et simplicitatis suæ exemplum præbere, quam tamen nimiam, indiscretam, nec prudenter imitandam, ipse postmodum Vir Beatissimus cælesti monito intellexit, cum *Sibi divinitus iussum**

H

est,

est, verba sunt Damiani cap. 50. citato, ut si divinam timeret gratiam perdere, jam *INDISCRETAM SIMPLICITATEM* omnino postponeret, et sacra Missarum solemnia fiducialiter celebraret; Quod et postera die, suis Discipulis inconsultis, præstitit, adedò non ab illis pendebat, neque illorum præcepto ligabatur: imò ipsi Discipuli [si Fortunio credimus Hiltoriæ Camal. p. 1. l. 1. cap. 36.] Humi prostrati veniam de perpetrato crimine postularunt suppliciter singuli, nec indignos penitentia fructus sponte, ac certatim agerunt, præter Romanum, qui à S. Romualdo deficiens ut reprobis (Quemadmodum, et Damianus loco cit. notat) cum Nucerinum Episcopatum per biennium occupasset, vitam denique cum dignitate, divina eum feriente Justitia, miserrimè amisit.



CAPUT IV.

Idem ex S. Romualdi Instituto
demonstratur .

SYNOPSIS.

Ad Eremiticam vitam Romualdus inter venandum aspirat, eandem post triennium Monastica conversationis amplectitur. 1. Romualdus Eremitica vita perficienda studiosus supra Magistrum proficit. 2. Vita Eremitica cum Canobitica conjunctio Romualdis copus, communi Camaldulensium Stemmate

mate expressus . 3. Patres de utriusvis disciplina praestantia
 incipites à Romualdo conciliati . 4. Alterius sine altera im-
 perfectio praevis etiam Patribus cognita . 5. Utramque et
 ipsi coniungendam statuerunt . ibi . Instituti S. Romualdi
 perfectio . ibid . Primum medium ad hunc finem à Romual-
 do electum , Solitudinum , et Monasteriorum coniunctio . 6.
 Eremita in Canobijs antea probandi ibi . Monasteria Ere-
 mis copulata etiam apud veteres Patres . ibid . Ante Ca-
 malduli constructionem Monasteria cum Eremitis coniunxit
 Romualdus . 7. Apud Avellanam Claustra , et Solitudines ,
 item ad montem Amiatum , et Pomposam . 8. Fons bonus
 Canobiumne , an hospitium ? à B. Rodulpho Monachorum
 usui , et praevis Eremitarum probationi accomodatum . 9.
 Eremitas in Canobio probatos fuisse à Rodulpho ad Del-
 phinum usque , qui nonnullorum gratia huic consuetudini
 primum derogat . 10. , et 11. Mutata ex integro haec di-
 sciplina ab anno 1510. admissis Paulo Justiniano , et Petro
 Quirino , atque alijs deinceps secularibus in Eremum . 12.
 An Romualdus aliquos è saeculo in Eremum immediatè ad-
 miserit ? 13. Vetus Camaldulensis Eremitae consuetudo à
 Justiniano praetensa . 14. In dubium revocatur . 15. Petri
 Damiani auctoritate fortè aliquando inducta , et usque ad
 Rodulphum servata . ibi . Rodulphi , et Gherardi auctori-
 tatem perperam adducit , et interpretatur Justinianus . ibi .
 Haec à nobis Historicè tantum referri , modernamque consue-
 tudinem idè non improbari . ibi . Secundum medium Eremiti-
 cae , ac Canobiticae vitae coniungendae , plurium disjuncta-
 rum cellularum , intra ejusdem Eremitae septum , dispositio . 16.
 In alijs locis ante , et extra Camaldulum ab Romualdo , et

*Discipulis eadem forma observata . 17. Aqua bella eadem
que Vallis Umbrosa à S. Romualdo priùs edificata , quàm
S. Joannes Gualbertus illuc ab ipso mitteretur , à duobus
Romualdi Discipulis ibidem susceptus . 18. Tertium medi-
um ad eundem finem obtinendum, eorum, qui meri Anacho-
rita vitam degunt , et qui puri Canobit.e officio funguntur,
Institutio . 19. Primorum , quos Reclusos vocant , perfecta,
et admirabilis disciplina . 20. Ante Camaldulum, et postea
in locis ab illo independentibus, eadem Reclusionis forma
servata . 21. Monachis sola Regula Benedictine obser-
vantia prescripta . 22. Illos etiam antea , quàm Camal-
dulum construeret , ac postmodum variis in locis ab illo in-
dependentibus, S. Romualdus instruxit , ac propagavit . ibi.
Canonicorum Regularium, et Monialium Institutio per Ro-
mualdum facta . 23. An primum Sanctimonialium Cano-
bium nostri Ordinis fuerit Lucense in agro Mucellano? ibi.
Arguitur pro Veteri sententia , ex quo totum D. Romualdi
Institutum jam alibi ante adificationem Camalduli obtine-
ret . 24.*

I. **V**erùm, ut ex ipsis, quod ajunt, causæ visceri-
bus opportuna proposito nostro argumenta
depromere liceat, libet in exponendo Sanctissimi Pa-
tris Instituto paulò diutiùs immorari; ubi enim, qua-
le fuerit in Ordinis sui fundatione Romualdi consili-
um, innotuerit, seseque in conspectum dederint me-
dia, quibus in scopum sibi præfixum collimaverit, fa-
ciliùs de re tota constabit, et causæ, quam exagitamus,
merita apertius innotescant. Vel sub ipsum adolescen-
tiz

tiz suæ primordium ingentes ad solitudinis cultum stimulos Romualdo Divinus Amor addiderat; nam Damiano referente in ejus Vita cap. 1. *Si quando se ad studium venationis accingeret* (Romualdus) *ubicunque per Sylvas amenum locum reperire poterat, mox se ad Eremitæ desiderium ejus animus accendebat, dicens intra se: O quàm bene poterant Eremitæ in his nemorum recessibus habitare! quàm congruè possent hic ab omni secularis strepitus perturbatione quiescere! et ita mens ejus calitus inspirata* **JAM DIVINABATUR IN AMORE QUOD IMPLETURUS ERAT POSTMODUM OPERE;** Postquàm autem Vir Sanctissimus in Monasterio Classensi Monasticen induit, cùm in ejus animo (inquit cap. 4. Damianus) *Perfectionis amor magis, ac magis in dies cresceret, nullamque mens ejus requiem inveniret, exacto vix triennio, ad solitudinem B. Marini, de sui Abbatis, et Monachorum consensu, quantocyùs convolvavit, ut dilectæ Rachelis amplexibus frueretur, et, ad quam tantoperè aspirabat, Eremitæ quietem, velut unicum suarum sollicitudinum portû, obtineret, ibique eximijs Patientiæ, et Humilitatis exemplis sub rigida ejusdem Marini disciplina solitariæ Vitæ tyrocinium illustre posuit, atque ipsimet Magistro suo, non ædificationi dumtaxat, sed admirationi tuit, ut Damiani testatur Historia.*

II. Quia tamen Divina Gratia non humilem dumtaxat solitarium, sed perfectum Eremitarum Ducem in Romualdo formabat, et egregium in Occidente solitariæ Vitæ Institutorem mundo proponere decreverat, altioribus Virum sanctissimum cogitationibus imbu-

buit,

buit, quàm ut unius Marini disciplinæ perpetuò additus subjaceret. Erat quidem Marinus, ut Petrus Damiani loco citato asseverat, *Vir simplicis animi, et sincerissimæ admodum puritatis*, verùm nullo magisterio Eremiticæ conversationis edoctus, sed ad hanc solummodò bonæ voluntatis impulsu fuerat incitatus. At Romualdus, perfectam Eremiticæ Vitæ rationem inire cupiens, in Sanctorum Anachoretarum vitis, monitis, ac consuetudinibus legendis, atque imitationi tradendis assiduus, ut prævio accurato examine, propriaque experientia dignosceret, quid ex illis seligendum, quidve relinquendum, immutandumve Prudentia dictaret, eum brevi perfectionis gradum est assecutus, ut Marinus ipse Romualdo Cathedram cedere non erubuerit, quemadmodum supra ex Damiani cap. 6. innuimus, et junioris Alumni disciplinæ se lubens, gaudensque devoverit, cui nuper ipse præfuerat.

III. Hoc verò præcipuè Vir sanctissimus, divino quodam afflatus lumine, sibi proposuit, in hoc suæ sollicitudinis partem omnem intendit, ut *Eremitica simul, ac Monastica disciplina perfectionem in se, et suis conjungeret, atque utriusque bona, sublati utriusque incommotis, invicem copularet*. Unicum certè hunc scopum Romualdo fuisse propositum, quotquot ejus acta attigerunt fermè testantur, in primis verò B. Paulus Justinianus in Regula Eremitica cap. 1., Lucas Hispanus Historiæ Romualdinæ l. 1. cap. 11., et l. 3. cap. 6. Joannes de Castagnizza in Vita S. Romualdi cap. 4., Stephanus Demalevicius in vita S. Bogumili cap. 29., et alij passim;

quod

quod nec ipsimet diffidentur adversæ nobis sententiæ Antesignani Fortunius, et Ractius, si eorum scripta discutiantur: nec desunt qui ab *Eremiticæ, et Canobiticæ Vitæ nexu* significando communis Camaldulensiû Symboli insigne derivent, atque ab ipso Romualdo suis traditum posteris fuisse contendant, duplicis enim Columbæ eidem sacro Calici inhiantis consortium, utriusque Vitæ in mutuam gratiam redactæ, eidemque propriæ perfectionis studio communicantis mysterium aptissime repræsentat; quamquàm alijs diversam Stemmatis illius originem placeat assignare.

IV. Et quidem divino planè consilio Vitæ utriusque conjunctionem molitus est Sanctus Pater, animo quippe advertens, post accuratam singularum discussionem, adhuc ancipites, et animi dubios pendere summos Asceticæ Vitæ Magistros, utram alteri præferrent, atque huic illos, alios alteri palmam concedere, prout vel contemplationis quietem Solitudine, vel omnium virtutum exercitium Monasterio foveri considerarent, optimum factu duxit Vir Prudentissimus, si nova quædam, et in his occidentalibus partibus inaudita Anachoreseos forma (quam alij post Romualdum Patriarchæ ex parte saltem sunt imitati) litem hanc ipse dirimeret, ut neque ad spiritualium deliciarum mannam in terra deserti fluentem anhelantibus cælestium voluptatum deesset Thalamus, nec in Virtutum palæstra exercendis animis, quo se ad humilitatis, patientiæ, obedientiæ lauream comparandam accingerent, cælestis militiæ Campus deficeret. *Solitarios* idcirco suos Discipu-

scipulos esse voluit, et ab omni sæcularium curarum strepitu secretos, ne ab audiendis verbis Domini ad cor eorum loquentis, exteriorum rerum frequentia distraherentur; sed non ita permisit esse *solor*, ut si vel humana fragilitate, vel inferni hostis insidijs victi conciderent, non haberent sublevantem: uno verbo, hoc exequi in suis Alumnis, et ad praxim ipsam deducere intendit, quod dudum Magnus Basilius in Oriente obtinuerat, qui *Ita Monachorum institutum temperavit, ut solitaria, atque ætiosa vitæ utilitates præclare simul coniungeret*, ut de ipso ad diem 14. Junij in Ecclesiasticis officijs legendum proponit Ecclesia.

V. Nimirum antiquis etiam Orientis Patribus persuasum erat, imperfectam quodammodo, et mancā esse Vitā Solitariā sine Cænobitica, aut Cænobiticā sine Solitaria disciplina, unde Cassianus Collat. 19. cap. 9. inquit: *Is verò non ex parte perfectus est, qui et in Ere- mo squallorem solitudinis, et in Cænobio infirmitates fratrum aequali magnanimitate sustentat.* Videatur Thomasinus in veteri, et nova Ecclesiæ disciplina de Beneficijs part. 1. l. 3. cap. 23. hanc rem illustrans, qui num. 4. ita concludit: *Ea denique Cassiani doctrinæ summa est, omnibus perfectionis amulatoribus certandum esse, ut duplicis huius generis virtutes, ac dotes omni studio sibi comparent, Cænobitarum, et Anachoretarum. In eam semitam ingressi sunt Macarius, Paphnutius, Moyses, et tot alij, qui contemplationem actione, actionem contemplatione pulcherrimè interpunxerunt: nunc immersi in delicias solitudinis, et jugis cum Deo colloquij, nunc inde emergentes, ut se totos charitati, et promouendæ pro-*

ximo-

ximorum saluti impenderent. Sed longè solidiùs, et clariùs id dudum probaverat Justinianus noster in Epistola proœmiali suæ Regulæ Vitæ Eremiticæ præfixa, ubi hæc habet: Profectò quisquis has duas, de quibus loquimur, monasticæ vitæ institutiones diligentius considerare, earumque non originem tantùm, sed singula instituta accuratè perscrutari voluerit, clarissimè intelliget, eas tanta invicem affinitate, mutuaque complexione junctas esse, ut neque Cenobitica absque aliqua Eremitica institutionis participatione integra esse videatur, neque Eremitica sine aliquo Cenobitica vitæ adminiculo perfectæ possit appellari. Et proculdubio quicumque earum alteram experiri ceperit, utramque utriusque egere auxilio cognoscat, communicareque utriusque vitæ sectatores in plurimis, præcipuisque institutionibus inveniet; ob idque non immeritò utroque Monachos appellatos esse intelliget. Unde nunquam satis commendari potest præclara Romualdi Institutio, qui Discipulorum suorum conversationis formam ita temperavit (quemadmodùm idem Auctor prosequitur cap. 1. Regulæ Eremiticæ) Ut subiectæ socialisque vitæ commodis, et securitate, sine varijs Cenobijs occupationibus, multiplicibusque distractionibus, potiantur, et solitudinis læta, felicitique admodùm tranquillitate, sine ullis solitaria vitæ periculis, perfruantur.... Et infra. Quæ quidem Eremitica vitæ forma omni Cenobitica perfectior esse institutione, et cætera omnia Eremitarum genera longo intervallo antecedere videtur, quoniam in ea nulla earum, quæ in Cenobijs esse solent, variarum actionum occupatio, nulla secularium, vel hominum, vel negotiorum frequens, et noxia mentis distractio relicta esse videtur: nulla quoque, sicut in primo Eremitarum genere

(quod Gyrovagos, et Sarabaitas juxta hunc Auctorem complectitur) esse conspicitur culpæ, aut infamiæ suspicio; nullum, sicut in secundo genere (in quo ponit eos, qui ex Monasterij probatione diuturna ad singularem militiâ solitudinis provehuntur, de quibus S. P. Benedictus in prologo Regulæ loquitur) est periculum, aut salutis discrimen invenitur: immò cum et pura Cœnobialis conversatio, et omnis alia Eremiticæ vitæ Institutio, et commoda quadam, et incommoda habeat, videtur quòd, aut omnibus penitus, aut pluribus omninò ceterarum omnium institutionum incommodis amotis, ex his, quæ in alijs omnibus Religiosæ vitæ institutionibus commoda, recta, secuta, atque laudabilia sunt, tertium hoc Eremiticæ Vitæ genus [Camaldulensibus à Romualdo relictum] divino quodam temperamento institutum sit.

VI. Quibus autem medijs ad hunc sibi præstitutum finem obtinendum usus sit Romualdus, ex ejus vita abundè colligitur. Primò siquidem constat, ipsas Monachorum, et Eremitarum habitationes ita conjunxisse, ut plerisque Monasterijs suam Eremum adnecteret, cuilibet fermè Solitudini suum Cœnobium copularet: quo ipso effecit, ut et Eremitæ in ipsa sua sequestratione Abbatis imperio subditi viverent, nec fratrum consilio, et directione carerent, et Cœnobitæ vicissim austeriori solitariorum exemplo ad æmulanda meliora charismata incitati, obviam haberent, ac præ oculis positam solitudinis quietem, cui anhelarent, et ad cujus secreta, reficiendi saltem spiritus gratia, identidem se transferrent, sicque non minùs Eremitæ Cœnobitarum essent refugia, quàm Cœnobita seminaria fierent Eremitarum,

tarum, Hieronymo Epist. ad Rusticum dicente: *Deludo Monasteriorum huiusmodi volumus egredi milites, quos Eremita rudimenta dura non terreat, Et S. P. Benedicto in cap. 1. Regulæ monente, hos verè Anachoretas, sive Eremitas appellandos, qui non conversionis fervore novitio, sed Monasterij probatione diuturna, didicerunt contra Diabolum, multorum solatio iam docti, pugnare, et benè instructi fraterna ex acie ad singularem pugnam Eremitæ, securi jam sine consolatione alterius, sola manu, vel brachio contra vitia carnis, vel cogitationum, Deo auxiliante, sufficiunt pugnare; Quapropter Prudentissimus Pater suis Eremitis domos probationis in adiunctis, aut vicinis Cœnobijs providere solitus fuit, adeò ut, cum nimis referta essent habitatoribus sua Monasteria, quàm ut recens conversis Viris admittendis sufficerent, mallet ipsos alienis Cœnobijs initiandos consignare, quàm ex abrupto in Eremitarum consortium transferre; testatur id Stephanus Demalevicius, Vitæ S. Bogumili cap. 29. dicens: *Non nisi iuxta Regulam S. Patris [Benedicti] benè tyrones exercitatos ad solitam veteranorum militum [putà Eremitarum] vitam, in qua culmen perfectionis situm est, admittebat (Romualdus) ut etiam duos illos primos instituti sui sectatores (Urseolum, et Gradenicum) non prius Eremiticæ Vitæ voluerit esse consortes, quàm professionem in Cœnobio S. Benedicti fecissent: ut mirari lectorem minimè oporteat, cur S. Adalbertum, tunc Episcopum Pragensem, post Archiepiscopum Gnesnensem, et Gloriosum in Prussia Martyrem, ad Ordinem S. Benedicti Romam, sub disciplinam Leonis Abbatis Monasterij Sanctorum Bonifacii, et Alexij destinaverit, itemque Casimirum**

Regis Miecislai filium, Boleslai primi Christiani Polonorum Regis nepotem Cluniacum relegaverit, volebat enim alios ad vitam solitariam admittere, nisi sanctæ conversationis studio, juxta Regulam S. Benedicti, perpolitos. Neque dubium est, hac etiam in re Veteres Orientis Patres Romualdum imitari voluisse, quos pariter Vitæ Eremiticæ, ac Cænobiticæ invicem copulandæ gratia solitarias cellas adjunxisse Cænobijs tradit Thomasinus loco, quem superiori paragrapho citavimus, num. 3. Eo utique consilio, inquit, Lauras, et Monasteria eodem loco excitare, ut perfectioribus quibusque cederent Laure, quæ cellulæ erant aliæ ab alijs sejunctæ, juniores autem in Monasterijs instituerentur, ut in omnium gymnasijs virtutum, immoderatas animi frangere, et elidere cupiditates: denique ut Anachoreta ipsi alternatim in Monasteria reduces possent illum assequi perfectionis apicem, qui ex utriusque instituti copula exurgit.

VII. Hanc porro Cænobiorum, et Solitudinum conjunctionem, nec prima, nec sola vidit Etruria; etenim, ut demus id accuratè Romualdum exequi voluisse, ædificato apud Sacram Camaldulensem Eremum Fontisboni Monasterio, tum ad hospites suscipiendos, tum ad confluentes pœnitentiæ causa conversos homines Monasticis priùs institutis initiandos, quàm Eremiticæ disciplinæ rigorem amplecti sinerentur, ut ab ipsa Rodulphi ætate per quinque saltem sæcula observatum fuisse Lucas Hispanus Hist. Romuald. l. 1. cap. 10. testatur; Prior nihilominus Gallia in Aquitanicæ Eremitæ prope S. Michaelis Cænobium fundacione, Prior Æmilia, constructo, prope Eremum Perei, S. Adalberti

berti Monasterio, Prior Umbria viderat apud Vallem de Castro, et alibi, ut idem Lucas Hispanus refert loco cit. cap. 5. his verbis: *Ubicunque loci opportunitas se offerebat, non longè à Monasterio Eremitæ quoque condebatur, unde sæpius in ejus [Romualdi] historia sub ejusdem nomine loci, nunc Monasterij, nunc Eremitæ fit mentio, ut in Sitria, Tereo, Bisurco, Parentio, et Valle de Castro. Et fusiùs cap. 11. dicens. Et si ab initio Beatissimus Pater Romualdus ad antiquam SS. Patrum Anachoretarum religionem suscitandam contenderet, nequis tamen Vitæ austeritate à Dei servitio excluderetur, sæpius in eodem loco et Monasterium, et separatæ solitariorum cellas edificare consuevit. Quo prudentissimo consilio robustos corpore, et animo ferventes in solitudine, imbecilles verò, ac debiles in claustrali regularique observantia, sub Benedicti Sanctissimi Regula retineret; unde factum est, ut moriens multa relinqueret [præter Eremitas] Monachorum Cenobia. Quapropter apud Petrum Damianum, qui omnia diligenter adnotavit, plerumque idem locus, modò Eremitæ, modò Monasterium appellatur: porro sic intelligendum illud, quod idem Auctor trigésimo capite scribit, constructo scilicet in Tereo Monasterio, præcepisse Romualdum Abbati à se constituto, quatenus in Eremitum secedens, per totam hebdomadam in cella confisteret, Dominicis autem diebus ad Monasterium rediens Monachos visiteret: et nihilominus vigésimosexto capite de eadem Eremita tractans, nulla de Monasterio agitur mentio; eodem modo factum fuisse in Sitria, Vallecasterensi, Parentio, et alijs locis multis, manifestum est.*

VIIJ. Eadem verò ratione, quam laudatus Lucas hic tangit, clarissimè conficitur, etiam apud Catriam,
et

et Claustrum, et Solitudinem Avellanitas habuisse, quippe idem locus, nunc Eremi, nunc Monasterij appellationem apud Petrum Damianum varijs in locis sortitur, perinde ac de Sitria, alijsque adjacentibus solitudinibus idem obtinet; sed et Montis Amiati Cœnobium Henrici Imperatoris dono vix adeptum fuisse Romualdum, ac se ad Eremum illi adiungendam (quæ ad *Vivum* est appellata) accinxisse liquet, ex Vitæ cap. 67. Idemque institutum alia loca ex Romualdi vel institutione, vel imitatione æmulata fuisse, ejus ætatis monumenta declarant; Sanè apud celebre Pomposianum Cœnobium Eremum viguisse colligo ex Epistola Henrici Clerici ad Stephanum, relata in Diario Italico Eruditissimi Viri D. Bernardi de Montfaucon, ubi postquàm retulit, sub Ven. Hieronymo Abbate ingentem librorum vim undique collectam, et descriptam, ad Bibliothecam Cœnobio illi comparandam, quæ omnium Italiæ instructissima, ac refertissima foret, Cui operi, verba Henrici sunt, ex *Abbatis jussu Bonus nomine, et exemplo Monachus ex Eremita præerat, omnium dogmate artium peritus*. Sic ad finem concludit: *Hoc autem, quod de vita Sancti Viri Hieronymi, deque fratrum numero, et de EREMI amœnitate, et totius loci ædificijs queris, in libello, quem propriè ea de re scripsi, invenies: actum verò hoc in libro Pontificum, Anno ab Incarnatione 1093. Hæc ille.*

IX. Diximus porrò sub initium numeri 7. *Ut demus id accuratè Romualdum in Etruria exequi voluisse, ædificato apud sacra Camaldulensem Eremitæ Fontisboni Monasterio, &c.*

Nam

Nam nonnullis videbitur, Fontisboni domum ab Romualdo cum tribus Converſis, atque uno Monacho, ordinatam fuiſſe, *velut Hoſpitium* dumtaxat ad peregrinos recipiendos, ut ab omni ſtrepitu remota Camaldulenſis Eremus conſervaretur, et ſic ad ipſa B. Rodulphi tempora perduraſſe, qui primus Monafterii obſervantię formam illuc introduxit, et in Tyrocinium Eremitarum evexit, ut ibi priùs probarentur, antequàm ad Eremum aspirarent, quàm tunc temporis nonnulli jam ceperant, non levi ſui profeſtus discrimine, poſt converſionem immediatè conſcendere; ait enim Rodolphus in Conſtitutionibus anni 1085. *Nonnulli ſeculares homines ſimiliter, poſt tergum mundo proſecto, ad hanc Eremum, velut ad tutiſſimum portum, confuſerunt, et abrenunciantes proprijs voluntatibus, Monaſticum habitum acceperunt, et ut dici ſolet, priùs ad cacumen volantes, quàm arboris radicem quærentes, idcirco quidam ex his citò ad ima repedabant, et omninò deſiciebant cum mœrore, et triſtitia. Quamobrem in unum convenimus, et multis inter nos ventilatis ſermonibus, tandem quoddam conſilium, quod ad hanc converſationem convenientibus fratribus profuturum eſſe prævidimus, reperimus: ideſt ut in ſupraſcripto hoſpitiò, qui dicitur Fons bonus, regularem ordinem, et diſtriſtionem, ut B. Benedictus præcipit, à fratribus ex iſtis instrumentis doctis, optimè tenere faceremus, ut hi, qui de ſeculo confuſiſſent ad nos, illuc vita, et ordine, atque regularibus diſciplinis inſtructi à Magiſtris fuiſſent, jejunijs ab eis, et cæteris omnibus obſervatis, ſicut mor ibi eſt, pluſquàm in Monafterijs, et ſic inſtructi poſtea ad prædictam Eremum cum licentia Prioris venirent, et Eremi vitam facerent, &c.*

X. Id.

X. Idque à Rodulphi tempore ad Delphinum usque observatum fuisse constat, namque hic lib. 3. epistolarum suarum, ep. 15. Joannem Majorem Eremitæ sic alloquitur. *Dixi tibi aliàs, et nunc iterum dico: petunt hodie multi, idque ferè quotidie, in Eremitum recipi, qui ex Eremitæ constitutionibus admitti prohibentur, Sacerdotes laici, multis etiam sacris initiati, et juniores ætate; petunt autem importune, quorum unus hic est, qui has ad te litteras deferet, vix enim attigisse illum secundum, ac vigesimum annum puto, et secularis est. Hortatus sum adolescentem bonæ, ut videtur, indolis, et pro ætate satis peritum, ne altiora se intempestivè quæreret, neque à me peteret quod præstare non possem; eligeret potius alterum è nostris, quem maluisset, Camaldulum, aut aliud nostri Ordinis Monasterium, ut in Cœnobiali institutione per triennium legitime probatus, ad arctiorem Eremiticæ severitatis semitam deinceps migraret. Persuaderi minime potuit, trahi se in solitudinem incredibili desiderio affirmans. Tandem à me impetravit, ut saltem per me sibi liceret Eremitum visitare, quod etiam me non permittente in sua potestate situm erat. Alterum è duobus, hoc ipsius ad Eremitum accessu, futurum arbitror, ut viso diligentius loco horroris, et vastæ solitudinis, aut parvas factus, et territus sese inde proripiat, aut apud Camaldulum, triennio in humilitate, et submissione probandus, eligat mansionem; cujus quidem rei Subpriorem nostrum [is erat Gabriel, cui præcedenti Epistola Novitiorum curam demandaverat) poteris admonere, aut hunc ipsum ad eum dirigere, ut probet spiritum, an ex Deo sit.* Vale cum omni familia die 1. Januarij MCCCCLXXXII.

XI. Et quamvis quid consilij hac de re Delphinus
cæpe-

cæperit, ex ejus scriptis minimè liqueat, constat tamen, Bernardum Sacerdotem Florentinum paulò post, ejus jussu, in Eremū admissum, Eremitarum sententia priùs explorata; nam ep. 16. ejusdem libri ipsimet Joanni sic scribit. *Aliud accipe, quod requisitus ab Ubertino ad te scribo: Sacerdos quidam Florentinus, Bernardus nomine, qui æstate proximè præterita Eremum adiit, unà cum claudio alio Sacerdote, summa contentione, incredibilique desiderio petit recipi apud vos, neque hoc solum, verum etiam admissus in Eremum continuò recludi optat, ajunt hominem tanta vultus paritate, et abstinentia, &c. ac post relata ejus sanctimonix complura indicia, sic prosequitur: Quid in hac re sentias tu, quid Eremita ceteri, scire cupio, reiiciendurne sit tanti nominis Presbiter, an admittendus, ea præsertim conditione, quam petit, ut recludatur continuò. Periculosam non inficior esse talem solitudinem, &c. et infrà: Examinabitis invicem diligentius quæ scripsi, et fusa per dies aliquot oratione ad Deum, de vestra sententia rescribetis &c. Florentia 17. Januarii MCCCCLXXXII. Et post decem dies, ne expectatis quidem Eremitarum votis, Bernardum propria autoritate in Eremito recipiendum decrevit, Epistola 20. Joannis maioris responsum præveniens, ubi ait: Antequàm rescripseris mihi de tua, et Eremitarum sententia super admittendo in Eremum Sacerdote Bernardo Florentino, adiit me ipse cum Ubertino suo. Placuit mihi hominis modestia, quantumque elicere ex mutuo colloquio potui, duci illum spiritu, qui ex Deo sit, nequaquam dubito. Totum sese dedit mihi paratum ad omnia, quæ sibi fuerint imperata; De reclusione, se id petiisse, ad quod gessiret animus, face-*

rem tamen ipse quod melius judicasset, &c. et infra. *Quamobrem differendum minime arbitratus sum, quin ei morem gererem* &c. *Trades ei habitum* 4. *nonas Februarii*, in die scilicet Purificationis B. Mariae &c. *Datum* 27. *Januarii* MCCCCLXXXII.

XII. Nec tamen apertum semel huic sæculari Presbitero Eremitæ aditum omnibus promiscuè patuisse constat, sed adhuc in Fontebono conversionis Eremiticæ tyrocinium perdurasse ex alijs Delphini Epistolis patet, adedò anno Demum 1510. mos ille penitus antiquatus sit, admissò in Eremum Paulo Justiniano, et mox Petro Quirino, atque alijs deinceps passim ex sæculo illuc convolantibus, qualibet Cœnobiticæ probationis ratione omninò posthabita; Qua de re juvat Eruditissimum, atque Eloquentissimum Virum Petrum Abbatem Cannetum audire in quadam Epistola die 18. Decembris 1697. ex S. Severi Perusiæ, cui Monasterio tum præerat, ad me Florentiæ degentem, et in Angelorum Cœnobio S. Th. Lectoris munere perfurgentem, data, ubi, post multa huc non pertinentia, sic habet: à B. Rodulphi ad Delphini usque tempora, lata à Rodulpho ipso lege, tyrocinium in Eremo neque habebatur, neque haberi poterat, at juxta Benedictina Statuta in Eremum is tantum ascendere licebat, qui morum suorum, suæque constantiæ periculum, aut in Fontisboni Cœnobio, aut in alijs etiam, tum Camaldulensium, tum aliarum quarumcunque Religionum claustris fecissent. Luce meridiana clarius est, primos, qui probati sunt per tyrociniî annuam exercitationem, fuisse Paulum Justinianum, et Petrum Quirinum, qua de re Romanum Pontificem

ficem consuluit Delphinus, et potestatem ad rem hanc novam inducendam obtinuit (ut nimirum semper deinceps id usu continuo fieri citra ullum scrupulum posset, quod ipse Delphinus suomet arbitrato aliquando, sed rariùs, nec absque magna necessitate, exequendum ad eam diem indulserat: sic enim hanc disertissimi Præsulis sententiam interpretari me cogunt Delphini ipsius Epistolæ supra relatæ) Hinc verò dirimendi socialis, ac nativi Monachorum, et Eremitarum fæderis occasionem natam fuisse, officijs Rachelis, et Liæ, Mariæ, ac Marthæ commixtis invicem, ac perturbatis, idem Petrus deplorat, quæ hoc loco referre non vacat.

XIII. Scio, doctrinæ huic opponi posse B. P. Romualdi exemplum, qui in Vita cap. 26. cum Tammo, Bonifacio, alijsque ex Imperatoris aula conversis ad Monasterium quidem Cassinense divertisse legitur, ubi gravi detētus infirmitate moram aliquam trahere coactus est, verùm ubi convaluit, cum ijsdem ad Pereum, ubi dudum habitaverat, rediit, *ibique, ait Damianus, bis, et alijs multis fratribus aggregatis, et per cellas singulas constitutis, tanto fervore Eremitica conversationis rigorem et in se, et in alijs tenuit, ut illorum vita omnibus, ad quos fama eorundem pervenire poterat, mirabilis haberetur*; At excipi potest, aut sufficienti tempore Tyrones illos in Cassinensi Monasterio jam probatos fuisse (nec enim erat, cur Romualdus Ravennam rediturus Cassinum peteret, nisi ut illos Novitios, ut olim Olibanum Comitem, monasticis priùs institutis erudiendos curaret) aut in SS. Alexij, et Bonifacij Cænobio Romano [quod

non pauci de Bonifacio, Tammo, Joanne, ac Benedicto opinantur] antea receptos, ibique rudimentis Benedictinæ Regulæ imbutos [præsertim cum de Bonifacio loquens Damianus cap. 27. dicat : *Deinde quoque jam Monachus factus*] aliosque fratres similiter ex alijs Monasteriis potius aggregatos, quàm è sæculo recens conversos.

XIV. Potius ex Eremitæ Camaldulensis vetusta consuetudine, ab ipsis Romualdi temporibus ad Rodulphi ævum usque per 40. saltem annos observata, et adhuc vigente, probari possit, conversos ex seculari habitu statim in Eremitum admitti potuisse, Pauli Justiniani testimonio suffragante, qui B. Petri Damiani auctoritate hoc ipsum comprobatur, ait enim Justinianus in Regula vitæ Eremiticæ cap. 47. *Suscipi in Eremito ad Eremiticam conversationem possunt ex sæculo venientes, sive seculares omnino, et Laici, sive Sacerdotes fuerint, et non minus Religiosi omnes cujuscunque Ordinis, etiam Mendicantes, et Cartusienenses. De secularibus enim antiquissima Eremitæ à B. Rodulpho edita monumenta, in quibus mores Eremitæ describit, hæc inter cetera continent. Multi seculares homines nostris temporibus, post tergum mundo projecto, ad hanc Eremitam, velut ad tutissimum portum, confugerunt. Unde satis constat, antiquis illis temporibus seculares in Eremito fuisse receptos. Sed et gravis Auctor Petrus Damianus in ea, quam eloquenter scripsit, Eremitarum regula, Seculares potius, quàm Canonicos in Eremito recipiendos admonet, hujusque sententiæ rationes nonnullas adduxit valde efficaces. Quod verò in recentibus Constitutionibus Gherardi Prioris dictum est*

est, videlicet non suscipiendos esse in Eremitio, nisi eos, qui per triennium in Camaldulensis Ordinis Cenobiis fuerint conversati, solum ad Camaldulensis Ordinis Monachos referebatur. Sic enim habent: Monachi (Camaldulensis Ordinis intellige, sequentia enim hoc indicant) volentes morari in Eremitio, ibi nullo modo commorentur, nisi ad minus steterint per triennium in nostri Ordinis conventu; Hæc autem dicta sunt ad tollendam omnem [si qua esset unquam] ambiguitatem, quæ rationaliter esse non debet, ut antiquissima consuetudo, quæ usque ad hæc tempora perduravit, in futurum observetur, atque in Eremitio Sæculares, sive Sacerdotes, sive penitus Laici, suscipi posse intelligantur.

XV. Sed responderi posset, dubiam videri consuetudinis hujus vetustatem, ex quo B. Rodolphus verbis à Justiniano compendiosè exhibitis, integrè verò per nos relatis supra num. 9. dicat nonnullos sæculares homines, et quidem suo dumtaxat tempore (*nostris, inquit, temporibus*) ad Eremiticam disciplinam convolasse, cum antea retulisset quidem multor fama sanctitatis quinque Discipulorum ab Romualdo in sacra Eremitio positorum eò confluisse, et eorum quosdam *Monachale indumentum à Petro Dagnino Priore accepisse, non solum de infimis, verum etiam de nobilibus viris*, Sed an in Eremitio, an in Fontebono initiati fuerint, aut in alio aliquo Congregationis Monasterio, liquidò non determinat; unde suspicari licet, tantum prope B. Rodolphi tempora, adeoque multis post Romualdi obitum lustris, recens à sæculari conversatione abstractos in Eremitium admitti cœpisse, ob receptam præsertim in sacra Eremitio Petri

Da

Damiani Regulam (ut ex eodem Rodulpho demonstramus in Dissertatione IV.) in cuius cap. 29. quod ipse Justinianus loco citato laudat, hæc animadversio occurrit: *Si quando de seculari habitu quis ad Eremitum converti voluerit, noli juxta priorum normam, rudimenta Monasterii suadere, sed si devotio vera, ac sincera patuerit, in Eremo quam flagitat, conversationis aditum præbe; eo quippe, ut lugens loquar, pleraque devoluta sunt Monasteria, ut vitiosiores reperiantur ab eis egressi, quam ij, qui nuper sunt de mundani naufragij fluctibus eruti.* Tantæ siquidem autoritatis decreto potuit mos ille invalescere, seculares homines in Eremitum, absque Monasticis rudimentis, admittendi, licet contra priorum normam, quam ipse fatabatur Damianus suæ sententiæ contrariam; Quare an ab ipsa Romualdi ætate hoc usu receptum fuerit, an à Damiano dumtaxat usque ad Rodulphum per quinque, vel sex ad summum lustra fuerit observatum, in ancipiti remanet, nec allata à Justiniano Rodulphi autoritas aliud suadere videtur, quàm inchoatam suo tempore, et non antea, hujusmodi consuetudinem, ab ipsomet tamen Rodulpho (quod Justinianus hic dissimulat) statim abrogatam, cum experientia docuisset, plurimos ad solitariæ vitæ apicem convolantes ante jacta Cœnobiticæ vitæ solida fundamenta, regredi coactos, et ad ima descendere, cui malo ut Vir prudentissimus occurreret, omnes ad Eremiticam vitam aspirantes in Monasterio probari voluit, et ne Petri Damiani exceptioni locus relinqueretur, *Regularem ordinem, et disciplinam* apud Fontem
bo-

bonum restituit, rigidamque S. Benedicti regulæ observantiam *plusquam in Monasteriis* (in quibus illam deferbuisset Damianus conquerebatur) perfectissimè idcirco instaurandam decrevit; nec video dubitari posse, usque ad Delphini ætatem id religiosissimè observatū fuisse, quidquid in Gherardi Constitutionum interpretatione Justinianus defudet, ne suæ sententiæ opponi videantur, cū res ipsa clamet, neque verosimile sit Gherardum triennij Monastici probationem à Camaldulensibus Monachis exigere voluisse, si statim sæcularibus Eremitis aditum aperiri permisisset, illos enim pejoris, quàm isti sint, conditionis fecisset. Quamquàm hæc obiter dicta velim, ut quid facti dumtaxat, non ut quid juris eluceat, quippe in hac digressionem historici partes agere me profiteor, præsentis consuetudinis per tot sæcula continuatæ, qualem Justinianus supposuit, quæque propositæ doctrinæ aliqua ex parte adversabatur, fidem extenuare contentus, ejus rationem non attingi, neque quid præstet, aut conveniat disquirere volui; fortasse autem nunc temporis statui præsens disciplina magis, quàm antiqua congruit, quando ipsa Eremitica vita adeò temperata est, ut Cænobiticæ probationis commodum in se ipsa sufficienter imbibat, nec ulli conditioni tam intolerabilis hodie videri queat, ut ejus asperitati paulatim assuescere, ac per Cænobiticæ conversationis gradum illuc demùm ascendere necessariò debeant solitariæ disciplinæ candidati. Nunc è diverticulo in viam.

XVI. *Secundò* itaque, ut in eundem finem, quem
supra

supra descripsimus, Cænobiticæ, et Eremiticæ vitæ copulandæ Romualdus aptiùs collimaret, in ipsamet Solitudinum suarum dispositione talem formam elegit, quæ longè arctiùs coniunctam cum Cænobitica conversatione Eremiticam sequestrationem referret; Nam modico spatio ab invicem sejunctas cellas, sive domùculas, cum interpositis hortulis, in una, eademque Eremi area collocandas iussit, ut simul et Cænobiticam Eremum, et Eremiticum Cænobium constituerent, ubi singuli suam solitudinem invenirent, in commune tamen Oratorium ad Divina officia, coniunctis non minùs animis, quàm vocibus, peragenda noctu, diuque confluerent, ab omni aliorum consortio cæterà segregati; Itaque rectè observavit Lucas Eremita historię Romualdinæ lib. 5. cap. 6., quòd *Eremus tota illis claustrum est, cujus sepem, vel fossas, quibus circumdata existit, sine licentia Superioris impunè egredi non licet, totusque Eremi ambitus est solitudo, intra quam liberum est per vias, nemora, et silvas, horis, diebusque statutis obambulare. Quam quidem solitudinum formam ab Eremitis nostris ad hanc diem observatam videre licet, tum in Sacra Camaldulensi Eremo Etruriæ, quæ omnium quodammodo exemplar est, tum in Coronensi, alijsque passim per Italiam, Galliam, Poloniam, Germaniam, et Húngariam sparsis.*

XVII. At etiam in alijs à S. P. Romualdo constructis Solitariorum habitaculis formam eandem fuisse præscriptam ante Camalduli ædificationem, haud obscurè innuunt varij Damiani textus, quos longum esset
 expen-

expendere, ut cùm cap. 26. de Pereo dicitur: *Fratribus per cellas singulas constitutis, tanto fervore Eremiticæ conversationis rigorem et in se, et in aliis tenuit, ut illorum vita omnibus, ad quos fama eorundem pervenire poterat, mirabilis haberetur.* Nec disparem fuisse cellarum dispositionem in Casimiritana Eremo, quam apud Polonos excitarunt SS. Joannes, et Benedictus Divi Romualdi Discipuli, et in qua cum SS. Matthæo, Isaac, Christino, et Barnaba religiosam Vitam duxere, colligitur ex ipsorum Martyrij historia apud Martinum Baronium in Vitis Sanctorum quinque Fratrum Polonorum pag. 11. narrantem, nefarios Sanctorum Eremitarum trucidatores *Sacellum, ac sex Casas* incendere conatos; Sed et Eremus ad Vivum propè Montis Amiati Cœnobium à D. Romualdo constructa *Cellis angustissimis distincta* fuisse à Fortunio Hist. Camald. part. 2. l. 1. cap. 20. narratur, et ipsi Camaldulensi Eremo (à qua tamen per illam ætatem prorsus independens fuerat) ita per omnia similis fuisse describitur, ut altera ejus imago videretur: *Memoratu, inquit, dignum est, qualiter nullus major parallelus ex omnibus locis à S. Romualdo erectis ullibi fieri potest, quàm inter hanc ad Vivum, et sacram Camalduli Eremum.* Expressior tamen erat Camaldulensis Eremi imago in Eremo *Aquabella, seu Vallisumbrosæ* per Romualdum constructæ, et per S. Joannem Gualbertum illustratæ, ex Didaco Francho Abbate Vallumbrosano in ejus vita lib. 3. qui veterem ejus formam ære incisam affert pag. 101. ubi disjunctarum Cellularum congeries, Camaldulensis Eremi faciem planè referens

ferens [nisi quod illa rotundo, hæc quadrato propemodum ambitu comprehenditur] circa suum Oratorium exstructa exprimitur, ut vel ex hoc loco videas, prænobilem hunc Monastici Arboris ramum radices suas Romualdo debere.

XVIII. Neque enim (ut obiter innuam) Primus apud Vallem Umbrosam Joannes Gualbertus Religiosum secessum instituit (et si primus majori frequentia celebrem reddiderit, deinde ad Cænobiticam vitam, cujus amantissimus erat, cum bona Romualdi venia transfulerit, retenta nihilominus ad hanc diem contigua Cellarum Eremitæ, complurium sanctissimorum Anachoretarum solitudine illustri) sed Romualdus, ut constat primò, quia *Vallisumbrosa* proculdubio eadem est, quæ *Aquabella*, cujus meminit Damianus in vita S. Romualdi cap. 46. ubi narrat S. Patrem, dum eo loci Eremitum conderet, à gravi dentium dolore Presbiterum liberasse. Testatur utriusque loci convenientiam Ughellus Italix Sacræ tom. 2. ubi de Episcopo Fesulano Jacobo inquit: *E' viris excessit Jacobus, cujus sati memoria ad posteros pervenit in nobili donationis monumento, quod Itta D. Hilari Abbatissa fecit Joanni Gualberto Vallumbrosane familie conditori de loco AQUABELLÆ, vulgò VALLISUMBROSÆ, Fesulane Diœcesis.* Verba verò Ittæ Abbatissæ hæc sunt apud Franchum in Vita S. Joannis Gualberti lib. 5. et apud Ascanium Tamburinum de Jure Abbatum tom. 2. Disp. 24. qu. 5. num. 20. *Quosdam Viros in Eremito, quæ VALLISUMBROSÆ vocatur, suscepimus in loco, qui dicitur AQUABELLA.*

BELLA. Actum anno 1039. indictione 7. Loci etymologiam indicat Xantes Perusinus, dum Cellas Eremitarum ibi degentium, cum Joannes Gualbertus illò se contulit, ita describit: *Tuguriola, quæ Paulus, et Gunthelinus habuere, duo erant, quorum alterum ab. altero parùm distabat, inter quæ commodè scaturiunt fontes, qui loco nomen indidere AQUAMBELLAM.* Undè secundò idem assumptum patet, quia Joannes Gualbertus à S. P. Romualdo dimissus, Eremum jam extructam reperit, atque *in ea susceptus est*, ut innuunt verba Itæ Abbatissæ nuper laudata, ibique duos Solitarios, locum ab ipso Romualdo, ut cap. 46. Vitæ dicitur, constructum incolentes invenit, qui utique (ut dudum observavit Eruditissimus Præsul D. Germanus Botta, Vir integritate, et doctrina spectatissimus, qui supremi Visitatoratus officium, quod invitatus acceperat, nuper lubens deposuit, privatæ vitæ quiete optimam senectutem coronaturus) non alij fuerint, quàm Discipuli à S. Romualdo in Sancta conversatione ibi relictì, eorumve successores. Nec refert, quòd Andreas Januensis vitæ S. Joannis Gualberti cap. 11. post quadringentos annos nos doceat, illos Eremicolas Guarini Abbatis Septimensis Discipulos fuisse, ejusque auxilijs in solitudine alitos; nec enim constat, an non et ipse Guarinus è Romualdi Discipulis adlectus esset, cujus nominis plures habuisse liquet; deinde gratis effingitur, eundem habuisse Magistrum, quem Sustainatorem habebant, aut adhucdum ejus Abbatis imperio paruisse, cujus subsidij fovebantur; postremò Eremiticam vi-

tam, cujus unicus, in Italia præsertim, Restitutor; Restaurator, ac Magister perfectissimus erat tùm Romualdus, atque in ipsa Eremitica *Aquabella*, quam paulò ante idem Vir Sanctissimus contruxerat, exercebant, neque adeò fingi potest à disciplina Romualdi alienos fuisse, etiamsi ex Guarini Monasterio illuc ad Romualdum se recepissent, vitæ solitariæ desiderio succensi: Verùm hæc extra chorum: ad rem ipsam iterum redeamus.

XIX. *Tertio*, nequid prorsus instituto suo deesset bonorum ad Eremiticam, et Cænobiticam vitam spectantium, quemadmodùm de Monachis Orientis Gregorius Nazianzenus orat. 21. in laudem Basilii refert, quòd *Alij vitam prorsus solitariam, et ab hominum societate remotam agunt, sui ipsius tantùm, et Dei colloquio fruenter, atque hanc dumtaxat terræ partem pro mundo habentes, quam in solitudine cognitam habent; alij autem charitatis legem per communionem, et societatem colentes, solitarij simul, et Cænobitæ sunt*: ita Romualdus nonnullos ex suis Discipulis ad perfectissimum Anachoreseos gradum aspirare voluit, nonnullos verò sola Monasticæ formæ perfectione contentos esse permisit, ut illis nullam socialis vitæ quietis perturbationem afferret, his nullum solitaria tædium, atque periculum conflaret. Puros igitur Eremitas, et pure Monachos complecti non dubitavit Pater Sanctissimus, nequa conditio, aut complexio tam latè patenti instituto repelleretur, sed debiles æquè, ac fortes, et robustissimos comprehendere posset, *Ut*

putaretur, inquit de ipso cap. 37. vitæ Damianus, totum
Mun-

Mundum in Eremum velle convertere, et Monachico Ordini omnem populi multitudinem sociare.

XX. Primos, quos dixi perfectissimæ Anachoreseos sectatores ab Romualdo constitutos, nemini dubium esse puto, intelligendos illos, quos nostri *Reclusos* appellant, qui videlicet, post diuturnam in Eremitarum consortio probationem, ad altioris contemplationis, arctiorisque cum Deo unionis perfectionem aspirantes, accepta Majoris venia, voluntario suæ cellæ carceri, vel ad certum tempus, vel ad mortem usque mancipantur, qui tamen licet in communem chorum ad peragenda cum alijs divina Officia non convenient, privatum nihilominus Oratorium suæ solitudini annexum, statim ac signum audierint, ijsdem horis ingressi, eadem pausatione, ijsdem inclinationibus, ac pari religione, sui officij pensum absolvunt, privatim celebrant, reficiuntur, orant, psallunt, manuumque operibus in hortulo suo exercentur, sed maximam diei partem dulcissimis contemplationibus impendentes, ab omnium conspectu, et colloquio (nisi Prælati sui præcepto aliud exigente) semper semoti, verè dicere possunt: *nostra autem Conversatio in Cælis est*; tantò perfectiùs, quàm prisca Ægypti, et Syriæ solitudinum cultores, quantò ab omni instituendæ, ac moderandæ vitæ sollicitudine, omnique proprii corporis, ac rerum temporalium cura magis abstracti, et sub Prælati potestate, atque Eremiticarum Constitutionum iugo viuentes, ad obedientię normam singulos actus suos immediatiùs exigere possunt, quibus commodis prisca ante

Ro-

Romualdum Anachoretæ fermè destituebantur . Audiatur in hoc argumento Paulus Justinianus in Regula Vitæ Eremiticę cap. 51 *Quamvis communis Camaldulensium Eremitarum conversatio ita se habere videatur, &c. . . . Non satis tamen Beatissimo Viro Eremiticę Vitæ Institutori Romualdo visum est, inò Spiritus Sancto, qui in eodem Viro perfectam Eremiticę vitæ formam tradebat, non satis fuit, nisi perfectiorem aliam vivendi rationem ostenderet, in qua et Canobialis, et Solitaria Vitæ incommodis, ac periculis plenius amotis, utriusque conversationis commoda, ac bona omnia perfectius copularet &c. et infra: Beatissimus autem Vir Romualdus in his Occidentalibus partibus, Spiritu utique Sancto illustrante, et communem adinvenit Camaldulensium Eremitarum Institutionem, in qua, ut dictum est, et Canobialis vitæ, et Solitarię conversationis commoda, que antiquis temporibus simul haberi non poterant, mirabiliter sunt conjuncta, et longè perfectiorem, ac sublimem Religiosę, et Eremiticę vivendi formam instituit, nem admirabilissimam excogitavit RECLUSIONIS institutionem, in qua perfectiori valdè modo et Canobialis conversationis incommoda, et penitus Solitaria vitæ pericula declinantur, nec non utriusque institutionis commoda plenissimè inveniuntur.*

XXI. Jam verò et hanc mirabilem institutionem, quæ totius Romualdinę disciplinæ apex quodammodo, et complementum jure, meritòque vocari potest, non Camalduli primùm excogitatam à Viro Sanctissimo fuisse, liquet ejus gesta percurrenti; nam et in Origario ipse mansit inclusus, ex Vita cap. 20., et biennio apud Parentium in cella à Monasterio dissita

can-

eandem Reclusionis disciplinam servavit, cap. 31. et Discipulos apud Pereum Inclusos rexit cap. 26., et Joannes ejus Discipulus propè Cassinum Reclusionis legi se subdidit cap. 15. et Venerius à Romualdo monitus est, ut cum obedientiæ condimento solitariam Reclusionis vitam in Tiburtinis Montibus continuaret, ut alia omittam exempla cuiusvis notissima. Post ædificatā verò Camaldulensem Eremum, ubi aliquandiu mansit Romualdus inclusus; ut ex fagi miraculo in cap. 47. liquidò constat, alijs etiam in locis ab ipsa Camaldulensi Eremo prorsus sejunctis, ac penitus independentibus, ejusdem institutionis rigorem inexit, nam *in Sitria Vir Venerabilis per septem serè annos inclusus mansit, et silentium continuum inviolabiliter tenuit*, cap. 52. eumque præcipui ejus Discipuli ibidem hac in re sunt imitati, nam *damnatis januis clausi, ita mortui videbantur mundo, velut in sepulcro jam positi*, cap. 64. Apud Vallē de Castro denique moriturus, ante omnia Cellam sibi cum Oratorio edificari, in qua recluderetur, et silentium usque ad mortem servaret, instituit, cap. 69. Et tum propè sacram Avellanæ domum, tum apud Sitriæ Monasterium eandem disciplinam apud Romualdi successores diutissimè post S. Patris obitum obtinuisse, locupletissimus testis est Damianus pluribus in locis celebres sanctitate Reclusos commemorans, Lupum, Martinum Storacem, Stephanum, Leonem Prezensensem, aliosque ejus homonymos, illum præsertim, ad quem Opusculum undecimum, libri *Dominus vobiscum* inscripti, direxit.

XXII. Quod attinet ad Monachos in sua Cœnobitica conversatione, ut innuebam, relictos, in quibus ut de Athanasio Gregorius Nazianzenus expressit, etsi *Solitariam vitam cum Cœnobitica in gratiam reduxit*, nihilominus sic duo hæc, idest tranquillam actionem, et actuosam tranquillitatem, consociavit, ut persuasum omnibus redderet, *Monastica Vita professionem morum potius gravitate, quàm corporis secessione exprimi, atque insigniri*: quò ad hos, inquam, haud scio aliud, quàm Sanctissimi P. Benedicti Regulam fuisse illis à Romualdo propositam, adedut non tam nova Cœnobarum Congregatio, quàm veterum Benedictinorum in antiquo habitu, et vivendi forma perseverantium Propagatio, Monastica hæc Romualdi Familia censerique queat; Nam *Monachis*, inquit lib. 1. Histor. Romual. cap. 11. Lucas Hispanus, *Regula B. Benedicti profitenda, et observanda, perinde quò ad mores, quemadmodum quò ad victum, et vestitum, atque habitationem proposita extitit, ita sanè, ut regulari dispositioni nihil addidisse, Romualdus, credatur, cum solis debilibus hanc indulgere sit solitus piissimus Institutor, sciens reverà præfata Regulæ observationem illis sufficientissimam esse ad piè, sanctèque vivendum, nec non ad perfectionem, salutemque æternam consequendam*. Sic Classensi Monasterio præfectus Abbas Romualdus, ut cap. 22. narrat Damianus, *Regebat Monachos sub districta Regulæ disciplina, neque alicui ab ea declinare impunè licebat, non denique nobilis, non literis eruditus, per actus illicitos in dexteram, levamque partem deflectere, vel à rectæ conversationis audebat relictitudine deviare*. Sic constructo per Othonem III. Imperatorem

Mona-

Monasterio S. Adalberti in Pereo, narrat cap. 30. Damianus, quòd, *Abbate illic ex Romualdi Discipulis constituto, et fratribus aggregatis, capit eos Romualdus sub magna tenere custodia, et docebat eos sub regulari vivere disciplina.* Quæ tamen omnia ante Camalduli constructionem utique contigerant, ut patet ex Damiani textibus jam allegatis, nec non ex Monasterio S. Michaelis apud Balneum, in vita cap. 18., ex Monasterio Parentij constructo, cap. 31., ex Monasterio Urbis Veteris in possessione Pharulphi Comitis excitato, cap. 37., ex tribus Monasterijs ante professionem Hungaricam ordinatis, ad Vallem de Castro, ad Ixinum fluvium, ad Oppidum Esculanum, cap. 39. ex Monasterio Castri Massiliani, cap. 41. ex Monasterio S. Vincentij, de quo cap. 43. et 57. alijsque: Nec certè constat, è tot Cœnobiis, vel ex integro erectis, vel ad regularem observantiam per Romualdum redactis, alia post Camaldulensis Eremitæ, et Cœnobij Fontisboni ædificationem, à Romualdo constructa, vel ordinata fuisse, præter Monasterium Sitrix, et Montis Amiati, quæ tamen à Camaldulo tum temporis independentia manserunt.

XXIII. Patet insuper (ne inter illa, quæ ad Romualdi Institutiones pertinent, hæc duo præterijssè videamur) eundem Sanctissimum Patrem, ut omni prorsus conditioni utilem se præberet, tum *Canonicorum Regularium* vitam ordinare aggressum esse, tum etiam, habita sequioris sexus ratione, *Sanctimonialium* quoque religioni prospexisse, Monasterijs aliquot Puellarum inclusioni deputatis. Primum constat ex cap. 35. vitæ,

M

ubi

ubi Damianus de Romualdo sic habet: *Constituit itaque Vir Sanctus plures Canonicos, et Clericos, qui Laicorum more seculariter habitabant, Præpositis obedire, et communiter in Congregatione vivere docuit.* Alterum verò jam à B. Paulo Jultiniano observatum est in Procæmio Constitutionum, ubi inquit: *Camaldulensis enim ipse Ordinis Auctor Romualdus, Apostolico more se omnium debitorem existimans, non solum Viris, sed Puellis etiam, infirmiore sexum non spernens, Cœnobia quædam instituit;* et manifestum est ex cap. 36. Vitæ, ubi narratur, ante Camalduli ædificationem, apud Vallem de Castro *Monasterium Puellarum* condidisse, et ex cap. 63. ubi refert pariter Damianus, *Monasterium Ancillarum Dei, quod est in Valle Bona à Romualdo constructum:* præter quæ et aliud Monialium Cœnobium S. Antonio dicatum in Tudertino territorio, et pariter S. Mariæ Vallis Gloriæ Monialium apud Hispellum, aliaque construxisse refert Jacobillus de SS. Umbræ tom. 3. de quorum ædificationis ætate nihil planè constat, nisi quòd illud Vallis Bonæ aliquandiu post Sacræ Eremitæ Camaldulensis constructionem excitatum videtur, quamquàm ejusdem Eremitæ capiti adeò non connexum fuerit, ut Fortunius, qui ex Camalduli origine totius Ordinis principium, et successionem deducere maluit, coactus sit Part. 1. Hist. Camal. l. 1. cap. 55. primum Camaldulensium Sanctimonialium Cœnobium asserere prænobile Monasterium S. Petri de Luco in Agro Mucellano à B. Rodulpho Priore anno 1086. constructum (ut et Ractius in B. Rodulphi Vita repetit) nec diu post in eundem errorem secum indu-

induxerit Hieronymum Fabrum in sacra Ephemeride Ravennæ ad diem 10. Septembris, utpotè eodem præjudicio laborantem, eaque propter Ordinis nostri digressi pluribus in locis detrahentem.

XXIV. Verùm hæc sufficere puto (imò et longius, quàm par erat, ob frequentes interpositas diggressiones, progressi sumus, eritque tanta prolixitas contractiori sequentium capitum stylo compensanda) ad universam Romualdi institutionem intelligendam, indeque unum hoc in vulgarem hypothesin argumentum urgendum, hac nempe ratione: Quidquid in sacra Camaldulensi Eremo à D. Romualdo institutum fuit, sive ad austeritatem vitæ, sive ad contemplationis quietem, sive ad cellarum sequestrationem, sive ad monasticam disciplinam pertinens, id totum antea ab eodem Romualdo jam alibi in se, suisque Discipulis fuerat ad praxim deductum, et in aliis locis post ipsam Camalduli ædificationem, vel recens extructis, vel rursus inhabitatis, atque ab ipsa Camaldulensi Eremo independentibus, nullo prorsus discrimine, observatum fuit, ut fusè supra per partes demonstravimus; Non ergo ex Camalduli ædificatione petenda est Ordinis Institutio, sed ex Eremiti Gallicæ constructione, ubi prima sue disciplinæ rudimenta Romualdum tradidisse jam cap. 3. præcedenti ex ipso Damiano fati, ni fallor, evicimus: Religionis enim primordia cum Instituti sui, quod essentialiter respicit, origine connexa esse ratio evidens persuadet, neque cum suæ [ut plurimum arbitrarie] denominationis loco plerumque conveniæ, cap. 2. abundè est demonstratū. M 2 CAP.

CAPUT V.

Romualdus omnium Eremitarum Pater
ab ipsis suæ Conversionis initijs
institutus .

SYNOPSIS.

*Cenobitas, ut Benedicti prolem, Eremitas ut proprios filios
aluit Romualdus. num. 1. Idem S.P. in Occidente omnium
Eremitarum Parens, ut Benedictus omnium Monachorum.
ibid. Ostenditur ex Paulo Justiniano. 2. Item ex Luca
Eremita, Hymnis Ecclesiasticis, aliisque Auctoribus. 3.
Card. Baronij, Joannis Bollandi, Martyrologij Romani,
et Clementis VIII. Romani Pontificis auctoritate confirma-
tur. 4. Romualdus Benedictinam Regulam Monasticam,
additis Eremiticè vivendi regulis, perficit. 5. Vicissim Ere-
miticæ Vitæ formam perficit, additis obedientiæ Monasticæ
institutis. 6. Primus omnium Romualdus Eremitas in ordi-
nem redegit. 7. S. Venerii exemplum. 8. Hinc quàm latè
pateat Camaldulense Institutum. 9. S. Benedictus solos Mo-
nachos, non Eremitas instruxerat. ibid. Omnes Eremitæ
Benedictini, præsertim in Italia, ob solitudinem cum obedi-
entiæ bono conjunctam, ad D. Romualdi institutum perti-
nent, solis Camaldulensibus proprium. 10. Hec ipsa Ere-
mitarum Institutio pro Fundatione Romualdini Ordinis me-
ritò habenda. 11.*

Si

I. **S**I mediocri saltem attentione quę præcedenti capite retulimus expendantur, patebit, ex omnibus Romualdi institutis, *Eremiticę vitę cultum ad Benedictinę Regulę canones exactum*, præcipuum denique locum tenere, huic maximè allaborasse, in hunc potissimas suę sollicitudinis curas impendisse, quippe tametsi Monasticę disciplinę alumnos minimè negligeret, dum solitarię sectatores instrueret, illos tamen, quasi Benedicti sobolem, ad tanti Patris dogmatum exactam observantiam incitare studebat, hos quasi proprios filios doctrinę suę lacte nutriens, exemplisque corroborans educabat, ut meritissimè Thedaldus Aretinus Episcopus *Romualdum Pium Eremitarum Patrem* in privilegio anno 1027. Camaldulensibus dato nuncupaverit: imò absolutè, ob singulare studium in dirigendis ad solitudinem animis collocatum, et *cunctis singularis vitę sectatoribus* [ut ait Damianus cap. 9.] relictam vivendi normam, generatim *Omnium Eremitarum Pater Romualdus in Occidentali Ecclesia*, et maximè *per Italiam*, meruit appellari, quemadmodum S. Pater Benedictus *omnium Cœnobarum Occidentalium Institutor* communi suffragio ab omnibus salutatur.

II. Utroque hoc titulo, et Elogio condecoratos in fronte libri suę Regulę Eremiticę Sanctos Patres Benedictum, et Romualdum pingi iussit B. Paulus Justinianus, nec uno in loco testimonijs luculentissimis idē confirmavit. Tota penè in hoc argumento Præfatio versatur, ubi postquàm Eremiticę, ac Cœnobiticę vitę in Oriente Magistros Paulum, atque Antonium fuisse

asse-

asseruit, sic prosequitur: In Occidentali autem plaga, sicut alia multa, quæ ad Christi fidem pertinent, ita utriusque Monastica conversationis Institutio tardius locum invenit, duos tamen, sicut in Oriente, non dissimili inter se invicem portione, Benedictum altera, altera Romualdum, illustres, ac Sanctissimos Principes, atque Instructores habuerunt; Et infra, cum de S. P. Benedicto pronunciaisset: minimè omnium Cœnobitarum Occidentalium Patrem appellari, quod neminem ante se habuerit hujus vitæ sectatorem, sed quia primus omnium in Occidentali Ecclesia Cœnobitica vitæ Regulas tradidit; de S. P. Romualdo subdit: Vita verò Eremitica in Occidentali Ecclesia sectatorem fortè aliquem, Institutorem autem nullum habebat, Primus autem in ea Auctor, et Instructor fuit Vir omni Sanctitate conspicuus, atque per omnia admirabilissimus, Beatissimus Romualdus, qui ante omnes, Eremiticè vivendi Regulas, et Institutiones, non scriptis, sed suo vivendi exemplo, suisque documentis, et admonitionibus, coetaneis suis tradidit, et posteris omnibus dereliquit, Christum fortasse Dominum imitatus, qui, quod ipse faciendo, ac docendo instituit, non scriptis tradidit, sed aliis post se scribenda reliquit. Quod ipsum infra persæpè repetit, et in eadem Regula Eremitica cap. 1. et 51. pluribus disertissime comprobatur.

III. Succinit Paulo suo Lucas Eremita Historiæ Romualdinæ lib. 1. cap. 7. dum de Romualdo sic loquitur: Hic igitur primus Orientalium Anacoretarum perfectissimæ Institutionis in Occiduis regionibus Fundator fuit. et cap. 11. pariter asserit, quod ab initio Romualdus ad antiquam Sanctorum Patrum Anacoretarum Religionem suscitandam

tandem contendit; quò etiam respexit Hymnorum, quos in Ecclesiastico officio, utrique S. P. Romualdi sollempnitati dicato, canimus, Auctor elegantissimus, dum ad Matutinum strophe 4. sic habet:

*Incolas format nemorum, docetque
Nos viam tuto pede inire Patrum,
Qui Palæstinos coluere saltus,
Quisque Canopi.*

undè meritò à compluribus Scriptoribus S. Romualdus Eremitarum Magister, Anachoritarum Pater, Solitariae Vitæ Institutor absolutè invocatur, quos inter Ægidius Rambek in Vitis Ordinis Benedictini Sanctorum ad diem 19. Junij sic habet: *Us natum è Ducibus Romualdum reverenter suscipimus, ita Antesignanum Eremitarum Ordinis, et Duce[m] cernui veneramur.*

IV. Imò et Illustrissimus Ecclesiasticæ Historiæ Patrens Cardinalis Baronius tom. 10. ad annum 974. et in ipso indice, S. Romualdum *Occidentalium Eremitarum Patrem* expressè designat, et in ipso Annalium textu pulcherrimo elogio eandem sententiam confirmat, inter alia sic scribens: *Vir Sanctissimus Romualdus prodiens, ut alter Joannes Baptista, ex Eremo, lucerna ardens, et lucens, qui claras Ægypti Nitrias, atque Thebaidas Anachoretis fertiles, transtulit in Italiam, inter quos ipse, ut alter Antonius, forma factus est omnibus, ejusmodi vitæ arduum institutum arripientibus; Et paulò post inquit: Ex Canobio ad Vitam transiens Anachoreticam, ita secundus in prole Sanctorum extitit, ut Occidentalem Ecclesiam sanctis repleverit Anachoretis, quorum aliqui Apostolatam ad Gentes meruere,*

et insigni corona Martyrij decorari. Ubi notare potes obiter, Doctissimum Cardinalem de clarissimis S. Romualdi Discipulis, Bonifacio, Joanne, ac Benedicto potissimum hic loqui, quos ante Camalduli ædificationē Romualdus Eremiticæ vitæ præceptis imbutos, jam Apostolatui, et Martyrio maturos in Gentes transmisit, de Discipulis verò, quos Camalduli erudierit, et de novo instituto illic excogitato, quemadmodum et de cælestis Scalæ auspiciis, ubique silere, adeoque jam posita per Romualdum Ordinis sui fundamenta supponere, cum primis Discipulis suis disciplinæ solitariæ Canones tradidit tantò ante Camalduli ædificationem, quam, ut minùs præcipuam S. Patris actionem, Pius Cardinalis notare neglexit. Neque omittendus hoc loco est Eruditissimus Scriptor Joannes Bollandus, in Actis Sanctorum Februarij ad diem 7. ubi Romualdū hoc encomio illustrat sub initium sui prævij Commentarij: *Eremiticę Vitę in Italia Restitutor, ac Propagator celeberrimus sæculo Christi decimo* (adeoque ante Camalduli ædificationem, quę undecimo sæculo contigit) *S. Romualdus extitit*. Ipsaque Romana Ecclesia in Martyrologio similem titulum Romualdo confirmat, nam quemadmodum de S. P. Benedicto die 21. Martii canit, quòd *Monachorum disciplinam in Occidente penè collapsam restituit, ac mirificè propagavit*, ita de S. P. Romualdo die 19. Junii pariformi elogio pronunciat, quòd absolute *Collapsam in Italia Eremiticam disciplinam restituit, ac mirificè propagavit*; quibus iisdem verbis et summus Ecclesiæ Princeps Clemens VIII. in Bulla indictionis ejus

Officii

Officii, inter alia, quę commemorat Gloriosissimi Patris merita, hoc signatim extollit, quòd *Collapsam in Italia Eremiticam disciplinam restituerit, ac mirifice propagaverit*. Datum Romę apud S. Marcum sub Annulo Piscatoris die 9. Julii 1595. Pontificatus sui anno 4.

V. Jure igitur, meritòque hanc Romualdo eximiam laudem, *Communis Eremitarum Patris, et Magistri*, Gravissimi Auctores decernunt, simulque observant, supremam veluti manum Benedictinę Regulę institutis S. Romualdum mirabili hac Eremiticę Vitę instauratione quodammodò imposuisse; nam, ut habet Petrus Damiani lib. 6. Epist. 12. exploratissimum est, quòd *Sanctus Benedictus, dum hominem in Monasterio ponit, ad Eremum dirigit, et dispensatim constituit prius Monasterialis Vitę plantam, ut jam faciles Eremi conscendamus ad arcem*. Quod ipsemet S. P. Benedictus in Regula cap. ult. expressè fatetur, dicens: *Regulam hanc descripsimus, ut eam observantes in Monasteriis, aliquatenus vel bonestatem morum, aut initium conversationis nos demonstremus habere. Caterùm ad perfectionem conversationis qui festinant, sunt doctrina SS. Patrum, quarum observatio perducit hominem ad celsitudinem perfectionis: qualem videlicet à Romualdo fuisse ad praxim deductam luculenter ostendit Stephanus Demalevicius vitę S. Bogumili cap. 29. cui titulus: Vita Eremitica instauratur à S. P. Romualdo, ubi postquam verba Damiani ex cap. 5. Vitę S. Patris retulit, quę nos supra cap. III. num. 2. recitavimus, et ex quibus Romualdum Ordinis sui fundamenta jam tùm in Gallia jecisse deduximus, prout et ipse nobis,*

N

cum

cum agnoscit, dicens: *Atque hæc sunt Romualdine solitudinis, ad quam S. Pater flagranti mentis æstu semper anhelabat, primordia; his, inquam, relatis, paucisque interiectis, sic ad propositum nostrum profectus: Ita quos S. Benedictus in via purgativa, et illuminativa perficiebat, hos ad culmen perfectionis, et intimæ cum Deo, quantum fragilitati humanæ in terris licet, unionis arcem Sanctus Romualdus evocabat.... Atque sic ligna in odorem holocausti suavitatis arsuræ S. Patriarcha Benedictus composuit, et præparavit, quæ S. Romualdus, tamquam igniti Eliæ flammeæ progenies, seraphico ignis ardore, benè jam collocata, et disposita succendit, à Christo Domino, maximo salutis nostræ zelatore, flammæ mutuatus, qui ignem venit mittere in terram, ut accendatur; Tantus enim (ex Petro Damiani vitæ S. Romualdi cap. 37.) in sancto Viri pectore faciendi fructus ardor incanduerat, ut effectis numquam contentus, dum alia faceret, ad faciendâ mox alia properaret; adeo putaretur totum Mundum in Eremum velle convertere, et Monachico Ordini omnem populi multitudinem sociare.*

VI. Neque minùs ejusdem Benedictinæ Regulæ cum Eremiticæ Vitæ institutis conjunctione, ipsiusmet Anachoreseos complemento, et depurationi prospexit, cui vicissim supremam pariter manum, fortissimis obedientiæ armis solitarios instruens, Romualdus imposuit; manca siquidem, et imperfecta eatenus fuerat Eremitica disciplina, de qua, ut alios omittam, Polydorus Vergilius de Inventoribus rerum l. 7. cap. 1. asseruit, quod *Hujusce vitæ genus simplex, ac liberum erat, nullo votorum vinculo adstrictum, ita ut integrum cuique foret*
mane-

manere, aut proficisci quò terrarum vellet, vel siquem ejusmodi sui instituti penitusset, etiam potestas esset ad pristinam redeundi vitam, non absque tamen inconstantia nota. Sibi ipsis videlicet vitæ suæ rationem dumtaxat præsci solitudinû cultores reddere, suo se arbitrio regere, nec alieno subesse consilio consueverant; Hinc nullum obedientiæ meritum, nullum perseverantiæ pignus, nullum solidiorum virtutum exercitium; Præclarissimè igitur cû Eremicis actum est per Romualdi industriam, qui illos Obedientiæ, ac Regulæ monasticæ jugo supposuit, ad perfectum, constantemque Religionis statum evexit, omnibusque tam Cœnobij, quàm Solitudinis commodis, bonisque, citra discrimen ullum, frui concessit, tuto pede, ut ejus Hymnus supra num. 3. adductus canit, idest absque ullo deinceps periculo, Syriæ, et Ægypti Patrum vestigiis tritas semitas recalcare docens, viasque non præruptas, non lubricas, nullique suspitioni obnoxias sectatoribus suis monstrans.

VII. Itaque, ut loco nuper citato observat laudatus Demalevicius, *Primus S. Romualdus ex directione Regulæ S. Benedicti Eremitas, tamquam Locustas sine Rege viuentes, salutaris Obedientiæ legi subactos, in Apes mellificas Ecclesiæ sanctæ commutavit, et veluti stella matutina densas Eremitæ tenebras Vitæ sanctitate, ac Eremiticæ solitudinis cum exercitiis Monasticis coniunctione serenavit, ut nulli Eremitæ ante illum Religiosi, sive Regulares stricta significatione [hoc est ex vi votorum substantialium Religionis] potuissent censeri: cû illis videlicet perpetui status obedientiæ firmitas, ac stabilitas ante Romualdum deesset, quam*

Vir Beatissimus suis legibus attulit, in quem propterea illud S. Eucherij elogium quadrare meritò potest: *Desertum petentibus patefecit aditum, sed, quod majus est, reditum clausit*, Religionis, et Obedientiæ septo concludens. Similia his, quæ ex Demalevicio retulimus, longè antea notaverat in sua historia S. Joannis Gualberti lib. 4. Didacus Franchus Abbas Vallumbrosanus, dicens: *Per quello, che della sostanza del Monaco mancava a i Romiti, introdusse S. Romualdo l'Obedienza, e di Locuste, che erano senza Rê, li fece Api del Giardino di Santa Chiesa: Regola non più veduta nelli eremi &c.*

VIII. Vel in uno S. Venerij exemplo, per Petrum Damiani in vita S. Romualdi cap. 24. descripto, singularis hic Romualdi zelus, et præcipua sollicitudo, circa Solitiorum vitam religiosæ obedientiæ freno temperandam, speciatim elucet. Inter Tiburtinos montes Venerius, confratrum suorum iniurias pertæsus, è Monasterio se proripiens, solitudinis suæ stationem fixerat, *Ubi per sex annos* (verba Damiani deinceps sunt) *absque vino, omnique pulmento sub nimia districtiōis ariditate permansit. Hunc itaque Romualdus, audita ejus fama, visitare curavit. Quem interrogans sub cujus regimine degeret, cujusve arbitrio suæ conversationis obedientiam exhiberet; respondit: se alieno solum imperio, hoc sequi, quod sibi utilius videretur. Cui Romualdus ait: Si crucem Christi portas, superest, ut Christi obedientiam non relinquant; Vade igitur, et consensu à proprio Abbate suscepto, revertere, et sub ejus dominio humiliter vive; quatenus sacri operis ædificium, quod bona voluntas edificat, Humilitas erigit, Obedientiæ virtus extol-*

extollat. Hæc, et multa alia edificationis monita proferens, docuit eum qualiter cogitationibus suis resistere, qualiter posset iniquorum spirituum infestationibus repugnare, et ita confirmatum, et instructum in multa eum alacritate reliquit. Ille igitur Sancti Viri documenta gratanter amplectens, Abbatem suum protinus adiit, consensum accepit, et ad dilectam solitudinem quantocyus remeavit. Hæc Damianus, qui indicatis Venerij virtutibus, ac miraculis post mortem patratis, demùm narrationem suam his verbis concludit: Sic denique, sic bona terra uberes fructus reddidit, quæ verbi semen ex ore Romualdi multiplicatum suscepit.

IX. Verùm in his longiùs nos progredi, aut morosius versari quid attinet? satis hætenus adducta demonstrant, quàm latè pateat Romualdi institutum, atque ut ad omnes Eremiticæ Vitæ sub Obedientiæ regularis jugum redactæ cultores suapte natura extendatur, quippe quos unus ipse Sanctissimus Pater idoneis monitis, et exemplis erudierit, atque in solida religiosæ observantiæ petra fundaverit, necnon eximijs legibus communierit; simulque hinc elucescit, quidquid uspiam per Romualdum, ejusque discipulos, et horum successores in Aquitania, Æmilia, Umbria, Etruria, Polonia, Hungaria allaboratum est ad Anachoresim amplificandam, et sub Monasticæ conversationis forma redigendam, id totum *institutæ à S. Romualdo Religioni*, quanti nunc communi nomine *Camaldulensem* dicimus, meritò esse ascribendum: eosque de Sanctissimi hujus Patriarchæ Gloria pessimè profectò mereri, qui ejus institutionem Camalduli dumtaxat in Etruria

natam

natam somniant, et ad loca illi subinde adnexa restringunt, sicque inter eos dividunt, qui ejusdem Magistri, ejusdemque Disciplina sequela gloriantur, ut à Fratribus Fratres avellere, imò ejusdem Corporis quodammodò membra discerpere videantur, dum ipsius Romualdi sequacium, alios quidem Camaldulensibus concedunt, alios verò simplicibus (quos vocant) Benedictinis astruunt, quasi verò aut Cœnobiticam vitam dumtaxat [quæ horum propria est, et ad quam solam ordinandam D. Benedictus respexit in Regula cap. 1. unde Petrus Damiani lib. 6. ep. 12. de ipso ait: *Monasteria quidem doctrinæ suæ mandatis instituit, super Eremitas verò nullum sibi Magisterium arrogavit*] et non Eremiticam egerint, aut si Cœnobiticam tantùm, non illam cum solitudinum secessu conjunctam, et ad solitudinem ex Romualdi præscripto [perinde ac Monachis Camaldulensibus contigit] ordinatam!

X. Quàm digniùs simul, æquiùs, et veriùs de B. Romualdi Institutione sentiunt, qui ne à possessione præclarissimi elogij *Communis Eremitarum Patris* sibi ab Ecclesia decreti, à Pontifice confirmati, à Gravissimis Auctoribus cum plausu recepti, illum deturbent, ad ejus Ordinem pertinere facile agnoscunt, nedum quotquot in Eremitica, aut Monastica Disciplina eundem Virum Beatissimum audierunt, ipsorumque hæredes, ac successores, sed et omnes illos, qui post ipsum Eremiticam Vitam sub Regulæ Benedictinæ observantia coluere, in Italia præsertim, ubi per se ipsum ejusmodi disciplinam solus restituit, ac mirificè propagavit,

cum

cùm imò *Omnium Occidentalium Eremitarum Dux, et Ag-*
gister, ut supra ostendimus, meritò salutetur? Nam et
 nulla Regularis Domus, ante Romualdum, Benedicti
 legibus adstricta, sub *Eremit* nomine legitur, sed *Mon-*
asterij dumtaxat vocabulum per Italix regiones frequen-

tabatur, et demum, omnibus ritè pensatis, id genus
 Solitariae vitæ sub Monastica Regula exercentes ad nul-
 lum Ordinem aptius, quàm ad Camaldulensem specta-
 re dici possunt, cùm Magni omnium Anachoretarum
 in nostris regionibus Antesignani Romualdi exemplū,
 et institutum reipsa sequi, in scopum ab ipso præfixū
 collimare, et metā ab illo omnibus singularis vitæ
 sectatoribus propositā attingere deprehendantur. Qua
 quidem vel una ratione [etsi ceteræ, quæ nec leves,
 nec paucæ occurrunt, ut Dissert. IV. videbimus, ad
 id specialius convincendum, deessent] persuaderi quis
 posset, Petrum Damiani, omnesque Avellanitas, Ca-
 maldulensium instituto, cum ceteris Romualdi asseclis,
 esse ascribendos, èd quòd Eremiticam utique discipli-
 nam sub Benedictinæ Regulæ jugo profiterentur, adeò
 ut, mea quidem sententia, idem reipsa significant Au-
 ctiores, qui Damianum, aliosve similes, *Eremitam Be-*
neditinum vocant, ac qui *Camaldulensem* expressè appel-
 lant; Nam, ut loco supra citato idem Stephanus De-
 malevicius Canonicus Regularis asseverat: *Camaldulen-*
ses SOLI Monachi, cum his, qui ab ijs, tamquam rami pro-
manant, perficiuntur ad Eremitum, ut ibi tamquam in fastigio
perfectionis, ceu aquila in arduis nidum ponentes, conquiescant,
jam in viis incipientium, et proficientium sufficienter dispositi,

et

et exercitati, ut tandem dulces fructus suorum exercitiorum in via unitiva suavissimè degustent, et ab ubertate Domus Dei in Solitudine, tamquam in cella vinaria inebrientur. Et ante ipsum B. Paulus Justinianus in Regula Vitæ Eremiticæ cap. 11. dixerat: Ex omni Eremitarum genere, Camaldulenses Eremitæ, aut siqui sint ejusdem Conversationis æmulatores, SOLI esse videntur, qui et Solitudinis dulcedine perfruuntur, et Obedientiæ bonum non amittunt.

XI. Jure igitur, meritòque ipsamet Institutio Eremitarum, quos jam tùm in Aquitania (ut supra cap. III. num. 2. et 3. ex Damiano ostendimus) sanctissimis legibus Romualdus instruxit, et ad perfectionis apicem, optimo Solitariæ, et Cœnobiticæ Vitæ nexu, promovit: ipsa, inquam, aut sola, aut præcipua sui Ordinis, quem nunc Camaldulensem dicimus, Institutio censenda est. Undè vix aliam, quàm hanc Eremiticæ Vitæ informationem, plerique Historici in Romualdi Vita commendare solent, Camaldulensis Eremitæ foundationem aut omninò prætermittentes, aut velut puram appellationis, in omnes Romualdi assecclas derivatæ, originem afferentes. Exemplo sint (præter Auctores cap. I. num. 3. laudatos, aliosque hìc supra nù. 4. adductos, nec non Paulum Morigiam, et Petrum Calzolarium Dissert. III. cap. V. num. 14. et 15. recensendos) Gabriel Bucellinus in Annalibus Benedictinis ad annum 978. ubi hæc habet: *Grandibus incrementis subitò efflorescit sanctissima illa Camaldulensium Anachoretarum Congregatio, et primis statim initijs angulares, et verè fundamentales præter lapides Guarinum, et Romualdum, de quibus*
super-

superiùs, coaptat, cooptaque sibi Petrum Urseolum Venetorum Duce[m] &c. Nec non Adrianus Baylet, qui novissimè præcipuorum Sanctorum Vitas Gallico idiomate editas 4. tomis complexus est, qui ad diem 7. Februarij hanc unam describit Romualdini Ordinis Foundationem.

Marin considerant avec respect les dons celestes, dont Dieu favorisoit son Disciple, comença pour lors à se regarder comme son inferieur en lumieres, et en sagesse: de sorte que plusieurs personnes s'étant venu joindre à eux pour servir Dieu dans la solitude, il fallut, que Romuald se chargeast de leur conduite malgré qu'il en eust, et qu'il devint leur Oracle, aussi bien, que leur Modèle &c. Hæc ille, qui et ad diem 19. Junij S. Bonifacium D. Romualdi Discipulum Camaldulensis Ordinis expressè appellat, licèt ante Eremitæ Camaldulensis Originem Martyrio fuerit coronatus; nimirum animadvertens ex ipso Camaldulo, non tantquam ex primo, sed præcipuo omnium loco, toti deinceps Ordini nomen impositum, ut ex alijs etiam Authoribus passim liquet, ac nos toties supra monuimus.



CAPUT VI.

Obiectiones adversæ Opinionis
refelluntur.

S T N O T S I S.

Habitus mutatio ex Scala Visione Camalduli facta opponitur.

num. 1. Colorem vestium ad instituti essentiam non pertinere. 2. A varijs Religionibus habitus color mutatus. 3.

O

Ad

Ad summum novæ Congregationis, non Ordinis novi institutionem hæc mutatio evinceret. 4. Ipsa tamen habitus prætenfa mutatio falsa indicatur. 5. Pictura veteres Romualdum, et socios semper, et ante Camalduli adificationem, albis indutos ostendunt. 6. Ipsamet Scalæ Visio fortasse Romualdo supposita. 7. Cur id non amplius dissimulandum? ibid. Alia obiectio ex ratione Capitis refellitur. 8. Quot modis caput accipiat, et quo sensu Camaldulensi Eremitæ conveniat. ibid. Ut Capitis vocabulo Ræctius etiam alibi abutatur. 9. Conclusio presentis Dissertationis. 10.

I. **H**Actenus in veteri, circa Ordinis nostri primam Institutionem, sententia illustranda, confirmandaque ita versati sumus, ac si præcipuum nuperque alterius vulgaris opinionis fundamentum, aut penitus ignoraremus, aut certè dissimulare velle, et Lectorum mentibus, oculisque consultò subducere videremur; Nihil enī de Scalæ Visione, nihil de nigri habitus in candidum Mutatione, Camalduli, ut præfertur, facta hucusque attigimus, quæ tamen potissima sunt Fortunij, et aliorum præsidia ad suam hypothesim astruendam de Religione à S. Romualdo Camalduli primùm inaugurata, et deinceps novo sub schemmate propagata. Ad hunc itaque nodum, vel abrumpendum, vel dissolvendum, tandem aliquandò respiciamus oportet: dum enim causamur, nihil novi ab Romualdo in Sacræ Eremitæ Etruriæ Foundatione præstitum, quod non in aliis pariter locis, ab eodem Sanctissimo Patre constructis, longè antea institutum fuisset, eodemque te-
pore

nore ubilibet observatum; Reponent adversę doctrinę Patroni, novum saltem habitum à Romualdo Camalduli assumptum, suisque deinceps Discipulis commendatum, ob admirabilis Scalę sibi eò loci divinitus ostęsz mysterium, per quam albescentium Monachorum videbatur ascendere multitudo, cùm antea nigro potissimùm habitu, qualem in Classensi Monasterio assumpsisse creditur, tam ipse Romualdus, quàm ejus Discipuli passim uterentur, neque adeò distinctam à Benedictina Familia Religionem constituerent. Hic nimirum, hic maximus [post nominis æquivoci præjudicium à nobis supra Cap. II. iam præoccupatum] scopolus est, in quem impingimus, dum nostram veterem sententiam restituere, ac vulgo persuadere conamur.

II. Primò tamen, etsi liberaliter concederetur præten-
sa, ob Scalę Visionem, coloris habitus Mutatio, quid hoc quęsò ad novę Religionis originem apud Camaldulum astruendam conferret? an non vulgari adagio circumfertur, *Habitu non facere Monachum*, quemadmodum *nec Barba Philosophum*? Nempe sola Instituti ratio spectanda est, ac forma vivendi, quę alia per Romualdum Camalduli tradita non fuit, ab ea, quam passim alibi, in alijs suis Discipulis ad Eremiticę disciplinę canones componendis ad praxim jam demandaverat, ut supra ostendimus. Quid? quòd in ipsamet Sanctissimi Patris Nostri Benedicti Regula cap. 55. præscriptum legimus: *De colore, aut grossitudine [vestium] non causentur Monachi, sed quales inveniri possunt in provin-*

cia, qua degunt : Cur igitur in Camaldulensis habitus candore superstitiosius observando tot turbas excitamus, quasi ad essentiam Ordinis ita pertineat, ut communem cum illo habuisse originem sit censendus?

IIJ. Novumne est, Religiosas Respublicas prius institui, deinde successu temporis certum habitum illis decerni, quo singuli ipsarum alumni distinguantur; imò et semel electum vestimenti genus, rerum vicissitudinibus ita exigentibus, quò ad colorè, formam, qualitatemve subinde mutari? Certè Silvester Maurolycus in Mari Oceano Religionum lib. 2. cap. 6. refert, suos Cistercienses Roseam cucullam primò detulisse, quæ nunc temporis alba, vel nigra esse solet. Arnoldus Vvion ligni vitæ lib. 1. cap. 64. narrat, Cælestinos in habitu vilissimi coloris camellini panni incessisse, *qui postea in album commutatur est*. Vallumbrosanos etiam à S. Joanne Gualberto, teste S. Athone in ejus Vita cap. 20. aliisque, *facto de suarum ovium varia lana promiscuo panno* olim indutos scimus, hinc griseo in album vergente, ob Camaldulensium, quibus originem debent, sympathiam (ut ait Didacus Franchus Abbas Vallumbrosanus in vita S. Joannis Gualberti lib. 7. pag. 188.) et usque ad annum 1445. album scapulare deferentes, imò et Cingulo sub Michaeli Generali præcinctos [ut idem Auctor tradit] quos hodie pariformi nigro colore amictiri, discincto jam Scapulari, videmus. Putamusne semper fuisse Silvestrinorum Tunicæ iantino, aut subæruleo colore pallentes, Olivetanorum Cucullos in manticæ crispate morem diffusos, Cassinensium

Floc-

Floccos confertissimis strijs ab humero ad talum usque corrugatos? Quod si igitur in alijs Monasticis familijs (exteriorum quippe exempla consultò omisimus, ut celebre illud de clathratis, seu variegatis Carmelitarum Cappis, Martini Papæ jussu, in albas commutatis, teste Thoma Valsingensi in Eduardo I. ad annum 1282.) nemo in animum inducere ausus est, Religionis ipsius mutationem cum habitus mutatione esse conjungendâ; cur in solis Camaldulensibus id evenisse præsumamus?

IV. Secundò, etsi daremus, prætextam novi habitus assumptionem ad essentiam, ut vocant, Religionis quadantenus immutandam conferre potuisse, quid ampliùs hinc concludere liceret, quàm novam Congregationem à S. Patre Camalduli tum excitatam, à reliquis sui Ordinis alibi jam institutis solo habitus candore distinctam? Quomodo non conficitur, *Universum Ordinem* à Romualdo institutum, quatenus generali Camaldulensis nomine sic appellatur, tunc apud Sacram Etruriæ Eremitum initium suum habuisse, sed *specialem Congregationem* ad summum, quæ Camaldulensis Eremitæ Etruriæ nuncupatur; De qua utraque Nominis Camaldulensis generali, et speciali acceptione, vide superiùs à nobis dicta cap. 2. num. 21. Negari enim non potest, ante Camalduli ædificationem, Romualdum specialibus Discipulis stipatum fuisse, eosque non Benedictinæ Regulæ observantia dumtaxat, sed Eremiticis suis institutis, quæ cunctis singularis vitæ sectatoribus (ut Damianus narrat in sepe laudato cap. 9. Vitæ S. Romualdi) ipse præfixerat, imbuere curasse, quos ad eundem

Roma.

Romualdi Ordinem (etsi alio fortasse habitu uterentur) cur non pertinere contendamus, cum passim cernere liceat, diversa quamvis religiosarum vestium formulantur, hinc Cappuccinos, Observantes, et Conventuales ad eundem Ordinem Minorum S. Francisci pertinere, hinc Fulienses, et Cistercienses Monachos, atque Abbatiae Trappensis Solitarios in eundem Cisterciensem Ordinem confluere [idem esto de Calceatis, atque Excalceatis tum Augustinienfibus, tum Carmelitis iudicium] et nihil usquam vulgarius occurrere, quam quod variae Congregationes diverso habitu distinctae, in eisdem nominis, et Instituti Ordine sub eodem communi Patriarcha conveniant. Ipsemet Ordo Monasticus unus est, Benedictinus saltem (imò antiquitus omnes prorsus Monachi, quaecunque Regulam sequerentur, unus tamen Ordinis censebantur, cui *Regularum diversitas nullo modo praescribebat*, ut ait Joannes Mabillon in Praefatione ad Historiam Monasticam num. 26. et ante ipsum eandem Monastici Ordinis unitatem probaverat Thomassinus de Veteri, et Nova Ecclesiae disciplina circa Beneficia parte 1. lib., ni fallor, 3.) cujus tamen variae Congregationes, Cluniacensium, Camaldulensium, Vallisumbrosanorum, Cisterciensium, Montis Virginis, Caelestinorum, Montis Oliveti &c. diverso habitu discerni solent; Cur igitur et ipsa Camaldulensium S. Romualdi Familia, quae, habito ad Ordinem Monasticum S. Benedicti, cujus utique Ramus est, respectu, *Congregatio* tantum censetur, verum si ad membra, in quae discissa fuit, comparari debeat, *Ordinis* rationem

tionem induit, varias Congregationes sub se comprehendentis [fermè ut apud Logicos subalterna, quæ vocant, genera, superiori comparata, sunt species, inferiorum respectu generis obtinent dignitatem] cur, inquam, et ipsa non posset diversi coloris Eremitas, ac Monachos diversis Congregationibus distinctos respicere? singula porro Monasteria tum temporis totidem Congregationes ex se conficere consuevisse, jam superius Cap. II. num. 11. observavimus.

V. Tertiò, Quid si (adhuc supposita Scalæ Visione) ullam habitus mutationem propterea intercessisse negaverim? Nonne tota, quanta est, huic Metamorphosi superstructa machina corruet? Non levibus autem indicijis fictitiam esse hujusmodi mutationem, et post quingentos ab ipsius Camalduli fundatione annos primum excogitam, et simplicioribus gratis obtrusam fuisse contendo, et, quantæ res hæc evidentie potest capax esse, demonstro, tum quia quotquot ante id tempus de Romualdo, de Eremitæ Fundatione, de ipsamet Scalæ Visione, nec non de habitus nostri Candore scripserunt, de hujusmodi mutatione nusquam meminere; tum quia post ejusmodi fabulam à Fortunio præsertim vulgatam, quum illam nonnemo irrisioni, ac ludibrio haberet, in eumque Apologiam ipse Fortunius adornasset, ubi assertionis suæ fundamenta, siquæ ipsi suppetissent, fuerant producenda, nil nisi frivolum, et insubsistens in medium adduxit; tum denique, quia longè aliæ assignatæ sunt à plerisque Candoris nostri habitus causæ, atque idem color ab antiquo potius

Mona-

Monachorum more fuisse per nostros retentus deprehenditur, quàm à Romualdo Scalæ cœlestis, quæ sibi apparuisse traditur, occasione immutatus; quæ omnia fusiùs, et acuratiùs expensa videre licet in peculiari Dissertatione III. quam *De Visione Scalæ, et Habitus mutatione prætenfa* mox in lucem exire dabimus, nos hæcenus ad id renitentes cogente communi Eruditorum suffragio, qui nostram sententiam præfata Diatriba expressam, adèd non levibus coniecturis suffultam credere [quemadmodùm Vir Amicissimus exaggerabat, et blateronibus adhuc nonnullis persuasum esse audio] ut plausu potiùs exceperint, suumque calculum perlibenter addiderint.

VI. Nec me movent Picturæ Divum Romualdum nigro habitu indutum in actu Visionis Monachorum candido Schemmate ascendentium vulgò repræsentantes, quasi tunc demum de innovando vestium Colore S. Pater deliberaverit: nam illæ omninò recentissimæ sunt, neque Fortunij ætate superiores; sed vetustæ omnes, quotquot hoc mysterium repræsentant, omnes, inquam, ad unam omnes D. Romualdum etiam in dicta Visione alba cuculla cum suis indutum referunt, atque adèd non ea dumtaxat occasione de habitu albo assumendo cogitasse Virum Sanctissimum supponunt, cùm imò et ab initio Conversionis suæ candido Monastico Schemmate ornatum exprimant. Videat qui velit antiquissimam Iconem ad Sacellum D. Romualdi in Venerabili Capitulo Monasterij nostri Angelorum Florentiæ anno 1365. depictam, necnon effigies auro, minio-

minioque elaboratas in celeberrimis Libris choralibus ejusdem Cænobij, quæ paulò inferioris ætatis sunt, itè- que vetustissimam Iconem, quæ ad altare majus Eccle- siæ S. Michaelis in Burgo Pisarum in Choro visitur, ex qua Daniel Papebrochius S. Gherardeschæ [ut suppo- nit] imaginem nobis exprimendam curavit ad diem 29. Maij; ut alia præteream ejusdem rei certissima do- cumenta.

VII. Sed quartò demum respondeo, ipsammet Sca- læ Visionem, æquè ac illi innixam Habitus mutationem, falsam, et commentitiam esse, ut in citata Dissertatio- ne III. probabo, ostendens, quotquot de Visione hu- jusmodi, vel ex professo, vel ex incidenti, mentionem fecerunt, nempè B. Rodulphum Priorem, Gherardum Generalem, B. Hieronymum Alberti de Praga, et Ber- nardinum Gadolum, constanter hanc Visionem Mal- dulo soli, non autem Romualdo tribuere, cùm maxi- mè debuissent, nec nisi ex unius clausulæ relatione per- peram intellecta contigisse, ut primùm soli Romual- do, non Maldulo ascriberetur hæc Visio, mox utrique contra expressam prælaudati Rodulphi auctoritatem tribui cæperit, ut qualemcunque veterum. Scriptorum cum vulgari persuasione conciliationem tentarent: Un- de in litteris hac de re ex sacra Erema ad me datis pri- die Kal. Maij 1698. ingenuè fassus est Vir Eruditissi- mus, et Antiquitatum nostrarum sollertissimus indaga- tor D. Eduardus Maria Baroncinus, nunc Erema Cor- tonensi Præfectus, post excussa omnia monumenta; negocium hoc concernentia, *De habitus quidem mutatio-*

ne, inquit, nihil certi uspiam repperi: patet verò, Scalam minimè visam fuisse à Sanctissimo Patre N. Romualdo, cum Domno Maldulo tantum tribuatur; Quamquam ipse Baroncinus consulebat, ne proderem, vel in lucem exhiberem quidquid receptæ hujusmodi credulitati repugnat, *Ne modernis Criticohistoricis præbeatur occasio, Ordini nostro detrabendi*. Quibus Viri circumspiciissimi monitis, aliorumque Amicorum, quos alius tamen respectus agebat, consiliis prudentissimis, cum ultra solidos octo annos obtemperando detulerim, juxta Vatis præceptum, Lucubrationem illam *Nonnum premeis in animum* (Horatius de Arte poetica) optimum factu duxi; ut ipsi etiam Veritati aliquid tandem deferrem, cujus dignitas à cordatis quibusque viris merito vindicanda, et privato cuilibet discrimini præferenda est, etenim, ut ait Tertullianus adversus Valentinianos: *Nihil Veritas erubescit, nisi solummodo abscondi*; Nec quidpiam à modernis Criticis propterea timendum videtur, quibus ædificationi potius esse poterit figmenti hujus sincera, et candida refutatio; Romualdus autem tot signis, et virtutibus, aliisque Visionibus per certissimam Petri Damiani historiam celeberrimus, tantillo honore è falsitatis penu emendicato non indiget: *Neque Ostentationi, sed Fidei, Veritatique componitur historia*, ut ait Plinius l. 7. Ep. 17. Plurimum verò interest Ordinis nostri Camaldulensis Gloriæ, ac Dignitatis, ut Romualdus non in ultima senectute dumtaxat illius Institutioni animum applicuerit, ut suppositæ Visionis hujus magnificatores deprædicant, sed ex quò primam apud Aquitanos

tanos clarescere cœpit, omnem suam sollicitudinem ad ejus formationem converterit, ac diuturnos longævæ suæ vitæ labores educationi ejusdem impenderit, præcipuosque Discipulos suos sanctitate clarissimos, non ante illius institutionem, sed sub ejus jam adulti disciplina Beatissimus Pater aluerit, et in maximum Ecclesiæ bonum Cœlo transmiserit; Quamquàm enim, ob alias responsiones superius indicatas, nostrum hoc assertum integrum persisteret, adhuc intacta Romualdi Visione, nihilominus negari nequit, multò fortius Recentiorum systema convelli, præcipuo hoc ipsorum fundamento penitus everso: numquam enim prorsus adæquata, et peremptoria responsio Adversariorum cavillis opponi potest, quamdiù quid veri, quid falsi in eorum hypothesis contineatur, aliqua ex parte dissimulare placuerit.

VIII. Aliud obiectionis genus nonnullis facessere negotium solet, ex eo petitum, quòd passim Camaldulensis Eremitus totius Ordinis nostri *Caput, et Princeps* consueverit appellari: cui tamen obvia responsio est, tum ex dictis Capite II. ubi ostendimus non semper, et ab initio talem habitam fuisse, sed temporis successu id prærogativæ illi delatum ex plerorumque locorum consensione, et Apostolicæ sedis privilegio, quod loco citato num. 13. retulimus; tum ex quò ostendi potest, non statim ac locus aliquis Caput religionis alicujus nuncupatur, Fontem propterea illum, et Radicem credi oportere, unde cætera domicilia initium duxerint. Aliud est nimirum Caput *Origine*, aliud *Denominatio*-

natione, aliud *Dignitate*, aliud *Jurisdictione*. Primo sensu numquam totius Ordinis Caput haberi poterat sacra illa Etruriæ solitudo, quia ante illam tot alias ejusdem instituti Divus Romualdus erexerat; Secundo sensu, et nunc fateor universi nostri Ordinis Principem dici posse, nam singulis ejus locis, ac personis titulum confert, quo passim hodie condecorantur: qua eadem ratione peculiaris nostræ Congregationis Monasticæ Caput dici meretur Insigne Monasterium S. Michaelis Murani, cujus titulum præfert, ac tale de facto nuncupatur à Ventura Atheistino in Dialogis de Balneis Calderij, eodemque sensu Mons Coronæ Caput est Coronensium Eremitarum &c. Tertio sensu pariter eidem sacræ Eremitæ Camaldulensi primas deberi non inficior, cujus excellentiam, decorem, sanctitatem summa veneratione complector, *Quia ubi arctior est vita*, inquit B. Rodolphus in Constitutionibus cap. 54. ad hoc ipsum propositum, *major debet esse reverentia, locus Eremitæ quasi, imò revera Caput ab his, qui in Fonte bono, vel per obedientias, ceteraque loca Congregationis commorantur, veneretur*. Quarto demùm sensu Capitis rationem olim certè, diuque retinuit eadem Camaldulensis Eremitæ respectu omnium Ordinis Monasteriorum, quando ejus Prior, ipso jure, Generalis omnium Pater censebatur, ibique suam sedem, tamquam in proprio solio sgebatur, unde cæteris jura dabat, quemadmodum et nunc respectu saltem Eremitarum Etruscæ Congregationis, hoc ipso, et omnibus reliquis supra recensitis modis Caput haberi debet; At postquàm in tot membra

bra discissus est Ordo, ac Generalis Abbatis titulus ad supremum Monachorum Præfectum in S. Hyppoliti Faventix residentem transit, hoc potius S. Hyppoliti Monasterium, quàm sacra Camaldulensis Eremitæ, Caput esse, et dici (in hoc, inquam, jurisdictionis sensu) meretur, ut certè à Sixto V. in Bulla, quæ incipit: *Usus quandoque docet &c.* Data apud S. Petrum die 21. Decembris 1585. Pontificatus anno 1. hac appellatione insignitur, ibi: *Et S. Hyppoliti Faventinæ prædicti, quod Caput totius Congregationis existit, et per dictum Stephanum, et pro tempore existentem universæ Congregationis Generalem Abbatem obtineri consuevit.* Et tamen Monachi simul, atque Eremitæ Camaldulensis Eremiti tunc temporis ab eodem Stephano regebantur, qui ex ipsismet Eremitis ad eam dignitatem assumptus fuerat.

IX. Cæterùm quàm valida sit in nostram sententiâ machina, quæ ex hac *Capitis* attributione Camaldulensi Eremito promiscuè facta deducitur, vel hinc intelligi potest, quòd Sylvanus Ractius in Descriptione Sacræ Eremitæ cap. 1. eandem *Capitis* appellationem Monti Alverniæ pro Franciscana Religione assignat, usque adeò verum est, non ita multas condiciones ab ejusmodi Auditoribus respici consuevisse, ut *Capitis*, et Principis prærogativam alicui Monasterio tribuant, nec omnium prioritatem, aut jurisdictionem requiri, sed quamlibet excellentiam sufficere. En Ractij verba, ubi ostensurus, omnes fermè Religiones ex Etruria oriundas, inter alia hæc habet: *Similmente Francesco d' Ascesi dopo molti, e molti anni, avendo avute nel monte della Vernia le sainte Ssimma-*

te, fece C^APO, e luogo principale de' suoi futuri figliuoli, e della sua famosissima Religione quel sacro Monte, &c. Cùm tamen in Umbria, non in Etruria sui Ordinis fundamenta jecisse Franciscum, notius sit, quàm hic indigeat cum Lectorum tedio commemorari.


X. Constare interim arbitror, nihil Veteri Opinioni, quam præsentì Dissertatione restituere sum aggressus, ob stare posse quęcumque circa ædificationem Camalduli circumferuntur, et Recentiores in adversam sententiam nullo, aut debili certè fundamento delapsos. Undè quotquot Ordinis nostri gloriam eo prætextu imminuere, ac præcipuos ex illustribus S. Romualdi Discipulis, eorumque Successoribus, ex albo Camaldulensium abradere nisi sunt, falso laborasse supposito convincuntur: ideòque non est cur Arnoldus Vvion Ligni Vitæ parte 1. lib. 1. cap. 27. cui titulum fecit: *Alij Sancti, ac Viri Illustres, qui putantur Ordinis Camaldulensis*, usque aded exaggeret, tot SS. Martyres, et Confessores, Bonifacium, Joannem, Benedictum, Adalbertum, Matthæum, Isaac, Christinum, Barnabam, Petrum Urseolum, Joannem Gradenicum, Petrum Damiani, aliosque hujusmodi, Camaldulensibus non esse accensendos, ea dumtaxat ratione, quòd: *Ex pluribus, inquit, Auctoribus certo certius appareat, antedictos omnes numquam albo, sed nigro amictos, colore fuisse, quòdque eorum plures diem suum obierint, priusquàm S. Romualdus de metatione habitus cogitaret.* Enimverò ex ijs, quę in hac Dissertatione disputata sunt, abundè liquet, eundem esse D. Romualdi Ordinem, sub cujus disci-

disciplina, tum illi ante Camalduli ædificationem, aut independenter ab ipsa postmodum alibi floruerunt, tum alij in eadem Sacra Camaldulensi Eremita, ipsive adiunctis Cenobijs vota sua Domino reddidere: nihilque referre, nigronem, an albo in suis tunicis colore uterentur, dummodo ijsdem Romualdini Instituti legibus subessent. Quamquam adeò falsum est, *Ex pluribus Auctoribus certo certius apparere, antedictos omnes nunquam albo, sed nigro amictos colore fuisse*, ut respondere ausim, ne unum quidem idoneum Auctorem reperiri posse, qui hoc vel probabiliter asserat, quod præfidenter Certo certius jactat Arnoldus: Cum imò constet, aut nullum determinatum colorem ab ijs observatum, aut plerumque [quod de Petro Damiano, et Avellanitis certum est ex Dissert. III. cap. 2. num. 9. et 10.] album colorem potiusquàm nigrum illis in usu fuisse, ut eadem Dissert. III. Cap. 7. ostendo; Romualdum autem, nequidem post Sanctorum ejusmodi obitum, de Mutatione habitus cogitasse liquet, adeò non ista expectanda erat, quæ ejus Ordini initium tribueret, et limitem veluti figeret, inter Benedictinos simplices, et Camaldulenses nostros dividendum, quemadmodum sibi fingit Arnoldus, et qui illi in hoc proposito succinit, Hieronymus Fabri in Sacris Ravennæ monumentis. Superesset, ut annum ipsum, quo nostræ Religionis auspicia in Aquitania Romualdus posuerit, determinarem; verùm hoc à graviore etiàm Controversia, ipsius Romualdi Ætatem concernente dependet, de qua in II. Dissertatione sequenti agendum erit. Pro nunc indicare

dicare sufficiat, juxta Bollandi hypothese[m], hæc ad annum 978. referenda; ex nostro autem calculo eadem incidisse in annum Dominicæ Incarnationis 962. Joanne XII. Romano Pontifice, Othone I. in Germania Imperante, et quidem circa diem 8. Septembris, ut in nostro Agiologio, ubi Electio Romualdi in Magistrum, Præfectumque Aquitanicæ Eremitæ hac die recolitur, demonstramus.

FINIS.

ET NE AUFERAS DE ORE MEO VERBUM.
VERITATIS USQUEQUAQUE. Psal. 118.



DISSERTATIO II
DE ÆTATE
S. P. ROMUALDI

Y	100		
$\frac{Y}{N}$	$\frac{100}{100}$		
$\frac{Y}{\text{obs}}$	$\frac{100}{100}$		
$\frac{Y}{\text{exp}}$	$\frac{100}{100}$		

3674.

1000 1000 1000 1000 1000



DE ÆTATE S. P. ROMUALDI

CAPUT I.

Quæstionis status, et variæ Auctorum
sententiæ.

SYNOPSIS.

Obscurum Chronologiæ Camaldulensis initium ob Ætatem S. Romualdi. Num. 1. Ejus illustratio frustra ab aliis expectata, nostris tandem conjecturis utcunque supplenda. 2. Vulgaris calculus annorum S. Romualdi. 3. Honesti Archiepiscopi tempus illi non correspondet, neque secundum Tabulas, et Historias Ravennates, neque juxta ipsummet Petrum Damiani. 4. Carrarius à Fortunio consultus quomodo rem componendam censuerit. 5. Ejus sententiæ confutatio. 6. Non potuisse in ea bypothefi Damianum Vitam S. Romualdi de-

A 2

scri

scribere. 7. *Casaris Cardinalis Baronij animaaverso*. 8. Nec tamen ipse in *Martyrologio*, et *Lecturibus Breviarii*, *Ætatem S. Patris* idcirco minuendam duxit, sed 120. annos vixisse asseruit, ejusque longevitatem *Clemens VIII.* equè approbavit. 9. *Thomas Minus ex SS. Casimiro Poloniæ Rege*, ac *Joanne Gualberto*, *Romualdi Ætatem* usque ad annum 1057. protrahendam comendit. 10. Idem ex disciplina *Romualdi in Sergium Patrem* persuadere nititur. 11. Tantam dilationem hisce capitibus non necessariò persuaderi. 12. Persistere adhuc in *Minii hypotbesi* difficultates ex *Honesti*, et *Damiani tempore* deductas. 13. *Joannes Bollandus* veterem difficultatem promovet, nec ultra annum 1027. *Romualdi mortem* differri posse arbitratur. 14. *Vulgare systema cum tempore conversionis Petri Urseoli* non convenire putat. 15. *Amanuensium culpa C pro L acceptum fuisse*, unde numerus CXX. pro LXX. annorum in *Vitam S. Romualdi à Damiano descriptam* irrepperit, eamque veram nodi solutionem esse concludit. 16.



Væ ad nostram, veteremque de Ordinis Camaldulensis Institutione sc̃tentiam restituendam, illustrandam, confirmandamque spectabant, præcedenti Dissertatione abundè, ut arbitror, in medium produximus: nunc longè difficiliorem de Ordinis ejusdem Epochâ ritè statuenda quæstionem breviter attingemus; Quàm clarè siquidem ex *Petri Damiani* narratione patuit, *Romualdum* in *Aquitania* ubi primos *Discipulos Eremiticæ vitæ* legibus imbuït, Ordinis

dinis sui primordia collocasse, tam in obscuro deinde latet anni ipsius, quo hæc contigerint, verior determinatio, et æquè in incerto positum fluctuat totius Chronologiæ Camaldulensis initium, ob insignem de Romualdi Ætate controversiam, cui (tot rebus gestis nulla temporum nota distinctis) tenebras potiùs, quàm lucem eadem Damiani Historia videtur offundere, quibus disiiciendis me quidem longè imparem sentio, aliorumque in hoc nodo dissolvendo conatus attendere maluisssem, quàm simplices coniecturas meas deprimere, quas pluribus ab hinc annis, dum non aliis studiis distractus in unius Camaldulensis Historiæ cognitionem incumberet animus, mente conceptras schedulis commendaveram, avidissimè expectans, an certius quidpiam occurreret, atque felicioribus aliorum curis hæc quæstio interim illustraretur.

II. Verùm ex quò nuper lucem aspexit sextum Sæculum Benedictinum ab Eruditissimis S. Mauri Monachis adornatum, cujus desiderium spem in animo meo nonnullam alebat, fili alicujus hinc derivandi ad labyrinthi hujus ambages aliquando evolvendas: ubi intellexi (nec enim coram videre licuit) à Clarissimis, et Diligentissimis Viris nihil demùm allatum esse ad Romualdi Ætatem plenius illustrandam, sed rem in incipiti, ut priùs, relictam; desperare cæpi, novas huic proposito suppetias aliunde accessuras, deque cogitatis meis, qualiacunque sint, proferendis deliberavi. Neque me propositi pœnitet, licèt non omnibus probandas esse conjecturas ejusmodi, satis prævideam; illas
enim

enim non quasi exploratas ænigmatis hujus solutiones propono, sed [quo loco illas semper habui] ut simplices dumtaxat conatus, aliquam conciliationem difficultatum in hac materia occurrentium interim attemptantis, dum melior lux affulgeat Veritati, quam ab alijs postmodum uberius illustrari, etiam levibus his conjecturis nostris ex integro refutatis, adedò gravatè non feram, ut cum grati etiam animi significatione sim excepturus quæcumque in hoc propositum ab eruditioribus conferentur: satis laudis, et gloriæ ab his scriptis nimirum reportaturus, si aliis controversiam hanc plenius agitandi, et apertius resolvendi ansam dedisse judicabuntur.

III. Totus autem quæstionis cardo in hoc versatur. Narrat Petrus Damiani de Romualdo in ejus Vita cap. 68. quòd *Vixit Vir Beatissimus centum viginti annis, ex quibus viginti expendit in sæculo, tres duxit in Monasterio, nonagintaseptem in Eremitico transegit proposito*. Cùm itaque ex vetustissimis Camalduli monumentis, perpetuaque Ordinis traditione constet, eundem anno 1027. suum diem obiisse, quod et Lectiones tum Romani, tum Monastici Breviarii die 7. Februarii confirmant, consequens est, ante 120. annos natum fuisse anno 907. et viginti post annos sæculo valedixisse anno 927. ut vulgaris calculus præferre solet.

IV. Verùm si attendamus, cujus autoritate apud Classenses Monachos Romualdi conversio promota fuerit, Honesti nimirum Archiepiscopi Ravennatis, qui ejusdem Classensis Monasterii Abbas olim extiterat, ut
idem

idem Damianus in Romualdi vita cap. 2. his verbis testatur: *Monachi verò dum Patris ejus [Romualdi nempe monasticum habitum flagitantis] duritiam metuunt, conversioni illius aditum pandere non presumunt. Honestus autem, qui tunc Ravenna Archiepiscopalem Cathedram obtinebat, olim Classensis Canobii Abbas extiterat. Hunc ergo Romualdus impiger adiit, eique omne sui cordis desiderium patefecit. Qui alacer factus, casta concupiscentiæ exhortationis stimulos addidit, fratribusque, ut eum suo collegio incunctanter adsciscerent, imperavit. Hujus itaque patrocinio Cenobitæ suffulti, Romualdum intrepida securitate suscipiunt, eique sanctæ conversationis habitum tradunt. Si, inquam, hæc attendamus, calculus omnis turbabitur, anno siquidem 927. non Honestus, sed Petrus ejus antecessor Ravennatem Ecclesiam administrabat, ut nedum ex Ravennatibus Tabulis, et Historicis omnibus colligitur, sed ex ipsomet Petro Damiano aperte liquet, dum tomo 1. Ep. 9. libri 1. scribit: *Petrus etiam Archiepiscopus Ravennalem dimisit Ecclesiam, cui mox adhuc supersitit Honestus, primo videlicet Othone habenas imperij gubernante, successit. Primi autem Othonis imperium non ante annū 936. ab omnibus Chronologis consignatur, quare ipso anno 927. non Honestus, sed Petrus Ravennæ Archiepiscopalem Cathedram obtinebat, quam anno 923. concenderat, adedque Romualdi conversio, quæ Honesti ipsius suffragio perfici debuit, longè post annum 927. contigerit, unde et ipsa Romualdi Ætas, et tota ejus Vitæ chronologica distributio, nutare prorsus, et in ambiguo fluctuare convincitur.**

V. Pri-

V. Primus difficultatem hanc sensit Historiæ Camaldulensis Scriptor Augustinus noster Fortunius, eaque de re Vincentium Carrarium I. C. Ravennatem Virum Eruditissimum consuluit, ut parte 2. Historiarum Camaldulensium l. 1. cap. 7. legitur; qui rescripsit: *Cùm Honestus non fuerit Archiepiscopus, nisi post annum 963. succedens Petro, qui sedebat anno 927. arbitrari se, quòd S. P. Romualdus natus sit anno 946. et mortuus anno 1066. ut historia invicem cohæreant; Quam sententiam hinc etiam confirmari posse indicat, quòd idem Petrus Damiani sub initium capitis quinti loquens de primordijs conversionis S. Romualdi apud Marinum, testatur eodem tempore factam Ducis Urseoli conversionem, quæ ex Venetorum Historijs post annum 970. reponi consuevit, aut saltem, si Hieronymo Bardo Monacho nostro insigni Chronologo auscultemus, circa annum 959. ad summum contingere potuit.*

VI. Sedenim huic opinioni obstare animadvertit Fortunius, tum seriem Priorum Sacre Eremitæ, tum Privilegium Theodaldi Aretini Episcopi, tum Paginâ foundationis Abbatie Fesulanæ, in quibus S. P. anno 1027. mortuus supponitur; tum denique, quòd non sit verosimile S. Romualdum Imperatoribus Othoni III. et Henrico II. notissimum, et gratissimum, ab ipsorum successoribus ignorari potuisse, nec aliquid memoria dignum sub eorum imperio patrasse, ut ab anno 1027. ad 1066. ejus memoria ubique filere debeat, quasi otiosus ipse manserit, *Qui usque ad extremum vitæ spiritum Operarius vigilantissimus in vinea Ecclesiæ Christi*

Christi fuit . Argumentum porro ex Petri Urseoli conversione ductum sic eludere, aut declinare videtur, ut in Amanuensis negligentiam culpa sit referenda; ait enim: Quod ex verbis Damiani Petrus Urseolus conversus esse videatur primis annis, quibus S. P. Romualdus Venetijs agebat, id Scriptoris errore factum esse credimus, cum non sit verisimile, ut tantus Princeps fugam cum Eremita novitio inierit, quodque Guarinus Abbas Monasterium suum eidem tradiderit, obdicans se Principatu factus uxà cum Duce, et cum B. Marino, illi devotus Discipulus.

VII. Addere poterat in ejus sententiæ refutatione, quod cum Petrus Damiani 15. annis post Romualdi obitum ejus gesta litteris consignaverit [*Ecce enim, inquit Damianus, in Prologo Vitæ S. Romualdi, tria jam ferè lustra transacta sunt, ex quo Beatus Romualdus deposito carnis onere ad atherea regna migravit*] Si Romualdus anno 1066. mortuus asseratur, debuisset anno 1081. ejus Vita à Petro Damiano describi: quo tempore in vivis esse jam desierat, nam anno 1072. obiisse vulgò creditur, et si ad 1080. nonnulli ejus etatè extendant, quod adhuc non sufficit, ut Romualdi Vitam describere potuerit; præsertim quia antequàm ad Cardinalitæ Dignitatis apicem per Stephanum IX. evheretur, et fortè in primis ejus conversionis initijs, Vitam hanc Romualdi descripsisse videtur Damianus, cum in eodem Vitæ hujus Prologo ita loquatur, quasi è sæculo recens avulsus: *Nobis autem, inquit, in angusto cellule angulo residentibus utilius erat, sicut proposuimus, propria peccata ad mentis oculos assidue revocare, quàm aliene*

B

virtutibus

virtutis historiam texere, magis expedire commissi reatus tenebras plangere, quàm splendida sanctitatis insignia imperitis sermonibus offuscare.

VIII. Secundus eundem nodum versavit celeberrimus Ecclesiasticæ historiæ Parens Cæsar Cardinalis Baronius, sed intento potius digito ad intricatissimi glomi caput, quàm manu ad ejus extricationem, et evolutionem admota; postquàm enim tomo XI. ad annū Christi 1027. num. 13. difficultatis summam exposuit, unum hoc demum concludere satis habuit: *Igitur ad certiores calculos anni Romualdi sunt revocandi.* Quod quidem ultrò fatemur, at viam ipsam evadendi requirimus, quam certè aut asperam, aut obscuram, aut interclusam fuisse maximo huic Veritatis historice Indagatori, colligere licet ex hac ipsa perfunctoria tantæ difficultatis recensione, quò faciliùs et ipsi speremus, qualescunque circa hanc controversiam coniecturas nostras, veniæ alicujus dignatione ab æquis rerum æstimatoribus fore excipiendas.

IX. Notandum est tamen, non idè Doctissimum Cardinalem sensisse, quod Romualdi Ætas esset diminuenda, sed tantùm *Ad certiores calculos revocanda*; Nam et in Notis ad Martyrologium Romanum ad diem 19. Junij, eandem integram 120. annorum Romualdi Ætatem ex Damiano simpliciter referre satis habuit, nullam dubitandi occasionem prætendēs; Et in Reformatione Breviarii Romani jussu Clementis VIII. unà cum Cardinali Bellarmino [ejusdem difficultatis conscio] legi permisit ultima lectione secundi Nocturni pro die

7. Februarij, verba illa: *Denique cùm annos centum, et viginti ageret, et centum ipsos in summa vitę asperitate Deq̃servisset, ad eum migravit; quemadmodũ et in posterioribus omnibus Breviarij emendationibus eadem intacta remanserunt, et post editas Bollandianas conjecturas, Sacra Rit. Congregatio die 18. Maij 1675. pro toto Camaldulensi Ordine approbavit lectiones S. Romualdi in FERIA III. inter quas ad finem secundę lectionis pro Mense Decembri legimus incorrupta Damiani verba: Vixit Vir Beatissimus centum viginti annis, ex quibus viginti in Seculo, tres in Monasterio, nonagintaseptem transegit in Eremitio.* Sed et ipse Clemens VIII. Pontifex Max. cùm Romualdi venerationem ad publicum Divinorum Officiorum cultum, universo Clero sub Ritu Duplici imperatum, extenderet in sua Constitutione data apud S. Marcum sub Annulo Piscatoris die 9. Julij 1595. Pontif. sui anno 4. Romualdum à Deo exaltari meruisse longitudine dierum in terris, constantissimè testatus est, non obstante difficultate, quam Cęsar Card. Baronius jam adverterat, et proposuerat.

X. Tertius controversię huic ventilandę accessit Vir nostrarum rerum consultissimus, deque Camaldulensis Nominis dignitate optimè meritus D. Thomas Minius Monachus Angelorum Florentię, qui in Vita B. Casimiri Polonię Regis, Discipuli S. Romualdi, anno 1620. Venetijs edita, observat, Casimirum non ante annum 1036. ad Romualdum in Italia commorantem accessisse, vel etiam accedere potuisse, ut ex Matthęo Miechovita, Martino Chromero, aliisque Re-

rum Polonicarum Scriptoribus, in aperto esse contendit: unde S. Patrem Romualdum post annum 1027. superstitem fuisse colligit; idemque ex adventu S. Joannis Gualberti ad Camaldulensem Eremum confirmat, hic enim non ante annum 1034. Romualdum convenire potuit; itaque Honesti Ravennatis Archiepiscopi Sedem, quæ longè post annum 927. indubiè ponenda est, Ætati S. Romualdi nullum præjudicium asserre, differendam enim esse, alijs etiam indicijs, ultra quàm vulgò statuitur, ejus Mortem, quæ anno 1057. reponenda Minio videtur, uti Nativitas ad annum 937. trahenda, Conversio ad annum 957. revocanda.

XI. Præsertim verò compelli se Minius asserit ad prorogandam Romualdi Ætatem potissimo Sergij Patris ejusdem Romualdi argumento; Hunc enim post Petri Urseoli obitum, adeòque post annum 997. de sæcularisvitæ statu reassumendo cogitantem corripuisse, et compedibus, ac vinculis, et verberibus, pia severitate, castigasse legitur Romualdus à Galliis redux, usquedum ad meliorem frugem incautum reduceret, atque in Sancto Religionis proposito confirmaret, ut ex Vitæ cap. 12. et 13. colligitur: quod à verosimili abhorre observat, si Romualdus anno 907. natus cum vulgari opinione censeatur, nam tunc filius nonagesimum annum obtineret, quare Patrem longè ultra quàm centenarium fateri necesse foret, quem ætate illa adeò decrepita [licet sæcularis jam libertatis rursus præcupidum fingeremus] tam rigide tamen disciplinæ severitati

tati à Filio subiectum esse, illæso humanitatis sensu, vix est ut suspicemur.

XII. Quanquàm non video tantæ dilationis necessitatem hinc oriri, ut propterea ad annum 1057. Romualdi Mors protrahi debeat, cùm argumenta à Minio adducta ex Casimiri, et Gualberti discipulatu non ultra annum 1037. Romualdum superstitem demonstrent; Sergij verò Patris correptio æquè mirabilis videatur circa senem octogenarium (qualis esse debuit, etiam Minij sententia, Sergius anno 997. si Romualdus anno 937. illi natus alleratur, quippe vicesimo saltem ætatis suæ anno illum genuisse dicendus est) ac circà centenario maiorem, nec minùs fortasse in hac, quàm in illa ætate locum habere potuit religiosæ vitæ semel susceptæ inconstantia, si tantò maiores libertatis in sæculo prægustatæ blanditias, ad illum à proposito revocandum, esse debuisse animadvertamus, et eò validiori efficacia, ac graviori remedio expugnandas, quò diuturniori usu Sergij animum infecerant, quippe qui (Vitæ S. Romualdi cap. 1.) *Mundo vehementer intentus, et omnino secularibus negotiis implicatus* tantò antea fuisse describitur.

XIII. Ad hæc, ipsius Honesti Archiepiscopi tempus, quale vulgò statuitur, Minij sententiæ, perinde ac communi opinioni, repugnat: nam ex Carrario, quem num. 5. superius adduximus, nonnisi post annum 963. ex aliis verò aliquantò etiam seriùs, sedere cœpit Honestus, quare anno 957. quo Minius repouendam Romualdi Conversionem iudicat, non potuit aucto-

auctoritate sua Classenses Monachos confirmare, ut *intrepide Romualdum susciperent*, illique *sanctæ conversationis habitum traderent*: ut nihil addam de Petri Damiani ætate, quæ Minij æquè ac Carrarij sententiæ adversatur, debuisset enim juxta Minium anno 1072. Romualdi vitam Damianus describere, utpotè tribus ab obitu S. Patris lustris collectam, quo anno Damiani ipsius mors contigit Februario mense, cum circa initium suę conversionis, certè antequàm cum Cardinalia, et Episcopali Dignitate tot Christianę Reipublicę negocijs distineretur, illam exarasse Damianus videatur, ut supra num. 7. expendimus.

XIV. Quartus denique Scopulum hunc sibi superandum proposuit eximij Operis, Christianę Reipublicę utilimi, et Ecclesiasticam Antiquitatem maximè illustrantis Aggressor Joannes Bollandus, dum inter alia, quæ colligit, et illustrat Sanctorum Acta, S. Romualdi vitam ad diem 7. Februarij prævio commentario recensens, §. 3. contendit, longævam S. Patris Ætatem cum ejus historia nō posse omninò consistere, tum primario, et potissimo argumento Honesti Archiepiscopi Ravennatis, ipsismet Baronij verbis relato, ostendens longè post annum 927. conversioni S. Romualdi aditum patefieri potuisse, tum varijs conjecturis, ultra annum 1027. ejus vitam prorogari non posse definiens, nam ad 1071. pervenisse oporteret, si centesimo post suam conversionem anno Romualdus morti cessisset, nec Petrus Damiani tribus ab ejus obitu lustris Vitam S. Patris poterat litteris consignare,
nec

nec Romualdi memoria post Henricum II. ubique fieret. Nam si tandiu (inquit Bollandus num. 17.) superstes fuit, vegetus tamen semper, et ad labores pro Dei gloria impiger, quid causa est, cur nusquam ejus, post S. Henrici Imperatoris obitum, mentio fiat? cur difficillimis Ecclesie temporibus non implorata ejus opera à Pontificibus, qui antea illum tanti fecerant, ut ultro Parentio revocarent? Cur non ipse sponte sua Imperatores, aliosque Theutonicos Principes, apud quos tanta sub Othone III. et Henrico fuerat in veneratione, admonuit, ne Ecclesiam Dei perturbarent? an auctoritatem ei, an zelum potius dicemus desuisse? utrumvis injuriosum sit vel suspicari de eo, qui etiam Barbaros Religionis disseminandę causa adiit, et quasi unus de Seraphim, homines, quocunque pergeret, sancta predicationis facibus accendebat.

XV. Nec posse cum vulgari systemate conciliari Petri Urseoli ætatem contendit, nam hic quarto circiter à Romualdi Cõversione anno Monachus factus est, idque circa annum 977. ex Venetis Historicis, nec multò citiùs id contingere potuisse arbitratur, ex quo Petrus Candianus, Urseoli Decefflor, Hugonis Etrurię Marchionis sororius extiterit, qui anno 1001. è vivis excessit, unde necessariò Romualdus anno 973. sæculo valedixerit, aut etiam anno 975. quandoquidem Hieronymus Pragensis cap. 2. num. 6. sui Sermonis de S. Romualdo, scribit, viginti annis post Conversionem Classensi Abbatie Præfectum, id quod contigit Othonis III. nutu ad annum circiter 995. vel 996. uti Baronius ad hunc annum adnotavit.

XVI. Hinc num. 19. rem sic componendam decernit

nit Bollandus, ut in Amanuensis incuriam erroris causa referatur; ait enim: *Quid ergo de B. Petri Damiani calculo dicemus? vitiatos facillimo errore numeros, nam cum scripsisset (vixisse Virum Beatissimum LXX. annis, XX expendisse in Saeculo, III. in Monasterio duxisse, XLVII. in eremitico transegisse proposito) scriba quispiam pro L. littera, minus fortasse accuratè expressa, C. legit, scripsitque CXX. pro LXX. et XCVII. pro XLVII. ac consequenter quod num. 77. erat (ultra quàm quinquagenario) fortè simili compendio formatum [L.^{ra}] vel legit [C.^{ra}] vel consultò, ut cum sequentibus congrueret, ita restituit; et verò quis ita loquatur, ut (ultra quàm centenario vergere jam in senectutem) ut num. 80. habetur, sive (in senium declinare jam ætatem) dicat? Hæc Bollandus.*



CAPUT II.

Supra relatæ Bollandianæ Sententiæ Confutatio.

S T N O P S I S.

Autographum Petri Damiani, olim Farventiæ, nunc in Vaticana Bibliotheca servatum. 1. Dubij cujusdam solutio. 2. Non arithmeticis notis, sed verbis per extensum exprimitur S. Romualdi Ætas in laudato codice 3. Damiani sensu eadem coniectura refellitur. 4. Senilis ætas à Veneris stimulis

mulis non immunis. 5. Romualdi Ætatem in senectutem vergere non scripsit Damianus, sed senectutem vergere. 6. Ante Sitriensem calumniam S.P. jam senex describitur. 7. Evidenti calculo Bollandus rejicitur. 8. et 9. An Damianus falli, vel fallere potuerit? 10. Vtrum Romualdum Damianus agnovit. 11. Ejus Vtæ seriem ab egregijs ejusdem Discipulis hausit. 12. Qua cura sibi à mendacijs carverit Damianus. 13. et 14. Concluditur insubsistens Bollandi conjectura. 15.

I. **P**uribus figmentum illud Bollandianum, quod ad calcem superioris capitis retuli, placuisse, *Non equidem invideo, miror magis:*

at in densissima rerum caligine ambulantes, obvia quæquæ arripere solent; mihi verò etsi nullus alius ab his tenebris occurreret exitus, hic certè, quò nos Bollandus adducit, nunquam probari posset, cùm facti ipsius opposita Veritate, velut insuperabili quodam repagulo, obstructus videatur; Si enim Damiani ipsius Authographum in conspectum veniat, nonne ejus testimonio litem dirimi oportebit? Ubi illud gentium inveniri queat, requiris? statim indicabo. Doctissimus, et Eruditissimus Camaldulensium Generalis Ambrosius in Hodæporico scribit: *Monasterium quoque insigne S. Mariæ [Faventix nimirum] visitare perveximus, sepulcrumque Petri Damiani in antiqua, et ornata, atque ab illo (ut ferebatur) constructa basilica venerati sumus. Codicem illic vetustum, ipsius [ut ferebatur] manu scriptum, in quo omnia Opuscula ejus haberentur, in conspectum dedere: eum nos ad*

C

nostrum

nostrum hospitium tulimus, diligentius inspecturi. Sed et Fortunius Hist. Camal. par. 2. lib. 1. cap. 7. idem Authographum adhuc ætate sua ibidem servatum testatur, ait enim: *Misit nobis verba ipsa originalia Romulus Monachus Cisterciensis ibi Quæstor, transcripta ex Originalibus B. Petri Damiani, quæ ad Cænobium S. Mariæ de Angelo Faventiæ, ubi quiescit, aservantur*. Hinc Clementis VIII. Romani Pontificis jussu Codex idem Cæsari Baronio consignatus est, ex quo, velut ex sincero, ac genuino fonte, quæ ad Annales suos pertinere viderentur, erueret: tum in Vaticana Bibliotheca locatus est, ubi hodie dum visitur sub num. 3797. ejus sæculi antiquitatem adhuc spirans, non paucas apicibus interceptas lituras ostentans, quæ Auctoris, non Exscriptoris manû referunt, et hymni cujusdam cantilenam, rudi notarum interpunctione, circa unius lineæ ductum, prisco ritu, designatam exhibens, quæ vetulstatem illius quæ apertissimè comprobatur.

II. Neque opponas additam in calce Voluminis inscriptionem *Monasterij S. Mariæ de Angelis Faventiæ Sc. anno 1113.* additumque Divi Bernardi Sermonem in Natali Domini; Cùm enim Epigraphes illa diverso, et recentius scripto caractere expressa sit, indicat non scriptionis annum, sed recensitionis librorum, aut adeptæ possessionis tempus ibidem designari, cùm longè antea ab Auctore proprio Codex ille exaratus esset, qui ante 40. fermè annos vivere desierat. Divi pariter Bernardi Sermo recentiori adhuc, et longioris notæ caractere descriptus est, atque ultimi quaternionis lo-

co postmodum assutus ab aliquo è Cisterciensibus Monachis in illud Cenobium deinceps introductis, ne videlicet Melliflui Doctoris Opella seorsim relicta periret; Quod quidem longè post prælaudatam inscriptionem factum oportuit, anno siquidem 1113. ibi notato, vix religiosum sçhemma induerat S. Bernardus, adeò non Sermonem illum ediderat.

III. Quod si igitur Authographum Damiani ipsius manu exaratum Codicem tenemus, ut perpetua suadet traditio, atque inspersæ lituræ demonstrant, aliæque antiquitatis notæ confirmant: ecquid opus est, ut Bollandianas coniecturas secteretur? Cedat Præsumptio Veritati, et controversum textum pag. 204. laudati Codicis inspiciamus. Nullæ hic numericę notæ cõparent, nulla characterum compendia, sed per extensum disertè legitur: *Vixit autem Vir Beatissimus centum viginti annis, ex quibus viginti expendit in saculo, tres duxit in Monasterio, nonagintaseptem in eremitico transēgit proposito.* Itaque coniecturę de L. in C. commutato penitus evanescent, quasi data opera Beatissimus Scriptor, suscitandæ olim difficultatis præsciis, illamque prævenire studens, huic ipsi effugio locum præcludere voluerit, citra ullam ambagem ijs verbis Ætatem Romualdi exprimens, quæ dubium omne prorsus auferrent, nec ulli æquivocationi subesse possent: id quod et alibi semper, quoties numerus quispiam notandus occurrit, in Epistolis alijsque Opusculis suis observasse Damianum animadverto, vocibus ipsis expressis, non arithmeticis notis uspiam usurpatis; unde et supra cap. 49. ejusdẽ

Historiæ S. Romualdi per extensum habet : *De sen-
plusquam centenario*, non compendio illo gratis conficto,
nec ad ejus præsertim sæculi usum accommodato C.^{ius},
sive, ut prætenditur, L.^{ius} quod Amanuensis quispiam,
anguli recti normam ab arcu semicirculi non distin-
guens, in C.^{ius} converterit, vel (utor Bollandi verbis),
Consultò, ut cum sequentibus congrueret; ita restituerit; Qua-
si verò non posset Romualdi Ætas infra descripta con-
sistere cum Sitriensi calumnia, sive hæc in ultra quin-
quagenarium dumtaxat (quod etiam verosimilius fu-
isset) sive in ultra centenarium caderet, unde providè
duplicanda esset. S. Viri longævitas, ut cum ijs, quæ
post viginti capita ex Damiano fuerat descripturus,
consensum aliquem affectaret !

IV. Verùm esto. nullus sit Damiani authographus
Codex, quo commentum hoc, numeralium notarum
perperam consignatarum, revincatur; ex ipso tamen
Damiani sensu, disertis verbis, quæ nullas technas,
corrupti per Amanuensem characteris, patiuntur, aper-
tissimè expresso, hæc Romualdi plusquàm centenaria
Ætas elicitur: nam laudato cap. 49. nedum miratur,
impuræ notæ calumniam Viro Sanctissimo impactam,
utpotè *Seni ultra quàm centenario* (sive, ut Bollandus
legendum arbitratur, *ultra quàm quinquagenario*) sed ex-
pressè *Decrepitum senem* eo loci appellat, qui status à
quinquagenaria ætate longissimè distat; Deinde, ut
rem extra dubium, imò extra dubitationis somnium
ponat, hoc addit: *Cui etiamsi voluntas adesset, natura
tamen, et frigidus sanguis, et ariditas attenuati corporis hoc
penitus denegaret.*

V. Ama-

V. Amabo te igitur, mi Bollandæ, an hæc quinquagesimum dumtaxat annum excedenti convenire bona fide arbitraris? an ita vigore exhausta est quinquagenaria ætas, ut Veneris stimulos nesciat, et voluntaris etiam vitio irritatos, frigidi sanguinis impotentia retundat? Quot habemus, non quinquagenarijs tantum, sed sexagenarijs, ac septuagenarijs majores, conjugij fructum non inquirentes modò, sed obtinentes, nec Maritos dumtaxat, sed Patres factos? Testor hanc ipsam lucem, quæ mihi suprema sit, siquid fingo, siquid addo, siquid exaggero. Ante duos circiter menses [ad VIII. kal. Maij currentis anni 1705. hæc scribo] coram Illustrissimo Viro, præclaris dignitatum muneribus conspicuo, qui me convivio humanissimè exceperat, plorabundus senex apparuit, secundam coniugem, quam sibi paucos ante menses copulaverat, sibi tum morte præreptam, querulus nunciavit, atquæ ut de alia sibi quàmprimùm destinanda cogitaret, eundem Illustrissimum Virum, me præsentem, et audientem, seriò, et enixè rogavit: causam adiciens, quòd ultra tres dies sibi continentiam imperare non posset, quia natura ipsa Veneri litandum vesticigal vel ab invito extorqueret. De Ætate interrogatus, octuagesimum quintum annum excedere se fatebatur, quod ipsum et alij ejus familiares comprobabant. Notissimus Pisis est, vel certè paucis ignotus; rugosa facies, sed rubicunda semper; lippi oculi, sed ignem spirantes; calva frons, sed erecta; comæ quod superest canities inficit, rigiditas ad humeros usque sine flexione distendit: omnia deni-

denique Ætatem, et Venerem simul accusant, reique ipsius fidem, sine dissimulatione, confirmant. I nunc, et seni plusquàm quinquagenario Damiani notam accomoda: Cui etiamsi voluntas adesset, natura tamen, et frigidus sanguis, et ariditas attenuati corporis, hoc penitus denegaret!

VI. Neque negotium ullum facessere potest Bollàdi peracuta observatio, qua una suam coniecturam succollare nititur, videlicet, Romualdum mox cap. 52. *In senectutem vergere*, sive *in senium declinare* à Damiano asseri, quę locutio plusquàm centenário non conveniret; nam si verba ipsa, et sensum Damiani expendere placeat, nihil inveniemus, quod Bollandianę argutię vel minimùm faveat: ait quippe eo loci Gravissimus Scriptor: *Vivebat autem, vergente jam senectute, nimis districtè, videlicet cum jam et ipsi perfecti viri solent remissius vivere, et aliquid sibi de sui propositi rigore laxare. Audin? non vergente in senium Ætate, ut tu Bollandie interpretaris, sed ipsamet senectute vergente, sive declinante in decrepitem, aut etiam decrepito senio in mortem vergente; nisi aliorum Codicum lectionem præferre libeat, in quibus habetur, urgente, idest aggravante illum, senectute: quorum utrumvis cum quinquagenaria dumtaxat ætate minimè cohæret. Nec certè verosimile est, Damianum asserere voluisse, perfectos viros in senectutis limine, seu vergente in senectutem ætate, atque ubi demum quinquagesimum dumtaxat annum attigerint, remissius vivere, et aliquid sibi de sui propositi rigore laxare, quos alibi, opusc. 13. de perfect.*

fect. Monachor. cap. 23. diligentissime admonuit, *tantò necesse esse fieri cautiore ad prælum, quandò conspiciunt ipsum præliandi terminum jam propinquum; unde subdit: nunc igitur ad fortiter agendum fervens animus incalcescat, et senilis ætas ad debellandam vitiorum barbariem robur iuvenile concipiat, &c.*

VII. Quid, quod longè ante Sitriensem illam calumniam, nempe dum Eremi Aquæbellæ, seu Vallis Umbrosæ cellas construeret, Romualdus velut senex ad labores impotens, nobis describitur cap. 46. *Romualdus autem quia jam præ senectute laborare non poterat? Hoccine præjudicii robusto, ac vegeto Viro, atque ad labores impigro, quinquagenariam dumtaxat ætatem attulisse dicemus? Verùm esto: Quid ad cap. 69. denique reponendum erit, ubi postremam S. Romualdi ægritudinem descripturus Damianus hæc habet: Cæpit corpus ejus magis magisque molestius ingravescere, et deorsum jam velut non tam languore, quàm DECREPITI LONGÆVITATE SENII declinare? Hic profectò vides Bollande, nedum Senij decrepitem, sed Decrepitæ longævitatæ Romualdo tributam, qualem in septuagenario, qui decrepitis fines vix attingeret, ne affectatissimus quidem exaggerator fingere poterat. Firmum igitur, ratumque sit, Damianum verè et sensisse, et scripsisse quod vulgata ejus exemplaria præferunt, quod vetustissimi Codices omnes Mss. ostendunt, Vitam scilicet B. Romualdi ad centum et viginti annos protraxisse, nec Amanuensis vitio tribui posse calculi huius consignationem ex sola unius litterulæ mutatio-*

ne

ne Bollandiano artificio confictam .

VIII. Imò ut hanc calculi restitutionem, ex characterum C, et L similitudine deductam, rigidissimo calculo revincamus: attende mecum chronologicam inconsequentiam Bollandi. *Vixit*, inquit, *Vir Beatissimus* (non CXX. sed) LXX. annis, quorum XX. expendit in seculo, III. duxit in Monasterio, reliquos [non jam XCVII. sed] XLVII. in Eremitico transegit proposito : Ergo qui anno 1027. Mortuus dicitur, nec diutius superstes esse potuisse à Bollando creditur, conversus erit anno 977. ita quidem, inquit tunc enimverò Ravennatem Ecclesiam regebat Honestus: hætenus nil moror ; qui tres igitur annos duxit in Monasterio Classensi, anno dumtaxat 980. ad Marinum divertit, Eremiticum tyrocinium sub ejus disciplina positurus ; neque hic ad examen revocare vacat quàm longo tempore Marinum Romualdus audierit, jam enim Petri Urseoli conversio annum hunc 980. præcessisse, juxta omnes Venerorum Historicos deprehenditur, illam quippe in annū 977. vel huic proximum regerunt, fatente ipso Bollando, qui eodem Commentarij sui §. 3. num. 18. hæc habet : *Quid quòd Petrum Urseolum, qui quarto circiter à conversione Romualdi anno Monachus factus est, omnes Historici tradunt circiter annum 977. vel 978. Ducis sese munere abdicasse?*

IX. Et verò non posse ad annum 981. [in quem caderet Urseoli conversio, si quarto dumtaxat anno à Monachatu Romualdi, qui in annum 977. ex Bollandi sententia referendus est, contigisse dicatur, uti
ad

ad minimùm dici debet] eximij hujus Ducis fugam differri, hinc breviter collige. Romualdus in Galliis viginti ad minùs annos expendit, unum in pugillo ciceris, et tres in agriculturæ exercitio, ut cap. 6. Vitæ constat, alios quindecim in alio vitæ genere, ut cap. 8. narratur, et unum saltem in postremo vivendi modo, qui cap. 9. describitur, et Legis loco solitarijs omnibus tandem ab Romualdo præfixus asseritur: itaque anno tantùm 1001. in Italiam Sanctissimus Pater reversus esset. Considera jam quæ ante millesimum Romualdus cum Othone III. Imperatore egit: Expende Classensem præfecturam ab illo sibi delatam, et ante quinquennium, cùm apud Catriam moraretur, cælitus prænunciatam [cap. 22. et 19.] Considera Tiburtinam obsidionem, Romualdi apud Othonem precibus dimissam [cap. 23.] Attende tot Nobilium ex aula Imperatoris conversionem, ipsique Regi iniunctam poenitentiam, ob adulterium, homicidium, et periurium [licet *Humano Francolini Iudicio culpandus non videretur Otho* part. 1. Cler. Rom. disp. 9. num. 53. pag. 257. In hæc quippe Sæcula devenimus, probrosa sæcula, quibus et magna scelera suos inveniunt Patronos] nec non prænunciatam, ob dilatum Monastici voti propositum, mortem (cap. 25. 26. 30.) Animadvertite ejusdem Othonis precibus factam Discipulorum Perci expeditionem in Gentes (cap. 28.) ut alia omittam bene multa, quæ ante annum millesimum in Italia S. Pater exhibuit, ut certè præmissa omnia vel ab Illustrissimo Baronio intra sæculum decimum meritiò cõ-

D

signan-

signantur, nec ulla ratione ad undecimum trahi queunt; et palmares anachronismos ex hac Bollandiana hypothefi resultare videbis. Non ergo rectus angulus in semicircularem arcum ab Amanuensi commutatus difficultates has, Romualdi Ætatem comitantes, tam expedito, ac laudabili invento plenissimè absolvit, ut de hac Bollandi conjectura prædicat Hieronymus Fabri in Sacris Ravennæ Monumentis, ejus sententiam tanto plausu excipiens, nec amplectens modò, sed fermè deosculans.

X. Quod si igitur evidentissimum est, Damianum LXX. solos annos Romualdo tribuere non potuisse, compertissimum erit, omninò CXX. absque ulla tergiversatione ipsum scripsisse, cùm catenus prætendat Bollandus non esse legendum CXX., quatenus potuerit scribere LXX. et ab imperito quodam exscriptore L. in C. commutari. Superest itaque, ut vel oscitantie, vel fraudis suspicio in Damianum cadat, si reipsa Romualdus Ætatem illam CXX. annorum non attigit, ita ut vel ipse falli potuerit, vel fallere totam posteritatem hoc insigni commento tentaverit; quorum primum qua veri specie, secundum qua frontis præfidentia quis asserat?

XI. Romualdum certè in vivis degentem de facie agnoscere potuit Damianus, qui tribus dumtaxat ab ejus morte lustris, ut in Proœmio tellatur, Vitam S. Patris descripsit: reipsa agnovisse contendit Lancelottus in historia Olivet. ubi de Monast. Ariminens. ait enim, *Petrus Damiani in re Monastica Romualdum audisse;*

nec

nec abludunt coniecturæ ex Vita S. Romualdi cap. 4. 16. 40. 53. 67. deductæ in Commentarijs ejusdem Vitæ à nobis descriptis, quibus instantibus dubitandum non est, ex ipso Viri Sanctissimi aspectu Ætatem longævam, non minùs quàm obductam ab impactu fenestrix in veneranda ejus fronte cicatricem, et peccatoribus, maximè verò potentibus hujus sæculi, tremendâ vultus majestatem, hilarem è contrario, ac serenam semper erga Discipulos faciem potuisse Damianum cognoscere, ac septuagenarium ab eo, qui centenariæ ætati vicennium superadderet, probè distinguere.

XII. Verùm hoc, ceu minùs exploratum, dimittamus. Certum est, ab ipsis Romualdi Discipulis [ijsque primariæ fidei, utpotè quos in Proœmio Vitæ appellat *Egregios*, ibi: *Quod de prædicto mirabili Viro ab Egregiis ejus Discipulis didici, aggrediar, Deo auctore, describere*] sive in Eremitio, aut Monasterio Sitrix, quòd frequenter ipse Damianus incoluit, ut ex ejus Epistolis patet, sive in S. Vincentij Cœnobio, ubi hanc historiam contexit, ut ex initio capitis 57. colligitur, commorantibus, quæcunque de Romualdo tradidit, Damianum accepisse; hos autem egregios Viros circa S. Patris Ætatem tam turpiter hallucinatos, ut totis quinquaginta annis senio rem Romualdum sint arbitrati, fidem prorsus omnem superare videtur; at verò data opera cunctos in hoc convenisse, ut Damiano imponerent, ac tam putido mendacio (quod vel exteri, apud quos Romualdus notissimus, et celeberrimus habebatur, facillimè revincere potuissent) æternam sibi ignominiam

pararent, nullam pariter veritatis speciem præsefert.

XIII. Quod ipsum de Damiano intellectum volo, siquis illum, exaggerata Romualdi Ætate, nobis fucū facere voluisse præsumeret, adeò, cū omnibus palam compertum esset, septuaginta dumtaxat annis Sanctissimum Virum vixisse, ipse prudens, sciensque ad centum viginti ejus vitam extendere voluerit, neque se aperti mendacij ubique redarguendum formidaverit, postquā ab ejusmodi commentis se maxime alienum vel in ipso Historiæ suæ præludio ostentaverat, illorum sensum, et morem insugillans, *Qui Deo se deferre existimant, si in extollendis Sanctorum virtutibus mendacium fingant: hi nimirum ignorantes, Deum nostro non egere mendacio, relicta Veritate, quæ ipse est, falsitatis ei putant se placere posse commento; Quos bene Jeremias redarguit dicens: docuerunt linguas suas loqui mendacium, ut iniquè agerent laboraverunt. Qui enim ulterò oblatam simplicem Veritatem referre facile poterant, in componendis quæ nesciunt casu labore desudant; et quo se pro Deo stare quasi adiutores autubuant, eo ut reverà falsi testes contra Deum pertinaciter pugnant; Apostolo Corinthijs attestante, qui ait: Si Christus non resurrexit, inanis est prædicatio nostra, inanis est et fides vestra: deinde subiungit: invenimur falsi testes Dei, quoniam diximus testimonium adversus Deum; qui suscitavit Christum, quem non suscitavit. Similibus prolusit etiam in Vitam S. Mauri Episcopi Cæsenatis, ubi pariter sic habet: Temerarius narrator est, qui dum laudum præconis alios extollere nititur, ipse mergi in falsitatis barathrum non veretur.* Et Ep. 19. libri 1. Acta S. Dominici Loricati

col-

collecturus: *Abst*, inquit, à me mendacium scribere, nam qui Veritatem pro viribus veraciter colo, commentum fallacie non admitto.


XIV. Unde tanta sollicitudine vel umbram mendacij sibi fugiendam proposuit integerrimus Doctor, ut quæ, vel dubiæ auctoritatis deprehenderet, vel oblivione intercepta timeret, vel infidæ relationis fraude corrupta suspicaretur, eadem vel in ancipiti relinqueret, vel à narratione sejungeret, vel à se non pertinaciter asseri continuò declararet, ut sequentibus exemplis licet evincere. Tom. 1. lib. 1. Epist. 9. *Sed cum hæc de aviculis, et corvo inter aquas nigras aliquando apparentibus, aliquando se abscondentibus, in pagina digessissem, Religiosus Cassinensis Monasterij Abbas Desiderius advenit, seseque rem sic habere funditus abnegavit: cumque illum, et Humbertum, meum videlicet relatorem, in mutua colloquia deduxissem, Humbertus ait: ego quidem hujus allegationis testimonium non defendo, veruntamen hoc simpliciter retuli quod ab Accolis loci illius audivi. Sed quoniam persone istæ, Desiderius videlicet, et Humbertus, tantæ auctoritatis sunt, ut neutri eorum fides debeat denegari, ego quoque quod scripsi pro-caciter non affirmo, sed utrum verum sit, necne, legentium inquisitioni relinquendum esse decerno.* (Hinc obiter patet, non fuisse cur Bellarminus in libro de Scriptoribus Ecclesiasticis nimis credulitatis ob hanc ipsam avicularum narrationem S. Doctorem argueret) tum Epist. 10. ejusdè libri: *Idcirco autem nomina hominum non appono, quoniam ordo peractæ rei facilius hæsit animo, nomina verd, curis aliis intervenientibus, fateor interceptis obli-vio*

magna

magnoperè curamus videri aucupes nominum, dummodo non excidat series, et ordo gestorum; quanquam et hæc eadem gesta, quæ scribimus, quia in transitu audire nos contigit, utrū inoffensam fidei lineam teneant, certum per omnia non habemus. [Poteratne quis circumspēctiūs loqui, vel si maximè laudem hanc asseclare voluisset?] mox lib. 2. Ep. 14. Hæc omnia, Venerabilis Pater, non sine magno timore describimus, ne vel per obliuionem propriam, vel per insula relationis audaciam, à Veritatis linea quantumlibet declinemus; quamobrem hæc nos non constanter asseruimus, sed quia velut sub hoc relationis ordine ad nostram fuerint perlata notitiam, opinamur. [An non ad scrupulum usque sibi ab omni mendacij vel apparentis nævo cavere videtur?] Similiter Epist. 15. ejusd. libri: Hæc ego, Venerabilis Pater, et alia quàmplurima, non sine magnæ formidinis angore conscribo, ne videlicet, vel relatores mei mera veritatis semitam non tenuerint, vel ipse quoque, relationum in quolibet immemor, oblivione deliquerim. Veruntamen, teste conscientia, non hæc mentiendi voto, sed ædificationis affectu, prout meliùs possum narrata recolere, satago schedulis adnotare; Et in Epistola 29. lib. 6. Quæ autem sibi verba B. Virgo protulerit, quamvis mihi utcumque dicantur, quia certus non sum, non adhibeo fidem, quoniam in veritatis lineam vel leviter impingere pertimesco; Ut alia omittam paris cautionis indicia, quæ S. Virum, ubi quid constanter asserit, non falsò, non temerè non leviter id tradere, nihil per dolum, aut fraudem comminisci declarant.

XV. Quod si igitur his momentis illud omnino conficitur, nullam rationabilem mendacij suspicionem
in

in Sanctissimum, et Sincerissimum nostrum Egregium Doctorem cadere posse, quemadmodum nec in Egregios Romualdi Discipulos, à quibus, quæ ad S. Patris historiam pertinebant, se accepisse fatetur Damianus, qui nec falli propterea, nec fallere potuit in Ætate D. Romualdi, paulò antea defuncti; determinanda: ac præterea superius num. 3. et 4. ostensum est, reipsa centum viginti annos Damianum Romualdo constanter, et citra ullam hesitationem ascripsisse, neque Bollandi conjecturam de Amanuensis oscitantia, C. pro L. describentis, posse ullo ex capite subsistere: concludendum prorsus videtur; tamdiu reverà vixisse Romualdum, ut *Dies annorum ipsius fuerint centum viginti anni*, neque, ob Archiepiscopi Honesti sedem, esse ullatenus contrahendam Romualdi Ætatem, sed potius ob Romualdi Ætatem, quæ invictè illud probata est, aliquo tandem modo Honesti tempus cum Romualdi annis conciliandum esse; *Neque continuò (ut cum Augustino loquar lib. de quant. animæ) nos ita conturbari oportere, ut tam multa, quæ superius luce clariora nobis visa sunt, falsa esse arbitremur : fieri enim potest, ut hujus rei causa nos lateat, &c. Quam si reperire non possumus, nonne querenda est potius vera, quàm falsa (à Bollandò adducta) credenda?*



CAPUT III.

Probabilis Conciliatio juxtà nostram
sententiam proponitur, et Honestus
Petri Coepiscopus fuisse suadetur.

S T N O T S I S.

Romualdus non ante annum 937. converti potuit. Num. 1. Annus mortis S. P. fortasse ex 1037. in 1027. per errorem commutatus. 2. Honestus ante annum 971. Ravennati Ecclesie præsuit saltem ut Coepiscopus. 3. Romualdus post annum 1027. superstes. ibid. Non usque aded perfecta Ravennatum Presulum series, variaeque de tempore Honesti sententiae. 4. Magna in Archiepiscopis Ravennatibus ejus temporis confusio. 5. Coepiscoporum usus illo Saeculo. 6. et 7. Honestus Petri Coepiscopus Alsta nomine Petri edidit. 8. Petrus non abdicavit morti proximus, ut sequeretur ex Adversariorum hypotbesi. 9. Dominicus Abbas Classis, Honesti successor, anno 954. Ravennati Concilio subscribit. 10. Honestus, et Petrus ex omnibus Ravenna Archiepiscopis Coangelici appellati. ibid.

I. **S**Ed nostras hac de re conjecturas, ut polliciti fuimus, in medium proferamus. In primis fateor, anno 927. qui conversioni S. Romualdi vulgò assignatur, Honestum nullo pacto Ravennatem Antistitē dici

dici potuisse, ex loco Damiani superius citato Cap. 1. num. 4. ubi disertè narrat, quòd *Petrus Archiepiscopus Ravennatem dimisit Ecclesiam, cui mox adhuc supersènti Honestus, Primo videlicet Othone babenas Imperij gubernante, successit.* Quippè anno dumtaxat 936. Primus Otho Imperator legitur inauguratus; quare si Honestus, Damiano teste, Ravennæ Archiepiscopalem Cathedram obtinebat, dum Classenses Monachos confirmavit, ut autoritate sua Romualdum intrepida securitate susciperent, eique sanctæ conversationis habitum traderent, non potuit ante annum 936. vel 937. id contingere: nec Romualdus, qui vicennium in sæculari vita expèdisse legitur, potuit ante annum 916. vel respectivè 917. nasci, neque ante annum 1036. aut 1037. è vivis excedere, si centum viginti annorum vitam reipsa transégit, uti ex Damiano supra demonstravimus.

II. Expendebam ergo, an non statui posset, communem opinionem, de Morte S. Romualdi ad annum MXXVII. relata, invaluisse ex prava intelligentia characterum, quibus consignata fuerat ad annum MXXXVII. itaut firmiori fortasse conjectura, quàm sit mutatio L. in C. à Bollandò excogitata, per unius X. omissionem decennio anterior credita fuerit, quàm reipsa contigerit. Si enim ad annum 1037. Romualdi Mors differretur, et consequenter Conversio ad annum 937. Nativitas ad 917. reduci posset, res omnis bellè succedere videretur, nullaue deinceps difficultas emergeret, quam probabili ratione evadere, aut eludere non liceret, si modo præcipuis, atque obvijs occurre-

E

rem

rem ex Honesti sede ad annum 971. à Ravennatibus Historicis consignata, atque ex S. Romualdi memoria post annum 1027. juxta Adversarios ubique silente, deductis Obiectis, quibus quasi duobus scopulis sententia hæc intercluditur, ac ne liberiùs, et confidentiùs efferre se valeat coercetur.

III. At non deesse coniecturas, quibus persuadeamur tum longè ante annum 971. Ravennati Ecclesiæ præfuisse Honestum, Petro sponte abdicanti succedentem, licèt, dum hic viveret, se ut Coepiscopum damtaxat gereret, ac Petri nomine quælibet Acta signari mandaret, vel potiora officia illi expedienda reipsa deferret, ut nonnisi post Petri mortem Honesti memoria in Ravennatibus Tabulis superfuerit, licèt constet ex Damiano, et alijs, quòd Petro adhuc viventi successerit: tum Romualdum adhuc post annum 1027. in vivis fuisse, nedum usque ad 1030. quod pridem D. Antoninus, et Canisius statuerunt, sed ad 1037. argumentis ex B. Casimiro Poloniæ Rege, et ex S. Joanne Gualberto, supra per Thomam Minium indicatis Cap. 1. num. 10. alijsque inferiùs adducendis ex ipsa Camalduli ædificatione, quæ seriùs fortasse quàm vulgò creditur, statuenda videtur; non deesse, inquam, coniecturas, quæ nobis id persuadeant ex ijs, quæ partim hoc, partim sequentibus Capitulis, latius expendenda sunt, satis patebit.

IV. Primùm itaque observo, non ita certam, et exploratam è Ravennatis Ecclesiæ monumentis haberi Chronologicam ejus temporis Antistitum successionem,

ut

ut non ingens Scriptorum variatio, et confusio, etiam independenter ab hac quæstione, quam S. Romualdi Historia, et Longævitas excitavit, passim deprehendatur. Sanè Cardinalis Baronius ad diem 1. Februarij notat Hieronymi Rubei errorem circa annos, et successionem S. Severi Ravennatis Archiepiscopi, et ad diem 28. Aprilis omissum queritur in serie Antistitum Ravennatum Vitalem Archiepiscopum. Antonius item Masinius in sua Bononia perlustrata par. 1. ad diem 11. Septembris, et par. 2. ad annum 470. notat S. Fulcum Archiepiscopum Ravennatem, de quo alij Historici silent. Sed ne à proposito nostro divertamus: Carrarius Vir Eruditissimus loco apud Fortunium supra citato Cap. 1. num. 5. arbitratur, Honestum anno 963. Petro successisse: Rubeus verò in Histor. Ravennatibus idem statuit anno 971. Alij ad annum 957. id reponunt, cui sententiæ Minius noster supra relatus Cap. I. num. 10. adhæsisse videtur, dum hoc ipso anno Conversionem S. Romualdi reponi posse, ad controversiam componendam, opinatur.

V. Juvabit ad hoc propositum verba Danielis Papibrochij in Propylæo SS. Maij, Notis ad Landonem Pontificem num. 73. afferre, ubi sic habet: *Apud Ferdinandum Ughellum mirabilis hoc loco in Episcopis tam Bononiensibus, quam Ravennatibus, est confusio, nam in Bononiensi Sede ait floruisse Petrum anno 909. indeque translatum ad Ravennatem Ecclesiam anno 927. in Ravennatibus autem ait Petrum [eum scilicet, de quo tacito nomine Luitprandus] electum anno 904. annum ferè integrum sedisse, eique*

suffectum Joannem antea Bononiensem Episcopum (quem et confundens cum Joanne XI. Maurogize, ac Sergij filium facit) cui successerit anno 913. Constantinus, et huic Petrus Bononiensis item Episcopus anno 923. Mox ibidem num. 4. sic Papebrochius subjungit: Dixerim ego, Alambertum anno 891. creatum Bononiensem Episcopum usque ad Anastasij III. Pontificatum supersuiffe: cui decedenti suffectus sit Joannes Theodora Amasius, qui dum Ravenna expectat Ordinationis sue diem, obierit is, à quo ordinari debebat, Archiepiscopus, nomine Petrus, non Bononia advectus, sed ex ipso Ravennate Clero sub annum 904. suffectus Joanni Traversario. Tum vero Joannes nondum Bononiensi Ecclesie consecratus, ambruerit in Ravennatem Archiepiscopum eligi, et Romam consecrandus discefferit: dum autem ibi moras apud Amicam trahit, etiam post consecrationem acceptam, mortuus sit Lando, eique substitutus Joannes, curaverit loco suo Bononiensibus quidem Petrum alium substituendum, Ravennatibus vero Constantinum, quo mortuo circa annum 923. vel 27. accersitus sit à Bononiensi Ecclesia pradietus Petrus. Hic vero, si adhuc in virvis fuit, seque Episcopatu ultro abdicavit post annum 970. et Synodum Ferraria celebratam; oportebit dicere, eum in Episcopali gradu perseverasse plusquam annos 56. priusquam ei succederet Honestus, celebratus in Vita S. Romualdi. Hæc Papebrochius.

VI. Ex quibus, iudicet prudens Lector, an ob Antistitum Ravennatum successionem adedò nutantem, et in ancipiti positam, æquum sit de Romualdi Ætate, cujus tam gravia argumenta nobis Petri Damiani auctoritas subministrat, vel leviter dubitare; an vero

præ-

præstet, verisimili aliqua ratione illorum Præsulum sedem cum Romualdi Historia conciliare, quæ non video cur illa ipsa esse nequeat, superius num. 2. et 3. insinuata, et quam in simili nodo dissolvendo usurpat Vir Eruditissimus Jacobus Burallius in Vitis Aretinorum Pontificum, ubi de Joanne XXXVII. Episcopo, qui anno 901. sedisse legitur in Historia SS. Floræ, et Lucillæ, quæ Petro Damiano tribuitur (quantum ejus stylum sapere nemo persuaserit) cum tamen ex privilegio Ludovici Regis eodem anno floruisse videatur Petrus Episcopus ejus nominis secundus, cui Sanctarum earundem translationem Baronius etiam referendam statuit, non Joanni prædicto: conciliare nimirum hoc dissidium Burallius adnititur, asserens alterum alterius Coepiscopum, seu Coadiutorem esse potuisse, Joannem videlicet Petri II. uti mox Petrus III. Coepiscopus, seu Coadiutor fuit præfati Joannis, et non diu post, nempe anno 1006. (referente Ughello in Italia Sacra tom. 1. ubi de Episcopis Aretinis) *Elimpertus adhuc superstes subsequenter Theodaldum Coadiutorem, et Coepiscopum habuit cum futura successione, ut inde videre Lector possit, jam tum illum morem apud Ecclesiasticos inolevisse, atque usque ad hæc tempora perdurasse; et infra de Theodaldo loquens idem Ughellus sic habet: Elimperti fuit Coadiutor, ut reperitur anno 1006. eidemque defuncto successit; Cum tamen innumera, imò pleraque Acta Elimperti nomine consignarentur, ut ex Privilegiis in Canonicos suos, et in Abbatiam Pratagliz, anno 1009. ab ipso institutam, collatis, alijsque monumentis aperte constat.*

VII.

VII. Consuetudinis hujus originem illi propemodum sæculo X. reipsa deberi confirmat Elias Du Pin tom. 8. Bibliothecæ novæ Ecclesiasticæ parte 1. de sæculo X. Ecclesiæ cap. 6. §. 4. Ejus praxeos exempla nonnulla adducens his verbis: *Les traslations des Evêques devinrent assez frequentes, et l'on comença à donner des Coadjuteurs aux Evêques, avec assurance de leur succeder. Ainsi Urbon Evêque de Strasbourg eut pour Coadjuteur Archembaud; mais cette pratique fut condamnée par les Evêques d'Allemagne à l'égard d'Adalberon, que Saint Ulric son Oncle avoit choisi (anno 972.) pour son Coadjuteur: et par Gregoire V. à l'égard de l'Evêque du Puy en Velay, qui avoit aussi fait ordonner son Neveu: Quamquam postremum hoc factum quod attinet, observo cum Thomafino in Vet. et Nova Ecclesiæ Disciplina de Beneficijs, non quidem improbatam à Gregorio V. Pontifice Coadjutorum assumendorum praxim, sed illegitimam contra Cleri jus electionem, et minùs exactè servatum sacræ Ordinationis ritum: In Concilio, inquit, Romano sub Gregorio V. anno 938. exauthoratus est Stephanus Aniciensis Episcopus in agro Velano, quòd eum sibi cooptasset Guido Avunculus suus, inconsulto Clero, et Populo, et à duobus tantùm Episcopis ordinatus esset.*

VIII. Nil mirum itaque, quòd et Honestus, tamquam Petri Coadiutorem, seu Coepiscopum se gesserit ab anno 937. ad usque Petri mortem, adèd ut, licèt Petrus Episcopali munere se abdicasset, ausus tamen non sit Honestus, illo vivente, semet absolutè Archiepiscopum subscribere, sed Petri nomine cuncta admi-

administraret, ob Prædecessoris sui reverentiam, cujus onera videlicet supplere, et laborem minuere mallet, quàm honorem, et dignitatem sibi arrogare: eo ferè modo, quo circa annum 1109. tradit Fortunius, Martinum Priorem Camaldulensem, solitarię quietis amore, se magistratu abdicasse, cui cùm Patres Guidonem suffecissent, *Is. præ humilitate*, inquit Fortunius par. 1. lib. 2. cap. 4. *nec non pro reverentia Martini, Magistratus insignia numquam recipere voluit; quapropter Joannes I. utrique subrogatus est, qui similiter numquam se Priorem subscribere ausus est, Martino, et Guidone superstibus, nec nisi tantùm nomine Cathedram S. P. Romualdi tenere; Quo factum est, ut multe oblationes modò sub hujus, modò sub illius nomine Sacra Erema factæ sint.*

IX. Et sanè, cùm constet ex sæpe laudata Epistola 9. libri 1. Petri Damiani, atque id in confesso apud omnes sit, Honestum Petro adhuc superstiti, seque Episcopalibus munijs sponte abdicanti, successisse, quid est, quod prima fermè Acta, quæ ipsius Honesti nomen expressè referant, Petrum mortuum supponunt, ut apud Rubeum ad annum 974. ubi mandat Honestus, ut unusquisque ex Canonicis *Unam missam pro Anima Petri sui Prædecessoris caneret in ejus anniversario die?* Quàm parùm credibile est, si humilitatis studio Episcopatui cessit Petrus, id demùm fecisse, postquàm et compluribus annis Bononiensi Ecclesiæ, et Ravennati ab anno 923. ad 971. præfuisset, idest *post annos* (ut Papebrochius num. 5. citatus advertit) *plusquàm 56.* (imò 62. nam anno 909. jam Bononiensibus præfuisse Petrum

Petrum hunc Ughellus observat) in ea dignitate exactor, et non potius circa annum 937. dum adhuc vegetus esset, ne magis ob impotentiam Episcopale ministerium necessariò deferere, quàm ob humilitatem sponte dimittere diceretur!

X. Sed quid opus conjecturis? Duo mihi argumenta occurrunt, quæ rem planè conficere videntur: alterum, quòd Actis Concilij Ravennatis anno 954. subscriptus legitur, qui ex Classensis Archivi monumentis Honesto in Abbatix regimine successit, Dominicus Abbas, his verbis: *Dominicus Religiosus Presbiter, et Abbas regularis S. Apollinaris, qui vocatur in Classe*; Unde jam tum Honestus ad Episcopalis oneris partem vocatus supponitur, licèt ex sæpe dicta ratione Petri nomine hæc ipsa Concilij Acta celebrarentur. Alterum est, quòd inter Ravennates Archiepiscopos, Honestus dumtaxat, et Petrus Coangelici titulo decorati leguntur, ut in Actis anno 954. à Rubeo relatis. *D. Petrus Sanctissimus, et Coangelicus Archiepiscopus*; et in Actis anni 973. *Honestus Coangelicus Sanctissimus Archiepiscopus*; Quomodo autem alteruter Coangelicus vocaretur, nisi ex comparatione alterius Præsulis, quocum commune ministerium Episcopale sustineret? Sic enim dicitur *Coangelicus*, quomodo *Coævus*, *Coatervus* &c. quæ nisi ad aliū referantur, minimè intelligi possunt, atque explicari; sed duorum saltem consortium necessariò requirunt.

CAPUT IV.

Ex S. Ioannis Gualberti Historia Romualdus post annum 1027. vivus evincitur.

S T N O P S I S.

Joannem Gualbertum sub Romualdo Camaldulum venisse qui tradant. Num. 1. Prioris Camaldulensis, tacito Romualdi nomine, nonnulli mentionem faciunt. 2. Id evenisse Atbonis Episcopi Florentini tempore, qui ab anno 1032. sedet. 3. Corrupta facti huius apud Franchum Chronologia, et conficta duplicis Atbonis distinctio refellitur. 4. Ildebrandus Episcopus edificando S. Miniatis Monasterio, quod anno 1013. desertum jacebat, dat operam. 5. Idem ex Lamberto Episcopo ostenditur. 6. Nec non ex ipso Atbone Episcopo. 7. Nullum Atbonem Guidoni, et Ildebrando Episcopis inferendum. 8. Ubertus Abbas S. Miniatis simoniacus circa annum 1035. succedit Leoni, sub quo Joannes Monasticen induerat. 9. Itq̃ Abbatisse instrumentum sententiam nostram confirmat. 10. Prima Oratorij Vallis Umbrosæ consecratio anno 1037. contigit. 11. Alia huic anterior fictitia ostenditur. 12. B. Theuzonis Eremita Etas adversam hypotesim refellit. 13. Ex S. Jo. Gualberti Etate veritas eadem stabilitur. 14.

F

I. Post

I. **P**ostquam verò innotuit, potuisse Honestum ab anno 936. Archiepiscopalem Ravennæ Cathedralam tenere, et consequenter in eundem annum, vel insequentem 937. Romualdi Conversionem commodè differri, superest ut ostendamus, ejusdem pretiosam Mortem ad annum 1037. posse reduci, ut centum ipsos in Monastico habitu transgisse annos, cum Damiano, possimus asserere. Id itaque jam persuadere conabimur ex D. Joannis Gualberti ad Camaldulensem Eremum adventu, qui non ante annum 1034. vel 1036. contingere certissimè potuit, cum tamen ibi sub Romualdo vixisse Joannem expressè tradant Scriptores probatissimi Vallis Umbrosæ (ut de nostris Fortunio, Radzio, Minio, deque exteris quàm plurimis Gleam) Andreas Januensis, qui circa annum 1419. floruit, in vita S. Jo. Gualberti cap. 11. Hieronymus Radiolensis, qui anno circiter 1480. eandem vitam patrio sermone expressit. Rantes Perusinus, qui circa annum 1500. eadem Gualberti acta collegit, pag. 24. Joannes Joannalius, qui sub Clemente VIII. lectiones S. Joannis Gualberti Breviario inserendas composuit, ut reipsa demùm insertæ sunt, atque à S. R. C. approbatæ; ac demum novissimè Ascanius Tamburinus de Jur. Abb. tom. 2. disp. 24. qu. 3. num. 20. et Didacus Franchus in ejusdem S. Joannis Gualberti Historia lib. 4. nostrisque diebus Venantius Simius in suo Catalogo litt. I. num. 9.

II. Alios prætereo antiquiores, nempe Theaum ipsius S. Joannis Discipulum in vita ejusdem cap. 3.

et

et S. Athonem Pistoriensem Episcopum in vita S. Joannis cap. 12. qui de eodem Joannis ad Camaldulensem Eremum adventu, deque Prioris loci in illum humanitate (à quo post aliquod tempus ad Aquæbellæ, seu Vallisumbrosæ solitudinem, accepto etiam Ordinis instituendi vaticinio, et Amicitia inter utriusque Posteror servandæ fœdere inito, cum benedictione, Joannes dimissus ibidem legitur) eadem referunt, licet *Romualdi* nomen proprium non exprimant, sed *Prioris* dumtaxat *Camaldulensis*: ut incertum maneat, Petro Dagnino, an Romualdo hæc ascribi debeant, idèdque non evidens, sed probabile dumtaxat indicium, Vitæ S. Romualdi ultra annum 1027. producendæ, hinc reluceat, tantæ nimirum probabilitatis, quantæ censeri potest assertio, quòd sub Romualdo Joannes Camaldulum incoluerit; de tempore siquidem res est exploratissima, et nulli prorsus obnoxia dubitationi, quòd non ante annum 1034. vel 1036, id præstare potuerit, ut mox ostendam.

III. Fugiebat nempe Joannes Gualbertus Ubertum, sive Obertum, Monasterij S. Miniatis Abbatem, fœdissimi simoniaci commercij cum Athone Floréntino Episcopo convictum [nam Ubertus prædictus Episcopo Athoni nomine, multam pecuniam pro dicta Abbazia promiserat, inquit Andreas Januensis in vita S. Jo. Gualberti cap. 8. et 9.] sedit verò Atho in S. Zenobij Cathedra ab anno 1032. ad 1038. si Vincentio Borghinio credimus, sive usque ad 1046. ut Ferdinandus Ughellus tradit, atque ex ejus ætatis monimentis confirmat;

Nam post relatum Lamberti Florentini Episcopi privilegium anno 1028. Monasterio S. Miniatis concessum, sic concludit laudatus Ughellus tom. 2. pag. 70. *Piè, sanctèque Florentinam Ecclesiam rexit Lambertus usque ad annum 1032. in quo ipso anno rerum humanarum pertæsus, cum se pastoralis munere abdicasset, vitam Monasticam instituit profiteri.* Et pag. seq. num. 21. *Tost Lambertum Atbo Florentinam sedem obtinuit: Ac pag. 83. Excessit Atbo circiter annum Domini 1046. sepultus jacet in Cathedrali.* Eoque ipso anno Successorem habuit Gerardum [qui et mox Nicolaus II. Pontifex] quem Petrus Papiensis excepit, quocum de Simoniaca labe gravius certamen habuit postmodum S. Joannes Gualbertus, incendij experimento decisum. Longè igitur post annum 1027. putà circa annum 1036 superstitem in Camaldulensi Eremitio Romualdum invenire debuit Joannes Gualbertus, si post publicam simoniacorum Athonis Episcopi, et Uberti Abbatis proclamationem, ad Sacram Solitudinem se Vir Sanctus recepit, ipsiusque Romualdi disciplina aliquandiù usus, cum benedictione, ad Vallem Umbrosam dimissus est.

IV: Quod autem Didacus Franchus, et cum eo nonnulli ex Vallumbrosanis Scriptoribus, negocium Uberti Abbatis, et Athonis Episcopi ad annum 1007. referant [et consequenter Joannis conversionem quadriennio ante, nempe anno 1003.] ejusdemque Joannis Gualberti ad Camaldulensem Eremitum adventum anno 1008. statuunt, et in Aquæbellæ, seu Vallisumbrosæ Eremitum ingressum circa annum 1010. Id omnino

ninò commentitium est, æquè ac fictitius ille nescio quis Atho Primus, ante illum, qui ab anno 1032. Florentinam Cathedram tenuit, arbitrariè positus, ad ejusmodi hypothesein tuendam, majoremque vetustatem suæ Familiæ initijs frustra conciliandam: Nam is alter Atho, qui anno 1007. Ecclesiæ Florentinæ præfideret, aliunde prorsus ignotus est, atque nullis monumentis celebratur, sed attentis sequentibus momentis omninò expungendus esse convincitur; totumque illud Chronologicum Systema vel ex eo refellitur, quòd annis prædictis 1003. et 1007. ne quidem ullū Monachorum Collegium, nec Abbas ullus apud S. Miniatis Ecclesiam residebat, sed anno dumtaxat 1013. cura Lamberti Florentini Episcopi restaurata fuit Venerabilis illa Basilica, et Monachi, à quibus pridem deserta fuerat, illuc revocati.

V. Paginam restaurationis dictæ Ecclesiæ, et institutionis Monasterij S. Miniatis refert Doctissimus Ughellus pag. 62. *In nomine Domini Amen. Anno ab Incarnatione ejus tertiodecimo post mille, Imperique Henrici Romanorum Augusti XII. quinto Kal. Maij, Indictione XI. Dum ego Ildebrandus, nulla meritorum prerogativa sanctę Florentinę Ecclesię Amittes, Oratoria nostrę Sedis propria circuirem, atque quę neglecta invenirem, meliorare satagerem, inveni Ecclesiam non longè ab Urbe sitam in honorem S. Miniatis Martyris dedicatam, antiquitusque vocabulo Monasterij insignitam, quam quia nimia vetustate neglectam, atque penè destructam inveni, qualiter renovare potuissem, anxie cogitare capi. Hac autem ad agenda idèd maxime desiderio ardebam,*

bam, quia venerabile corpus dicti Martyris ibi repositum audieram. Quapropter meum seniore[m] scilicet Imperatorem adire studui, quatenus illius consilio, iuramineque animatus, perficere valerem quod desideravi. Qui meo desiderio, divina inspirante clementia, non modicè congaudens, MONASTERIUM in prænominata Ecclesia, sicut antiquitus fuerat, me CONSTITUERE admonuit, seque mihi scire promisit &c. Hęc Ildebrandus, qui non contentus (verba sunt Ughelli pag. 64.) Miniatense templum, cœnobiumque construxisse, magnam etiam eidem dotem censusque addixit, ut facto tectō, conservando templo satis forent, eisdemque Monachis, qui D. Benedicti Regulam profitebantur [non determinatè Cluniacenses, ut alij Scriptores paulò confidentiùs asseruere] asserventur. Tum aliam donationis paginam anno 1024. eidem Monasterio concessam subdit, ubi se Ildebrandus Monasterij ejusdem Fundatorem nominat, et Monastici ejus Ordinis Confirmatorem.

VI. Idque multò luculentius insuper liquet ex alio privilegio, quod ipsimet S. Miniatis Monasterio largitus est Lambertus Ildebrandi successor anno 1028. et incipit *Opportunum valde est &c.* apud Ughellum pag. 68. ubi præfatus Præsul asserit, quod S. Miniatis, et Sociorum Martyrum locus, licet omni honore dignus, Usque tamen ad nostri Prædecessoris felicis memoria Ildebrandi tempora INCULTUS jacuit, et INORDINATUS permansit. Prælibatus igitur Antistes MONASTERIUM IBI FIERI decrevit, ORDINATISQUE in eodem loco FRATRIBUS, et ABBATE ibi PRÆPOSITO, vitæ necessaria, in quantum valuit, decenter ministrare curavit &c.

ubi

decenter adhibuit. *Qui, quousque vixit, prædij, pluribusque muneribus PAUPEREM, ET SURGENTEM LOCUM ampliavit.* Quare etiamsi alius Atho sub annum 1007. floruisse concederetur, qualem Auctores hi sibi imaginantur, non tamen ille ipse esse posset, qui simoniaci pacti cum Uberto S. Miniatis Abbate ab Joanne Gualberto notatus est, antequàm Camaldulum se conferret, sed hic ipse, qui *Tertium se Successorem* nominat *Ildebrandi*, à quo Cænobium illud restitutum fuerat, pridem derelictum, ac Monachis destitutum, adedque ille ipse Atho, qui anno 1032. Florentinam Cathedram ascendit.

VIII. Cæterùm omnino falsum est, ullum prædicto anno 1007. Episcopum Athonem Florentinis præfuisse, tunc enim verò aut superstes erat Guido, qui S. Podio, ex Ughello, anno 1002. successerat, aut ipse jam sedebat Ildebrandus, cujus memoriam haberi anno 1008. idem Episcoporum Italiz Chronista Ughellus testatur pag.60. Qui verò Anonymus Guidoni, et Ildebrando interponitur num. 18. inter Præfules Florentinos à prælaudato Scriptore recensitos, neque sine fundamento debet *Athonis* vocabulo nominari (præsertim cùm Atho, qui verè præfuit ab anno 1032. nuppiam se nominis illius Secundum appellet) neque necessitate ulla Præful ejusmodi, nemini aliàs cognitus, inducitur; unicum enim fundamentum ab Ughello indicatum, ex quo nempe *Lambertus Episcopus Podiæ suum Quartum prædecessorem appellet, unde post Podium, vel Guidonem, alterum Episcopum ante Ildebrandum necesse sit*
inter-

intercessisse : Hoc, inquam, fundamentum nullius esse videtur roboris; quemadmodum enim Atho Episcopus in privilegio, de quo num. præcedenti actum est, vocat se *Tertium Ildebrandi successorem*, licet unus dumtaxat Lambertus inter utrumque federit, quia videlicet Atho erat tertius ab Ildebrando, non quidem illum excludendo, sed includendo tamquam numerationis principium: ita et Lambertus in privilegio anni 1028. dum ait *Tempore Podonis quarti Prædecessoris nostri*, non innuit plusquam duos Præsules Guidonem, et Ildebrandum inter se, et Podium sedisse, nam quartus cum sit Lambertus à Podio, poterat hunc Quartum prædecessorem dicere; ut cum sit tertius Atho ab Ildebrando, potuit se huius Tertium successorem appellare, nec enim magis absonum est, si se Lambertus cum Prædecessoribus computet, quam si ab Athone Ildebrandus ipse cum ejus Successoribus numeretur.

IX. Denique cum solo Athone illo, qui ab anno 1032. floruit, vivebat Ubertus Simoniacus Abbas, cui anno 1044. Athone sedente, privilegium quoddam largitus est Benedictus IX. Papa apud Ughellum pag. 82. cujus initium est: *Dilecto filio Oberto Venerabili Abbati Monasterij S. Miniatis Florentini, suisque Successoribus, perpetuam in Domino Salutem. Valde bonum videtur &c.* Itaque non modò Episcopi Athonis, sed Abbatis etiam Uberti tempus conspirat, ut hanc Joannis Gualberti ad Camaldulensem Eremum professionem post annum 1027. imò circa 1036. factam putemus, et consequenter Joannis ejusdem conversionem circa

G

annum

annum 1030. sub Leone Abbate Monasterij S. Miniat-
tis, qui paginæ Lamberti Episcopi, anno 1025. in fa-
vorem ejus Cænobij concessæ subscribit apud Ughellum
pag. 67. quique in pagina ejusdem Lamberti anni
1028. *Leopardus ejusdem S. Miniatis Abbas* appellatur,
post cujus obitum circa annum 1035. ipse Joannes
Gualbertus dicti Cænobij Abbas electus est, at cum
præ humilitate munus hoc suscipere detrectasset, Uter-
tus, Episcopi Athonis favore per pecuniam impetra-
to, regimen illius Abbatix adeptus est, Joannes autē,
nefaria conventionione cognita, utriusque consortium sibi
fugiendum ratus, Camaldulum venire disposuit.

X. Idem confirmat vetustissima pagina donationis,
quam die 3. Julij anno 1039. Venerabilis Itra Mona-
sterij S. Hilarij Abbatissa largita est Joanni Gualber-
to, ejusque Discipulis, quos paulò ante exceperat in
Eremo Aquabellæ, seu Vallisumbrosæ, ad jus, et pro-
prietatem prædicti sui Monasterij pertinente. Incipit
hæc pagina: *In nomine Sanctæ, et Individuæ Trinitatis.*
Quamvis sacer divinitatis cultus exigat &c. Et per exten-
sum adducitur, tum ab Ascanio Tamburino de Jure
Abb. tom. 2. disp. 24. qu. 5. num. 20. tum ab Ughel-
lo tom. 2. Italiæ Sacræ in Episcopis Fesulanis pag. 299.
nobis autem sufficiet clausulas nostro proposito con-
gruentes inde excerptare, cujusmodi hæc sunt: *Quor-*
dam Viros de S. Miniatis Monasterio, quos vobis bene notos
esse credimus, in Eremo, quæ Vallisumbrosa vocatur, sicut
vos scitis, suscepimus, in loco, qui dicitur Aquabella, in pro-
prietatem scilicet nostri Monasterii quidem in honore Sancti
Hila-

Hilarij ſito Alpbiano, qui melioranda vite gratia Canobium, quod multa populofitate frequentabatur, relinquentes, in loco folitario vitam ſanctam aſſutare maluerunt. morati ſunt ſiquidem in prædicta Eremita abſque Eccleſia, ſed tamen cum vita ſancta, PER DIES ALIQVOT: interea exigentibus cauſis quàm maximis, voluntate Dei contigit, ut Divus Conradus Imperator Auguſtus, cum ſua Uxore Domina Gbiſſia Diva Auguſta, et filio ſuo Domino Henrico Rege gloriſſimo, et Coniuge ſua, Florentiam deveniret: unde factum eſt, ut fama, quæ jam populos repleverat, uſque ad ipſas aures perveniret Imperatoris, qui cum omnis illorum converſationis ordinem dignatus eſſet diligenter inquirere, inter cætera nunciatum eſt, illos Eccleſiam non habere. Quod audiens intellexit ſibi à Deo reſervatum fore, in quo fratrum neceſſitati non minima, ad divinum honorem, ſubvenire debuifſet; ad quod dirigens Rodulphum Pavibronenſem, dignum Deo Preſulem, quia Feſulani, JACOBO EXTINCTO, nondum habebant conſecratum Preſulem, in honorem S. Mariæ, et Michaelis Archangeli, et Bartholomæi, et Thomæ Apoſtolorum, et S. Stephani Pontificis, et Benediſti Abbatis, et Nicolai Venerabilis Confeſſoris, conſecrare ibi Oratorium fecit. Quod cernens ego Ita S. Hilarij Abbatiffa &c. Data anno Dominicæ Incarnationis trigeſimo nono poſt mille, et Imperij Domini Conradi Imperatoris Auguſti XIII.V. Nonas Julij Indiſtione VII.

XI. Hæc Oratorii conſecratio, per Episcopum Paderbornenſem Rodulphum, Conradi Cæſaris juſſu facta, utique anno 1037. contingere debuit, hoc enim anno Conradus II. ad compeſcendas turbas ab Heriberto Mediolanenſi Archiepiſcopo excitatus, in Italiam

venit; de hoc enim adventu Conradi, non de primo, qui anno 1026. contigit, loqui Ittam patet, tum ex circumstantia *Fesulani Antistitis Jacobi tunc extincti*, qui post annum 1032. certissimè factis cessit, nam anno 1032. Canonicos suos ad communem regularem vitā reduxit, ut patet ex pagina, quam recitat Ughellus pag. 296. tum etiam liquet ex circumstantiis Uxoris Ghisilæ, et Filij Henrici Regis, et ejus Coniugis, quā anno dumtaxat 1035. sibi copulaverat; Atqui ante hanc Oratorij consecrationem non plures anni effluerant, ex quo Joannes Gualbertus, cum socio suo è Camaldulensi Eremo discedens, Vallemumbrosam ingressus fuerat, seque Paulo, et Gunthelino S. Romualdi Discipulis apud Aquambellam solitariè viventibus (ut diximus Dissert. I. cap. 4. num. 18.) adjungens, alios ex Monasterio S. Miniatis, exemplo suo, in Sacrum illum recessum confugientes Monachos traxerat; siquidem Itta illos ibi *In prædicta Eremo absque Ecclesia per DIES ALIQUOT*, usque ad illud tempus commoratos notat; ergo oportuit, ut longè post annum 1027. nec multò citius anno 1036. Joannes Gualbertus Romualdum in Eremo Camaldulensi convenerit, indeque circa hujus ipsius anni finem, vel sequentis 1037. initium, ad Vallemumbrosam perrexerit, si postquam *per dies aliquot* sine Ecclesia eo loci mansit, nuntiatum est Imperatori, ipso anno 1037. Florentiæ degenti, Monachos ejus subsidio indigere ad Ecclesiæ constructionem, qui Rodulphum Pavibronensem Episcopum ad ejus consecrationem direxit, *Quoniam Fesulani, Jacobo*

cobo extincto, nondum habebant consecratum *Præsulem*, cui tale munus diœcesano jure incubuisset.

XII. Frustra verò nonnulli Ordinis hujus Vallumbrosani Scriptores, post Didacum Franchum Hist. S. Jo. Gualb. lib. 5. duplicem consecrationem Oratorij distinguunt, alteram anteriorem anno 1013. sub Henrico I. Imperatore, alteram sub Conrado II. unde, totius instrumenti Ittæ sensu corrupto, et Henricum Conrado substituunt, et pro Gisela ejus Uxore Chunegundem legunt, et pro Rodulpho Pavibronensi Episcopo ad consecrationem misso, Menvercum ejus Antecessorem subrogant, tam nullo penitus fundamento, quàm casso prorsus labore; Franchus enim mutila citat in margine verba Ittæ Abbatisse, subtracto Rodulphi nomine, hoc modo: *Imperator dirigens Pavibronensem dignum Deo Præsule*, citatque instrumentū Ittæ Abbatisse de anno 1039. quod certè Rodulphum exprimit, eumque à Conrado missum, non ab Henrico fatetur, idque post Jacobi Fesulani Episcopi mortem, adeoque anno 1037. non 1013. et quidem de prima, non de secunda consecratione loquitur, nam ad illud usque tempus sine Ecclesia moratos Monachos docet: Qui verò rem hanc ad Henricum referunt, ut B. Theuzo in vita S. Joannis cap. 10. Xantes Perusinus in eadem vita pag. 43. et S. Artho pariter in vita cap. 22. intelligendi non sunt de Henrico I. sed de II. qui Conradi ipsius filius erat, jamque Regis titulum obtinuerat, et Patrem in Italiam comitatus est (ut ex verbis Ittæ supra relatis liquet, omnesque Historici consentiunt)

unde

unde à S. Athone loco citato *Rex*, non *Imperator* dicitur, ejusque Coniux non *Augusta*, sed *Regina* titulo distinguitur: erat verò hæc non Chunegundis, sed Chunildis Regis Danicæ Chnuti filia, quæ paulò post peste consumpta obiit. Nullus autem verustiorum Authorum duplicem Oratorij consecrationem distinxit, priorem sub Henrico per Menvercum, posteriorem sub Conrado per Rodolphum, ambos Paderbornenses Episcopos, sed tantùm, præter primam Oratorij consecrationem ab eo Episcopo, quem Imperator miserat, (Rodolphum scilicet) factam, narrat S. Atho cap. 22. laudato, Oratorium ampliatur consecratum rursus post aliquot annos fuisse ab Huberto S. R. E. Cardinali S. Ruffinæ, aliam certè consecrationem (siquæ ex hypothesi Didaci Franchi præcessisset) eodem loco non prætermisurus.

XIII. Denique sententiam nostram adversus eundem Franchum obfirmat B. Theuzonis Eremitæ, qui apud Ædem S. Maricæ Florentiæ cum Sanctitatis opinione vivebat, notissima historia; ejus enim consilio usus est Joannes Gualbertus in proclamandis Abbate, et Episcopo Simoniacis, suæque fuga ex Monasterio S. Miniatis, ne homini hæretico auscultaret; non potuit autem ante annum 1020. Gualbertus Theuzonem in ejus cella convenire, siquidem hoc ipso anno 1020: dumtaxat illam ingressus est Teuzo, quippe qui anno 1070. IV. Idus Januarij diem suum obiit post quinquaginta Eremiticæ vitæ annos in ejus monumento expressos his verbis:

Theu-

Theuzonis Monachi Venerabilis Offa quiescunt

Præsenti in tumulo, sancta qui vixit in Ede

Quinquaginta annis, Eremitæ velut Incola fervens.

Sed imò longè post dictum annum 1020. ad Theuzonem declinare debuit Joannes consilij gratia, nam vel tunc Eremita ille *Senex*, et quidem *Magnus Senex* fuisse traditur (S. Atho in vita S. Joannis Gualb. cap. 10. *Cernens igitur Senex Viri fidem*, et infrà: *Ad magnè Senem re versi*. et supra cap. 9. *Ad quemdam magnam Senem, Theuzonem nomine, venerunt*, et rursus in titulo capitis 19. *Seniorem Theuzonem* appellat) quod non videro cur Didacus Franchus per *anachronismum*, aut *ratione Consilij, et Prudentiæ*, non verò proprie ob ætatem ausit interpretari lib. 3. pag. 48. cum adeò asseveranter, et tam sæpe talis dicatur. Non ergo initio ejus conversionis, sed multò post, ab Joanne Gualberto conveniri debuit Theuzo, certè anno 1007. vel 1009. quem hi Scriptores huic colloquio tribuunt [cum nondum Eremiticum pallium sibi Theuzo circumdedit] fieri id omninò non potuit. Imò hinc iterum confutatur fictitia illa Oratorij Vallisumbrosæ anno 1013. sub Henrico I. Imperatore facta consecratio: nam ipsemet Franchus lib. 5. fatetur, Theuzonis Eremitæ consilio, Imperatorem compulsam fuisse, ad ejusmodi consecrationem promovendam; quod et S. Atho loco cit. testatur, dicens: *In illis diebus Rex Henricus Florentiam venit, ibique dum à pluribus de ipso (Joanne Gualberto) multa bona audisset, sic ei audita placuerunt, ut hortatu sapientissimi Theuzonis, Catholicum Episcopum illum dirigeret*

ret ad consecrandum locum, et Regina etiam ei xenia grata mandaret. Quomodo ergo hæc consecratio ad annum 1013. et ad Henricum I. referri potest, si tùm Theuzo, et per octo adhuc annos, nondum inclaruerat, nec Eremiticæ vitæ tyrocinium quidem posuerat?

XIV. Omitto aliud argumentum ex ætate ipsius S. Joannis Gualberti petitum, de quo vetusti omnes Auctores memoriæ prodiderunt, quod et in Breviarii lectionibus habetur, anno videlicet 1073. ætatis suæ 78. Deum adiisse; unde si anno 1003. (juxta Franchi hypothesein) Joannes Monachus factus esset, *ostensis* sæculum reliquisset; quod perdidiculus est, quia profectò armis idoneus, et militari disciplina instructus, post veniam hosti (ob reverentiam S. Crucis) indultam, se Religioni addixit. Frustrà verò Didacus Franchus in Præfatione suæ Historiæ contendit, Joannem Gualbertum 88. annis vixisse, ut recens unius sæculi opinio invexit, et Chronici in Archiepiscopatu Florentino servati fidem elevare nititur, ubi legitur, *Monasterium S. Miniatis anno 1013. sine Abbate, et sine ullo Monachorum Collegio, velut derelictum jacuisse*: ex quo loco optimè intulerunt prisca Vallisumbrosæ Scriptores, nonnisi longè post annum 1013. potuisse Joannem in dicto Monasterio ad Monasticen admitti; quod quidem assumptum non alia ratione Franchus refellit, quàm quia nisi Joannis Gualberti conversio annum 1013. præcessisset, nequaquam post 4. annos potuisset is Romualdum Camalduli convenire, quia post dictum annum 1013. S. Romualdi memoria ubique fileat;

fileat; cùm ex adverso inferre potius debuisset, Romualdum nedum post annũ 1013. sed et post 1027. superstitem, et usque ad 1037 (ut nos hìc contendimus) pervenisse, ob ejus colloquium cum Joanne Gualberto, qui longè post annum 1013. Monasticen induere debuit, quandoquidem desertum erat præfato anno S Miniatis Cænobium, ut tum ex dicto Florentino Chronico patet, tum ex Ildebrandi Episcopi, qui Monasterium illud restituit, authentica pagina, quam supra ex Ughello num. 5. recitavimus, alijsque num. 6. et 7. jam expensis demonstratur.



CAPUT V.

Ex B. Casimiro Poloniae Rege S. Romualdus post annum 1027. superstes iterum ostenditur.

SYNOPSIS.

Casimirum fuisse illum Busclavi filium, qui à Damiano narratur generosum equum Romualdo donasse. Num. 1. Confirmatur ex Mattheo Miechowita, et Martino Chromero. 2. Cur Casimirus à Romualdo Cluniacum remissus? 3. Casimiri in Romualdum, ejusque Discipulos devotio. 4. Bollandi contra hanc sententiam exceptiones. 5. Primæ instantiæ solutio 6. Ad secundam instantiam responsio. 7.

H

Da-

Damianum non omnia per ordinem narrare. 8. Conjectura Bollandi refellitur. 9. Aliorum etiam sententia rejecta. 10.

I. **A**liud protrahendæ post annum 1027. Romualdi vitæ indicium nobis præbet B. Casimiri Poloniæ Regis Historia. Is enim ex Gallia, quò se, studiorum causa, receperat, in Italiam venit, et equum sat generosum Romualdo obtulit anno 1036. ac Monastico schemmate vicissim à S. P. donatus, in Galliam ad Cluniacense Monasterium remissus est. Rē obiter narrat Petrus Damiani in Vita S. Romualdi cap. 26. his verbis: *Habebat autem (Romualdus) equum satis egregium, quem sibi Busclavi Sclavonici Regis filius dederat, factus ab eo Monachus. Hunc Vir Sanctus, humilitatis studio, permutavit, et lucroso concambio, asinum laudabilis negociator accepit: nimio quippe Redemptoris nostri desiderio, qui asellæ tergo confederat, Vir Venerabilis hoc ipsum animal libentius equitabat. Porro hunc ipsum Busclavi Sclavonici Regis filium, non alium quàm Casimirum fuisse, qui anno 1036. Italiam lustravit, tum Ordinis nostri traditione docemur, tum Historicorum Poloniæ consensu in ejusmodi sententia facilè confirmamur.*

II. Matthæus enim Miechovita Hist. Polon. lib. 2. cap. 13. sic scribit: *Casimirus delegit tandem, matre consentiente, monachari, et accedere personaliter ad Romualdū, Vita Sanctitate pollentem in Italia; donato ei pulcro caballo, exposuit quis esset, poscens ab eodem susceptionem, et professionem regularem, quo annuente, rediit Cluniacum. Et Martinus Chromerus lib. 4. Histor. Polon. cap. 1. Profes-*
tus

Etus est autem Casimirus Lutetiam anno Christi 1036. (verius 1034. juxta Sethum Calvisium, quo eodem anno die 15. aut, juxta alios, 25. Martij Parentem Miccislaum amiserat) Voluntate matris, ut ingenium honestis disciplinis excoleret: inde post aliquot annos, visa obiter Italia, et Romualdo Abbate Sancto, Cluniaci in Benedictinorum Monachorum sodalitate se dedit, Monasticam vitam professus. Omitto Stephanum Demalevicium, qui in Vita S. Bogumili Gnesnensis Archiepiscopi, Eremitæ Camaldulensis, rei ejusdem meminit, aliosque regionis ejusdem Scriptores.

III. Neque est quod miremur, Casimiro, post acceptam à S. Romualdo Monasticæ Vitæ inaugurationem, indultum, permistum, aut imperatum à S. Patre fuisse, ut rursus in Gallias se reciperet, atque apud Cluniacenses Monachos vota sua Domino redderet; id enim fieri potuit, sive ut ibi cæptum studiorum cursum non intermitteret; sive ut melius, ac tutius ibidem latens, subditorum se ubilibet inquirentium industriam eluderet; sive quia delicatiorem ejus indolem mitius sibi jugum Monasticæ Disciplinæ postulare cognosceret; sive quia Discipularum aliorum frequentia Regio Tyroni locum inter Romualdi ipsius Cænobia tunc non relinqueret: quemadmodum legimus in Vita S. Romualdi cap. 65. Discipulos S. Patrem sic allocutos: *Magister vides, quia nos, qui te sequimur, tanti jam sumus, quod hic congruenter habitare non possumus; vade ergo, si placet, et Imperatori magnum aliquod Monasterium quære, et multitudinem te sequentium ibi constitue.*

H 2

IV. Cæ-

IV. Cæterùm Casimiri Discipulatus sub Romualdo, vel ex insigni ipsius studio in Beatissimos Martyres Polonię, Romualdi Discipulos, eorumque Asseclas, et Successores relucet; nam Regno suo redditus, ex Summi Pontificis Benedicti IX. dispensatione, anno 1041. SS. Martyrum Joannis, Benedicti, Matthæi, Isaac, et Christini, ac Barnabę Confessoris cellulas veneratus, totidem in earum fundamentis Ecclesias construendas curavit, utque solitarium locum populorum frequentia venerabilem redderet, novam in circuitu Civitatem condidit, ex nomine suo, Casimiriam nuncupatam; tres deinde alias Ecclesias in cellulis Sanctorum Andreę Zoerardi, Benedicti Svirardi, et Justi Ordinis nostri Confessorum, apud Opatovicium ædificari iussit; alijsque regię Pietatis, ac Munificentię monimentis S. P. Romualdi, ejusque in Polonię regno Discipulorum, et Asseclarum nomen ubique illustravit, ut ex Martino Baronio narrat Minius in S. Casimiri vita, anno 1620. Venetijs edita.

V. Scio, sententiam hanc Eruditissimo Bollando minùs arridere, putat enim Damianum, verbis ex ejus capite 26. supra num. 1. relatis, nullatenùs de Casimiro esse intelligendum: idque duplici argumento. Primò enim is Monachus Busclavi, seu Boleslai filius à Damiano disertè appellatur, cùm Casimirus hic Meschonem, seu Miecislaum hujus nominis secundum, Patrem habuerit, qui Boleslai filius fuerat. Secundò quia Othonis III. tempore contigisse videntur quę loco suprà citato à Damiano enunciantur, antequàm scili-

scilicet vel Casimirus ipse nasci posset, nedum antequàm in Italiam veniret, ac Romualdinam Monasticen amplecteretur; adeò non is fuit Busclavi filius, qui D. Romualdo equum obtulisse à Damiano dicitur: certè eam ætatem anno 1041. cùm de Monasterio educeretur, agere inventus est, ut ad Diaconatus gradum dumtaxat provectus esset; tametsi nec desint, qui annum 26. ætatis Casimiro tùm tribuant, quod adhuc non sufficit, ut ad Othonis III. tempora retrahi possit.

VI. Sed primam exceptionem elevat Jurisconsultorum observatio, quòd *Filij* appellatione etiam Nepotes, ac Pronepotes, et quilibet hinc descendentes continentur, ut *Patris* nomine Avus, ac Proavus comprehenduntur ex legibus § 1. 201. 220. tituli Digestorum de Verborum significatione: Itaque, ut Christus Matthæi 1. dicitur *Filius David*, *Filius Abraham*, ita et Casimirus poterat non Meschonis, seu Miecislai dumtaxat, sed et Boleslai Filius appellari, idest Nepos, seu Natus filij, qui et Parvus filius (Gallis *Petit Fils*) nuncupatur. Nec desunt similia apud eundem Petrum Damianum exempla in hac ipsa Romualdi Historia, ut cap. 38. ubi *Filium Guidonis Comitis* appellat eum, qui filius erat Pharulphi, qui Guidonis illius filius erat, ex pagina donationis Valliscastrì, ubi legitur: *Ego Pharulphus Comes filius Guidi Comitis &c.* ut nihil dicam, quòd alij apud Bejerlinghium in verbis ex cap. 26. supra recitatis legunt: *Busclavi Sclavorum Regis consanguineus*, non *filius*; quomodo allata difficultas certè evanesceret.

VII. Se-

VII. Secunda verò instantia tum demum alicujus esset momenti, ac rem planè conficeret, si constare posset, rerum gestarum ordinem hic, et alibi à Damiano exactè observatum esse; sed cùm illa ipsa periodus, quam supra attulimus, de equo donato, ejusque commutatione, tota quanta est extra suum locum posita videatur, et longiori velut parenthesi sensum illius Capitis XXVI. interrumpat, nec quidpiam conducat ad ipsius Capitis argumentum, quod erat de Romualdi ægritudine apud Cassinum, ejusque reditu ad Pereum: imò cùm ad finem vitæ, idest cap. 62. Romualdus equum ferocem insedisle legatur, quem Dæmon, assumpta specie canis, exterruit, et in furem adegit, conjici posse videtur, hunc illum ipsum fuisse, quem à Calimiro dono acceperat, et cum rudi jumento deinceps commutavit, ut mansuetiori vectore, ad exemplum Christi, uteretur.

VII. Neque mirum est, colligendis ex multiplici variorum Discipulorum relatione Romualdi gestis intentum Damianum, haud scrupulosius ordinem historię servare potuisse, et ejusdem facti diversas circumstantias, divisas, et longo intervallo discretis capitibus aliquando complexum esse, nam, ut præclare Plinius lib. 4. Epist. 11. observat, *Rerum summam narrat fama, non ordinem*. Imò Damianus ipse in Prologo Vitæ S. Romualdi expressè, et candidè professus est, se non historiam texere; sed quoddam quasi breve commonitorium facere; Non itaque sollicitus fuit de S. Viri actibus, præsertim minutioribus, adamussim suo loco, atque ex ordi-

ordine recensendis, sed exemplis ejus Sanctitatem manifestantibus utcumque colligendis incubuit. Quanquam non dubitamus, in præcipuis saltem Viri Beatissimi gestis exponendis naturalem ordinem plerumque servasse: certè id, absque necessitate, præsumendum non esse putamus, quod Scioli quidam passim assumunt, Damianum videlicet absque ullo prorsus ordine cuncta miscuisse, cum *Vitæ ejus initium, cursum, et finem describere*, et *Conversationis Ordinem se referre* Damianus ipse laudato loco nihilominus asseveret.

IX. Quod autem suspicatur Bollandus, ex Boleslai filijs, aut Bestpterum Hungaræ Uxoris filium, aut Boleslaum alium Meschonis fratrem ex Connilde susceptum, Monasticen amplexum sub Romualdo, atque hunc à Damiano indicari loco præcitato, in meris coniecturis positum est, quæ Ordinis nostri, et Poloniæ Scriptorum Traditionem pro Casimiro stantem non labefactant: animadvertendum autem Bollando fuerat, nullum Boleslaum Meschonis fratrem reipsa fuisse; verba enim Ditmari lib. 4. Chronici, ab ipso Bollando relata, quòd Connildis peperit Boleslao Regi *Duos filios, Meschonem, et alium, quem dilecti Senioris sui nomine vocavit*, non probant, filium hunc natu minorem, Boleslaum vocatum, sed *Drobemirum*; Dilectus enim Connildis Senior ejus Patrem, non Maritum significat, cum paulò antè Ditmarus idem dixisset, *Connildem editam à Venerabili SENIORE DROBEMIRO*.

X. Aliorum autem sententiæ, quæ factum à Damiano

miano narratum, vel ad nescioquem *Busclarvinum*, patronymica, ut arbitrör, inflexione confictum, eoquöd *Busclarvi filius* Monachus illè appelletur, vel ad *Briscam*, Croatiae, et Bulgariae Regis filium, vel ad *Principem Rutbenorum*, vel ad *S. Bonifacium* Russiae Apostolum, Divi Romualdi Discipulum, et Martyrem Gloriosissimum referunt, ut nullo prorsus fundamento nixæ, et Damiano repugnantes, adeò non præmissæ de *Casimiro* opinioni præjudicant, ut ejus potiùs soliditatem, suæ levitatis comparatione, confirment, undè hic prolixius expendi, cum Lectorum tædio, et dispendio temporis, nequaquam merentur.



C A P U T VI.

Ex Ædificatione Camaldulensis Eremiti
Romualdus post annum 1027.
vividus ostenditur.

S T N O T I S.

Camaldulensem Eremitum B. Rodulphus anno 1027. sub Theodaldo Aretino Episcopo ædificatam asserit. Num. 1. Alij etiam Auctores ante Fortunium ad Theodaldum rem referunt. 2. Basilica Eremiti ædificata ante cellas, et consecrata ab eodem Episcopo, rogatu S. Romualdi 3. Post ædificatam Eremitum decennio saltem supersites S. Pater ostenditur. 4.
Nulla

Nulla scriptura Camaldulensem Eremitum concernentes anno 1027. antiquiores occurrunt in Archivio Camaldulensi. 5. Theodaldus an simplex Presbiter, aut Coepiscopus tempore foundationis Eremiti? 6. Fortunij fundamentum parvum idoneum ad Helempertum, loco Theodaldi, substituendum, 7. Non erat, ob retinendum pratenfum foundationis annum 1012. expungendus Theodaldus, sed è contrario. 8. Monumentis Camaldulensibus à Fortunio adductis quid deferendum? 9. Eadem sublestę fidei, et variorum errorum convincuntur. 10.

I. **D**Enique Romualdum adhuc post annū 1027. in vivis degisse, ipsa Camaldulensis Eremiti ædificatio, si candidè, et sincerè, velut ex suo fonte derivanda est, exponatur, apertè suadere videtur. Sciendum enim, prælaudatam Eremitum, vulgò quidem anno 1012. excitatam supponi, sed absque fundamento, nam ipso anno 1027. constructam fuisse tradit B. Rodolphus in Constitutionibus anni 1085. his verbis: *Notificamus vobis, fratres charissimi, quòd prædicta Camaldulensis Eremita à S. Patre Romualdo Eremita, Sancto suggerente Spiritu, PRÆCATU REVERENDISSIMI THEODALDI ARETINI EPISCOPI, ædificata est, cum quadam Basilica, quam prædictus Episcopus in honorem Sancti Salvatoris consecravit, MILLESIMO VIGESIMO SEPTIMO ANNO ab ejusdem Incarnatione.* Ita ille, nullo ciphrarum compendio indicatis numeris, ut cavillari quis possit symbola perversè intellecta, aut lapsu calami malè consignata, sed verbis omninò per extensum expressis.

I

II. Ex-

H. Ex quibus primò aperte liquet, non Helemperti Episcopi suffragio, qui anno 1012. sedebat, Ereumum ædificatam fuisse, ut omnium primus, nulla præeunte auctoritate, asserere ausus est Fortunius; sed interven-
tu, ac *Precatu Reverendissimi Theodaldi Aretini Episcopi*, Qui plusquàm decennio post sedere cepit; idque ipsi-
usmet Theodaldi infra asserendo testimonio evidentis-
simè illucescit, et confirmant quotquot ante Fortuniu
de Camaldulensis Eremitæ ædificatione scripserunt, apud
quos numquam *Helempertus*, sèmpèr *Theodaldus* expri-
mitur. Ita Gherardus Generalis anno 1278. Constitutio-
num Vitæ Eremiticæ lib. 1. cap. 27. de Romualdò
inquit, quòd *Allocutus Præsulem Aretinum, romine Theo-*
daldum, suffragium hujus operis quasitum impetravit. Item
S. Hieronymus Pragensis Eremita in Sermon. de S. Ro-
muald. cap. 10. num. 61. [apud Bollandum die 7.
Februarij edito] post narratum Malduli cum Romu-
aldo colloquium, *Mox S. Pater*, inquit, *tanquam Divi-*
no illustratus oraculo, Ecclesiam miræ pulchritudinis in eodem
loco edificavit, quam Theodaldus Aretinus Episcopus in ho-
nore Salvatoris consecravit: In circuitu autem ejusdem Eccle-
sie quinque cellas construxit, et totidem Eremitas ibidem col-
locavit: Nec non B. Paulus Justinianus in Proœmio
Regulæ Eremiticæ, in eodem proposito scribit. Hic Vir
Dei in divino oraculo confirmatus, oblatum à Maldulo Cam-
pum accepit, et Venerabilis Viri Theodaldi Aretini Episcopi,
qui tunc temporis Etruriam ferè universam utraque regebat
poteestate, suffragio facillimè impetrato, ibidem Ecclesiam in
honorem, et titulum S. Salvatoris nostri, et quinque in circui-

su ejus cellas construxit, in quibus religiosos fratres ordinavit.
 &c.

III. Rursus ex iisdem B. Rodulphi verbis inferre secundò possumus, annum talis ædificationis Eremitæ Camaldulensis ipsummet fuisse, qui à Christi Nativitate *Millesimus viceſimus. septimus* decurrebat; vel saltem [si quis appositum annorum numerum non ad Eremitæ ædificationem pertinere, sed ad Ecclesiæ consecrationem dumtaxat referendum esse contendat] prælaudato anno 1027. Basilicam Eremitæ à Theodaldo Episcopo consecratam; quod cum factum, sit præſente, atque insſtante ipſo Romualdo (hoc enim ipſemet Theodaldus testatur in pagina suæ donationis, quam refert Fortunius part. 1. lib. 1. cap. 40. et nos Dissert. III. cap. 3. num. 5. pag. 30. adduximus, quippe de Eremitæ Basilica verba faciens, inquit: *Quam nos ROGATU præſati DOMNI ROMUALDI EREMITÆ consecravimus sub honore, et nomine Domini Nostri Jesu Christi Sancti Salvatoris*) Oportuit Romualdum hoc ipſo anno 1027. adhuc apud Camaldulum consistere, et circa ejus ædificationem laborare, nam à Basilica ædificium cæpiſſe, et post illam cellulas distinctas cum suis Oratorijs, et Discipulos inibi deputatos, Petro Dagnino Priore loci constituto, testis est idem, qui omnibus interfuit, Reverendissimus Episcopus Theodaldus in prælaudata suæ donationis pagina dicens: *Hunc igitur locum Domnus Romualdus, Pius Eremitarum Pater delegit, et providit aptissimum contemplativæ vitæ Deo ſervientium, constructaque inibi Basilica Sancti Salvatoris, quinque Cellulas cum suis Ta-*

bernaculis ibidem distinxis, atque ab invicem separavit. Sed et singulis cellulis singulos deputavit fratres Eremitas, qui fœdatis curis, et sollicitudine remoti, soli deo in contemplationi insistant; Quibus etiam Petrum Venerabilem Eremitam, tamquam fidelem Ministrum, et Præceptorem dedit. Quod et alij Scriptores præcedenti numero adducti confirmant, et ipsa B. Rodulphi narrationis series liquido ostendit: nam post narratam prædictæ Basilicæ S. Salvatoris consecrationem à Theodaldo factam, sic prosequitur: *Edificatis ergo ibi quinque cellulis, religiosos fratres ordinavit in eis, idest Petrus, et Petrus, Benedictus, et Giffus, et Tbenzo; ex his unum, idest Dominum Petrum, qui dicebatur Dagrinus, prudentem, et religiosum Virum proposuit alijs quatuor fratribus, et regulam jejunandi, atque silendi, et in cellis permanendi eis tribuit.* Sed et ipsemet Fortunius lib. 1. cap. 28. fateretur Basilicam, de qua loquimur, ante Cellas constructam his verbis: *Ibi igitur ANTE OMNIA Basilica venerabili ad honorem Dei, et D.N.I.C. Salvatoris Mundi constructa, EXINDE quinque in circuitu posuit Cellas Eremiticas &c.*

IV. Si igitur anno ipso 1027. circa Eremitæ Camaldulensis ædificationem S. Pater sollicitus legitur, ejusque rogatu, atque interventu Basilicam Eremitæ Theodaldi consecrabat; quandoquidem Camaldulo discedens Romualdus in Sitriam profectus est (ex Petro Damiano in Vita cap. 49. Postmodum vero Romualdus, cum Apenninum defereret, Montem Sitræ habiturus ascendit) ubi per septennium reclusus vixit (ex eodem cap. 52. In Sitrâ denique Vir Venerabilis per septem fere annos inclusus

man-

mansit) ac post multa alia loca, quę de more suo peregrans habitavit, Camaldulum reversus (siquidem Joannem Gualbertum ibi Auditorem habuit, ut cap. 4 expendimus) tandem ad Monasterium Vallis de Castro se recepit, ubi *Post sex circiter menses* Deum adiit, et *Solitariam vitam solitaria fine conclusit* [ex Vita cap. 69.] utique colligere licebit, ferme decennio post annum 1027. superstitem S. Patrem fuisse: adeoque ad 1037. ejus obitum differendum, ut in sententia, quam nunc exposuimus, asseritur, atque ut alia premissa argumenta suadere videntur.

V. Confirmari etiam posset asserta Institutio Sacre Camaldulensis Eremitę, anno 1027. dumtaxat facta, ex quò, licet in Archivio Camaldulensi vetustiores scripturę, Monasterium S. Marię Pratagię concernentes, servantur, nulla tamen sive in donationibus, siye in emptionibus, venditionibus, locationibus, alijsve contrahibus, sive in privilegijs Episcopalibus, Cęsareis, Pontificijs memoria occurrit, dicto anno 1027. anterior: uti nec Helemperti Episcopi nomen (a quo primus omnium Fortunius fingit, Romualdum Eremitę ædificandę licentiam impetrasse, idemque ex ipsius fide asserendi occasionem Burallio, et Ughellio præbuit) uspiam notatum invenitur, sed solius Theodaldi ejus successoris, qui testimonium ineluctabile in facto proprio reliquit in sua pagina prælaudata anni 1027. et alia anni 1033. ab omnibus supra recensitis Scriptoribus, alijsque passim, unanimi sensu, confirmatum.

VI. Neque prætendi potest, foundationis Camaldulensis

lenis tempore Theodaldum quidem interfuisse, non tamen ut Episcopus, sed quasi Presbiterum simplicem, qui cum alijs Aretinis Patitijs, visendæ fabricæ gratia, Camaldulum venerit, D. Romualdo cum Discipulis de potentia Dæmonum differenti, in descensu Eremitæ, obviam factus, ut Fortunius lib. 1. cap. 32 et Minius lib. 2. Hist. Camal. MS. asseverant; Id, inquâ, prætendi non potest, cum expressè Rodolphus illum Episcopum vocet, eidemque Basilicæ Eremitæ tunc ædificatæ consecrationem (quam et ipsemet Theodaldus, Romualdi rogatu, à se factam fateatur) ascribat, simplicis officio Presbiteri minimè convenientem: nisi saltem cum Ughello [quem cap. 3. num. 6. citavimus] diceretur, Theodaldum Helmperti Coepiscopum ex tunc fuisse, cujus rei alia graviora indicia desiderarem, quæ nulla apud Burallium Aretinorum Præsulum Chronistam occurrunt; undè ne ipse quidem Fortunius huc se recipit, sed consecrationem Basilicæ Eremitæ prorsus dissimulans, de sola consecratione Templi Fontisboni à Theodaldo facta eodem libro cap. 39. verba facit, cujus etiam Rodolphus loco citato meminerat his verbis: *Tunc prefato Petro, quem Priorem constituerat (Romualdus) quandam Ecclesiam in prædicto Hospitio Fomebono construere præcepit, quam ipse Petrus postea, Domino adiuvante, devotè construxit, et assumpto scripto Antistite [Theodaldo] consecrare eam fecit.* Quod adnotare libuit, ne quis aut primam illam consecrationem Basilicæ Eremitæ, cum altera Templi in Hospitio constructi confundat, aut non præsentem Romualdo (quemadmodùm hæc

hæc altera Fontisboni) illam etiam priorem administratam contendat, cum de utraque idem Rodolphus distinctè loquatur, et illam interventu Romualdi, hanc ex mandato Romualdi, interventu dumtaxat Petri Dagnini, exhibitam fuisse testetur.

VII. Cesset itaque Fortunius in sua Apologia, contra Lucam Eremitam scripta, eundem Lucam erroris redarguere, quod *Theodaldum* ædificationi Sacræ Eremitæ Camaldulensis interfuisse scripserit, dum enim optima ratione se *Helempertum* restituisse contendit, nec tamen aliam in medium adducit, quam quia *Sacræ Eremitæ institutio* (verba sunt Fortunij) *facta sit anno 1012. Theodaldus* verò, cum scribat in pagina sui primi privilegij *Eremitis concessi: Datum anno Dominicæ Incarnationis MXXXVII.* anno verò *Episcopatus D. Theodaldi V. Mense Augusto. Et anno MXXXIII. in secundo privilegio, anno Pontificatus X.* Quis non videat, quod *Theodaldus* tempore ipsius *fundationis* non erat *Episcopus*, qui profecto post decem annos ad eam fuit promotus dignitatem? Igitur optima prorsus ratione in nostris historiis locatus legitur *Helempertus*, quem anno ipso 1012. sedem *S. Donati* tenuisse, ex *Cathalogo Pontificum Aretij* colligimus. Dum, inquam, non alia ratione substitutionem hanc *Helemperti* à se factam tuetur, ignotum (quod ajunt) per ignotius, et æquè incertum probare nititur, seque vel primorum Historiæ elementorum prorsus jejenum videtur ostendere, nosque desiderare cogit, ut quantum indolis attulit, et eloquentiæ ad hoc genus scribendi, tantum judicij, et diligentie contulisset.

VIII. Nam, si suis momentis rem probè expendisset, potiùs inferre debuerat, sacrę Eremiticę institutionem longè post annum 1012. factam, ex quo Theodaldus Aretinam Cathedralē seriùs obtinuerit, quàm ut negaret Theodaldum foundationis illius tempore Episcopum fuisse, ex quo hæc fundatio anno 1012. facta supponeretur; Siquidem certius est ex ipso Theodaldo, et ex B. Rodulpho, Theodaldum Episcopum Eremiticę Camaldulensis ædificationi interfuisse, imò ejus *precatu*, inquit Rodulphus, incensum Romualdum ad illam ædificandam, ac vicissim *Romualdi rogatu* (ut inquit Theodaldus) Eremiticę Basilicę in honorem S. Salvatoris ab ipsomet Theodaldo consecratam fuisse, idque anno 1027. quàm constare possit determinatio anni 1012. quo vulgò censent hæc contigisse, absque ullo idoneo documento Epocham hanc demonstrante, quę et ipsa apud Auctores suos nutare videtur, quatenus alij apud Ractium in notis ad cap. 47. Vitę S. Romualdi, ædificationem hanc Eremiticę Camaldulensis ad annum 1008. retrahunt, et quidem non obstante monumentorum Eremiticę, et Historiarum Fortunij auctoritate; Sic enim expressè habet: *Non ostante, che le memorie d'esso Sacr' Eremitico [si come ancora si dice nella Camaldolese Istoria] vogliano, ch'egli avesse principio l'anno mille dodici*. Quare si Theodaldi tempus cum præsupposito foundationis anno 1012. convenire non videbatur, non Theodaldi nomen in Helemperti fuerat arbitrariè mutandum, sed vulgaris illa anni 1012. epocha evertenda, atque ejus loco annus 1027. qualem Rodulphus expresserit, retinendus.

IX. Sed

IX. Sedenim audire videor Fortunium, ut olim in eadem sua Apologia contra Lucam Eremitam, sic nūc contra me insurgentem, et exprobrantem, quod *Fortasse non legerim ea, quæ ex antiquis Eremitæ nostræ monumentis à Patribus Vitæ S. Romualdi additæ fuere, quæ impressa fuit sub auspicijs Leonis X. Pontificis Maximi anno 1513. propter obitum anno ejus primo amplissima in ita novæ Congregationis nostræ Privilegia; in quibus quidem monumentis hæc habentur verba: Anno verò Domini MXII. idem B. Pater Romualdus, cupiens locum idoneum Eremiticæ conversationis invenire, pervenit ad istum locum Camalduli &c. Cui repōno, hæc quidem legisse; ut ipse fecerat, sed et expendisse, quod ipse non fecit, nec Paulus Justinianus, nec ipsemet Lucas Eremita, alijsque horum monumentorum auctoritate decepti. Ejusmodi enim monumenta post quingentos annos à facti origine in lucem prodita, incerto authore, unde nescimus excerpta, et quorum nulla est, sive in Lapidibus, sive in Codicibus, sive in Scripturis ullis Eremitæ Camaldulensis memoria, adeò quantumvis diligenter inquirentibus, et me, et Sollertissimo Odoardo Maria Baroncino Eremita, alijsque Eruditissimis Viris, nec vola, nec vestigium illorum apparuerit [quemadmodum nec apparuit ipsimet Fortunio, qui ad auctoritatem ipsorum vindicandum, locum, unde fuerint desumpta, allegare non omisisset] ejusmodi, inquam, monumenta, an sine examine amplectenda fuerant, expensa verò nūm præferenda videri poterant indubite, et incorrupte ipsiusmet Theodaldi, et B. Rodulphi Prioris, aliorumque*

consequentium monumentorum , quę adhuc extant, auctoritati?

X. Quid , quodd nutat horum monumentorum, ipforumque Editoris fides, ex quo ausus sit etiam B. Rodulphi Constitutiones interpolare, atque earum sensũ corrumpere , textum à nobis superiũs adductum num. 1. sic legendum offerens , ut inserto anno 1012. et subtracto Theodaldi nomine , cum præscriptis monumentis conciliari posse videretur? ait enim. *Alibi in eisdem B. Rodulphi Constitutionibus . Camaldulensis Eremitus à B. Patre Romualdo Eremita , Sancto suggerente Spiritu edificata est anno Domini MXII. cum quadam Basilica , quam Episcopus Aretinus in honore Sancti Salvatoris consecravist MXXVII. anno ab ejusdem Incarnatione* (quasi nimirum totis quindecim annis, absque Ecclesię divinis ritibus Sacrę subsidio, nocturnas, diurnasque psalmodias Eremitę Camaldulenses impleverint, cũ ejus ætatis moribus non conveniret, ut recens extructa Basilica sacris mysterijs deputaretur, antequàm munus consecrationis accepisset ex Canone *Sicut* 11. et seqq. dist. 1. de Consecr.) At exemplar Constitutionum B. Rodulphi habet, ut sincerè loco citato retulimus, *Camaldulensis Eremitus à S. P. Romualdo Eremita , sancto suggerente spiritu, precatu Reverendissimi Theodaldi Aretini Episcopi edificata est, cum quadam Basilica , quam prædictus Episcopus in honorem Sancti Salvatoris consecravist, millesimo vigesimo septimo anno ab ejusdem Incarnatione .* Quę variatio manifestam fraudem, et suppositionem etiam incertorum illorum monumentorum redarguit. Ut nihil dicam de fide his præ-

præclaris monumentis debita, ex quo, nedum Scalæ Visionem, quæ Rodulphi, et Gherardi testimonio, soli Maldulo contigit, ut Dissert. III. probabimus, uni Romualdo tribuunt; sed amplius Romualdum ætatis annorum 17. anno 906. Conversum, adeoque anno 889. natum statuunt, unde cum anno 1027. mortuum asserant, ad annos 138. ejus ætatem extendunt: Quæ omnia manifestè commentitia sunt, atque ipsius Damiani authoritati è diametro, ut dici solet, repugnant.



CAPUT VII.

Ab adversis difficultatibus nostra
hypothesis vindicatur.

SYNOPSIS.

Obiectio ex tempore B. Petri Urseoli. 1. An longo tempore Romualdus in Eremitio Marini constitit? 2. Non XL. sed XX. annis ibi constitisse, et Urseolum anno 961. conversum dici posse. 3. Probatur ex anno, quo Candianus Dux, Urseoli decessor, Joannam repudiavit. 4. Item ex adificatione S. Georgij Majoris Venetiarum, et tempore, quo Romualdus Gallias incoluit. 5. Quàm incertus apud varios Historicos conversionis Urseoli annus! 6. Valdrada Sororis Hugonis Marchionis tempus nostra hypothesis non

obstare: 7. Sexim Priorum Sacre Exemi huic sententiæ non opponi. 8. Gravior difficultas ex pagina Abbatis Fesulani. 9. Equè opponitur communi sententiæ. 10. Facillimè dissolvitur. 11. Difficilior nodus ex Privilegio Theodaldi. 12. Probabiles ejus interpretationes. 13. Quæ confirmantur alijs similibus exemplis. 14. Alia ejusdem difficultatis solutio. 15.

Nunc expendendæ sunt difficultates, quæ hypotheseo cap. 3. p. oppositam suspectam erroris reddere possunt; ac primò attendenda est Petri Urseoli Conversio, ex qua fulcire suam de imminuenda Romualdi Ætate sententiam conatur Bollandus in Cōmentario prævio. Vitæ S. Romualdi. §. 3. num. 18. his verbis: *Quid, quòd Petrum Urseolum, qui quarto circiter à Romualdi Conversione anno Monachus factus est, omnes historiæ tradunt circiter annū CMLXXVII. vel CMLXXVIII. Ducis sese munere abdicasse? Neque verò citius multò id potuit, cum ejus Deceßor Petrus Candianus Sororius extiterit Hugonis Magni Marchionis, qui adhuc anno MI. Ottoni Imperatori contra Romani Populi tumultum præsidio fuit, eoque anno obiit; Sed unde Bollandus innotuit, Urseolum quarto circiter post Romualdi conversionem anno Monachum factum? Hinc certè, quòd Damianus narret, Romualdum post tres annos in Classensi Monasterio exactos ad Marinum Eremitam divertisse, mox Conversionem Urseoli referre incipiens, subiungat cap. 3. Eodem verò tempore Petrus, cognomine Urseolus, Dalmatici Ducatus gubernabat babenas; Nam Bollandus ipse in*
Notis

Notis ad hanc vitam cap. 2. litt. a de Marino agens sic scribit : *Augustinus ait , quadraginta annis cum eo in Veneta ditione habitasse Romualdum , nempe ut CXX. vitæ annos reperiat ; At B. Petrus Damiani num. 9. scribit , eodem tempore [quo nempe sub Marini disciplina is Tyrocinium ponebat] Petrum Urseolum Ducatus gubernasse habenas .*

II. Verùm et hoc rursus non immeritò quæri potest , quid cogat Damiani verba de Tyrocinij , non de Eremiticatus tempore interpretari ? Eodem tempore , quo adhuc sub Marino Romualdus solitariam vitam colebat , Damianus asserit contigisse Urseoli Ducis exaltationem , ejusdemque postmodum è folio fugam ; at quanto tempore , brevi , an longo , Romualdus Marino auscultaverit , non definit Damianus ; Augustinus , qui hoc Bollandi argumentum præviderat , parte 2. lib. 1. cap. 7. *Scriptoris vitio potius vertendum putat quòd ex verbis Damiani Petrus Urseolus conversus esse videatur primis annis , quibus S. Pater Romualdus Venetijs agebat , quàm ut concedat cum Tyrone , et adhuc Juvenculo Eremita Urseolum in Aquitaniam commigrasse , quòdque Romualdo vicesimum quartum vitæ annum agenti Guarinus , et Marinus prælationem detulerint : Cum non sit , inquit , verisimile , ut tantus Princeps fugam cum Novitio Eremita inierit , quòdque Guarinus Abbas Monasterium suum eidem tradiderit , abdicans se principatu , factus und cum Duce , et cum B. Marino illi devotus Discipulus . Silvanus autem Ractius ita Damiani verba interpretatur : Eodem tempore , idest circa tempus Romualdini Eremiticatus sub Marino ; Sive id enim diuturnum fuerit , sive angustis*

gustis limitibus coarctatum, sufficit, ut tamdiu B. Marini disciplinam S. Pater coluerit, quousque Petri Urseoli in Venetorum Principem electio, ejusque Conversionis contigerit opportunitas.

III. Nec tamen quadraginta annis constitisse Romualdum in Eremitio B. Marini necesse est, ut passim asserunt, sed viginti dumtaxat, si propositam Romualdine Ætatis hypothese sequamur; nempe anno 937. vite seculari valedicens Romualdus, exacto in Classe triennio, potuit ad Marinum accedere anno 941. ubi nedum se rigidioribus solitariæ vitæ exercitijs informandum præbuit, et mira patientiæ, atque humilitatis exempla dedit, quæ cap. 4. narrantur, sed et quinquenniali spatio Diaboli super ejus pedes, et crura incumbentis pondus sustinuit, ejusque varijs tentationum immisionibus virili constantia resistit, quæ licet cap. 7. à Damiano narrentur, quasi post professionem in Gallias acciderint, tamen huc revocandas esse patet, dum illas *Initio Conversionis* Viro Sanctissimo negotium facessisse expresse testatur. Hinc anno 961. Ducis Urseoli Conversio potest sine absurdo consignari, imò variis monumentis id planè evincitur: ut videas Romualdi Conversionem sub Honesti neque ad annum 977. differri posse, ut mallet Bollandus, neque ad ipsum, quem primum Honesti Cathedralis vulgò assignant, annum 971. quando jam Romualdus decennium in Gallijs evidenter exegerat.

IV. Monumenta, id quod assumpsi probantia, statim profero; Nam Candianus Petri Urseoli Deces-

for

for Venetos in suspicionem, ac furorem sibi fatalem adduxit, ex Longobardia, et Thufcia collectis militū copijs, ut se ab æmulatione Leviri tueretur, quem repudiata Joanna Uxore, ut Valdradam Ugonis Marchionis uxorem sibi copularet, offenderat; atqui eadem Joanna sic repudiata Monasticum habitum in Monasterio S. Zachariæ assumpsisse legitur anno 959. apud Arnoldum Vvion ligni Vitæ lib. 4. cap. 35. ex Sanfovino; Quis autem putet ad quindecim, vel viginti fermè annos dilatam Candiani persecutionem, cujus tantò ante semina posuerat, et non potius eodè anno 959. illius tyrannidem à populo repressam? Hoc igitur anno Candianus occisus est, Petro Urseolo subrogato, qui post biennium, ex omnium sententia, adeòque præcitato anno 961. se Principatu abdicavit, et cum Romualdo, Marino, Guarino, Joanne Gradenico, ac Joanne Mauroceno, in Gallias fugam arripuit, Monastico schemmate initiatus.

V. Rursus ex vetustissimis monumentis Archivij S. Georgij Majoris Venetiarum patet, Tribunum Memum Venetorum Ducem anno 982. Ecclesiam S. Georgij, cum ei coherentibus aquis, regia planè munificentia Joanni Mauroceno è Gallijs revertenti donasse, ac nobile Monasterium inibi construxisse, cujus primum Abbatem eundem Joannem designavit, ubi et ipse postmodum Tribunus Memus anno 991. ejusdèque duo Successores Sebastianus Ziani anno 1173. et Petrus Sebastiani Ziani filius anno 1229. Monasticum habitum induerunt. Refert Arnoldus Vvion ligni vitæ lib.

lib. 4. cap. 34. Ducale Privilegium prælaudati Tribuni Memi, datum anno 982. die 20. Decembris, ejusdem Ducis, multorumque Nobilium manu subscriptum; ergo hoc ipso anno 982. contingere debuit Romualdi ex Galliis in Italiam reditus, ejusque familiaris dispersio, Petro nimirum Urseolo in Cælum abeunte (nam ut narrat Damianus cap. 12. tunc *Petrus Dux extremum jam diem feliciter clauserat*) Marino, Gradenico, et Guarino cum Olibano Comite Cassinum diuerrentibus, prædictoque Joanne Mauroceno Venetias redeunte, ubi S. Georgij Majoris ædificando Monasterio incubuit; atqui viginti saltem annos in Gallia Romualdus expenderat, ut cap. 2. num 9. ostendimus, ergo necesse est, eò convolaverit cum Urseolo anno 962, imò potiùs anno 961. (nam annus 982. quo redijt, vix uno, aut altero mense fuerat inchoatus; Urseolo in Cælum abeunte die 11. Januarij) unde, cum se tunc abdicaverit Urseolus Dominio, quod per biennium administraverat; oportet ut in Veneto- rum Ducem inauguratus sit anno 959. quem supra aliunde collegimus.

VI. Neque est quod jactet Bollandus; *Omnes Historicos tradere, circiter annum 977. vel 978. Urseolum Ducis se munere abdicasse*: tantum Historicorum consensus me frustra tateor quæsisse; sed anno 976. juxta Arnoldum Vvion, 975. juxta Augustinum Fortunium, 974. vel 973. juxta Gordonum, 970. juxta Josephum à Rosa; 958. juxta nostrum Hieronymum Bardi fuisse Urseolum inauguratum invenio, ejusque nobilem fugam

fugam quolibet ex annis inter 980. et 960. positis juxta varios Auctores consequenter consignatam deprehendo; ut nihil planè certum, exploratumque haberi queat, si Historicos consulamus, quorum etiam alij Petrum Urseolum XXIII. Ducem Venetiarum scribunt, alij XVII. dumtaxat; plerique anno 997. è vivis excessisse tradunt; quod si foret, falsa essent omnia, quæ Romualdus post Urseoli mortem è Gallijs redux ante hunc annum patrasse legitur: nimirum Classensis Abbatix dimissio coram Imperatore, Tiburtinam Urberem anno 996. obsidente, juxta Baronium; iniuncta Othoni ob interfectum Crescentium Pœnitentia; Tammi, Bonifacij, aliorumque conversio; Classensis ejusdem Abbatix susceptio anno 995. quæ sibi ante quinquennium revelata fuerat, nimirum anno 990. dum apud Catriam habitanti S. Apollinaris apparuit; ut nihil dicam de habitatione apud Balneum, apud Pereum, in Origario, ad S. Martini in silva, ad Pontem Petri: ut o verbo, conciderent quæcunque à cap. 13. ad caput 26. Vitæ S. Romualdi à Petro Damiani narrantur.

VII. Quod verò Bollandus addit, non multò citius anno 978. potuisse Urseolum sæculo, et Principatui nuncium remittere: Cum ejus decessor Petrus Candianus Sororius extiterit Hugonis Magni Marchionis, qui adhuc anno 1001. Othoni Imperatori contra Romani Populi tumultum præsidio fuit, eoque anno obiit; Hoc certè leviorum scrupulum ingerit, cum clarum sit, potuisse Valdradam Hugonis Sororem anno 959. nubilem esse, licet Hugo post 42. annos obierit; Tum quia non usque adeò liquet

quet, ex facto, quod narrat Petrus Damiani lib. 7. Ep. 12. (de litteris ab illo episcopo in stipite ardente visis, dum Marchio xgrotaret, exprimentibus hanc sententiam, *Hugo Marchio quinquaginta annis vixit*) illum solos 50. annos reipsa vixisse, nam falsum omen hinc ab astantibus acceptum narrat Damianus, et expectationi eventum non respondisse; unde potuit Hugo Sororem natu minorem habere, quæ anno prædicto 959. nubilus esset, præsertim cum anno 961. inveniatur Hugonis Marchionis, velut extra pupillarem ætatem positi, et negotiorum agendorum capaxis memoria in Privilegio Abbatiæ S. Mariæ de Vangaticia, quod ex Erudito, atque Optimo Sene D. Theophilo, Machetti Monacho nostro, refert Cosmus de Arena parte 1. de Ducibus et Marchionibus vetustis Etruriæ pag. 154. quamquam hic Auctor ad alium nescio quem Hugonem Etruriæ Marchionem, aliunde prorsus ignotum, ad diploma referre malit, qua in re Machettus noster se illi non planè assentiri posse fateatur. Tum etiam alia ratione constat, potuisse Valdradam Hugonis sororem anno dicto 959. nubilem esse, etiam si Hugo annos dumtaxat 50. vixisset, adeoque anno 951. natus esset, quia nihil ab historia repugnat, quo minùs Valdrada major natu esset Germano suo Hugone, et ex Guillæ conjugio ab Uberto Marchione suscepta antequàm in Pannoniam exul proficisceretur ob Othonem I. Imperatorem sibi, qua de causa ignoramus, iratum, quo tempore natus est Hugo juxta Petrum Damianum Ep. 12. lib. 7. cit. Cum enim ante annum 941. ex contrahibus

etibus citatis à D. Placido Puccinello in monumentis Abbatiz Florentinæ pag. 193. et Francisco Maria Florentinio in Mathilde lib. 3. ac Gosimo de Arenâ loco cit. pag. 148. jam esset Etruriæ Marchio Ubertus, quidni jam tum Coniugem haberet Guillam, et ex ea prolem, scilicet Valdradam, suscipere potuisset? Nihil ergo est in Petri Urseoli historia, quod cum nostra hypothese non facili concilietur.

VIII. Opponi fortè secundo loco posset Series Priorum sacræ Eremitæ, quam Fortunius supra citatus cap. 1. num. 6. sententiæ Carrarij obiebat; verùm obvia, et clarissima responsio hinc petenda, quòd Petrus Dagninus, qui Primus omnium à S. P. Romualdo Camaldulensi solitudini præfectus est, anno dumtaxat 1051. mortuus legitur, ergo locum habet suæ sedis, etiamsi post S. Romualdum, cujus mors anno 1037. juxta nostram sententiam, incidisset, Camaldulensium regimen accepisse supponeretur: præsertim cum ejus memoria nulla occurrat in Archivi Camaldulensis monumentis vetustior anno 1038. quo prædia quædam emit Petrus Dagninus Prior ab Amico quondam Grimaldi, Mense Maij, et alia ab Hugone quondam Theuzi, mense Junio; quid ergo prohibet, ne ad annum 1037. Romualdi obitum protrahamus, etiamsi nonnisi post ejus mortem Sacre Eremitæ præesse Dagninus debuisset? Adde tamen, quòd Romualdus in Satriam profecturus, et mox ad Vallem de Castro secedens, ut ibidem spiritum Deo redderet, Petrum Dagninum Camaldulensibus præfecerat, confirmavitque

dum viveret, ut B. Rodolphus enarrat; unde tempus mortis Sanctissimi Patris nullatenus cum annis Prioratus Petri Dagnini, ejusve successorum connectitur.

IX. Gravior est Difficultas de Pagina Abbatiae Fesulanæ, quam Carrario opponit pariter Fortunius loco citato, et nostram æquè sententiam videtur impetere, dum S. Romualdus longè ante annum 1037. mortuus ibidem supponitur. Refert hanc paginam idè Fortunius Hist. Camal. parte 2. lib. 1. cap. 22. sibi per Franciscum à Diaceto Fesularum Episcopum communicatam, in qua Visio narratur, quam habuit (verba sunt Diplomatis) *Azo, sive Atbo, S. P. Romualdi, magna, et sanctæ memoria Castrensis Abbatis Discipulus, ex sua consuetudine pro lucrandis Deo animabus Etruriæ provinciam lustrans, dum ad radices Fesulani montis pernoctaret: qua quidem Visione iussus est, ut Jacobum Episcopum adiret, ac de instauranda, abs se diruta, Cathedrali Ecclesia, Religiosisque Viris, ad divina Officia celebranda, inibi instituendis commoneret: Et sanè Basilicam rexdificare continuò aggressus est Episcopus, sed Cùm Imperator Conradus in Italia expectaretur, à Romano Pontifice coronandus, ob ejus adventum Jacobus Episcopus distulit per anni spatium Monasterij institutionem, nam Imperatori occurrens, apud illum toto illo tempore morari coactus est: Cui cùm præsentè Pontifice, et Gbisa Augusta, Visionem Atbonis narraffet, tam Pontifex, quàm Ipse, et Augusta illi negotium commendarunt &c.* Hæc apud Ferr. unum, nescio an de verbo ad verbum ex diplomate illo recitata, an suimet calami phrasi expressa, cùm eodem chara-

charactere notentur, æquè ac quæ subinde narrat de eodem Jacobo Episcopo, quòd eduxit de Eremita S. Blasii Leonem Eremitam, qui ibi S. Romualdi Magistri locum occupaverat (unde rursus S. Romualdus mortuus supponitur) Huncque secum Fesulas deductum, et Congregationem Monachorum ad reparatam Ecclesiam instituit, et Leonem ipsum novo erecto Canobio præfecit Abbatem.

X. Cum verò Chronologorum omnium consensu Conradus anno 1026. in Italiam venerit, et sequenti anno 1027. Romæ Coronam à Pontifice acceperit, consequens est, ut hujus Athonis Visio anno 1025. contigerit, si illa audita Basilicam quidem restaurare Jacobus Præsul aggressus est, sed per annum distulit Monasterij institutionem, ut in Conradi occursum iret, cui, præsentè Pontifice, et Imperatrice, Visionem illam narravit, eorumque hortatibus ad Monasterium S. Bartholomæi anno 1027. ædificandum incensus est; ut idemmet Jacobus Episcopus testatur altero diplomate sub initium anni 1028. die 26. Februarij exarato, quod incipit: *Opportunum valde*, et refertur ab Ughello tom. 2. pag. 288. ait enim ad hoc propositum: *A prudentibus ergo Viris consilium accepi, atque multis vicibus TER REVELATIONEM admonitus sum, ut in eodem loco Monasterium facerem, ubi Episcopatus honorem, simulque Cathedram abstuleram. Feci igitur tibi Monasterium per consilium, et jussionem D. Joannis summi Pontificis, et Universalis Papæ, simulque D. Conradi Pysimi Imperatoris, ejusdemque Conjugis Gisla Serenissimæ Imperatricis, atque consilio Religiosorum Episcoporum, Sapientumque Laicorum &c.*

et

et infra: *Ego quoque Jacobus Episcopus, cum communi consilio, atque electione nostrorum Clericorum, ac fidelium laicorum, Abbatem in eodem Monasterio per pastorem baculum investiens constitui Leonem Monachum, atque Presbiterum, ut ab hac hora, quousque vixerit, sit Abbas ipsius Monasterij S. Bartholomaei Apostoli &c.* Ergo etiam si Romualdus mense Junio anni 1027. obiisse diceretur, non posset mortuus supponi tempore praecitatae Visionis illius Athonis, quae incidit, ut vidimus, in annum 1025. Quare verba illa, *Romualdi magna, et sanctae memoria Castrensis Abbatis*, aliter in omni sententia interpretanda sunt, quam ut supponant Romualdum tempore dictae Visionis mortuum; neque tempus Leonis Abbatis, quem Fortunius vult à Jacobo Episcopo è Cella S. Blasii, in qua mortuo S. Romualdo successerat,eductum, quidquam probat; nam, ut demus è S. Blasio reverà eductum [quod Jacobus Episcopus in suo diplomate non exprimit] nullo postmodum documento colligitur, mortuo Romualdo successisse Leonem potius, quam S. Patre adhuc superstiti, et ante ipsum, locum eundem incoluisse.

XI. Licebit autem praefatam clausulam, *Magna, et sanctae memoriae*, aut altero ex modis infra afferendis num. 13. et 15. pro simili formula Privilegij Theodaldi (nempe *Pie memoriae*) interpretari; aut certè supponendum erit, paginam illam à Fortunio allatam, nequaquam tempore laudatae Visionis, ac Monasterij constructionis, sed longè post exaratam fuisse ab aliquo ex ejus Cenobij Monachis, ne res memoria digna,
tra-

tractu temporis, in oblivionem abiret: idque manifestum satis evadit ex contentionibus Monachorum cum Athinulpho Episcopo Jacobi successore, Leonis IX. privilegio, et autoritate anno 1050. compositis, quas in eadem pagina referri indicat Fortunius; unde planus erit verborum illorum, *Magne, et sanctæ memoriae*, sensus, si referantur, non ad tempus prædictæ Visionis, ad quod ne quidem in vulgari sententia referri queunt, ut vidimus, sed ad tempus quo id scribebatur: perinde ac si ego nunc (Budam insignem Pannoniæ Metropolim, à Leopoldo I. piissimæ recordationis Imperatore, tempore Innocentij XI. magnæ, et sanctæ memoriæ Romani Pontificis, expugnatam) pronunciarem; ubi liquet, formulas *Piissimæ recordationis*, et *Magne, ac sanctæ memoriæ* non significare Leopoldum, et Innocentium tempore illius expugnationis jam mortuos, sed tempore, quo hæc narrantur, aut scribuntur, vivere desijisse. Ita et cùm prælaudatus Jacobus Bavarus Fesulanus Antistes in suo Diplomate dato die 2. Augusti anni 1028. incipiente, *Dum Fragilitas humani generis*, apud Ughellum ubi supra pag. 292. relato, inquit: *Pro anima bonæ memoriæ Henrici Imperatoris, qui mihi hunc tribuit Episcopatum*, Non sanè Henricum mortuum supponit anno accepti (ejus suffragio) Episcopatus, sed tempore, quo diploma illud est exaratum: et sic de sexcentis alijs exemplis; Non igitur quidpiam evincit pagina foundationis Abbatix Fesulanæ adversus hypothetum superius propositam.

XII. Denique opponi potest Privilegiū Theodaldi Arc-

Aretini Episcopi, quod nos Dissert. III. cap. 3. num. 5. pag 30. adduximus, et refert Fortunius parte 1. lib. 1. cap 40. gravissima vero difficultate nostram sententiam premere videtur, totamque hypothesim penitus subvertere, quatenus cum datum legatur *Anno Dominicæ Incarnationis MXXXVII. anno verò Episcopatus D. Theodaldi V. mense Augusto, Indictione X.* Duplici tamen clausula Romualdum jam mortuum supponere creditur; primò ubi ait: *Nos ob amorem piæ memoriæ Spiritualis Patris Nostri Domni Romualdi Clarissimi Eremitæ*; Deinde secundò ubi inferiùs subdit: *Ut cum denominato Sancto Viro, Romualdo scilicet, partem in æterna vita habeamus, donamus, largimur &c.* Nisi enim mortuum Romualdum arbitraretur, quomodo illum *Tiæ memoriæ* appellaret? nisi in Patria jam receptum, atque in tuto positum supponeret, quomodo *Partem habere cum illo in æterna vita* desideraret? Non dissimulo vim argumenti fermè insuperabilem, atque hanc potissimam obiectionem reor, ex omnibus, quæ in nos unquam urgeri possint; at memini non minoribus incommodis obnoxiam sententiam, quæ, ut scopulos ejusmodi evadat, minuendam Romualdi Ætatem censet, quam tanta evidentiâ, et tot momentis gravissimis stabilitam superiùs ostendimus.

XIII. Itaque difficultatem hanc eludere utcunque tentabimus, observando, clausulam hanc *Tiæ memoriæ*, fortasse non mortuum, sed Celebratissimum, ac *Memorandæ pietatis Virum* designare, ut memoria pro fama, celebritate, nomine usurpetur: ut enim hortari sole-

solemus viventes, ut aliquid *Memoria dignum* facinus patrare velint, quo sui nominis immortalitati prospiciant, ita Viros ipsos egregijs operibus claros, adhuc viventes, *immortali memoria dignos*, vel *immortalis*, aut *glorioſæ memoriæ Viros* appellare meritò possumus, et sæpe consuevimus, eosque è contrario, qui nullis virtutum suarum argumentis claruerint, adhuc superstites, nullius nominis, nullius famæ, aut *statim interitura memoriæ homines* dicimus; quidni igitur sanctimonia claros, et pietatis opinione insignes Viros, etiamnum viventes, *piæ memoriæ* nuncupare liceat? Adde, formulam illam fortasse Divi Romualdi jam præsentis, tunc verò absentis, et apud Sitriam reclusi, *memoriam* exprimere; solemus enim viventium pariter reminisci, cum eorum benefacta recolimus, eorumque præsentiam remotissimis regionibus invidemus; Theodaldus ergo Spiritualem Patrem suum Romualdum, ex Etruria in Umbriam discedentem, lacrymis prosecutus, *Ex affectu ad ejus memoriam*, cujus vel sola recordatio *pietatem*, quam verbis instillaverat præsens, in mente, et corde hujus devotissimi Præsulis poterat excitare, ad donationem illam instigandam motus est, ideòque scripsit: *Ob amorem piæ memoriæ spiritualis Patris nostri Domni Romualdi Clarissimi Eremitæ.*

XIV. Nec desunt in antiquissimis ejusdem, et superioris sæculi scripturis exempla quædam hujus consuetudinis, ut videas non arbitrariam prorsus esse, aut temerè confictam ejusmodi expositionem; Nam in Diplomate, quo Jacobus Bavarus Fesulanus Præsul, pau-

Id antea laudatus, multa conceditæ sibi Ecclesiæ largitus est, ut sub uno Præfecto Canonici communem vitam traducerent, incipiente: *Cum constet omnes brevis exilij peregrinatione viventes &c.* apud Ughellum tom. 2. pag. 296. quod quidem anno 1032. datum legitur, septennid ante mortem Conradi Imperatoris, hæc nihilominus formula inserta legi potest: *Nec non pro salute Conradi Serenissimi Imperatoris felicitis memoria, suæque Conjugis Gisla Augusta, et filij ejus Henrici &c.* uti est apud Ughellum pag. 297. lin. 10. Ecce Conradum Cæsarem *felicitis memorię* dictum anno 1032. cum obierit anno 1039. die 4. Junij apud Traiectum; et certè ex instrumento Itæ Abbatissæ, de quo cap. 4. num. 10. diximus, patet Conradum, ejusque Coniugem Gislam, imò superstites vixisse ipsi Jacobo Episcopo, nam anno 1037. Florentiam venientes Præsulem hunc *extinctum* invenere, juxta præcitatum instrumentum, adedò fingi nequit, Jacobum hoc Diploma edidisse post Conradi mortem: imò in subscriptione Conradum ipsum vivum testatur, dum ejus Imperij annos sic numerat: *Actum est autem hoc anno Dominicæ Incarnationis 1032. Imperij D. Conradi Augusti anno 5. indictione 15. feliciter.* Quid ergo aliud dici poterit, quàm quòd ejusmodi clausula *felicitis memoria*, aut faustam celebritatem, et gloriosam famam Conradi respicit, aut ejus absentis memoriam felicem, sibi que desideratissimam prædicat? Idemque dici potest de alio vetustiori instrumento, quo circa annum 870. Andreas Episcopus Florentinus in Abbatissam Monasterij S. Andreæ ordinat Idembertam,

tam, apud Ughellum tom. 2. pag. 35. ubi hæc formula legitur: *Secundùm illa præcepta, quæ Dominus, et bonæ recordationis Dominus Ludovicus Imperator constituit; Qui tamen Ludovicus anno 875. Mediolani obiit mense Augusto; unde non alio sensu bonæ recordationis tùm dici potuit, præterquàm ad ejus famam celebrandam, vel absentiam indicandam: nisi fortè dicere libeat, ob gravem morbum, in quem Ludovicus anno 869. inciderat, falsum rumorem (ut sæpe contingit) de ejus morte in Italiam allatum, occasionem huic formulæ dedisse, quasi demortui Imperatoris nomen esset commemorandum.*

XV. Unde rursus alia responsio nostro etiam proposito applicari potest, quòd nimirum, falso rumore de S. Romualdi obitu excitato, seu præjudicio, ob longævam ejus Ætatem, Theodaldi mentem occupante, illumque jam mortuum suadente [præsertim cùm in discessu se apud Vallem de Castro mortem obituum prædixisset, quæ verba de obitu jamjam imminente accipi à Theodaldo potuerunt, facile enim, quos decrepito senio gravatos novimus, propè diem mortui, et si longiori tempore cessent nuncij de ipsorum salute, jam mortuos supponimus] illum *Piæ memoria*, quasi non ampliùs in vivis ageret, Aretinus Præsul appellandum censuerit. Quod ipsum prætendi potest alteri clausulæ, *Ut cum denominato Sancto Viro, Romualdo scilicet, partem in æterna vita habeamus; Nisi velimus allerere, ob constantem, et tot signis divinitus confirmatam ejus Sanctitatis opinionem, nō dubitasse Theo-*

daldum, quin Romualdus, adhuc in vivis positus, æternæ fœlicitatis pignus certissimum possideret, cujus propterea in altera vita consortium securus desideraret; quemadmodum pari fiducia Henricus Imperator Romualdo assurrexit, dicens: *Ob' utinam anima mea esset in corpore tuo*, ut cap. 65. Damianus enarrat.



C A P U T VIII.

Nostram hypothefim nonnifi ut probabilem proponi, atque alijs conciliationibus, quæ hîc afferuntur, locum relinquere.

S T N O P S I S.

Haftenus adducta non pro evidentibus habenda, sed velut probabilia à nobis proponi. Num. 1. Ætas S. Romualdi probabili dumtaxat ratione ultra annum 1027. perducta. 2. Obiectiones tantum probabiliter solutæ. 3. Alijs conciliationibus locum relinquendum ad Longevitatem S. Patris tuendam. 4. Duplex Petrus, et duplex Honeslus inter Ravennates Archiepiscopos fortasse distinguendus. 5. Hac distinctione totam difficultatem evanescere. 6. Longè facilius Damianum, aut Discipulos Romualdi, à quibus ejus historiam hausit, circa nomen Archiepiscopi, cujus tempore
S. Pa-

3. Pater conversus est, quàm circa ejus mortui Ætatem labi potuisse, ac Honestum fortasse pro Petro subrogasse. 7. Damianus alias in Nominibus discernendis parùm sollicitus. 8. An Honestus antequàm Archiepiscopatu potiretur, Romualdi conversionem promoverit? 9. Quarta alia conciliatio. 10. Variandam pro varijs conciliationibus, Visq; Romualdi chronologicam seriem. 11.

I. **Q**Uæ hæcenus pro concilianda S. P. Romualdi Ætate cum tempore Honesti Ravennatis Archiepiscopi, juxta modum cap. 3. propositum, jam dudum adolescentiæ nostræ primis conatibus, ut innui, præconceptum, nunc autem latius illustratum, tradidimus, multis certè non citra omnem veri speciem asserta videbuntur, nonnullis etiam fortasse firmiora apparebunt, quàm ut pro merè probabilibus coniecturis haberi debeant. Hanc tamen ego laudem abs me prorsus abijcio, nec patiar meis argumentis plus roboris tribui, quàm mereantur, satis conscius quàm in difficili controversia versetur, et quanta mihi subsidia defuerint, vel cùm maximè desideraverim, et expetierim, ad hanc rem plenius evolvendam, et ex certioribus documentis in apertiori luce ponendam.

II. Nam ex una parte quæ ad asserendum Romualdum post annum 1027 adhuc superstitem superiùs adducta sunt invictè non probant intentum, cum nihil absolutè, et evidenter evincat, Joannem Gualbertum in Camaldulensi Eremito potius Romualdo viventi, quàm Petro Dagnino Priori, post Romualdi obitum,

obitum, auscultasse, ab eoque sui Ordinis instituendi vaticinium, et auspiciū accepisse: nam, ut cap. 4. num. 2. notavi, vetustiores ex his, qui rem gestam referunt, ad *Camaldulensis Eremiti Priorem*, nulla nominis designatione distinctum, divertisse Joannem Gualbertum tradunt, posteriores id de Romualdo disertè interpretantur, illum tunc Camalduli degentem supponentes, non probantes; itaque in ambiguo relicta res est. Similiter probabilis quidem traditio suadet, at nihil est quod demonstret, Calimirum Poloniæ Regē illum ipsum esse, quem Damianus Busclavi filium nominat; potuerunt hac etiam in re Poloniæ Historici hallucinari. Pariter verisimile esse contendì, sed non prorsus evidens propterea censeo, Camaldulensis Eremiti ædificationem Theodaldo Aretino Episcopo, et nō tantum fortasse Coepiscopo Helemperti existente, fuisse factam, potuit quippe etiam Rodolphus annum 1027. pro 1012. in suis scriptis proponere, aut solius consecrationis sollemnioris, post tria lustra ab ædificatione Basilicæ, per Theodaldum adhibitæ memoriam dicto anno 1027. consignare. Itaque omnia capitibus superioribus adducta, ad nostram illam hypothesim confirmandam, veri speciem duntaxat, non faciem ostendunt, ad assensum inclinant, non cogunt.

III. Ex alia verò parte difficultates huic Systemati oppositæ nonnisi probabiliter expediuntur, ultima præsertim ex Privilegio Theodaldi petita, quæ majus mihi semper negotium facessere præ reliquis visa est, ac minus exactam, quàm cæteræ, solutionem admittere:
adeò

adèut verba ex illo Privilegio nobis opposita , quondam addititia crediderim , quasi diploma illud vel ab aliquo interpolatum invenisset , vel ipsemet nobis interpolatum exhibuisset Fortunius ; quæ tamen suspicio nunc cessat , postquàm authographum ipsius Theodaldi manu subscriptum , et sigillo munitum in Camaldulensi Archivio , armario 1. num. 36. diligentissimè lustravimus , neque suppositionis , vel interpolationis notam ullam offendimus , sed integrum , et undequaque sincerum deprehendimus , ut proptereà nonnisi probabili interpretamento superiùs adducto , exemplisque cap. præced. num. 14. allatis confirmato , eludi ejus autoritas possit.

IV. Quoniam igitur Systema hæctenus explicatum , ut probabilis dumtaxat præcipuè difficultatis conciliatio à nobis et proponi , et defendi potest ; ideò nemo in animum inducere audeat , unicam hanc tuendæ longævæ Romualdi Ætatis viam à nobis censerì , nam tantum abest , ut alias conciliandi methodos excludere liceat , aut causam hanc à Petro Damiani tam constanter , tam evidentè assertam , in ancipiti relinquere , ac dubij cujusvis discrimini expositam prorsus deferere , ut potiùs alias evadendi vias digito saltem intento harum rerum studiosis monstrare , ac proponere velim , quatenus cui nuper aperta , et hæctenus explanata semita non arriserit , alicui ex his , quas in subsidium indicabimus , insistere possit , et Romualdi Longævitatè , non obstante posteriori , quàm oporteret , Honesti sedè , nihilominus inconcussam habere , ac prorsus indu-
biam,

biam, ne totis quinquaginta annis, in summa Vitæ austeritate transactis, Ætas Viri sanctissimi decurteretur.

V. Primò igitur, attenta insigni Ravennatum Præsulum ejus sæculi confusione, de qua supra cap. 3. num. 4. et 5. diximus: attenta etiam Petri Ravennatis Archiepiscopi nimis longa in Episcopali gradu perseverantia, si anno 909. ut notat Ughellus, Bononiensem Ecclesiam administrabat, indeque anno 923. ad Archiepiscopales Ravennæ insulas translatus, illas anno dumtaxat 971. dimiserit, eique superstiti Honestus successerit, oporteret siquidem, ut 62. annis Præsulis officio functus esset; His, inquam, attentis verosimilius videtur, alium Petrum, alium Honestum æquivoco nomine posteris imposuisse, adeòut qui ex Bononiensi Ecclesia assumptus est Petrus, et anno 923. in Ravennati Cathedra collocatus, usque ad annum 927. in ea vixerit dignitate, huic decedenti suffectus sit eodem anno Honestus ex Abbate Classensi assumptus, de quo Petrus Damianus narrat, autoritate, et suffragio suo conversionem Romualdi (quæ juxta vulgarem calculum in hunc annum 927. incidit, cùm post centum Religionis annos mortuus censeatur anno 1027. præcisæ conjecturis ulterioris vitæ, juxta præcedentem opinionem nostram, superiùs expositis) apud Classenses Patres promovisse, eodemque Honesto usque ad annum 950. circiter superstiti, Petrus alius suffectus sit, qui anno 954. Concilium suffraganeorū Præsulum habuit, ut narrat Rubeus ad hunc annum, et anno 957. Raimbaldo Abbati S. Mariæ de Palatiolo pri-

privilegium quoddam contulit, à Margarino relatum Bullar. Cassin. tom. 2. const. 51. atque huic Petro spontè cedenti, sive anno 963. ut Carrario placet, sive anno 971. ut Rubeus arbitratur, successerit Honestus alius, de quo Petrus Damiani Ep. 9. libri 1. *Petrus etiam Archiepiscopus Ravennalem dimisit Ecclesiam, cui mox adhuc superstiti Honestus, primo videlicet Othone habenas Imperij gubernante, successit; quem Classensem Abbatem neutiquam fuisse censeo, ut certè talem Damianus nullibi locorum vocat, id expressè asserens de solo priori Honesto, qui Romualdum, ut Monasticum Schemma obtineret, suo consilio, et opera iuvasse legitur.*

VI. Hac itaque duplicis Honesti distinctione posita, evanescit integra difficultas, qua longæva S. Romualdi Ætas impugnari cæpta est: cum enim dicitur, Honestum nonnisi post annum 963. aut 971. Ravennæ Archiepiscopalem Cathedram ascendisse, adedque Romualdum, qui ejus tempore conversus legitur, non potuisse anno 1027. quo Deum adiit, centum Religionis annos numerare; facilis erit responsio, Honestū illum, qui Petro spontè abdicanti successit, ejus nominis fuisse Secundum, quem Damianus Epistola citata, ut à Primo distinguat, expressè notat illum esse, qui tempore Othonis Primi Imperatoris Petro successit, quæ quidem temporis consignatio in Scriptore illo nō admodum in temporibus chronologicè ad facta singula distribuendis sollicito, indicat alium fuisse Honestū ante Othonis Primi tempus, qui alteri Petro, minimè

N

super-

superstiti, sed mortuo, suffectus sit, quemque Abbatem Classensem fuisse in vita S. Romualdi cap. 2. asseruerat: hunc autem Primum Honestum, qui anno 927. *Ravennæ Archiepiscopalem Cathedram obtinebat*, et olim *Classensis Canoniæ Abbas extiterat* (ut ibi loquitur Damianus) illum ipsum fuisse, cujus suffragio Romualdus inter Monachos est cooptatus; unde nihil obstare, quominus centum ipsos annos in summa Religiosæ Vitæ austeritate peregerit, etiamsi anno 1027. Deum S. Pater adierit.

VII. Secundò, etiamsi reipsa Petrus anno 927. Ravennati Ecclesiæ præfuisse, non citra omnem veri speciem asseri posset, hunc ipsum fuisse, qui Romualdo ad se confugienti; non modò stimulos addidit, sed operam, et Patrocinium impendit, ut monastici voti compos fieret: Damianum verò, aut ipsos Romualdi Discipulos, ex quorum relatione Vitam S. Romualdi Damianus scripsit, nominis Archiepiscopi Ravennatis, qui Romualdo faverat, oblitos, nomen Petri cum nomine ejus successoris Honesti commutasse, eoquò recentior ejus memoria esset, ac menti magis infixæ: hic unus enim linguæ Discipulorum, et calatræ Damiani lapsus longè facilius est, quàm quòd hic, et illi pariter erraverint in Ætate S. Romualdi determinanda; nimirum nondum tria lustra transacta erant, ex quo Romualdum viventem conspexerant, et septuagenariusne, an centum supra viginti annos agens censendus esset, ex longa conversatione secum, et cum antecessoribus habitâ, ex facie, ex habitu corporis, ex mille alijs circum-

cumstantijs certò dignoscere poterant: at verò ex Romualdi Conversione 115. propemodùm anni effluxerant, quo temporis intervallo, nomen Archiepiscopi Ravennatis, qui tum præsideret, excidere poterat, et cum nomine successoris confundi; facilius ergo fuit [et quidem in temporum, nempe 115. ad 15. duplicata ratione, quæ est 13225. ad 225. hoc est plusquam 58. ad 1.] ut in Archiepiscopi nomine, quàm in annorum numero equivocatio aliqua in Damiani historiam obreperet.

VIII. Idque eò minori scrupulo admitti potest ex quo idem Petrus Damiani tom. 1. lib. 1. ep. 10. ingenuè fateatur, sibi rerum magis, quàm nominum memoria retinendorum curam fuisse: *Nec magnoperè, inquit, curamus videri aucupes nominum, dummodò non excidat se ies, et ordo gestorum*; Unde sæpius in hac ipsa Sæcti Romualdi hiltoria Successoris nomen pro nomine Antecessoris usurpasse Damianum legimus. Sic cap. 5. Petrum Candianum Venetorum Ducem bis Vitalem Candianum appellat, Filium, et Successorem, cujus recentior fama habebatur, pro Patre, et Decessore substituens; sic cap. 26. filium Busclavi Sclavonici Regis Casimirum dixit (juxtà sententiam cap. 5. expositam) cùm esset filius Miecislai, Busclavi verò nepos; sic cap. 38. Filium Guidonis Comitis appellavit eum, qui filius erat Pharulphi, Guidonis verò nepos. Nihil ergo mirum, quòd et nomen Petri in nomen Honelli commutare similiter potuerit, quæ sola nominis equivocatio difficultati contra Romualdi Ætatem aditum aperuit,

ruit, ejusque longævam pœnitentiam in discrimen adduxit. Hanc secundam conciliationem debemus Reverendissimo Præfuli D. Germano Bottæ Camerti, Abbati Camaldulensi, Viro in historijs nostris Eruditissimo, Viteque integritate, ac Monastica observantia spectatissimo, quem quidem honoris causa hoc pariter loco nominare jussit, debita erga optimum Senem veneratio, et grata beneficiorum ab ejus humanitate acceptorum memoria, numquam ex animo, numquam ex mente, numquam ex corde, *Dum spiritus hos regeret, obliteranda.*

IX. Hinc verò tertiam aliam conciliationem deducere in promptu est, quam subdere non pigebit, uberioris doctrinę gratia: nimirum, siquis oblivionis lapsus circa Romualdi conversionem ante CXV. annos factam, potius quàm circa S. Patris ante XV. annos demortui Ætatem, Damiano, aut ejus Relatoribus excidere potuit, fortasse non absurdè quis conijceret, Honestum, quo tempore D. Romualdi conversionem promovit, Abbatem dumtaxat Classensem fuisse, qui et nobilissimę familię suę potentia apud Ravennates, et officij sui autoritate apud Classenses Monachos, id effecerit, ut non obstante Sergij Patris duritię, Romualdo Religionis claustra intrepidè aperirentur: cùm verò idem Honestus Archiepiscopalem Ravennę Cathedralam mox ascenderit, atque in ea dignitate vitę suę eursum absolverit, hinc sumptam occasionem, ut Romualdo ad Monasticen amplectendam stimulos, et animum addidisset. Honestus crederetur, dum Præfulus Ra-

vennatis officium gereret, confusis ejus actibus, quos ante Episcopatu edidit, cum ijs quos in Episcopatu patravit: itaque Petri Damiani locus ex capite 2. rem hanc concernens, videlicet: *Honestus autem, qui tunc Ravennæ Archiepiscopalem Cathedram obtinebat, olim Classensis Canobij Abbas extiterat*, sic fortasse restitui posset, solis particulis tunc, et olim transpositis: *Honestus autem, qui olim Ravennæ Archiepiscopalem Cathedram obtinuit, tunc Classensis Canobij Abbas existeret* &c.

X. Addi potest etiam quarta alia conciliatio, attentata Ughelli sententia tom. 2. Italix sacræ in Episcopis Bononiensibus num. 45. pag. 13. ubi ait: *Petrus in Bononiensi sede florebat anno 909. translatusque est ad Ravennatem Ecclesiam anno 927.* Quo supposito, quis diceret, post Constantinum Ravennatem Archiepiscopum, circa annum 920. ad eam sedem evectum Honestum Primum ex Abbate Classensi, qui ipso anno 927. post Romualdi conversionem fato cedens, eodem anno Petrum illum Bononiensem habuerit successorē: atque ita, absque duplicis Petri distinctione, qualem prima conciliatio admittebat, tota controversia hujusmodi aptissimè, ut antea, componetur, solo retento discrimine Honesti Primi, qui Constantino successerit ante Bononiensem Petrum, ab Honesto ejus nominis Secundo, qui abdicantem eundem Petrum anno 971. exceperit, juxta vulgarem sententiam.

XI. Si qua igitur præmissarum conciliationum admittatur, nihil erit, quod prohibeat, Romualdum anno 927. sæculo valedixisse, anno 1027. mortalem vitam

vitam cum immortalī commutasse; at oportebit, 30. saltem annos in Fremo B. Marini apud Venetias esse à Romualdo consumptos; nec Casimirus Poloniæ Rex, sed alius Boleslai filius, inter Discipulos S. Patris erit numerandus; Nec Joannes Gualbertus Romualdum in Camaldulensi Eremo vivum invenire potuerit, sed B. Petrum Dagninum Priorem, à quo cum Benedictione, et Ordinis longè illustrissimi ab eo propagandi vaticinio ad Erenum Aquæbellæ à S. Romualdo pridem constructam, quæ nunc Vallisumbrosa dicitur, dimissus fuisse dicendus erit, atque aliter Vitæ S. P. Romualdi series chronologica ordinabitur in qualibet ex his sententijs, ac disponatur in nostra illa priori hypothese, præcedentibus capitibus fusè explicata, ut constet ex binis Tabulis Chronologicis, Appendicis loco, mox subiiciendis, juxta utrumque Vitæ S. Romualdi systema, nempe aut illud ad annum 1037. protrahendo, aut intra annum 1027. continendo.



AP-

A P P E N D I X.

Duas Tabulas Chronologicas exhibens
præcipuorum S. Romualdi Gestorum,
juxta varias hypothefes de Anno
mortis ejusdem.

TABULA PRIMA CHRONOLOGICA

*Juxta Systema Cap. III. expositum, et sequentibus
explicatum.*

Anno	
Christi	Romualdi
917.	1. N ascitur ROMUALDUS Ravennæ Sergio Patre ex Nobilissima Ducū Familia, quā Saxis, et Honellis affinem tradunt.
932.	15. Carnis stimulos patitur in adolescentia, sed mente frequenter in Deum elevata, ac generosis propositis, è cœno voluptatum erigitur.
935.	18. Venationi deditus, divina Præventus gratia, solitudinis amore capitur, atque Eremitas abs se instituendos voto jam concipit.
937.	20. Sergius Pater S. Romualdi litem de possessionis cujusdam jure cum consanguineo

guineo gravius agitans, gladio terminandam decernit: Filium licet reluctanter, incusso hæreditatis amittendæ metu, duello interesse cogit. Hoste perempto, Romualdus, ea criminis specie perterritus, in Classense Monasterium, quadragenariam homicidarum pœnitentiam acturus, se recipit. Religiosi hominis colloquio, Monasticæ vitæ cupiditatem imbibit. Visione S. Apollinaris semel et iterum in proposito confirmatur. Monachos Sergij Patris iram metuentes, à Romualdo exoratus Honestus, olim Classensis Abbas, tunc Petri Ravennatis Archiepiscopi Coadiutor, sua auctoritate inducit, ut Romualdum intrepida securitate recipiant, illique sanctæ conversationis habitum tradant.

938. 21. Exacto probationis anno, S. P. Benedicti Regulæ solemnī professione, se totū Deo consecrat Romualdus.
939. 22. Præcoci zelo Monachos corripit. Orationi sedulus incumbit. Insidias sibi à Concellitis paratas declinat.
940. 23. Ad Marinum in finibus Venetorum solitariam vitam, magna sanctitatis opinione, agentem, obtenta Abbatis sui venia,

Anno		
Christi	Romualdi	
		venia, Romualdus se confert, ibique Eremiticæ vitæ tyrocinium ponit.
941.	24.	In disciplina psalmodiæ Marini eruditur Romualdus, ejus virgæ patienter obnoxius, usque ad sinistræ auris surditatem. Marinus, cognita Discipuli humilitate, severitatem temperat.
942.	25.	Varijs tentationibus, initio Capitis 7. ejus Vitæ relatis, novus Eremita impugnatur.
943.	26.	Mira ejus humilitatis exempla.
944.	27.	Profectus in Schola Marini.
945.	28.	Phantastico pondere ejus pedes, Demonis præstigijs, per quinquennium importunè aggravantur.
950.	33.	Post invictam tolerantiam allevatur à Domino, technis diabolicis effugatis.
955.	38.	Ejus, et Marini fama Venetorum fines latissimè pervagatur.
959.	42.	Petri Urseoli ad Dalmatię Principatū evectio.
961.	44.	Guarinus Abbas S. Michaelis in Aquitania Venetias peregrinatur, apud Urseolum hospes. Marini, et Romualdi consilio adhibito, Monasticen induere disponit Urseolus. Aula relicta in Aquitaniam cum Guarino, Marino, et Romualdo

O

mualdo

Anno

Christi Romualdi

mualdo ad S. Michaelis Monasterium Dux se confert, socijs Joanne Gradenico, et Mauroceno: quibus religioso schemmate initiatis, Marinus, et Romualdus Eremum sibi prope Cenobium instaurant, ubi ad solitariam vitam reuertuntur.

962. 45. Urseoli, et Sociorum in Monasterio Guarini Monastica professio. Eorundem, et ipsius Guarini Abbatis ad Eremum Marini, et Romualdi concursus. Insignis inter ceteros emicat Romualdi Virtus, et Prudentia, quem communi sententia in PRIOREM eligunt, delata illi spiritualium, et temporalium rerum omnium cura, ipsisque Marino, et Guarino se illi in Discipulos devoventibus, quibuscum sui ORDINIS FUNDAMENTA ponit S. ROMUALDUS, et primum hunc annum quotidiano elixi ciceris pugillo transigit.
963. 46. Romualdus et Joannes Gradenicus sarculis terram frangentes, et triticum feminantes, ex manuum suarum labore sibi, et socijs per triennium victum parant, jejunijs pondere laboriosissimis exercitijs duplicato.

Ro-

Anno	
<i>Christi</i>	<i>Romualdi</i>
964.	47. Romualdi constantia contra Dæmonis impugnationes, ultima parte capitis 7. ejus vitæ expressas.
966.	49. Nova Romualdinę abstinentię forma; continuato per hebdomadam, exceptis Saturni, et Solis diebus, jejunio, quam per 15. annos cum suis tenuit.
967.	50. Urseoli humilitas, ac Romualdi erga eum discreta remissio.
968.	51. Miraculum Romualdi in Comitem Vaccæ raptorem.
971.	54. Urseoli cum Filio colloquium, et de ejus futura dignitate prophetia.
981.	64. Sergius Romualdi Pater in S. Severi Cænobio apud Ravennam Monachum induit.
982.	65. Ultima Romualdinę abstinentię forma, trāsata Sabbati remissione in quintam feriam; hanc pro certa Solitarię Vitę Regula Eremitis Romualdus præscribit. Ejus cum Olibano Comite colloquium. Comit̃s Conversio. Pretiosa mors B. Petri Urseoli die 11. Januarij. Nuncius ad Romualdum de Sergij Patris inconstantia à Monachis S. Severi mittitur. Marinus Guarinus, et Joannes Gradenicus, Romualdi jussu, Olibanū

Anno

Christi Romualdi

- ad Cassinense Monasterium deducunt. Romualdus, incolis arte delusis, nudipes Ravennam properat. Pia ejus in Patrem severitas, usque dum illum in proposito confirmat. Maurocenus Venetias redit, insigni S. Georgij Majoris Monasterio à Tribuno Memo donatus.
983. 66. Romualdus in Palude Classis cellulam figit. Monasterium S. Severi ad sua exempla reformat. Sergius Visione Spiritus Sancti in Cælum vocatur. Olibano apud Cassinum professo, Marinus in Apuliam secedit.
984. 67. In prædio S. Martini cellam statuit Romualdus. Guarinus Cassino discedit. Joannis Discipuli S. Romualdi inobedientia equi calce punitur.
985. 68. Prædicti Joannis eximia poenitentia. Romualdus à Dæmonibus percussus: ite horribili larvarum aspectu perterritus.
986. 69. Balneum veniens Romualdus Monasterium S. Michaelis ædificat.
987. 70. Eleemosinas sibi ab Hugone Erruriz Marchione traditas, reparando Monasterij S. Marię Palatioli incendio Romualdus distribuens, Monachorum suorum invidiam in se concitat.

Bal-

Anno	
<i>Christi</i>	<i>Romualdi</i>
988.	71. Balnensium Monachorum in S. Patrē temeritas, et pœna divinitus illis inflicta.
989.	72. Romualdus apud Bifurcum secedit, ibique Eremum ordinat. Hinc non longè à Catria in Eremo Avellanæ habitans Ludolphum loci Conditorem in Discipulum excipit.
990.	73. Avellanitis certas Constitutiones præscribit, et Regulam S. Benedicti observandam tradit Romualdus. A Sancto Apollinare, ut Classense Monasterium repetat, admonitus, hinc recedit.
991.	74. In Origario habitans totus intumescit: discedens prodigiosam Rosarum propaginem eo loci relinquit.
992.	75. In Pereo Ravennæ Insula Eremum construit, multis Discipulis celebrem.
993.	76. Romualdus oratione incendium extinguit. B. Guglielmi ejus Discipuli sanctitas claret.
994.	77. Dimittit Discipulos suos Joannem, et Benedictum in Poloniam ad fidē Christi disseminandam.
995.	78. Otho Imperator hospes S. Romualdi: agit ut Classensis Abbatix regimen suscipiat, anathema à Concilio intentans, ni acquiescat. Vir sanctus tandem post mul-

Anno

Christi Romualdi

multas preces, memor apparitionis S. Apollinaris ante quinquenniū sibi apud Catriam factæ, Classensem Præfecturam sibi imponi permittit, Monachosque ad districtam Regulæ observantiam revocare nititur.

996.

79. Romualdus Abbatiam dimittit. Tiburis obsidionem ab Imperatore solvendā impetrat. S. Venerium Eremitam instruit. Othonem insigni pœnitentia corripit. Tammum, Bonitacium, aliosque ex Aula Cæsarea convertit. Cassini Discipulos suos revisens ægrotat. Ad Pereum redit. Interim Joannes, et Benedictus cum S. Adalberto Evangelij prædicationi insistant, et varias provincias oberrant.

997.

80. Joannes, et Benedictus post S. Adalberti Martyrium in Poloniā redeunt. Othonis privilegia erga Ardesadum Abbatem Classensem ex Romualdi Discipulis assumptum. Monasterium S. Marię Pomposę cum Eremo adiecta construunt.

998.

81. Multi Discipuli Eremitica Disciplina ab Joanne, et Benedicto in Polonia imbuuntur; in his Mattheus, Isaac, et Christinus, ac Barnabas, omnes sanctita-

te

Anno	
Christi	Romualdi
	te conspicui.
999.	82. Bonifacius inter ceteros Eremitarum Perennis incolas sanctimonia clarus, Martyrij cupidus.
1000.	83. S. Venerij obitus. Monasterium S. Adalberti in Pereo construitur, eique Abbas ex Romualdi Discipulis assumptus preficitur. Romualdus exigit, ut Imperator promissa implere non differat, sed Monachum induat: differenti mortem praedicat.
1001.	84. S. Bonifacius in Russiam à Romualdo dimittitur. Otho Imperator Monasterium S. Adalberti possessionibus ditat. Romualdus Parentium migrat.
1002.	85. SS. Martyrum Joannis, et Benedicti, ac Sociorum in Polonia Passio, et Miracula. Otho juxta Romualdi vaticinium moritur. Monachus à SS. Joanne, et Benedicto in Italiam missus, ut alios Romualdi Discipulos in Poloniam vocaret, carcere detentus, ab Angelo, mortem suorum Magistrorum nunciante, liberatur. Romualdus Parentij se includit.
1003.	86. Donum lacrymarum Romualdo conceditur. Discipulorum ex Bifurco adventum Vir Sanctus praedicat.

Rur-

Anno

Christi Romualdi

1004.

87. Rursus à Bifurci Discipulis Romualdus invisitur. Libellum de pugna Dæmonum scribit. Parentio discedit. Procellam sedat. Bifurcum venit. B. Petri ejus Discipuli sanctitas floret. S. Bonifacius in Russia per medios flammarum globos illæsus transit. Immensam populorum multitudinem Baptismo abluit. Martyrio demum coronatur. B. Joannes Romualdi Discipulus Cassini reclusus moritur, miraculis clarus.

1005.

88. Romualdus in Vallis Castri regione prædicat. Eremum ibidem construit. Arguit Simoniacos. Canonicos Regulares ordinat. Cænobium pro puellis ædificat. Furem corripit. Monasterium Urbevetanum exstruit. Multos ad habitum Monasticum admittit. B. Guidonem Comitem Monastico Schemmate donat. Alia tria Monasteria celerrimè ædificat. Martyrij cupidus in Hungariam proficiscitur.

1006.

89. Ob ægritudinem S. Pater ab itinere revocatur, quindecim ejus Discipulis progredientibus, qui multos pro Christo labores perpessi sunt. Adhelberonis Ducis Cōsanguineū Romualdus cōvertit cū alijs nobi-

Anno	
<i>Christi</i>	<i>Romualdi</i>
	nobilibus. Urbevetano Cœnobio restituitur. B. Guidonis pia Mors, et miracula. Ad Rainerium Etruriæ Marchionem S. Pater deslestit.
1007.	90. Monasterium de Massiliano ædificat. Classen pergit, ubi à suffocationis discrimine liberatur. Parentium iterum navigat. A Romano Pontifice, totoque Senatu in Italiam revocatur.
1008.	91. Monasterium S. Trinitatis de Monte acuto ædificat. In faucibus Callensium Montium habitat. Miraculum latronis in Monte Petrano. Abbatia Pratagliæ ab Helemperto Aretino Episcopo construitur.
1009.	92. Fures è longinquo prævidet Romualdus. Alia Monasteria ædificat. Apud montem Pregium habitat. Item apud Gualdum ad Serram Sanctorum in regione Tadini.
1010.	93. B. Marini obitus in Apulia. S. Andreæ Ereum apud Hispellum Romualdus construit: mox S. Salvatoris de Aquapagana Monasterium designat; item S. Mariæ in Campis prope Fabrianum.
1011.	94. Cœnobium S. Silvestri de Monte Subasio pro Monachis, et S. Mariæ Vallisgloriæ

P

gloriæ

Anno

Christi Romualdi

- gloriæ pro Monialibus Romualdus ædificat.
1012. 95. Discipulus in S. Patris lectulo, absque ejus licentia, cubans à Dæmonibus verberatur: alius cum Magistri venia incolumis ibidem quiescit.
1013. 96. Romualdus Monasterium S. Illuminatæ apud Tudertum pro Monachis construit; item S. Antonij pro Monialibus.
1014. 97. Arduinum S. Pater convertit. Mulierem in amentiam versam, pane à S. Romualdo benedicto, Discipuli sanant.
1015. 98. Aqua, unde manus Romualdi ablutæ sunt, varijs morbis utilis. Dæmoniacum benedictione panis Romualdus curat.
1016. 99. Diabolus S. Romualdo mortem minatus cellæ parietem fregit. Monialium in Vallebona Cœnobium edificatur à S. Patre. Obstrepens Diabolus à Discipulo S. Romualdi fugatur.
1017. 100. Ad Vallem de Castro revertitur Romualdus: ibi se post 20. annos moriturum prædicit. Abbatem corripiens ejus odium incurrit.
1018. 110. Comitissam Sybillam Romualdus alloquitur. Discipuli immodestiam prudenter carpit. Abbatis machinatione à Valle

Anno	
<i>Christi</i>	<i>Romualdi</i>
	Valle de Castro eijcitur S. Pater. Monasterium S. Michaeli in burgo Pifarum à B. Bono ædificatur.
1019.	102. Apud Aquam bellam consistens Romualdus prima Eremitæ Vallisumbrosæ rudimenta locat. Presbiterum à dentium dolore liberat.
1020.	103. Paulum, et Gunthelinum Discipulos in Eremitæ Aquæbellæ Romualdus relinquit. Ad Montem Petranum reversus cadentem illicem super rusticum divinitus avertit.
1021.	104. Bifurcum secedit ad habitandum. Ingentem Discipulorum congregat multitudinem.
1022.	105. Colloquium Romualdi cum S. Henrico Imperatore. Prophetia ejusdem. Veneratio illi à Theutonicis exhibita. Henricus Monasterium Montis Amiati Romualdo committit. Item in favorem Monasterij S. Benedicti de Bifurco illi privilegium largitur.
1023.	106. Providentia divina erga Romualdum aquis inclusum. Eremitæ ad Vivum constructio.
1024.	107. Monachus vitæ S. Romualdi insidias struens, à Diabolo jamjam præfocandus,

Anno

Christi | Romualdi

meritis S. Patris eripitur. Ecclesia S. Michaelis Templani Gregorio Abbati Valliscastri donatur.

1026. 109. Maldulus Visionem Scalæ Monachorum albescentium in suo Campo habet. Romualdo, locum idoneum ad Eremiticam vitam perquirenti occurrens, illi suum somnium narrat. S. Pater locum invisit, et Theodaldum Aretinum Episcopum convenit, ut sibi liceat eo loci Eremum construere.

1027. 110. Romualdus cum Theodaldo Præsule Ecclesiam Eremi construi, ab eodemque Episcopo consecrari curat. Quinque in circuitu cellas disponit, totidemque Discipulos in singulis collocat. Ibidem reclusus per Quadragesimam, Fagum in cellam ruentem signo Crucis avertit. Descendens in inferiorem locum, à Diabolo in præcipitium impellitur, sed, saxo cedente, servatur illæsus. Hospitium Fontisboni edificat, et Petro Dagnino, quæ Priorem cæteris præficit, in mandatis dat, ut Ecclesiam apud dictum hospitium, quantocyus construat. In Sitriam discedit. Theodaldus post S. Patris discessum amplissimo privilegio Camaldul-

len-

Anno	Christi	Romualdi
		lensem Eremum decorat.
1028.	111.	Impuros Romani mores Romualdus apud Sitriam redarguit, infami calumnia ab eo vicissim afficitur. Pœnitentiæ velut obnoxius à sacris officijs abstinet. Post sex mentes divinitus celebrare jubetur. In extasim raptus animam suam nivis instar candidam divino conspectui præsentari videt. Psalterium pariter exponere iubetur. Per septennium in propria cella se recludit.
1029.	112.	Suo voluntario carceri inclusus Psalterium, et nonnulla Prophetarum Cantica luculenter exponit Romualdus.
1030.	113.	Exemplo suo ad insignem austeritatem Monachos Sitriæ perducit. Insignis Gule illusio.
1031.	114.	Gregorium insufflando sanat.
1032.	115.	Eundem ab elephantiaco morbo, aqua frigida, liberat.
1033.	116.	Osculo insanum curat.
1034.	117.	Discipulum Romam euntem per Spiritum cognoscit. Ingelbertus vaticinio incredulus reclusorium, prout sibi imprecaverat, frangit, et à Romualdo deficit.
1035.	118.	Ad Monasterium S. Vincentij despectis Romu-

Anno

Christi Romualdi

- Romualdus. B. Berardus ejus Discipulus ibidem moritur, ad cujus sepulcrum Monachus sospitati redditur. Thedaldus in causa est, cur Gaudentius à Magistro discedens Ingelberto jungatur. In illa inobedientia Gaudentius vita excedens Romualdi pietate expiari impetrat.
1036. 119. Sitriam redeunti Romualdo piscis in arido rivo invenitur. Casimirus Poloniæ Rex in Italiam veniens à Romualdo ad Monasticen admittitur. Equum ab illo sibi donatum inequitans, à Dæmone sub Canis effigie apparente, absterretur. Equum illum, humilitatis studio, cum jumento commutat. Camaldulum S. Pater rediens Joannem Gualbertum ad se confugientem per sex menses Eremiticæ Vitæ præceptis instruit, mox sua benedictione, et vaticinio Ordinis ab illo instituendi, ad Vallemumbrosam, sive Aquam bellam, dimittit. Romualdus tandem ad Vallem de Castro revertitur, ibique recluditur, ut morti se præparet.
1037. 120. Romualdus, non tam languore, quàm decrepiti longævitate senij defatigatus, et per sex ferè menses gravi tussis anhelitu, ob læsos flegmatis copia pulmones, vexatus,

Anno
Christi Romualdi

xatus, nec idèd tamen in lecto decumbens, nec jejuniorum rigorem relaxans, demum animam Deo reddit 19. Junij, et solitariam vitam solitario fine concludit, innumeris miraculis clarus.



TABULA SECUNDA CHRONOLOGICA

Cohærenter ad communem hypothesim de morte S. Romualdi anno 1027. Interim composita Controversia de tempore Honesti, juxtà aliquam ex quatuor conciliationibus Capite VIII. indicatis.

Anno
Christi Romualdi

- | | |
|------|--------------------------------------------------------------------------------------------------------------------------------------|
| 907. | 1. R Avennæ ex Illustrissima Ducum Stirpe, Sergio Patre, nascitur ROMUALDUS. |
| 922. | 15. Adolescentiam in Venerem proclivem mira constantia corrigit, et à carnis lubrico revocat. |
| 925. | 18. Inter venandum Eremiticę vitę quietem meditatur, suosque jam vōto concipit Anachoritas. Affi- |

Anno

Christi Romualdi

927. 20. Affinem de prati cujusdam jure secū contententem ad singulare certamen trahit, et solo sternit Sergius Romualdi Pater. Filius huic spectaculo interesse coactus, licet ab omni hostili actu se immunem servasset, quasi homicidij reus, XL. dierum pœnitentiam in Classensi Monasterio sibi deligit. Pij cujusdam Conversi colloquio ad religiosæ vitæ institutum accenditur, et Visione S. Apollinaris ad hoc propositum exequendum bis incitatur. Monachorum pedibus ad-volutus habitum cum lacrymis flagitat, et Archiepiscopi Ravennatis suffragio, ne Sergij Patris furorem timerent, interposito, impetrat, solidisque virtutibus Monasticæ disciplinæ acquirendis sedulo incumbit.
928. 21. Emenso probationis annuæ curriculo sollemnem Regulæ S. P. Benedicti professionem Romualdus emittit, suoque exemplo nobilissimus Tyro vel Veteranis præluet.
929. 22. Dum fervidus observantiæ zelator Monachos intempestivius arguit, eorum in se iram, et invidiam concitat Romualdus, ex alto in præceps jamjam impel-lendus

Anno		
<i>Cbristi</i>	<i>Romualdi</i>	
		lendus, dum quotidianis orationum suarum exercitijs vacaret, nisi conspiratione cognita, periculum declinasset.
930.	23.	Incredibili desiderio ad maiorem perfectionem aspirans, venia ab Abbate Classensi impetrata, ad Marinum, in Ere- mo Turris caliginis apud Venetos san- ctimonia celebrem, se recipit Romual- dus, et solitarie vitæ se totum addicit.
931.	24.	Disciplina psalmodiæ Marini cum Romualdo, et utriusque mirabilis absti- nencia. Minus expeditè legentem Ro- mualdum Marinus virga percutit, ac surditatis ferè periculo sinistram ejus aurem exponit.
932.	25.	Post longam patientiam Romualdus magistrum exorat, ut in dexteram par- tem verbera transferat. Magister Disci- puli humilitatem admirans indiscretæ severitatis temperat disciplinam.
933.	26.	Romualdum ab arrepto itinere deter- rere varijs impugnationibus Diabolus nititur, nempe, et memoriam ingerens eorum, quæ in sæculo comparare po- terat, et relictas ingratas heredibus opes in mentem revocans, et nullius meriti exercitia sua futura succensens, et lon- gioris

- gioris vitæ in tanta districtione continuandę tædium , atque horrorem incutiens : quas omnes tentationes fortissimus Christi Athleta incredibili constantia superat.
934. 27. Importuno strepitu , et tetris imaginationibus Romualdi somnum xpius abruptit Diabolus , sed incassum.
935. 28. Sub Marini magisterio insigniter proficit Romualdus , et semper ad majora virtutum charismata æmulanda aspirat.
940. 33. Super ejus pedes , et crura nocturno tempore Diabolus insidet , et ne huc , aut illuc se obvertat , typo phantastici ponderis per quinquennium aggravat.
945. 38. Excutit tandem Dominus à Servo suo diabolici illius oneris incommodum , ut expeditior viam mandatorum suorum decurrat.
950. 43. Sanctorum Anachoretarum Marini , et Romualdi fama apud finitimos populos spargitur.
456. 49. Nascitur Eugebij B. Ludolphus , insignis S. Romualdi futurus Discipulus , et Congregationis celeberrimæ S. Crucis de Avellana Institutor.
959. 52. Petrus Uscolus Venetiarum , et Dalmatiz

Anno	
<i>Christi</i>	<i>Romualdi</i>
960.	53. Egregijs Pietatis, et Fortitudinis sue argumentis totam Venetorum Rempubli- cam sibi demeretur Urfeolus. Guarinus Abbas S. Michaelis in Aquitania Venetias peregrinatus, et ab Urfeolo hospitio exceptus, ad contemptum sæculi illum disponit.
961.	54. Accitis Marino, et Romualdo, post longam de salute Urfeoli consultationem, hoc omnium communi suffragio decernitur, ut Dux Principatui nunciū remittens Monachum induat; qui, rebus omnibus compositis, kalendis Septembris cum Romualdo, Guarino, et Marino, nec non Joanne Gradenico, et Joanne Mauroceno, in Aquitaniam fugit, et in monasterio Guarini, cum socijs, monastico Schemmate initiatur. Interim Marinus, et Romualdus non longe ab eodem monasterio Eremum construunt, et ad consuetam solitariæ vitæ districti- onem revertuntur.
962.	55. Post emissam in monasterio professionem, Urfeolus, Gradenicus, Maurocenus, ipseque Guarinus Abbas ad Eremum

Romualdi, et Marini se recipiunt. Relucente ante alios Romualdi Virtute, omnium PRIOR communi sententia eligitur, Marino ipso Prælationis Cathedralam cedente, omnemque tum spirituum, tum temporalium rerum administrationem cunctis in Romualdum transferentibus; Sic prima ORDINIS SUI FUNDAMENTA locat ROMUALDUS, qui miro abstinentiæ exemplo suis præcurrens, per continuum hunc annum nullum alium habuit cibum, nisi tantum per singulos dies unum pugillum ciceris elixi.

963. 56. Romualdus, et Gradenicus farculis terram frangentes, et triticum seminantes, ex manuum suarum labore toti familiæ per triennium victum comparant.
964. 57. Rursus diversis Dæmonum impugnationibus S. Pater exagitatur, sed malignos spiritus, velut alter Antonius, increpat, quod è cælo dejecti in Eremo persisterent.
966. 59. Novam jejuniij formam Romualdus suis proponit, in qua per 15. annos illos exercet, jejunio per totam hebdomadam, præterquam Sabbati, et Domini-

Anno	<i>Christi</i>	<i>Romualdi</i>	
			cæ diebus, continuato.
967.		60.	Urfeolus sub tantæ abstinentię pondere penè languens Romualdo necessitatē suam humillimè aperit, cui discretus Pater quartam quotidianæ annonæ partem superaddendam indulget.
968.		61.	Comes, qui Rustico Romualdi familiari Vaccam rapuit, et S. Patris jussu contempsit, divinitus punitur.
971.		64.	Urfeolum ejus Filius invisit, cui defendendum in Patria Principatum Pater prædicit, justitiamque erga omnes servandam commendat.
976.		69.	B. Ludolphus cum Comite suo Barionio inter silvas abditus, ad Fontem Avelanæ cælesti voce vocatus consistit, et celeberrimæ Eremitæ fundamenta locat.
981.		74.	Sergius Romualdi Pater sæculo valedicit, et in S. Severi Cænobio apud Ravennam Monachum induit. Olibanum Comitem Romualdus ad meliorem frugem reducit.
982.		75.	Remissionem Sabbati in quintam feriam transfert Romualdus, eamque vivendi Regulam, saluberrimis alijs præceptis munitam, cunctis sectatoribus singularis vitæ præfigit. B. Petrus Urfeolus
			natu-

Anno

Christi Romualdi

naturæ cedit die 11. Januarij, miraculis post obitum illustris. Nuncio Ravenna accepto de Patris inconstantia, in Æmiliam reverti cogitur Romualdus, ut Sergium in sancto proposito confirmet. Incolas ejus discessum impediētes, simulata infania, eludens nudis pedibus Ravennam se confert, ac Sergij levitatem pia severitate corrigit. Marinus, Guarinus, et Gradenicus cum Olibano Comite ad montem Cassinum se recipiunt, Maurocenus Venetias redux à Tribuno Memo insigne S. Georgij Majoris Cœnobium ædificandum impetrat.

983. 76. Post Patris correptionem in palude Classis Cellulam figit Romualdus ad Pontem Petri. Sergius, viso Spiritu Sancto, in cœlū vocatur. Olibani Professio. Marini in Apuliam secessus. Guarini ad Solymæ loca peregrinatio. Joannes Discipulus S. Romualdi, ob inobedientiam, equi calce percussus.

984. 77. Ad S. Martini in Silva se recipit Romualdus. Joannes ejus Discipulus, Cassini reclusus, suæ inobedientiæ pœnas luit, et miris virtutum exemplis refulget.

985. 78. Dæmonum verberibus, et larvis affligitur

Anno	
<i>Christi</i>	<i>Romualdi</i>
	gitur Romualdus, sed invocato Jesu nomine, de iniquis spiritibus semper triumphat.
986.	79. Apud Balneum Monasterium S. Michaelis construit S. Pater.
987.	80. Hugonis Etrurię Marchionis in Romualdum liberalitas. Eleemosinas sibi oblatas ad monasterij Palatioli reparandum incendium destinans S. Pater, Monachorum in se odium provocat.
988.	81. Monachi in Romualdum impię debacchantes divinitus puniuntur.
989.	82. Eremon apud Bifurcum excitat Romualdus: Hinc non longę à Catria in Eremo Avellanę habitat, et B. Ludolphum loci Conditozem Solitarię Vitę pręceptis instruit.
990.	83. Regulam S. Benedicti cum certis Constitutionibus Eremiticis observandam Avellanitis tradit Romualdus: Hinc S. Apollinaris apparitione admonetur, ut ad Classensem Monasterium redeat.
991.	84. In Origario cellam figens, totus prę loci humiditate intumescit. Eo hinc discedente, spontanea rosarum germina locum fecundant.
992.	85. Eremon in Pereo prope Ravennam ædi-

Anno

Christi Romualdi

- ædificat, multis sanctissimis Alumnis illitrem.
993. 86. Solo Orationis præsidio flammas Cellulæ tectum depascentes restinguit. B. Guglielmus ejus Discipulus ibidem sanctimonia clarus.
994. 87. Discipulos suos Joannem, et Benedictum Romualdus, iuxta petitionem Othonis, in Poloniam dimittit ad Christi fidem disseminandam.
995. 88. Imperator Otho Classensibus Monachis optionem dat, quem malint sibi præfici Abbatem: hi unanimis expetunt Romualdum. Otho ad Pereum venit, in cella Romualdi hospitio receptus. Post preces, et minas acquiescit Vir Sanctus Imperatoris votis, et Abbatix regimen sibi imponi patitur, et Monachos sub districta Regulæ disciplina moderatur.
996. 89. Coram Imperatore, et Ravennate Archiepiscopo virga projecta, Romualdus Abbatiam dimittit. Tiburis obsidionem, placato Othone, solvi impetrat. S. Venerium, ne sine Abbatis sui venia Eremiticam vitam agat, absterret. Imperatorem salutari penitentia expiat. Bonifacium, Tammum, aliosque Nobiles

ex

- | | |
|---------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Anno | |
| Christi | Romualdi |
| | ex Aula Cæsaris in Eremum traducit. Joannes et Benedictus cum D. Adalberto varias Provincias, prædicationis gratia, discurrent. |
| 997. | 90. Romualdus apud Cassinum ægrotat, mox convalescit. Boleslai Filium Monachum induit, qui generosum equum S. Patri donat. Hunc, humilitatis studio, cum jumento commutat. Ad Pereum redit. Post S. Adalberti Martyriū Joannes, et Benedictus in Poloniam revertuntur. Monasterium S. Mariæ Pomposæ cum Eremo contigua excitatur. Othonis Privilegium erga Ardefadum Abbatem Classensem Romualdi Discipulum. |
| 998. | 91. Joannes, et Benedictus in Polonia multis Discipulis aggregatis Eremiticam Vitam propagant; in quibus Mattheus, Isaac, et Christinus Martyres, ac Barnabas Confessor, sanctimonia illustres. |
| 999. | 92. Floret item sanctimonia Eremus Perei. Bonifacij ante alios Virtus elucet, qui, sui corporis insigni maceratione, Martyrio proludit. |
| 1000. | 93. Pia S. Venerij mors. Monasterium S. Adalberti in Pereo ædificatur, primo |
| | R Ab. |

Anno

Christi Romualdi

Abbate ex Romualdi Discipulis assumpto. Instat S. Pater apud Othonem, ut, juxta promissum, Imperio cedat, seque in Monasterium recipiat. Differenti mortem prædicat.

1001. 94. S. Bonifacius in Russiam ad prædicandum Christi Evangelium à Romualdo missus. Otho varijs possessionibus S. Adalberti Monasterium datat. Romualdus Parentium migrat.

1002. 95. Joannis, ac Benedicti, et Sociorum in Polonia Martyrium. Romualdi vaticinium morte Othonis Imperatoris impletur. Monachus à SS. Joanne, et Benedicto in Italiam missus, eorum passionis per Angelum admonetur, atque è carcere, in quem à Ministris Henrici Regis conjectus fuerat, eripitur. Romualdus apud Parentium in cella se recludit.

1003. 96. Lacrymarum gratia Romualdus donatur. Discipulos ex Pereo ad se venturos prædicat.

1004. 97. Rursus à Bifurci Discipulis S. Pater visitatur. Tractatum de pugna Daemonum componit. Dum Parentio Bifurcum venit, procellam sedat. B. Petrus de Bifurco ejus Discipulus claret. S. Bonifa-

Anno
Christi Romualdi

- nifacius per ignem illæsus transit, innumerosque populos, eo miraculo, ad Christum convertit: Martyrio demum coronatur. B. Joannes Romualdi Discipulus Cassini reclusus moritur, et miraculis illustratur.
1005. 98. Romualdus apud Vallem de Castro Eremum excitat. In Simoniacos detonat. Sua prædicatione populos in Dei amorem accedit. Canonicorum Regularium Congregationem instituit. Cœnobium Puellarum construit. Furem corripit. Plurimos ad Monasticen vocat. Monasterium prope Urbem Veterem ædificat. Ibidem B. Guidonem Pharulphi Comitum filium sancto habitu donat. Alijs tribus Monasterijs brevi constructis, in Hungariam: ad Fidem Christi disseminandam, et Martyrium sibi comparandum, proficiscitur.
1006. 99. Morbo impeditur, ne ulterius procedat, et ab itinere revocatur, quindecim ejus Discipulis progredientibus, qui innumeris pro Christo laboribus exercantur. Consanguineo Adhelberonis Ducis converso, cum alijs nobilibus, ad Monasterium Urbis Veteris redit, et B. Guido-

Anno

Christi Romualdi

nis morti assistit. Tum ad Raynerium Marchionem se confert. Cæcus præbendarius ad Sepulcrum B. Guidonis visum recipit, alijque à morbis sospites ibidem redduntur.

1007. 100. Ad Castrum Massilianum Romualdus Cænobium construit. Classense Monasterium à Simonjaco Abbate redimere nititur : à suffocationis sibi intentatæ periculo liberatur. Parentium rursus proficiscitur in Istriam, sed Romani Pontificis, et Procerum Urbis autoritate in Italiam revocatur. Ad Vallem de Castro se recipit, ibique post vicennium se moriturum prædicat.

1008. 101. In faucibus Callensium montium habitat. In monte Petrano cellas à furibus immunes servat : alios latrones procul prævidet. Illicem in Rusticum ruentem avertit. Monasterium S. Trinitatis de Monte acuto, et S. Severi Perusij ædificat. Helempertus Aretinus Episcopus Abbatiam Prataglie construit.

1009. 102. In Monte Pregio habitat. Varijs Cænobijs Ordinem amplificat, nempe S. Andreæ Eremum apud Hispellum, et Monasterium S. Silvestri de Monte
Suba-

Anno		
<i>Christi</i>	<i>Romualdi</i>	
		Subasio, et Monialium S. Mariæ Vallis Gloriæ Cœnobium construit. Item S. Illuminatae apud Tudertum pro Monachis, et S. Antonij pro Monialibus. Mox S. Marię in Campis prope Fabrianum, hinc S. Salvatoris de Aquapagana.
1010.	103.	Apud Gualdum ad Serram Sanctorum in regione Tadini degit. Ad Monasterium Vallis de Castro reversus Abbatem corripit. Comitissam Sybillam alloquitur. Discipuli immodestiam prudenter carpit. B. Marinus in Apulia ab Agarenis interficitur.
1011.	104.	Vallecastrensis Abbatis machinatione Romualdus inde eijcitur; ad Aquambellam in Apenninum secedens, ibidem Eretrum construit. Presbiterum a dentium dolore liberat. Paulo, et Gunthelino Discipulis eo loco relictis, recedit.
1012.	105.	Maldulus in suo Campo quiescens Visionem albescentium Monachorum per Scalam in cœlum conscendentium conspicit. Romualdum obvium habet, cui visum narrat, et locum offert. S. Pater, consulto Aretino Episcopo, Basilicam S. Eremiti ædificat, quam Theodaldus (Helemperti forte Coepiscopus) consecrat.

Anno

Christi Romualdi

- crat. Quinque cellis S. Pater totidem Discipulos addidit; per Quadragesimam ibidem reclusus vivit. Fagum in cellam ruentem signo Crucis aliorum avertit. A præcipitio divinitus immunis servatur. Hospitium Fontisboni construit. Priore Camaldulensibus constituto Petro Dagnino, discedit, et ad Montem Sitrię se recipit.
1013. 106. Eremum apud Sitriam ædificat. Impuros Romani mores redarguens infami calumnia ab eo vicissim afficitur. Velut pœnitentię obnoxius, per sex menses à Sacris abstinet.
1014. 107. Romualdus divinitus celebrare jubetur. Idem in extasim raptus, ut Psalterij expositionem scribat, in mandatis accipit. Animam suam Nivis instar candidam divino conspectui representari videt. Per septennium voluntario suę Cellę Carceri inclusus silet.
1015. 108. Psalterium Davidicum, et nonnulla Prophetarum Cantica luculenter exponit.
1016. 109. Suo exemplo ad insignem austeritatē Monachos Sitrię perducit. Singularis gulę illusio.

Gre-

Anno	
<i>Christi</i>	<i>Romualdi</i>
1017.	110. Gregorium insufflando sanat. Infan- num osculo curat Romualdus.
1018.	111. Dæmoniacum frustulo panis liberat. B. Bonus Monasterium S. Michaelis in Burgo Pisarum ædificat.
1019.	112. Gregorium rursus ab elephantia- mo morbo S. Pater aqua frigida liberat. Aqua, unde manus Romualdi ablutæ sunt, varijs morbis medetur.
1020.	113. Discipulum Romam euntem per Spi- ritum agnoscit. Ingelbertus incredulus, sibi perseverantiæ jacturam imprecans, fracto reclusorio, à Romualdo deficit.
1021.	114. Romualdus in Monasterio S. Vincen- tij habitat. B. Berardi ejus Discipuli obitus. Gaudentij ad Ingelbertum defe- ctio. Ejus mors, et orationum privatio, ob inobedientiam. Ob visionem Mona- chi, qui ad sepulcrum Berardi sanatus est, Romualdus Gaudentij animam ex- piari indulget. Discipulus in Romualdi lectulo sine licentiâ cubans à Dæmoni- bus verberatur: alius ibidem, cum Ma- gistri venia, incolumis jacet. Arduinus convertitur. Uxor insana benedictione panis S. Romualdi sanatur. Diabolus Viro Sanctissimo dum mortem minatur

tur

Anno

Christi Romualdi

- tur, cellæ parietem frangit. Idem specie
canis Romualdum equitantem exeret.
1022. 115. Romualdus Monasterium Monialium
in Vallebona ædificat. Diabolus obstre-
pens à pio Discipulo in nomine Sanctæ
Trinitatis fugatur. Cænobium S. Pater
in Sitria, ob Discipulorum multitudi-
nem, construit. Bifurcum secedit. Cum
S. Henrico Imperatore colloquitur, et
ab eo tum privilegium pro Monasterio
S. Benedicti ad Bifurcum, tum dona-
tionem Cænobij Montis Amiati impe-
trat.
1023. 116. Varijs adversitatibus apud Montem
Amiatum Romualdus premitur. Mona-
chus S. Patri insidias struens, à Dæmo-
ne jamjam præfocandus, Romualdi
nomine invocato, eripitur.
1024. 117. Conclusus aquis Romualdus cibum
sibi, et Discipulis cælitus deferendum
agnoscit. Eremum S. Petri ad vivum
ædificat. Ecclesia S. Michaelis Templani
Gregorio Vallis Castri Abbati donatur.
1025. 118. Romualdus iterum redux in Sitriam:
Piscis magno hospiti apponendus in ari-
do rivo repertus.
1026. 119. Post varia rursus habitationum loca,
Disci-

Anno
Christi Romualdi

- Discipulis fermè ubilibet visitatis, ad Monasterium Vallis de Castro se recipit Romualdus, et cellam sibi parari jubet, in qua usque ad obitū reclusus maneat.
1027. 120. Per sex menses cum morbo luctatus, tandem humanitati cedens, Discipulis abire iussis, nemine astante, Spiritum Deo reddit, et Solitariam vitam solitario fine concludit die 19. Junij, innumeris, ut in vita, sic post obitum, miraculis clarus.

NOTÆ

Ad duas Tabulas præcedentes.

I. **N**E quis Chronologicam Seriem, in utraque præcedenti Tabula expansam, arbitrariò confictam putet, aut non alio, nisi quod casus tulerit, consilio digestam, operæ pretium exigeret, ut fundamenta indicarem, quibus nixus, potui, ac debui Gesta quælibet ad eos annos, quibus juxtà utramlibet hypothesein notata sunt, revocare. At nimis id longum foret, ac tædio plenum, et apud discretos Lectores minimè necessarium, quos monere sufficiet, singula juxta certam, aut verosimilem rationem fuisse disposita, prout S. Petri Damiani historix, et ipsius S. Romualdi vitæ

S

series

series postulare videbatur; quod inde constat, quòd plurima ex his factis in utraque Tabula vel eundem annum Christi, vel eundem S. Romualdi ætatis annū respiciunt, vel certo ab invicem intervallo temporis utrobique separantur; prout talis nature sunt, aut ejusmodi circumstantijs implicantur, quæ fixum tempus, aut determinatam à Christi vel Romualdi Nativitate distantiam important, sive cum alijs ejusdem Romualdi, aut Pontificum, Imperatorum, ac Principum Gestis connectuntur, ijsque quodammodò alligantur. Nec tamen interim diffiteor, multa superfluisse, quæ certam aded sedem sibi minimè exposcerent, nisi quatenus, ex Petri Damiani narratione (cujus ordinem nunquam, citra necessitatem, violandum esse, persuasum habui) alijs Gestis celebrioribus, et aliquo demum respectu ad certum annum constanter trahendis, proxima esse videbantur, idèdque verosimiliter ad replendas lacunas, circa reliqua notioris temporis Gestæ residuas, jure meritòdque destinari debuerant.

II. Nonnulli dumtaxat circa hanc nostram dispositionem scrupuli superesse possunt; ex quibus primò illud admiratione dignum occurret: Ecquid rei sit, eorū diversas Diaboli pugnas, quas Romualdus sustinuit, quæ uno eodemque cap. 7. à Petro Damiani post Urseoli Conversionem, et assumptum à Romualdo Eremitarum magisterium, narrantur, nos ita diviserimus, ut earum aliquas in Tab. I. ad annum Romualdi 25. et sequentes, in Tab. II. ab anno Romualdi 26. et deinceps, dum adhuc S. Pater in Eremito Veneta apud

apud Marinum confisteret, ante conversionem Urseoli, recenscamus, alias verò in prima Tabula ad annũ Romualdi 47. in secunda ad annum 57. consignemus? Cui quæstioni respondeo, ex ipso Damiani textu patere divisionis hujus necessitatem; enimverò quæ prima hujus 7. capitis parte refert Damianus, tametsi post Urseoli Conversionem narrentur, primos S. Romualdi apud Marinum in Veneta Eremita latens, atque in Eremiticæ Vitæ tyrocinio positi, annos respicere constat ex ea clausula, quam eo loci Damianus usurpat: *Maximè initio conversionis*; nec non ex tentationum illarum qualitate, quæ notat, *Diabolum Romualdo in memoriam revocasse, quæ et quanta, ut putà Vir strenuus, in sæculo acquirere potuit; modò quæ ingratissimis propinquis nec dum post se concupiscibiliter hereditanda reliquit &c.* Quæ sanè S. Virum adhuc novitium supponunt, nec aded provectum, cui ipse Marinus Eremiticum Magisterium jam celsisset. Ubi verò in posteriori parte hujus capitis subdit Damianus: *Quis explicare valeat, quot frementes vitiorum bestias pertulit? &c.* De Romualdo in Gallica Eremita, postquàm illi Urseolus, et Socij adiuncti fuerant, loqui S. Doctorem manifestum est, ex quo subinferat. Undè etiam si Fratrum aliquis silentij tempore cellam ejus, quævis necessitate compulsus, adiret: statim miles Christi paratur ad prælium, solito more ipsum esse existimans Diabolum, clavis vocibus increpabat &c. Etenim in Eremita Veneta cum solo Magistro Marino versabatur: tantum autem in Gallijs, post Urseoli conversionem, Fratres alij occurrere poterant, qui Cellam illius horis inter-

pestivis adirent *Quarvis necessitate compulsi*, quandoquidem spiritualement, ac temporalem Familiae totius curam in se suscepit.

III. Secundò interrogare quis poterit, cur prior Tabula ad annum Christi 984. et 985. ac posteriori ad annos 983. 984. *Joannem* nescioquem S. Romualdi Discipulum notaverimus, cujus inobedientia equi calce punita est, quique in maxima poenitentia reclusus apud Cassinum vitam finivit, cum ex Petro Damiano cap. 12. et 15. Vitae S. Romualdi, is videatur fuisse *Joannes Gradenicus*? Respondeo, me consultò *Gradenici* cognomentum eo loco subticuisse, nam ex nostris Commentarijs in Vitam S. Romualdi cap. 15. liquet, Joannem hunc à Gradenico longè diversum fuisse; hic enim apud Cassinum post 30. annos reclusionis sanctissimè obiit, ut habet Damianus: at Gradenicus, ut observat Mabillonius Saeculo V. Benedictino in Vita B. Petri Urteoli, cum Olibano in Gallias rediit; imò inde Venetias adnavigavit, ut ex monumentis Archivi S. Georgij Majoris Venetiarum notat Arnoldus Uvion in Martyrologio Monastico ad diem 24. Septembris: ibidemque Joanni Mauroceno S. Romualdi discipulo, primoque dicti Monasterij Abbati praemortuo successit; traditurque eundem Joannem Gradenicum fuisse, qui S. Gerardo Sagredo (jam ab Antecessore Mauroceno ad Monasticum habitum admissio) ad Hierosolymorum loca visitanda potestatem indulsit, qua in peregrinatione sibi Apostolatam, Episcopatum, et Martyrium apud Hungaros promeruit. Accedit, quòd

quòd et Gravissimus Auctor Petrus Diaconus lib. de Ortu, et Vita Justorum Sacri Monasterij Cassinensis duos S. Romualdi Discipulos eodem Joannis nomine apud Cassinum floruisse docet, alterum *Joannem Gradenicum*, de quo agit num. 53. alterum verò, quem alium *Joannem S. Romualdi* pariter Discipulum vocat, num. 54. *Qui Cellam apud Cassinum habuit, in qua et per 30. annos inclusus est, &c.* ubi addit eam ipsa; quæ Damianus de nostro hoc Joanne commemorat; sed, et Arnoldus Vvion in Append. Martyrologij litt. I. utrumque distinguit: quemadmodum et Gabriel Bucellinus in Menologio, dum de priori die 20. Februarij, et 5. Decembris; S. Joannis Gradenici nomine, agit; de posteriori verò die 4. Martij sub Ven. Joannis D. Romualdi apud Cassinum Discipuli, titulo: Quod attinet verò ad Petri Damiani auctoritatem, qui de uno eodemque Joanne Gradenico loqui videtur, commodam interpretationem recipit in nostris Commentarijs loco citato.

IV. Tertio, cur in utraque Tabula missionem SS. Joannis, et Benedicti in Poloniam, anno Christi 994. antequàm Romualdus Abbatiam Classensem susceperet, in prima videlicet ejus apud Pereum habitatione, factam supposuerimus, non immerito queri potest: quandoquidem hæc à Petro Damiano cap. 28. narratur, quasi eo tempore contigerit, quo post Abbatiam dimissam *Romualdus ad Pereum; ubi diudum habitaverat, rediit*, ex cap. 26. cum imò post S. Bonificij expeditionem in Russiam [quæ à nobis anno 1001. consignatur]

gnatur] hæc Sanctorum Joannis, et Benedicti ad Apostolicum munus erectio contigisse, juxta ordinem à Petro Damiano observatum, videatur. At repono, quòd cum Romualdus, Othone Tiburtinam Urbem obsidentes, adeòque anno 996. Abbatiam dimiserit, et postea Bonifacium ad Eremum Perei duxerit (cap. 26.) *Si post diuturnam Eremiticæ Conversationis vitam* [ut testatur Damianus cap. 27.] Bonifacius ad Gentes ire disposuit, non potuit ante annum 1001. Pereò discedere; Joannes verò, et Benedictus, etiamsi anno 1005. (ad quem ad summam, cum nonnullis Scriptonibus, eorum Passio differri posset, quæ nobis anno 1002. accidit.) Martyrij palma donati dicerentur, cum septē annos in Polonia exegerint (ex Damiano cap. 28.) debuerunt certè in Poloniam ante Bonifacium dimitti; at ex altera parte præsens non aderat Bonifacius, cum Joannes, et Benedictus sese Romualdo obtulerunt, ut eos; juxta Imperatoris voluntatem, in Poloniam dirigeret [si enim præsens ille astitisset, ut erat Martyrij cupidissimus, Damiano teste cap. 27. sese utique Romualdo ante alios, vel cum alijs obtulisset, ne tam pulchræ occasione deesset, cum S. P. in omnium optione posuit, quis nobilem hanc Spartam exornandam susciperet; et tamen Damiani testimonio cap. 28. *Duo solummodo sunt ex omnibus inventi, qui se ultro ad eundem promptor offerrent: quorum unus Joannes, Benedictus alter vocabatur.*] Ergo nondum ad Perensem Eremum tunc Bonifacius venerat: venit autem cum Romualdus secundo ad Percum redijt; igitur non in secundo, sed in primo

primo Romualdi apud Pereun incolatū, addeoque quō-
te susceptum Classensis Modastensis regimen, Joannes
et Benedictus ad Evangelium Gentibus prædicandū
sunt profecti.

V. Denique illud etiā movere potest, cū utrobī-
que ad annum 1022. Privilegium referam. Henrici
Imperatoris, quō S. Romualdo Abbatem S. I. Beodici-
eti ad Bifurcum munificentissimè donavit; quando
Didacus Francius, Augustinus Lubin, Ferdmandus
Ughellus, et alij id anno 1012. contigisse, ipsiusmet
Diplomatis fide, confirmant, Sed enim advertendum
est, illius Diplomatis numeros male consignatos omni-
bus imposuisse: cū enim subscriptum esset. *Revera*
hoc modo: Datum anno Dominica Incarnationis MXXII.
Indictione V. perperam ab Antiquarijs exscriptum est ad
Datum anno Dominica Incarnationis MXII. Indictione X.
(uno X. nimirum ibi subducto, hic verò lineis infra
angulum protractis; et V. in X. commutatū) Nec
saltem ex sequentibus verbis, quæ tamen integra
ab Ughello referuntur tom. 2. pag. 113. videlicet:
Anno verò Domini Henrici II. Regnantis XXI. Imperantis
verò VIII. in suspensionem evidentissimi erroris ullus in-
ductus est, cū pateat, hās notas ad annum 1022.
non 1012. referri: siquidem Henricus anno 1001.
Rex Germaniæ, et 1014. Romanorum Imperator est
coronatus; unde annus Regni XXI. et Imperij VIII.
in annum 1022. à nobis designatum, non in annum
1012. quadrare potest.

VI. Cæterum, quod aliorum etiam Monasteriorum,
quæ

quæ in S. Petri Damiani historia minimè commemorantur, mentionem his Tabulis iniecerim, quasi à S. P. Romualdo constructa fuerint, id non sine Scriptoris, aut Traditionis alicujus auctoritate factum est. Prostrant Ludovici Jacobilli Tomi de SS. Umbriæ, in quibus hæc dudum notata inveniuntur; nec Petri ejusdem Damiani repugnat suffragium, qui cap. 69. indicat, pluribus, quàm quæ ab ipso recensentur, Cœnobijis, atque Eremitis Ordinem suum à Beatissimo Viro Romualdo fuisse amplificatum. *Vir denique Sanctus per multa alia habitavit loca, quæ nos describere idè prætermittimus; quia longioris styli prolixitatem vitamus.* Nec dubium sanè, quòd si omnia S. Patris Gestà accuratius, quàm pro illius rudis sæculi simplicitate, notata habemus, longè majori cumulo Chronologiam nostrā implere potuissent; quæ tamen satis vel sic conferta videbitur, ad longævæ S. Romualdi ætatis demonstrationem: vix enim breviori temporis cursu hæc omnia exerceri debuisse judicabuntur.

F I N I S.

ET NE AUFERAS DE ORE MEO VERBUM
VERITATIS USQUEVAQUE. Psal. 118.



DISSERTATIO III.
DE VISIONE SCALÆ
S. ROMUALDI;
ET HABITUS MUTATIONE PRÆTENSA:

THE
HISTORICAL
AND
GEOGRAPHICAL
DESCRIPTION
OF THE
COUNTY OF
SURREY



DISSERTATIO III.

DE VISIONE SCALÆ S. ROMUALDI, ET
HABITUS MUTATIONE PRÆTENSA.

CAPUT I

Exponitur, et propugnatur Auctoris
Propositum.

S Y N O P S I S.

*Veritas Historico proposita quandoque latens . n. 1. Auctoris
de presenti argumento varia sententia . 2. Determinatio-
nis, et editionis necessitas . 3. Notitiae calumnia pro-
pulsæ . 4. Item præiudicata opinionis . 5. Oppositæ senten-
tiæ probabilitas penitus non adempta . ibid. Cl. Montsau-
conij ad Auctorem Epistola Dissertationem approbans . 6.
Nec tamen absolute à nobis Romualdi Scalam negari . 7.*

A 2

I. Præ-

*Dissertatio Tertia*

Racipuum Scriptoris, et maximè Historici officium est, Veritatem temporis filiam, de tempore triumphantem, nostri animi amores, nostræ mentis obsequia sibi unice demerentem, omnibusque iure optimo præferendam, aut è tenebris in lucem asserere, aut pridem assertam contra opprimentium conatus novis rursus præsidiiis confirmare, aut mendaciorum, errorumque caligine offusam diligenter abstergere, purioribusque luminibus illustrare. At non raro contingit, illam, velut in Democriti puteo, tam altè demersam latere, ut ne longa quidem hinc extrahi possit argumentorum catena, sæpe etiam potentiorum hominum invidia funis eò usque pertingentis usû interdicante: quò fit, ut prædæ latentis cupidine magis illecti, quàm ejus obtinendæ aliquando desperatione deterriti, iisdem sæpe vestigijs recalcandis insistamus, iisdem, aut paulò diversis machinis admovendis frustrà immoremur, et [quòd siccanti Lupo in more positum tradunt] circum ipsius putei crepidinem oberrantes, chorum agamus.

II. Id in præsentis Controversiæ judicio determinando mihi met evenisse nequaquam inficias ibo, Lectores optimi, quibus nunc mea circa propositam quæstionē cogitata sincerè communicare statui; nec diffitebor, tam incerta, et dubia luce sententiam illam, quæ vulgari traditioni faver, perfusam mihi olim apparuisse, ut me, non animi levitate, vel inconstantia, sed circum-

cumspectionis studio, et sinceritatis amore, in varias, et oppositas perſæpe vias anxium abduxerit, prout ex hac, vel illa parte in profundum hunc puteum proſpectanti apertior, aut tutior ad veritatem eruendam aditus videbatur. Hinc factum eſt, ut in compluribus Lucubrationibus meis historicis communem de Romualdi Viſione opinionem admiſerim magis, quàm probaverim, ſolam nigri habitus in candidum mutationem, quæ Viſioni huic adnecti ſolet, impugnaſſe contentus; mox, novis contra utramque pariter emergentibus argumentis, pleniori Diſſertatione commentitiam utramque aſſerere non dubitaverim; et, non ſine quadam hæſitatione, priorem ſententiam paulò poſt reſumere conatus ſim, ex picturarum vetuſtate qualemcunque illi probabilitatem concilians, idque vel maximè contra obſtrepentium auctoritati deferendum aliquid ratus, quòd multi Diſſertationem illam, velut invidioſam, et recentioribus Criticis nimis faventem, improbarent, quanquàm non pauciores, ijque ſpectatiſſimæ eruditionis, ut neceſſariam, et optimis fundamentis innixam commendantes, ad eam ipſam evulgandam animum adijcerent.

III. Temperandum mihi tamen, et ab editione tantisper eſſe ſuperſedendum cenſui, ne quid in re tam ancipiti committerè, quod præcipitis judicij notam ſubire poſſet: omnia interim excutere, ſingula ruruſ expendere, atque animo à quibuſvis partium ſtudijs alieno, voci veritatis, undeunde ſe proderet, utramque pariter aurem accomodare, ſentètiàm utramlibet, quæ-

cun-

cunque demùm antiquis monumentis congruentior appareret, omni respectu posthabito, excipere paratissimus; cùmque nihil non conspirare deprehenderem adversus receptam de hoc argumento vulgi opinionem, evicit Veritatis amor, ut dissentiendi rationem publicè proponerem, *non enim* (inquit Apostolus 2. Cor. 13.) *possumus aliquid adversus veritatem, sed pro veritate*, nec candido, sincero, et ingenuo, ac Geometriæ præsertim studijs exculto animo convenire arbitrabar, ut veritati fucum diutiùs fieri pateretur. Accessit et reliquas Dissertationes Camaldulenses edendi necessitas, quibus decuit, ut hanc non omnium postremam adjungerem, tanquàm cæteris illustrandis maximè opportunam, cùm aded sit affinis, et congruens singularum materies, tam connexa omnium argumenta, ut à se vicissim dependeant, et mutuam sibi lucem concilient.

IV. Nihil est ergo, quòd me aut novitatis amantem, aut præconceptæ opinionis tenacem temerè accusent, siqui eam ipsam, quam minimè voluissent vel in dubium revocari, hic impugnatam sententiam offendent: ab utriusque siquidem calumniæ nota me tam procul abesse, meique instituti progressum, ac denique studiorum finem distare tam longè sentio, quàm qui maximè. *Illud quidem cum Cicerone teneo, nervos, atque artus esse sapientiæ non temerè credere*, atque homini sobrio cavendam esse duxi *eorum levitatem*, qui (ut ait Melchior Canus lib. 11. cap. penult.) *Muliercularum more, quod nimis miseri volunt, hoc faciliè credunt*: cujus et exemplum affert; *Nam et ætas nostra Sacerdotem vidit,*
cui

cui persuasissimum esset, nihil omnino esse falsum, quod semel typis fuisset excusum. Miseranda sanè hominis ignorantia, potius quàm ludenda, qui usqueadè, aut bonus, aut stultus erat, ut omni narrationi statim crederet, si modò esset litteris prodita: at nequè me à receptis sententijs, ob infirmas dumtaxat recentiorum conjecturas, judicij levitas unquàm abduxit; Nimirum antiquitati, non novitati meos semper labores censui litandos, nec enim quicquam veritate antiquius habui, vel existimavi, recentiorum conjecturas idcirco suspectas, sin minùs convictas erroris esse contendens, quòd antiquitatis monumentis minimè respondere deprehenderim. Veterem opinionem restituere, ac novam nuper inventam refellere conatus, an ipse novitatis auceps vocari, an eos, qui contra sentiunt, novitatum tenaces appellare debeam, alij judicent. Ego illos pariter antiquitatis, non novitatis studiosos nihilominùs suppono, nec enim causæ meæ præsidium in referenda criminationis vice positum scio, et aliàs in oppositæ opinionis assertionem illos idèò confirmatos puto, quòd satis vetustè, quantum ipsis videtur, traditionis se vindices esse arbitrentur; adèut de antiquitate excipienda, deque novitate vitanda inter nos fermè conveniat, utram verò opinionem inficiat novitas, confirmet antiquitas, tantummodò discrepemus.

V. Quod quidem incolumi licere amicitia patet, eùm, et ipse à me toties, ut suprà retuli, in obscurissimo hoc argumento discrepaverim, adèò non propriæ sententiæ pertinaciter unquàm adhæsi, quam et si al-

teri

teri nunc præferam, olim postposui, nullumque non movi lapidem, ut quæ faverent adversæ opinioni colligerem, in præsentî Dissertatione minimè dissimulanda, cùm non omnem prorsus aditum ad illius probabilitatem obstruere propterea præsumam, et siquando commentitiâ, aut fictitiâ ejus hypothesim appello, id vel præservidæ disputationis expressiõni dandum, vel non sine addito *probabilis*, aut *probabilioris* enunciationis temperamento, ut vis argumentorum feret, intelligendum volo, ne mihi id arrogare videar, quod contrariæ sententiæ assertores jactare solent, tam indubiam, et exploratam scilicet rem esse, ut ne hiscere quidem in oppositum liceat: Nimirum evidentix notas probè agnoscimus, hasque in re historica passim desiderari fatemur: Quòd superest, gravibus saltem momentis, quæ prudentem assensum alliciant, Dissertationes nostras superstruere contenti sumus. Utinam vacuo præjudicijs animo legi mereantur, quod unum remorari posse legentium suffragia sensit hac in re Vir Eruditissimus D. Bernardus de Montfaucon è Congregatione S. Mauri Monachus, accuratissima S. Athanasij græco-latina editione, Diario Italico, Eusebij Cæsariensis in psalmos Commentarijs, alijsque Operibus clarus, cui, dum Pisas divertisset, hanc ipsam Dissertationem examinandam committere placuit: Is verò nonnisi postquàm Bononiam pervenit, eas expendendæ copiam adeptus, integram tandem remisit, additis humanissimis litteris suis, quas opportunè hic per excessum adducere, ad fidem rei conciliandam, consultius existimavi.

VI. *Vix*

VI. Vix demùm tantillum otij nactus sum, Vir Eruditissime, ut et voto meo, et expectationi tue facerem satis: Datriben illam tuam de Visione S. Romualdi, quam tu commentitiam probas, perlegi, et in tuam abij sententiam, æstimoque omnes, siquidem præjudicatam quamlibet opinionem ponere velint, tibi calculum addituros. Opusculum remitto tibi, Vir Amicissime. Inscriptiones Pisani Vaporarij accepi, maximamque de munusculo habeo gratiam. Siquid mea facultatis erit, in quo tibi operam commodem, ea uti ne gravere. Salutem plurimam dico D. Petro Benedicto, nec non D. Equiti (Lucæ) Albitio, cujus consortio, et urbanitate non pro libito frui licuit per moras Pisanas, quia illis diebus nauseabam stomacho. Vale Vir Amicissime, et de Republica Litteraria benemereri perge. Bononiæ nonis Aprilis 1701.

Fr. B. de Montfaucon

VII. Moneo tamen [nam hoc insuper iis, à quibus dissentio largiri placet] illam solam à me Romualdi Visionem Scalæ hic in dubiū vocari, quæ Camalduli contigisse dicitur, quæque et Ordinis institutioni præluxisse, et habitus mutationi ansam dedisse supponitur; Non enim absolutè inficior Scalam à Romualdo alibi visam, sive in Gallia, sive in Sitria, ut ex Bucellino infra cap. 8. nu. 3. animadverto. De hac ego nihil pronuncio, ipsam amplexentur, circumferant, deosculentur: nihil moror, extra argumentum Dissertationis hujus est, nostræque considerationi subducere illam maluimus, quàm longiorem contentionis funem ad ejusmodi Scalam exporrigere.

B

CA-

CAPUT II.

Expositæ Visionis, et Mutationis habitus traditioni mirandum Petri Damiani de utraque silentium opponitur.

SYNOPSIS.

Historia examinanda brevis expositio. n. 1. Recentiorum de re antiquissima testimonium vetustis monumentis inniti debet. 2. Petrus Damiani Camaldulensem Ereum à Romualdo adificatam referens, nihil de Visione, ac mutatione habitus innuit. 3. Licet fusè de Romualdi Instituto, deque ejus, et Discipulorum habitu nonnihil locutus sit. 4. Multa à Damiano omiſſa, sed non idè illa ipsa à nobis dirimenda, evincitur Evangelico exemplo. 5. Scitu necessaria novitijs in disciplina Romualdi instituendis se non omittere testatur Damianus. 6. Album Monachorum habitum ex illius Christi imitatione, non ex Visione Romualdi deducit Damianus. 7. In S. Vincentij cenobio inter Romualdi Discipulos ejus vitam scripsit, fortasse et in Camaldulensi Eremito conversatus est S. Doctor. 8. Candidus habitus etiam Avellanitis in usu fuit. 9. Quod ex picturis confirmatur. 10. Fortunius, et Minius Romualdi Animam in Visione Scelæ ante Deum delatam asserunt. 11. Quàm incredibile, Damianum de Anima delatione loquentem, de Scala eodem actu visa siluisse! 12. Obiectio de connexionem
barum

*harum Visionum gratis fortasse conficta . 13. Ostenditur
ejus, et ipsius Scalę Visionis, ac mutationis habitus par
ratio. 14.*

I. **S**Ed jam rem ipsam aggrediamur. Vulgata Visionis hujus traditio, quam Historici examinis censurę subijcere, atque à commentitijs adiunctis repurgare intendimus, ejusmodi ferè describitur. Romualdus, inquiunt, circa annum Domini 1012. (aut fortè seriùs, iuxtà ea, quę in Dissertatione II. de Ætate S. P. Romualdi cap. 6. expendimus) in agro Aretino ad Campum Malduli confidens, dum longo itinere fatigatus quiesceret, scalam mirę pulcritudinis, Cælum quasi suo vertice tangentem [qualem, juxtà quosdam, ante, juxtà alios, postmodum Maldulus Patritius Aretinus Loci dominus Romualdo obviam factus, narravit sibi post venationis laborem dormienti apparuisse] per visum sibi exhibitam, ad instar Jacob Patriarchę videre meruit, per quam albescentium Monachorum videbatur ascendere multitudo: Quo cælesti mysterio Vir Dei collustratus, de mutando, eatenus, juxtà Cluniacensium Monachorum morem, nigro in candidum Monastico, et Eremitico schemmate deliberavit, atque albis deinceps vestibus Camaldulenses abs se tum institutos incedere jussit. Sic nobis hanc historiam describunt Fortunius, Rastius, Minius, qui res gestas Camaldulensium illustrarunt, atque exteri plurimi, haustis ab eodem fonte notitijs, de novitiorum origine scripturientes. Nunc propolite narra-

tionis fundamenta , rem aliùs repetentes , expendamus.

II. Certum est, novos scriptores, de antiqua re ab aliquot sæculis præterita [quales sunt quotquot hanc visionem, et habitus mutationem Romualdo tribuunt] testimonium ferentes, nisi antiquioribus documentis nitantur, et seclusa peculiari revelatione, qualis hic minimè præsumitur, apud cordatos, solidæque veritatis amantes viros, sibi fidem promereri non posse; Quis enim hoc in dubium vertere audeat, nisi planè stuppeus sit, dignusque, cui ab omni fabulatorum re publica insigniter imponatur? Nisi hisce cancellis se contineat Historia, qualem seræ posteritatis fidem exiget, qualem impetrabit? Si Camaldulense quoque cingulum in Romualdi manus cælitus delapsum inclamet historicus quispiam, et pro sui sæculi simplicitate, rudiorumque ejus temporis hominum credulitate, fidem obtineat, an erit hoc erudito sæculo qui suam quoque sagacitatem hoc commento falli permittat? an non fundamenta Romualdi sæculo, si non coëva, ut minimùm proxima sedulus expendet, quæ nisi inaudito miraculo fidem concilient, ad somnia, et fabulas novæ narrationis audaciam meritò relegabit? *Quod à recentiori auctore, de rebus antiquis, sine alicujus vetustioris auctoritate profertur, contemnitur*, inquit Illustrissimus Ecclesiasticæ historiæ Parens Baronius tom. 1. Annalium num. 12. Superest ergo, ut præmissæ pariter Scilicet Visionis, mutatique coloris argumenta Romualdi sæculo proximiora recolamus, ac discutiamus, quibus
fidem

fidem propositæ narrationi debitam metiamur.

III: Et quidem foret, ordine temporis, à Thedaldo Aretino Episcopo exordiendum, ex artis verò præceptis, à B. Rodulpho quarto Camaldulensi Priore, ad quem dum provocant Visionis, et Mutationis hujusmodi assertores, essent illicò, et sufficientissimè contrario illius suffragio convincendi; Sed potior mihi ratio est B. Petri Cardinalis Damiani, qui cùm S. P. Romualdi vitam, tertio dumtaxat post ejus obitum lustro, idest juxta communem sententiam anno 1042., juxta nostram anno 1052. nec exiguo volumine, nec indiligenter complexus sit, debuerat ipse, siquis alius, rem adeò celebrem, hodieque inter ejus gesta præcipuam, quæ sola fermè nemini ignota in ore omnium, cætera licet S. Viri aëta ignorantium, passim versatur, monumentis committere; Verùm is sub initium capituli 47. Camaldulensis Eremitæ edificacionem commemorans, tam levi, tenuique opera illam à Romualdo factam innuit, ut vel hinc facillimè edoceri possimus, rem non adeò momentosam, et singulari notatione dignam Damiano visam fuisse, ut inde totius Ordinis Institutio, et certa specialis indumenti lex pendere supponenda sit, quod nimis oscitanter posteri crediderūt. En ipsa Damiani verba, siquem Visionis, Mutationis, Institutionis odorem alicui reddere videantur. *Alio quoque tempore, inquit, dum in quadam Eremita valdè speciosa, et egregia, cui nomen est Camaldulensis, quam ipse edificaverat, in cella resideret, magnam aliquam sagum quæ propè cellam ejus astabat, incindi præcepit, &c.* Hic totus inau-

rati

rati cælitus Ordinis, totus prætensæ Visionis, totus mutati recens coloris nucleus absconditur. Itane verò quod in magno Patriarcha præcipuum est, primasque ab historico sollicitudinis partes exigere debuerat, nempe novi Ordinis Institutio, et nova candidati habitus formæ præscriptio, tam negligenter ab eruditissimo, et Romualdi gloriæ amantissimo Scriptore dissimulari poterat, ut ne digito quidem tanta mysteria nobis in-
nueret, contentus præcipitis fagi aliorum à cella projectæ miraculum, quasi summam, præcipuamque in Camaldulensi Eremo Romualdi gestorum gloriam enarrare?

IV. Qui secum prudens perpenderit, quàm minuto calculo Egregius hic Doctor, post relata apud D. Michaelis in Aquitania Romualdini Instituti vera primordia, præfixum semel, ac variè postmodum immutatum juniorum canonem, certamque Eremiticæ disciplinæ Regulam, tot cælestibus documentis instructâ capitibus 5. 6. 8. 9. fusè descripserit, præsertim ab illis verbis: *Hanc nimirum vivendi regulam cunctis sectatoribus singularis vitæ præfigens, &c.* facile in eam sententiam descendet (iam Dissert. I. à nobis traditam, et fusè probatam) quæ docet, aliam prorsus non fuisse Ordinis Institutionem, quàm hanc à Damiano descriptam, et siquæ alia, præsertim de colore habitus, à Romualdo decreta fuissent, ab eodem cum cæteris S. Viri institutis recensenda fuisse; præsertim cùm Romualdi, et Discipulorum habitum ante, et post Camalduli ædificationem, non semel describenti (cap. 26. de Discipulis

pulis in Pereo: *Quis non immutationem divinae dexterae prædicaret, cum vidisset prius homines sericis, inde deauratis vestibus indutos &c. nunc eos cerneret, uno birro contentos, inclusos, discalceatos, incultos! et cap. 27. de S. Bonifacio: videns eum Rex squalidis vestimentis indutum, &c. et cap. 65. de Romualdo à Theutonicis aulæ Imperatoris Henrici, devotionis ergò, fermè depilato: Villos quoque pelliceæ vestis, qua erat indutus, anxie decerpentes pro sacris reliquijs in Patriam portaturi studiosè recondunt*) occasio non defuerit singularem candidæ cucullæ originem ex Scallæ cælestis Visione, siquæ extitisset, derivandi.

V. Reponi quidem posset, non omnia, quæ ad Romualdi res gestas pertinent, à Petro Damiani scripta esse; quod ipsemet in præmio fatetur, testatus se pauca dumtaxat delibare, quæ ad legentium ædificationem conducere, *non historiam texens, sed quoddam quasi breve commonitorium faciens*. At neque continuò coniectari licet, quæcunque à recentissimis scriptoribus de Romualdo suggeri possunt, eadem ex iis ipsis esse, quæ Petrus adnotare neglexerit, nisi majoris, proximiorisque auctoritatis calculus narrationi accedat; Aliàs, ut candidus cucullus è Cœlo delapsus (quemadmodum è nostris Aurelius Antonellus faceret scripsit) ita et cingulum cælitus in Romualdi manus demissum, de quo num. 2. diximus, eodem prætextu veras inter historias poterit adoptari. Similiter si fabulis quibuscunque id pallij concedimus, quot fabulose narrationes, purgato Pontificum, Ecclesiasticorumque Scriptorum iudicio inter apocryphas relegatæ, iteratò in lucem spera-

sperabunt emergere, sincerisque Christi Domini gestis accenseri, quas Evangelistarum silentio refellere integrum iam non erit, obstante ultimi capitis Joannis testimonio, quòd *multa quidem, et alia signa fecit Jesus in conspectu discipulorum suorum, quæ non sunt scripta in libro hoc?* itaque negari quidem non potest, permulta Romualdo cœlitus ostensa fuisse, Damiano nostro vel incognita, vel neglecta, uti sanè catholicus quisque fatebitur, ex præmisso Joannis testimonio, plurima Christi Domini miracula ab Evangelistis prætermissa; at speciatim divinari velle, quænam hæc sint, certumque aliquod facinus, à cœvis Scriptoribus minimè traditum, et unde nescitur acceptum, pro æqualis fidei, et auctoritatis Historia velle divendere, ingenisque piaculum ducere vel menti obversantem ea de re dubitationem, quis prudens, aut cordatus Vir approbare præsumat?

VI. Accedit, quòd Petrus Damiani aliis etiam in operibus suis, extra Vitæ Historiam, de Romualdo sparsim loquens, ut tom. 1. lib. 6. ep. 26., et tom. 3. opusc. 15. cap. 16. et 19. ubi loci præsertim Eremiticas consuetudines, ex Romualdi institutione, fusè prosequitur, occasionem habuit, mutatum, ob Scalæ Visionem, habitum commemorandi. Sanè ibi sollicitum sese fatetur, ne quid celet novitios eorum, quæ ipsos maximè agnoscere conveniret, unde Romualdinæ psalmodiæ disciplinam, et ordinem narraturus, his verbis præfatur: *Psalterium, quod est virvorum, cum illis dicitur additamentis, quæ B. Romualdus apponit, quæ etiam nos non*
gra-

gravemur inferere, ne nos conqueratur fortè novitius, quæ sibi magnoperè noscenda sunt, praverisse: decussis planè quinque psalmis &c. An non etiam certa habitus forma, et præstitutus indicio cœlesti color ea inter, quæ novitiis magnoperè noscenda erant, computari merebatur? Quidni igitur et id debuisset inferere?

VII. Verùm occurrent, tàm Damianum id negotij in se non suscepisse, ut de habitu tractaret. Esto: discutiamus igitur alterum locum, in quo de habitu in primis expressè tractat, et quidem de albo Eremitarum, Monachorumque habitu. Tom. 1. lib. 6. ep. 14. Mainardum Abbatem monens, ne album Monachorū amictum, utpotè vilem, despectui haberet, sic loquitur: Nam et sub ipso salutifera passionis articulo Herodes cum ALBA veste induit, eumque mox ad Pilatum sub hac irrisione dimisit; et cum Apostolus dicat: exeamus ad eum extra castra, improperium ejus portantes; improperium Christi portare nolle convincitur, qui discipulis (nempe coloris omnis expertibus) indui vestibus arrogantia tumidus dedignatur; à se denique mortui pro nobis Salvatoris abiicit improperium, quisquis in mortificationis ordine constitutus ALBUM, vel ignobile quodlibet despiciat indumentum; ac demùm Epistolam sic claudit: Gloriosus igitur deputa veste ALBA cum Christo humiliter contegi, quàm cum superbo, et purpurato divite flammis ultricibus irrecuperabiliter sepeliri. Hic sane locus postulare videbatur omninò, ut cœlo probatum ex Romualdi Visione album colorem ostenderet, ejusdemque S. Patris exemplum, veteri nigro cucullo candidam substituentis, adduceret; quod cum non fe-

cerit, manifestum est, rem hanc, quæ si vera fuisset, vulgatissima esse debuerat, Damianum prorsus latuisse; Quod de Scriptore diligenter Romualdi gesta investigante, atque inter Romualdi alumnos semper vivente, mutatumque illum habitum, non in angulis clam retentum, sed palam exhibitum coram se conspiciente, quis poterit vel leviter persuadere?

VIII. Nisi fortè quis diceret, mutationem hujusmodi in monastica veste recens factam, et, ut putatur, eatenus insolitam, idèd latuisse Damianum, quod recepta non fuerit extra Camaldulensem Ereum in ijs locis, in quibus S. Doctor conversabatur, licèt ab ejusdem Romualdi Disciplina pendentibus, Sittie videlicet, Avellanæ, et præsertim S. Vincentii, ubi Romualdi vitam ab eo scriptam fuisse patet ex initio capituli 57. ibi: *Alius frater Gaudentius nomine, Abbatis videlicet HUIUS MONASTERII S. Vincentii Pater &c.* At hoc quàm vanum sit, ex eo patet, quod Damianus cap. 47. Ereum Camaldulensem valde speciosam, et egregiam testatus, sufficienter innuit, illam ab se aliquando visam; et certè tom. 1. lib. 2. ep. 15. à Martino Eremita Camaldulensi, *magne*, inquit, *opinionis, ac celebri samq; Viro*, Arnaldi Aretini Episcopi casum sibi narratum testatur, et lib. 6: ep. 20. ait: *Dominus planè Martinus, qui in Camaldulensi Eremita COMMORATUR, Vir videlicet diversis virtutibus adornatus, et præcipuè jugibus lacrymarum fluxu, irriguus, mihi retulit quod narro:* Neque probabile est, Martinum hunc ad Damianum in Umbriam peregrinè profectum contra illius solitudinis morem,

morem, et consuetudinem aliorum privatorum Eremitarum, de quibus memoriæ prodidit B. Rodolphus, vix pedem è cella quandoque transtulisse, ab Eremo autem in dissita loca vagari, religioni prorsus sibi duxisse: sed potius dicendum est, Damianum ipsum, quem scimus varia subinde loca, officij necessitate compulsum, mutasse, et in Thusciam non semel venisse, ut constat præsertim ex ep. 30. ejusdem libri 6. et ep. 11. lib. 8. Tanti Viri in Camaldulensi Eremo *commorantis* colloquio, et conversatione usum in ipsa Eremitio Camalduli, ubi totam Romualdi Visionem [quam hodie dum nulli non peregrino, Religionis causa, ed adventanti, boni Patres recantant] causamque mutati habitus discere debuerat.

IX. Adde, quòd si ex ea Visione albus Camaldulensium habitus ortum duxisset, ex eadem origo requè albi Avellanitarum habitus deducenda foret, ut reipsa deducunt contrariæ sententiæ fautores, arbitrati, omnes, ante Romualdi Visionem, Benedictinos Monachos nigra tunica passim usos, et hanc solam candido inter Monachos cucullo occasionem primùm dedisse. Tot igitur Damianus habebat recentis hujus Romualdintæ scæ mysterij testes, quot sibi in oculum Monachi occurrebant, quos albis tunicis passim usos pater, tum ex Petro Ricordato in Historia monastica, tum ex Paulo Morigia in Historia Religionum, cujus verba inferiùs adducam, tum ex Silvestro Maurolico in Oceano Religionum, tum ex Constantino Caietano lib. de Monachatu S. Gregorii Papæ, Ascanio Tamburino de

Jure Abbatum, Ludovico Jacobillo de SS. Umbræ, aliisque passim Auctoribus, potissimum verò ex Chronista Benedictino, qui (teste Abbate Cajetano) anno 1480. vixit, et pag. 37. Prolegomenon ante opera B. Petri Damiani refertur in editione Romana, qui de Monachis Avellanæ ait: *et vestiuntur albo, et cuculla alba;* item ex Chronica, seu Legenda antiqua MS. in Episcopatu Faventino, ut refert Abbas Andreas Vallemannius in Notis mss. ubi habetur: *Abbas Avellanæ induit Petrum Damianum cuculla alba;* nec non ex verbis ejusdem Damiani in epistola ad Mainardum Abbatem supra relatis num 7. atque ex ejusdem epistola. 10. lib. 3. ubi de Visione S. Baruntii legitur: *Omnes enim de Eremito fratres mihi visibiliter assisterunt, ALBIS* nimirum, *ac resplendentibus stolis induti, et velut in choro psallentes micantium vestium CANDORE* conspicui; pariterque ex alia Visione B. Leonis Avellanitæ, de quo Joannes, Auctor vitæ Petri Damiani, ejusdemque Discipulus, tradit in somnis vidisse *magnum in Ecclesia chorum consistentium fratrum: qui nempe præclaris CANDIDIS Vestibus luculenter induti &c.* uti etiam Joannes Antonius Flaminus, æquè ac noster Fortunius, nec non Hieronymus Rubeus enarrant, voce dumtaxat *albis* loco *candidis* substituta.

X. Quod et confirmant veteres Picturæ, tum B. Albertini Prioris, qui inibi in suo sepulcro candidum etiamnum monasticum schemma illibatum conservat, tum ipsiusmet B. Petri Damiani, tametsi nescio quo cæruleo pallio in quadam veteri effigie (per P. Laderchium

chium, ut audio, nunc Romam translata) circumdatus exprimatur, ob inductam posteriorum temporum consuetudinem, ut Monachi Avellanitę cęruleum pallium candidę veteri tunicę superinducerent, ut refert Paulus Morigia in Historia Religionum cap. 58. ubi postquăm dixerat: *Il loro vestire era tonaca bianca, scapolario, cocolla, e capuccio bianco*, infrà addit: *Erano venuti a tanto disordine, che non facevano più professione, onde in luogo di tonaca portavano una vesticiuola fino al ginocchio lunga, et in luogo di cappuccio portavano una berretta bianca da quattro cantoni, et in vece di cocolla, portavano un ferraiuolo azzurro &c.* Quemadmodum et Eremitę S. Joannis Cajetani apud Pisas, licet Camaldulensibus copulati sub Joanne II. Generali [ut ex Historiis Camald. par. 1. lib. 2. cap. 46. patet] nigro pallio super albas tunicas utebantur, quo in habitu S. Romualdum in vetustissima tabula expressum eo loci vidimus.

XI. Verum hæc leviora fortasse iudicabuntur, quàm ut tam prolixam considerationem exigent: illud omnem superat fidem, omnem admirationem excedit, quòd ipsam Visionis Scalę substantiam dissimulare potuerit Damianus, quando insignem ejus circumstantiam, seu potius Visionis ejusdem partem, reliquo mysterio indivulsè coherentem, ex Fortunij sententia, Damianus ipse satis luculenter exposuit. Contendit nempe Fortunius part. 1. lib. 1. cap. 25. tunc Romualdum Scalę Visione donatum, quando ejus anima delata est ante Deum candida velut nix, ut narrat Damianus in vita S. Patris cap. 51. adèd ut uno, eodem-

demque actu utrumque contigerit: *Raptusque in spiritu, verba sunt Fortunij loco citato, vidit in somnis, instar Jacob Patriarchę, Scalam stantem super terram sublimem, in Cælum usque suo vertice pertingentem: per quam divino splendore rutilante fulgentium, atque albescentium ascendebat, descendebatque Monachorum multitudo, inter quos Anima Romualdi delata est ante Deum; Mox S. Patris extasi ad vivum descripta, stupentibusque procul discipulis ad illum adductis, qui de mysterio rogantes, Scalę Visionem, et mutandi habitus decretum à S. Viro intellexerunt, sic prosequitur: noluit tamen Vir Sanctus, quomodo ante Deum delatus fuisset, præ humilitate, eisdem detegere retexit tamen postea in Eremita Sitræ à Discipulis itidem interrogatus, cuius ætatis anima Christiana cernitur, vel in qua figura ad iudicium presentatur? sic in tertia persona respondens: Scio, inquit, hominem in Christo, cuius anima delata est ante Deum splendida velut nix: humana quidem effigie, et statura perfectæ ætatis. Inquisitur autem, quis is esset, dicere noluit, licet Discipuli ad eum indignantem, ut veraciter erat, rem retulerint; ut B. Petrus Damianus memorie prodit cap. 51. Idem planè affirmat, imò ex Fortunio italicè redditam hanc utriusque Visionis coniunctionem refert, Thomas Minius in sua Historia Camaldulensi MS. in Bibliotheca Angelorum Florentiæ lib. 2. cap. 2.*

XII. Quod si igitur uno, eodemque intuitu Romualdus, et animam suam nivis instar candidam divino conspectui oblatam, et alios albescentes Monachos per Scalam ascendentes [sive ampliùs, ut de suo
penu

penu hoc etiam Fortunius addidit, *descenderet*] conspexit: cur Damianus primam circumstantiam, peculiari capite ad hoc destinato, exprimere curavit, reliquum verò Visionis illius mysterium, majoris licet momenti, et institutioni suæ Congregationis, habitusque innovationi precludens, indeque majori animadversione celebrandum, tam profundo silentio involvit? An non manca, mutila, et imperfecta narratio illa censenda est, imò imprudenter, atque oscitanter suscepta, quæ facti alicujus velut fimbrias expandens, interim corpus ipsum, caputque dissimulat?

XIII. Scio, contra excepturos, id unum hinc probari, Visionem illam animæ ante Deum delatæ fuisse à Fortunio cum Scalæ Visione paullo inconsideratiùs coniunctam, quippe si eadem apparitio utramque simul exhibuisset, ut de prima, sic de secunda mentionem Damianus iniicere verosimiliùs debuerat, vel utramque potiùs silentio pariter involvere, id enim aliquam oblivionis excusationem suscipere poterat. Quod si utraque diversis actibus, locis, temporibus, Romualdo oblata fuisse asseratur [nam in ipsa Eremitæ Sitrix illam contigisse planior, magisque naturalis Damiani textus intelligentia suadere videtur, hanc autem, nempe Scalæ Visionem jam in Campo Malduli præcessisse contendunt] nihil incommodi est, si unius, non alterius omninò disparatæ Damianus meminerit.

XIV. At facile est, tum Scalæ ostensæ, habitusque mutati traditionem, tum ejus connexionem cum vera Visionis animæ ante Deum delatæ, quam Fortunius

exco-

excogitavit, in pari causa collocare, atque ad idem
 judicium exigere, ostendendo, ut non minori confi-
 dentia utramque Fortunius asseruit, sic non maiori
 fundamento alterutram niti. Persuasione communi,
 Recentiorum testimonio, Picturarum vetustate primâ
 stabiliunt; iisdem fermè secunda pariter fulciri potest:
 non desunt Picturæ satis antiquæ (aliquando pro vetu-
 tissimis et ipsæ habendæ) quæ Romualdo dormienti
 et Scalam visam, et Animam simul angelico ministe-
 rio ante Deum delatam expriment: non desunt Au-
 ctiores Fortunio in hac Visionum connexionе consen-
 tientes, tamque persuasum est, utramque eodem tem-
 pore, loco, et actu Romualdo obiectam, ut Scalæ ip-
 sius Visionem ex Camaldulo in Sitriam nonnulli tran-
 stulerint, quò propiùs animæ ante Deum delatæ ap-
 paritionem comitaretur; Sic Ferrarius de SS. Italix,
 sic Gabriel Bucellinus in Menologio, sic alij fortasse
 Scriptores, Scalam in Sitriensi Eremitio Romualdo vi-
 sam testantur. Aut igitur, utriusque mordicè
 tuendæ studio, Damiani auctoritas ut-
 cunque eludenda, aut utraque
 pariter, ob incredibile
 Damiani silentium,
 verosimiliùs re-
 pudianda.

In Tedaldi, Rodulphi, Martini, Gherardi, Bonaventuræ, alijsque vetustis monumentis prætenſa Viſionis Romualdi, et mutationis habitus Traditio fruſtra quæritur.

SYNOPSIS.

Toties à recentioribus inculcata Scala Viſio, habitusque mutatio, potiori jure ab antiquis tradenda. nu. 1. Argumenti noſtri à Sacris Traditionibus diſcrimen. 2. Sacræ etiam Traditiones ex Patrum vetuſtis monumentis haurienda. 3. Tedaldi Aretini Episcopi encomium. 4. Ejus Privilegium ædificationem Eremitæ concernens, Viſionis, ac Mutationis prætenſa non meminit. 5. B. Rodulphus Prior Viſionem Romualdi monumentis conſignaſſe creditur, ſed de Maldulo dumtaxat loquitur. 6. Ejus verba è conſtitutionibus anni 1080. id evincunt. 7. Item è conſtitutionibus anni 1085. alijsque locis, nec de Romualdi Viſione, nec de mutatione habitus conſcium fuiſſe Rodulphum oſtenditur. 8. Textus ex ejus rubrica de veſtibus hanc rem concernens. 9. Idem patet ex variis locis Conſtitutionum B. Martini III. Generalis. 10. Gherardus II. paria cum B. Rodulpho ſcribit, et cadaveræ Eremitarum ſuper Scalam ponenda monet exemplo Scale Maldulo oſtenſa, non Romualdo 11. Ex alijs locis conſtitutionum Gherardi ignota illi fuiſſe convincitur

D

veſti-

versum coloris mutatio 12. *Ex Constitutionibus Bonaventuræ, variis Capitulis, Altis, Privilegijs prætenſa traditio refertur*. 13. *Quàm inanis ad monumenta, quæ jam non extent, recursus*. 14.

I Q Uicunque, post vulgatum Scalæ Visionis Romualdo tributæ Myſterium, descriptionem Sacræ Camaldulensis Eremitæ, ejusque ædificationem litteris consignarunt, omnes profectò Visionem hanc commemorare, atque (postquàm mutationis habitus auctarium accessit) rejecta statim ab Romualdo, ejusque Discipulis, nigra indumenta, ac cum candidis commutata studiosè referre non omiserunt, ut eorum omnium, qui de his recentissimè scripserunt, cõmentariola expendentibus est manifestum; Quod cum nunc temporis, etiam postquàm res vulgatissima, ac receptissima neminem latere potest, atque adeò repeti toties, et in acta referri non indiget, accuratè observent, quis non videat, idipsum, tanquam rem novam, et inusitatam, ac minimè passim tunc cognitam, multò potiori jure Veteres pariter Scriptores notare debuisse, primos præsertim, qui tum Eremitæ ædificationem, tum descriptionem monumentis tradere aggressi sunt, ut posterì ipsorum erudirentur, cui, et quàm illustri initio candidus Monachorum habitus, Cœlo præmonstrante, ac probante, deberetur, atque uti, non sine numine divum, tam vetusta [ut supponitur] nigre tunicæ consuetudo antiquata fuerit, non quidem paulatim, ut tantæ metamorphosè oculi sensim assuecerent,

cerent, sed statim, atque uno ictu, ut omnium oculos repentino spectaculo ad se raperet, contra veterem, ac receptum ubique morem, tot sanctissimorum Virorum usu consecratum, inducta mutatio: præsertim cum nec Religiosis ipsis, contrario colori assuetis persuaderi, nec adversus dicta sæcularium præmuniri posset hæc innovati habitus disciplina, nisi idonea ejus causa designaretur, qua scrupulus omnis eximi, cunctorumque admiratio sedari valeret: Neque verò aliter ad recentiores hujus rei cognitio poterat illibata, et sincera transmitti, quàm si primorum Scriptorum monumentis expressa ad eos perveniret, cum nimis incerta, ac lubrica sit, et mille varietatibus, fallacisque obnoxia traditio, quæ labili hominum memoriæ, ac fidei concredita, sola voce, et vagis famæ rumoribus traducta, longo tempore propagatur.

II. Monitos tamen hoc loco Lectores meos, imò rogatos velim, ne sententiæ nostræ detractoribus aures accomodent, qui hisce principijs et divinarum Traditionum vim, hæreticorum more, posse enervari clamant, ut conflata apud imperitum vulgus invidia, omnem argumentorum, quæ iisdem principijs superstruuntur vim derideant, efficaciam declinent. Primò enim, nemo non videt, quàm dispar sit nostri propositi, et Traditionum causa, quas ipsa Divinæ Scripturæ auctoritas toties commendat, Psal. 77., 1. Cor. 11., 2. Thessal. 2., 1. Timoth. 6., 2. Timoth. 2., Joann. ep. 2. &c., ut apud Theologos videre licet, ideòque nostris nugis altius positæ sunt, quàm ut illas deceat

cum his comparare. Secundò, ut advertit Illustrissimus Canariensium Episcopus Melchior Cano de locis Theologicis lib. 3. cap. 7. non perinde ac in humanis rebus, ita in Traditionibus, formandę, ac regendę Ecclesię Dei necessariis, verendum est, ne sine scripto illas collabi, ac corrumpi contingeret, nam et Apostolicis pręceptis ad sanę doctrinę depositum custodiendum summa cura, et vigilantia, fideles adigebantur, nec specialis Dei Providentia deesse poterat, ut illibata apud Ecclesiam suam Traditiones asservarentur; quę Providentia si defuisset, ipsęmet Scripturę Sacrę [quemadmodum tot alij veterum Philosophorum, et Mathematicorum codices] deperdi tam longo temporis tractu, vel à nefarijs hominibus corrumpi potuissent: adeòut, si nulla sit Divinę Providentię habenda ratio, æquę Scriptura, ac Traditio ijsdem heterodoxorum cavillationibus pateat, si verò habenda sit, nihil adversus utramlibet eorum argumenta concludant. Non putarim autem, similem specialem Providentiam in causa nostra à quopiam posse prętendi.

III. Sed tertio respondeo, quòd licet in divinis Scripturis expressa non sint, tamen in scriptis Patrum refulcent illa omnia Catholicę Ecclesię Instituta, quę Traditionum nomine comprehenduntur, nec sine idoneis antiquitatis monumentis reciperentur: alioquin quot aniles vulgi fabulę, quot populares persuasiones specioso Traditionum vocabulo nobis imponerent? Quamobrem Martinus Papa I. in Lateranensi Concilio illud Victoris Carthaginensis dictum rectę approbavit, quo

quo hortabatur, *nihil* permittere dici noviter à quopiam, quod Sanctorum Patrum Traditio minime definivit: Hinc Clerus Constantinopolitanus epist. ad Concil. Ephesin. ait: *Toti in hoc sumus, ut Sanctorum Patrum traditionem servemus*; et Athanasius epist. ad Serapionem inquit: *Ego secundum Apostolicam à Patribus acceptam fidem ista tradidi, nihil prorsus aliunde adjiciens*; Idemque epist. ad Aphros testatur, Nicenos Patres adversus Arium pugnas à Patribus petentes testimonia: *Quorum etiam negativis auctoritatibus licere prophanas novitates refellere, patet ex Gregorio Nazianzeno dicente lib. 2. de Theol. Nobis satis est, quod nemo ex his, qui divino numine afflati sunt, ex Patribus illis, et Magistris nostris, hanc sententiam hactenus vel pronunciarvit, vel pronunciatam approbavit.*

IV. Ut igitur ad rem revertamur, si Traditionum sacrarum cum argumento nostro comparisonem aliquam instituere liceat, et nos pariter, quam in Vita S. P. Romualdi, et alijs B. Petri Damiani primarij ejus historici operibus, frustra quæsimus, Scalæ Visionem, et habitus Mutationem, in veterum saltem Patrum nostrorum scriptis monumentis exquiramus oportet, ut, novis recentiorum auctorum adinventio-nibus prætermis-sis, quæ in hoc proposito vera sit Ordinis nostri Traditio, innotescat. Initium verò ducemus à Tedaldo Aretino Episcopo, Bonifacij Marchionis Etruriæ fratre, Comitissæ Mathildis Patruo, nec sanguinis dumtaxat origine, sed virtutibus Apostolico Præfule dignis nobilissimo, præsertim Ecclesiasticæ Discipli-

discipline zelo, Simoniacæ pestis odio, atque incomparabili continentia, quam sanitatis, vitæque ipsius discrimini anteponebat, vel flammis circa lectum accensis asseruit, ne Pellicem, Medicorum consilio ab amicis inductam, admitteret: dignus qui mox sospitati, repentino prodigio, restitui mereretur, ut narrat Domnizo Præbiter in vita Mathildis eodem sæculo scripta lib. 1. cap. 6. Qui sanè gravissimus, et integerrimus Præsul, dum se Romualdi ipsius Discipulum fatetur, atque Camaldulensis Eremitæ ædificationi interfuisse testatur, amplissimo privilegio, ubi et situm Eremitæ, et cellarum dispositionem, et universæ constructionis ordinem exponit, profectò debuerat vel digito saltem innuere Scellæ Romualdi Visionem, atque habitus immutationem tum subsecutam, cum maximè locus exposceret, atque occasio exigere videretur, de utraque ut mentionem iniiceret: de utraque tamen ne mussitat quidem, ut patet ejus verba consideranti, quæ jam ex authographo Camaldulensis Archivi armario. 1. nu. 36. excrypta, et apud Historicum Camaldulensem par. 1. lib. 1. cap. 40. dudum edita, subijcere non gravabor.

V. In nomine Sanctæ, et Individuæ Trinitatis. Theodaldus Sancti Donati Vicarius. Si servis Dei, eisque maximè, qui divinæ contemplationi insistant, de bonis Ecclesiæ vitæ necessaria conferimus, Sanctorum Patrum Statuta proculdubio servamus. Dignum quippe est, ut his, qui intra Sanctam Ecclesiam mentes suas in celestibus defixas habent, Rectores Ecclesiarum temporalia commoda subministrent. Quapropter omnium fidelium Christianorum hoc dilectio noverit, quod nos ob
amorem

amorem pie memoria SPIRITALIS PATRIS NOSTRI
 DOMNI ROMUALDI Clarissimi Eremita, communi con-
 silio, et consensu Fratrum Clericorum nostrorum, donamus, et,
 concedimus pro remedio animæ nostræ, omniumque successorum
 nostrorum Episcoporum, Domino Petro Venerabili Eremita ad-
 usum, et sumptum confratrum eremiticam vitam sub eo ducen-
 tium, suisque Successoribus Eremitis, quamdam Ecclesiam in
 medijs alpibus, jura Episcopii S. Donati, quam nos ROGA-
 TU PRÆFATI DOMNI ROMUALDI EREMITÆ
 consecravimus sub honore, et nomine D. N. Jesu Christi San-
 cti Salvatoris, consistentem in territorio Aretino ad radices
 alpium dividendum Thusciam, et Romaniam, in loco, qui
 dicitur CAMPO MALDULI per sua loca designata. Pri-
 mo igitur latere præcurrit rivus, qui vocatur niger, cui è con-
 tra obviat quidam alius rivus, qui dicitur de Tellito, ambo
 pariter emergentes in rivum cujusdam fluminis. De secundo
 latere est via descendens à summis jugis alpium. De tertio la-
 tere sunt feri montes apud intonsa juga alpium. De quarto la-
 tere sunt sicbeta prorumpentia in præsatum rivum nigrum. In-
 tra præfixos igitur terminos enitet ille locus, qui dicitur CAM-
 PO MALDULI: Campus speciosus, et amabilis: septem
 purissimi fontes, et amena vireta. Hunc igitur locum DOM-
 NUS ROMUALDUS PIUS EREMITARUM PA-
 TER delegit, et providit aptissimum contemplativa vitæ
 Deo servientium. Constructaque inibi Basilica Sancti Salva-
 toris, quinque cellulas cum suis Tabernaculis ibidem distinxit,
 atque ab invicem separavit. Sed et singulis cellulis singulos
 deputavit fratres Eremitas, qui secularibus curis, et sollici-
 tudine remoti soli divinæ contemplationi insistant. Quibus etiā
 Petrum

Petrum Venerabilem Eremitam, tamquam fidelem ministrum, et præceptorem dedit. Cui nos quoque cum nostris posteris successoribus, ut cum denominato **SANCTO VIRO ROMUALDO** scilicet, partem in æterna vita habeamus, donamus largimur prætaxatum locum secundum prefixos terminos ad usum, et sumptum fratrum Eremitarum, pro tempore ibidem Deo famulantium &c. Datum anno MXXVII. anno Pontificatus Domni Theodaldi V. Mense Augusto, Indictione X.

VI. Ad Rodulphum quartum Camaldulensem Priorem defleamus, cujus narratio, tum Petri Damiani, tum Theodaldi silentio longè gravior est, ac potentior ad prætensæ Romualdi Visionis, et Mutationis habitus assertores confutandos: hi enim Rodulphum ipsum à se stare putant, suæque sententiæ Testem, ac Vadem producant, eos, qui hanc tuentur, Rodolpho consentire, qui respuunt, vel in dubium revocant, Rodulphi auctoritatem spernere, et impugnare arbitrantur. Sic Fortunius post Visionem Romualdi, et habitus mutationem descriptam, ad finem capitis 28. lib. 1. *Beatum Rodulphum in suis monumentis cum de Visione Scala, tum de ædificatione Sacra Eremitæ pertractare asserit.* Sic Lucas Eremita post narratam Romualdi Visionem, et Eremitæ Camaldulensis ædificationem lib. 1. cap. 8. Hist. Romuald. demum concludit: *Porro hæc est vera Camaldulensis Eremitæ fundatio prima, quam ex dictis Beati Rodulphi, qui quartus ab ipso Romualdo Prioris auctoritatem ibidem obtinuit, quique primus omnium res Camalduli descripsit, veraciter exaravimus; cujus venerabilis Viri auctoritas utique modernioribus postponenda videri non debet, Sed quod antiquior, eo veracior*

racior habenda est. Sic alius, quem hoc loco nominare, ob Viri spectatissimi venerationem, prætermitto, post Visionem eandem Romualdo attributam, concludit: Torrò insigne hoc mysterium, quod Genethliaci loco nascenti Eremo affulsit, à Rodulpho Sanctissimo Romualdi Successore traditur, et adeò firmo ab omnibus colitur obsequio, ut ingens piaculum sit illud in questionem vocare. Quare, ubi constiterit et Rodulphum ipsum nihil tale tradidisse, nisi, quod ille de Maldulo refert, ad Romualdum nimis oscitanter transferatur, patebit profectò, Visionis hujus, ac mutationis traditionem totam huic fundamento superstructam nutare, atque in suasmets ruinas corruiere.

· VII. Ecce Rodulphi verba in Constitutionibus anni 1080. cap. 9. et 10. *Beatus Romualdus, postposita mundana nobilitatis excellentia, cum se ad Monasterialem transtulisset disciplinam, et pastorale magisterium suscepisset, tandem ad solitariam transiit militiam, et eremitica conversationis plura construxit loca, inter quæ Camaldulensem quoque Eremitæ mirabiliter edificavit; Nam cum pervenisset ad partes Aretini territorij, locum idoneum huic proposito cupiens irvenire, occurrit ei quidam Vir nomine Maldulus, dicens se Campum habere amenum in alpihus positum, ubi cum aliquando dormiret, instar Jacob Patriarchæ, Scalam vidit excelsam, celum quasi suo vertice tangentem, per quam splendentium, atque albescentium videbatur ascendere multitudo: Quo audito Vir Dei, tamquam divino illustratus oraculo, mox campum petijt, locum vidit, cellas ibidem construxit, et allocutus Presulem Aretinum, suffragium hujus operis quasitum impetravit; In*

E

eodem

eodem loco etiam prodigia quædam ostensa sunt, quæ longum esset evolvere, præsertim cum propositum nobis sit, non enumerare prodigia, sed solitaria vitæ institutionem recensere. Hætenus Rodolphus, Visionem Scalæ Maldulo foli, ut perspicuum est, tribuens, licet qui semiclausis, et huc illuc festinanter vagantibus oculis ista perlegeret, posset verba, ubi cum aliquando dormiret, &c. ad Romualdum referre, non attendens sequentia, Quo audito Vir Dei, &c., ubi patet, quæcunque præcedebant, Maldulum Romualdo narrasse, ut sibi (Maldulo inquam) evenerant, non verò quasi Romualdo contingerint, ab ipso Rodolpho referri. Itane igitur à Rodolpho Scalæ Romualdi mysterium, tam firmo ab omnibus colendum obsequio traditur, ut ingens piaculum sit, illud in questionem vocare?

VIII. Sed et in alijs Constitutionibus anni 1085. recenset idem Rodolphus Camaldulensis Eremitæ ædificationem his verbis: *Notificamus itaque vobis, Fratres charissimi, quod prædicta Camaldulensis Eremita à S. P. Romualdo Eremita, Sancto suggerente spiritu, precatu Reverendissimi Theodaldi Aretini Episcopi ædificata est cum quadam Basilica, quam prædictus Episcopus in honorem S. Salvatoris consecravit millesimo vigesimo septimo anno ab ejusdem Incarnatione. Ædificatis ergo ibi quinque cellis, religiosos Fratres ordinavit in eis: idest Petrus, et Petrus, Benedictus, et Grissus, et Thebenzo. Ex his unum, idest Dominum Petrum, qui dicebatur Dagninus, prudentem, et Religiosum Virum. præposuit alijs quatuor Fratribus, et regulam jejunandi, atque silendi, et in cellis permanendi eis tribuit. His ita peractis,*
quen-

quemdam inferiorem locum, qui dicitur Fonsbomas, reperit, ibique unam domum construxit, unum Monachum cum tribus Conuersis ibi ordinauit, pro aduentantium hospitium receptione, et dulcissima responsione, atque charitativa refectioe, et ut Eremita semper secretior, atque à seculari strepitu fuisset remota, velut miles loricator in bello positus, qui contra jacula clypeum praeferat, et sicut tabernaculum, quod sago velabatur, et altare propter varias necessitates. Tunc praefato Petro, quem Priorem constituerat, quamdam Ecclesiam in praedicto hospitio Fontebono construere praecepit, quam ipse Petrus postea, Domino adiuuante, deuotè construxit, et assumpto scripto Antistite, consecrare eam fecit. Quid multa? ad postremum verò B. Romualdus admonuit eos omnes diligenter, et osculatus est illos lacrymabiliter, ad Vallemque de Castro profectus est &c. ubi manifestum est, Rodolphum nihil de hac Romualdi Visione commemorare, quemadmodum nec de habitus mutatione pretenso, siue hic, siue ibi, siue uspiam alibi mentionem ingerit, quæ tamen facienda mentio videbatur, dum Eremitæ edificationem, Discipulorumque ibi positorum, et nomina, et sanctitatem, et propagationem recensuit; Vel saltem in vestium qualitate determinanda, nempe in primis Constitutionibus cap. 29. sub rubrica *De vestibus* nullo pacto dissimulanda erat Romualdi Visio, siquæ fuisset, atque inducta, ejus auctoritate, coloris mutatio; Aut saltem ille ipse color, qui recens usurpari exeperat, fuerat determinandus, ne, juxta aliorum Benedictinorum pretenfam consuetudinem, nigri coloris tunicas sibi permissas Eremitæ putarent, aliove colore promiscuè utendi liberam

facultatem sibi indultam arbitrarentur ; Quid autem de vestibus loco citato Rodolphus determinare contentus fuit ? En integra laudati vicesiminoni Capitis verba.

IX. *Vestimenta* verò ante festum B. Martini taliter præparentur, ut in ipsa quadragesima necessaria quies non impediatur ; quæ talia sint, ut nec nimia vilitas, nec mundana venustas in eis possit adverti ; quia nec affectata, nimiaque sordes, nec exquisita delicia placent ; nam primum hypocrisim, secundum redolet vanitatem ; Sicut qui mollibus vestiuntur in domibus regum sunt, non Monachorum, ita qui sordibus utuntur in adibus hypocritarum sunt, non eremitarum ; vilitate siquidem, et extremitate debemus esse contenti, non squallore deformes, Vervicina igitur pelles, vaccini subtalares, cappæ, tunicae, aliæque vestes, quales in his provinciis commodius inveniuntur, debent preparari. De numero, et quantitate vestium id observetur, quod cenobialis habet consuetudo. Ciliciorum indumenta omnibus offerri solent, qui uti voluerint, quia in his non necessitas imponitur, sed personarum consideratur possibilitas ; pleraque nimirum sunt, quæ non equaliter omnibus fiunt, quia non aequales sunt vires omnium ; nam qui ex delicatioribus veniunt moribus, non indignum est, si tenerius inde tractentur in plerisque, quia nonnumquam qui minus agunt in corpore, plus operantur intentione, et sæpe fit, ut oblatio, quæ parva videtur censu, aestimetur affectu ; unde Vidua, quæ duo minuta tantum, inter magna donaria divitum, obtulit, testimonio Salvatoris, ceteris commendabilior habebatur. Hæc ibi Rodolphus.

X. Nunc autem, servato antiquitatis ordine, ad
alia

alia monumenta excutienda promoveamur, ex quibus constabit, adhuc per plura sæcula Visionem Scalæ soli Maldulo, non Romualdo tributam, et huic adnexam habitus mutationem equè ignotam, et inauditam mansisse; Nam B. Martinus III. Generalis Prior cùm anno 1253. Ordinis nostri consuetudines tribus libris complecteretur, neque Visionis, neque mutationis huiusmodi memoriam iniecit, etsi lib. 3. cap. 1. *De vestimentis, et calciamentis, et cincturis Monachorum, et Conversorum* tractet, ubi scapularia pellicea (nescio an semper necessariò alba, colorem quippe hic nullum præscribit, uti nec Rodolphus loco supra laudato vervecinarum pellium, quarum meminit, colorem ullum determinat) aliasque vestes ex pelle permittit; item cap. 2., quod est *De qualitate vestimentorum*, prohibet quidem alias vestes, nisi albas, et clausas, quemadmodum et cap. sequen. *De vestimentis Clericorum Conversorum*, præcipit, Sacerdotes, qui cum Monachis in conventu, et Ecclesia vivunt, alba, et clausa indumenta deferre; nullam tamen rationem hujus determinationis adducit, nec ex ullo mysterio, quale recentiores finxerunt, id coloris retinendum suadet; sed et cap. 4. *De flamineis pannis* inscripto, permittit in locis calidis scapularia dedalica cum parvo filo nigro, et cap. 8. *De habitu Monialium* loquens, velamina quidem semper nigra præscribit, de aliarum autem vestium colore, altum silentium.

XI. Sub annum 1278. die 13. Octobris alias Constitutiones edidit Gherardus II. ex Monacho Classensi
Gene-

Generalis Prior, qui capitibus 26., et 27. Malduli quidam Visionem ipsissimis Rodulphi verbis supra allegatis describit; Romualdum verò adeò celestis hujus mysterij participem non supponit, ut lib. 2. cap. 5. sub rubrica, *De Officio Mortuorum*, agens de Cadaveribus Eremitarum apud Fontembonum decedentium, ad Eremitum tamen, sepulturæ gratia, transferendis, et ibi super *Scalam* reclinandis, id ex allusione ad *Scalam Maldulo* (non Romualdo) *ostensam* fieri doceat, his verbis: *Et cum fuerit iuxta portam Eremiti delatum, ponatur in SCALA; quod fit EXEMPLO MALDULI Viri Sanctissimi, qui in Visione, ubi nunc est Ecclesia Eremiti, vidit excelsam Scalam cœlos tangentem, per quam splendentium, et albescentium videbatur ascendere multitudo; Ubi quis neget, debuisse potius dici Exemplo Romualdi id fieri, si ei pariter, ac Maldulo, Visio hujusmodi communis fuisset? certè Paulus Justinianus, cujus tempore hæc Visio Romualdo tribui cæperat, in Regula Vitæ Eremiticæ anno 1520. edita, cap. 32. monet Defunctorum corpora supra consuetam Scalam reponenda esse, ob memoriam ejus, quæ B. Romualdo (non jam Maldulo) apparuit; ergo si Romualdo eidem Visionem hanc aliquando exhibitam credidisset Gherardus, utique ob Romualdinæ Scalæ mysterium, non ob Malduli visionem, consuetudinis illius servandæ necessitatem et ipse commendasset.*

XII. Adde, quòd anno insequenti 1279. in Constitutionibus Monachorum apud Soci editis, cùm capitibus 8. et 21. *De vestimentis Monachorum, et de habitus honestate* non perfunctoriè tractaret, sicut et anno 1290.

in

in alijs paritèr Constitutionibus *Si item ad majus*, sermo-
nem habens *de albis capellis* ferendis (pellibus nempe)
de quibus tum Rodolphus, tum Martinus loquuntur
locis citatis, tum novissimè Paulus Justinianus in Re-
gula Eremitica cap. 54. dicens: *In antiquis insuper con-*
stitutionibus scriptam est, quòd, si voluerint, pelles super hu-
meros deferre possunt; quòd tamen hoc tempore minùs fieri con-
suevit: Sed si quis antiquas illas sequi voluerit constitutiones;
intelligat se pelles, nequaquam infra, aut subtus alia vesti-
menta deferre posse, sed super humeros tantùm in modum me-
lotis supra alia vestimenta, exteriùs habere) nullam, ex
occasione Visionis Romualdi, mutationem habitus in-
ductam, vel minimo indicio prodit, nullo vel levis
coniecturæ vestigio manifestat.

XIII. Sed neque in quinto Constitutionum libro
Bonaventuræ de Fano Generalis, quem anno 1323.
prioribus superaddidit; neque in tot Capitulorum Ge-
neralium decretis, etiam *vestimentorum usum* concernen-
tibus; neque in copiosissimis Actis in causa Subiectio-
nis Monasterij Pratagliæ ergà Priorem Camaldulensem,
et Libertatis Eremiti contra Episcopum Aretinum, anno
1183. et 1216. repetitis, in quibus multæ depositio-
nes Testium ædificationis Eremiti traditionem confir-
mant, ac *vestium albarum*, quas Guglielmus Abbas à
suis Monachis ferendas pollicebatur, consuetudinem
ubique intra Ordinem receptam ostendunt; neque in
Monachorum Vallecassensium, necnon Agnaniensium
desectionibus à Generali Camaldulensi, causa coloris
habitus, excitatis, neque in Apostolicis Decretis huc
spectan-

ſpectantibus, à Fortunio Hiit. Camald. parte 2. lib. 3. cap. 25. et lib. 2. cap. 4. recensitis; neque alibi omninò quidpiam occurrit, quod habitus mutationem; Romualdi auctoritate, eoque minùs obiectè ipsi per viſum Scalæ occasione, inductam oleat, ut propterea ignotam toti antiquitati fuiſſe, tam Viſionem, quàm mutationem prætenſam [quantùm ex omnibus vetuſtis monumentis colligere datur, et quidem ex ijs ipsis, ex quibus dumtaxat eruendam utramque ſperare poterat Recentiores] fateri omninò cogamur.

XIV. Antequàm tamen capitis hujus argumentum dimittam, juvat lepidum ſatis referre colloquium; quod olim inter me, et Amiciſſimum Virum, eruditione, ac pietate conſpicuum, interceſſit. De controverſa Romualdi Viſione loquebamur: Ego ipſius Traditionem non admodùm vetuſtam eſſe contendebam; ille communi Auctorum noſtrorum aſſertione, velut oraculo quodam fretus, ejus fidem, velut indubiam, amplificabat. Rogabam, unde illi notitiam hujus facti haurire potuerint? Ex B. Rodulpho, inquit, is enim primus omnium res ad Camalduli foundationem ſpectantes monumentis tradidiſſe dicitur. At hoc ipſum, repoſui, cauſam horum Scriptorum vel maximè labeſactat, in Rodulphi enim ſcriptis nil tale uſpiam legitur: de Maldulo ſcilicet narrat, Scalam illi albescen-
tium Monachorum cælitùs oſtenſam; noſtrorum quiſpiam, per ſummam oſcitantiam, totam rei ſeriem ad Romualdum tranſtulit, ob majorem S Patris celebri-
tatem, et Sanctitatis notiſſimæ opinionem, quæ vero-
ſimi.

similius reddebat, narratam à Rodulpho Visionem, de Romualdo potius, quàm de Maldulo intelligendam; id semel, tam sine examine, quàm non sine plausu, exceptum, pluribus ineditum Rodulphi codicem non legentibus, ansam dedit, Romualdinam Visionem, pro Maldulea, substituendi, mox, animadversis Rodulphi scriptis, utramque pariter, alteram scilicet Malduli veram, alteram Romualdi gratis confictam, invicem copulandi. Tum ille in iram exarsit, et proh Deum, atque hominum fidem! inquit, itane demum imponenda tot, tantisque Viris, aut de illis credenda tam supina æquivocatio? Cùmque ego nullam, præ facti ipsius apertissima veritate, præsumptionis cujuslibet rationem habendam esse, respondi, atque adhuc B. Rodulphi scripta apud Camaldulum legi posse, in quibus non Romualdi, sed solius Malduli Visio deprehenditur, affirmassem: Quid homini acutissimo in mentem venisse putatis? Esto, inquit, in his, quæ superfuerunt, Rodulphi scriptis nil tale occurrat, alia fortasse ejusdem scripta, sinistro quodam fato, exciderint, in quibus Romualdi Visio, cum subsequenti mutatione habitus, consignabatur. Hæc ille: tam altas nempe in ejus mente radices communis egerat præoccupatio, tam intimè ejus animum imbuerat, ut potius ad Rodulphi libros, qui jam non extent, provocandum esse censeret, quàm ut de vulgari opinione vel minimum dubitaret; quum tamen notissimum sit, non alia per B. Rodolphum opuscula relicta esse, nec alia ab ipsismet Visionis Romualdi asseroribus citari, aut re-

E

censeri,

ceulæi, quàm quæ adhuc integra in Camaldulensi Archivio supersunt, et ex quibus textus num. 7. 8. et 9. superius adductos ad verbum exscripsimus; in ijs verò, quæ nemini nota sunt, et nuspiam existunt, neque Visionem, ac mutationem prætersam legere ipsi potuerint. Et verò præclare actum esset cum re historica, si ad antiquiorum Scriptorum volumina, quæ perierint, recusum haberi posset, ac quidlibet pro arbitrio fictum eorum auctoritate propenere, ac tueri æquum esset!



C A P U T IV.

Vetera Picturarum, et Scriptorum monumenta, ab anno 1365. ad 1500. de eodem argumento occurrentia, expenduntur.

SYNOPSIS.

In Capitulo Angelorum Florentiæ vetustum quoddam Scæle à Romualdo visa vestigium, sed mutationi habitus nullatenus favens. n. 1. De Picturis librorum Chori Angelorum idem obtinet, quibus alia S. Michaelis Picturæ adjungitur, sed Malduli potius, quàm Romualdi Visionem exprimens. 2. Pictorum licentia veterum Scriptorum fidei non præiudicat. 3. Symbolis ad historias exprimendas Pictores utuntur. ibidem. Mysticè, non propriè intelligendæ complures apparitiones

tiones ab illis depictæ. ibid. Interiori inspiratione B. Michael ad Coronam Domini instituendam adductus ex Fortunii, et Leonis X. testimonio 4. Pictura tamen illum, quasi à Domino sibi apparente Coronam reciperet, symbolice exprimunt. 5. Romualdus Psalterij, et Prophetarum Canticorum Interpres, quasi à Davide, et Prophetis sibi apparentibus edoctus, depingitur. 6. Scala coram Romualdo picta non ejus Visionem, sed Montis Camalduli symbolum, aut divinæ inspirationis, qua S. P. ad Camalduli adificationem motus fuerat, signum quoddam exprimere potuit. 7. Nihil prodesse Picturarum antiquitatem, si à tempore gestæ rei plurimum distent. 8. Hieronymi Pragensis de Scale Visionem relatio. 9. Æquivoca relativi applicatione posset à nonnullis de Romualdo exponi. 10. Ejus verba ritè intellecta Maldulo soli Visionem tribuere. 11. Petrus Delphinus Visionem, et Mutationem controversam ignorasse videtur. 12. Bernardinus Gadolus Romualdum scribit determinasse candidi habitus delationem, cum alijs de causis, tum ob Visionem Maldulo ostensam. 13. Pauli Orlandini epigramma Romualdi Scalam non exprimit. 14. Aliorum de his rebus silentium notatum. 15.

I. **P**ost medium quartidecimi sæculi, hoc est tribus sæculis cum dimidio post assertæ Visionis D. Romualdi tempus elapsis, primum ejus aliquod vestigium invenire licet, non tamen historici alicujus calamo, sed pennicillo Pictoris expressum in Ven. Capitulo Monasterij Angelorum Florentiæ ad Sacellum S. Romualdi ab Joanne Ghibertio [quantum vetustissimæ

aureæ litteræ Iconi subiectæ indicant] anno 1365. constructum: ibi enim in parvis rectangulis, ab inferiori parte Iconem coronantibus, nonnulla S. P. gesta exprimuntur, nempe S. Apollinaris, altare thurificantis, Visio Romualdo adhuc sæculari, cum Classensi converso oranti, exhibita; B. Marini virgam gerentis in Romualdum disciplina; Dzmonum in eundem S. Patrem orantem incurfio; ac denique Scalę ad Cælum ex porrectę apparitio cum Monachis eam ascendere conantibus, et Romualdo seorsim jacente, quasi illi dormitanti ea species obiecta fuerit; Quamquàm observandum est, tum in hujus Visionis actu Romualdum jam alba cuculla indutum exprimi, tum verò et in alijs gestis Visionem hanc præcedentibus, et ibidem expressis, tam ipsum, quàm Marinum, et Classensem Monachū, et D. Benedictum in omnibus prorsus picturis, cū illius, tum superioris, aut inferioris ætatis usque ad Fortunij tempora, in candido Monastico Schemmate representari: evidenti indicio, mutationem habitus huic Visioni nondum adnexam fuisse, nam dumtaxat post editionem historiarum Fortunij usus invaluit (nec tamen apud omnes invaluit) ut Romualdum in gestis Visionem præcedentibus, ac potissimū in ipso Visionis actu, nigra cuculla indutum pictores referant, quæ candidi habitus origo hinc primū manaverit.

II. Siquibus igitur placuerit, non quidem habitus mutationem, quę certè posterius excogitata est, sed saltem Visionem Scalę Romualdo accomodatam tueri, hac omnium antiquissima effigie, quasi sacro quodam
Palla-

Palladio, se muniant oportet; Cui addere poterunt altero ferme sæculo recentiores picturas minio eleganter expressas in libris choralibus, tota Europa celeberrimis, ejusdem Angelici Monasterij, in quibus pariter Romualdus [albis tamen semper indutus] ante Scalam, per quam candidi Monachi ascendunt, dormiens exprimitur: hæc enim monumenta (quibus nulla in oppositæ opinionis favorem antiquiora inveniri queunt) ultrò in medium adducere volui, tum ut pro mea sinceritate nihil penitus dissimularem, tum ut quæ residua sit adversæ traditionis probabilitas, ejus defensorum nonnullis hæc fortasse ignorantibus, candidè indicarem. Imò huc trahere facile possent paris vetustatis picturam in magna Icone post majorem Aram S. Michaelis in Burgo Pisarum existente, quam Dissert. I. cap. 6. nu. 6. citavi, ubi pariter hæc Visio Scalæ exprimitur; quamquàm si hæc attentius consideretur, Malduli potius, quàm Romualdi Visionem exhibeat, quatenus Scala ibi expressa non directè è regione Romualdi respondet, sed alteri cuidam religioso Viro ante oculos posita visitur: Enimverò duo ibi dormientes exprimuntur; alter in Scalæ conspectu sedens, capite in cubitum reclinato placidæ indulgens quieti, sed absque cuculla, solo Corporum habitu amictus, auriculari pileolo caput obtectus, nulliusque diadematis Sanctorum proprii insignis præferens; alter è diverso post ipsam Scalam, cui terga obvertit, humi distentus obdormiens, consueta monastica cuculla indutus, antiquioris, magisque venerandi Senis aspectum exhibens, et aureo circa tempora

pora circulo laureatus, binis huic superincumbentibus Angelis, Eremitæ Camaldulensis Stemma ostendantibus. Primus igitur, cui Scala Monachorum ascendentium ostenditur, non Romualdus, sed Maldulus esse debet, quem Pictor per anticipationem religioso conversorum colobio circumdedit, tamen post ipsam dumtaxat Visionem, et colloquium cum Romualdo habitum, ejus disciplinæ Maldulus se subiecit, et claustrî Fontisboni servitio se addixit, mox in *Virum Sanctissimum* (ut loquitur Gherardus Generalis supra : elatus cap. 3. nu. 11.) mutatus. Secundus verò certissimè ipse est S. Pater Romualdus, cui idè Camaldulensis Eremitæ Stemma cælitus oblatum exprimitur, ut intelligamus S. Patrem, ex Visione Malduli, ad Sacri loci ædificationem incitatum, Cælo ipso ejus consilium per Stemmatis exhibitionem probante.

III. Atque hinc patet quid his, alijsve picturis, ad artificum arbitrium, juxta compositas rerum ideas, plerumque confictis, sit deferendum, quidve ex ijs ad historicam factorum veritatem illustrandam possimus exsculpere. Ego sanè non magis Pictorum, quàm Poetarum phantasys moveor adversus Scriptorum ab omni figmenti suspitione immunium auctoritatem, quandoquidem ex Venusini Vatis sententia in Arte poetica

Pictoribus, atque Poetis

Quidlibet audendi semper fuit aqua potestas.

et quidem jure suo id faciunt utrique, quod suæ artis præceptis consonum est, ac plerumque vix aliter sensus suos ad vivum exprimere possunt, quàm siquid ab
ima-

imaginatione sua mutuentur, quod historię additum illam illustret, si modò (ut par est) figuratè non propriè accipiatur, ut in pictura nuper explicata, delatio Stemmatis Camaldulensis angelicis manibus supra Romualdum dormientem expressa, non speciem corpoream Angelorum, Insigne illud columbarum, et calicis, è Cœlo deferentium, reipsa intervenisse significat, sed, interiorem dumtaxat illustrationem supra explicatam; Neque aliter pictores exprimere consueverunt, sanctitate celebres viros interna inspiratione motos, ut certè orandi formulam, certum devotionis symbolum fidelibus proponerent, nisi B. Virginem pingendo, quæ D. Dominico ex. gr. Rosarium, B. Simoni Stochio Carmeliticum Scapulare, S. Ignatio libellum Exercitiorum Spiritualium porrigeret; siquis verò corpoream, externamque Deiparæ apparitionem in his omnibus propterea intercessisse contendat, rem quidem possibilem affirmabit, sed cujus veritatis idonea documenta extra has picturas querenda sunt, cum Pictoris scopus non fuerit, ut quandoquidem interiorem mentis illustrationem pingere, ac per suasmet proprias species repræsentare non poterat, illi exprimendæ Visionem externam substituit, hæc ipsa ejus phantasia in historiam transiret: utinam verò non sæpe transiret!

IV. Domesticco exemplo rem illustremus. Si vitam B. Michaelis Florentini Eremitæ Camaldulensis, quam primus omnium Fortunius exhibuit Hist. Camal. lib. 3. cap. 14. 15. 16., & 17. consulamus, nulla ibidem D. N. Jesu Christi, coronam B. Michaeli tradentis, Visio
 poste-

posterorum memoriz consignata legi poterit, sed Institutio ejusdem Coronæ Dominicæ cap. 14. his verbis dumtaxat descripta occurret: *Super omnia septem petitiones, quæ in Dominica Oratione continentur, assidua commendatione relegere delectabatur, multaque de quotidiano pane esurientis animæ in vera novitate spiritus à Deo jugi oratione à mortalibus expetendo, semper majora cogitabat, unde divino monitus oraculo, quomodo Christi fideles id munus frequentiori studio consequi possent, si Dominicam coronam, ad exemplum coronæ B. Mariæ Virginis, manibus attrectarent, rem cum Majori Patre communicavit, eique Coronam hujusmodi, tornatis orbiculis à se consecratam, obtulit, quam cum ille, assipulante Congregatione, ad Leonem Pont. Max. qui Florentiæ agebat, detulisset, garvisus magnus Sacerdos novo hujusmodi munusculo, illud apostolica auctoritate confirmavit. Ipse Leo X. Pontifex in sua bulla, qua precatoriam illam formulam approbavit, primisque indulgentijs auxit, institutionem ejusmodi coronæ sic factam describit: Nuper nobis fide digna relatione innotuit, quod cuidam Seniori Eremitæ intra unius cellæ angustias jam quindecim annos in Sacra Camaldulensi Eremita in magna vitæ austeritate recluso commoranti, Domino, ut credere pium est, inspirante, à quo omnis resecta procedit cogitatio, in mentem venit, quod in honorem Salvatoris, et Domini Nostri Jesu Christi, fideliumque devotionem cedere posset, si quemadmodum ex antiquissima, valdeque communi institutione Christi fidelium in honorem Beatissimæ Mariæ Virginis, secundum numerum annorum, quos vixisse in hoc mundo creditur, sexagintatres Angelicas Salutationes, septem interpositis Dominicis Orationibus devotè dicere*

cere solent, quod orationis genus Coronam Virginis appellant; ita in honorem D. N. I. C. pro commemoratione annorum, quibus ipse in terris versatus est, ex trigintatribus Dominicis orationibus, quinque interpositis Angelicis Salutationibus, quasi Dominicam Coronam dicere assuescant &c. Dat. Florentia sub annulo Piscatoris 18. Februarij 1516. Pontif. anno 3. Patet utique, tam ex verbis Historici, quàm ipsius Pontificis, nullam realem Visionem, sed internam dumtaxat inspirationem in hac Dominicæ Coronæ Institutione B. Michaeli illuxisse.

V. Interim tamen, et in privatis picturis, et in publicis Aris ejus nomini dedicatis Romæ, Faventia, Pisauri, Senis, Pisis, atque alibi, B. Michael exprimitur, quasi à Domino Nostro Jesu Christo sibi apparente Coronam Dominicam recipiens; idemque, tum varijs formis ære incisis, tum in diversis metallicis numismatibus in B. Michaelis honorem cufis, passim representatum observari potest, ut vix alio actu Viri Sanctissimi effigies uspiam referri consueverit. Num igitur idcirco ferendi vel Historici, vel Encomiastæ, qui mystica ejusmodi expressione tam generatim recepta abutantur, ac visibili specie Dominum Jesum Christum B. Michaeli reipsa apparuisse contendunt, et ore suo monuisse deprædicent, ne Vitæ, ac Passionis suæ memoriam postponeret, sed Coronam quoque Dominicam, ad imitationem Mariani Serti, institueret?

VI. Aliud addo, quod ipsius Romualdi gesta concernat: In ornatissima Monasterij Angelorum Florentiæ Bibliotheca, jussu Reverendissimi Præsulis Antonij

Francisci Laurentij Caramelli, Doctrina, Integritate, ac Prudentia spectatissimi, qui tùm illustre illud Cænobium administrabat, eidemque Bibliothecæ magnificentius extruendæ, ornandæ, locupletandæ, pro suo in rem litterariam studio, incumbibat, pingenda erat à Petro Dandino Romualdi effigies, Psalterium Davidicum, et nonnulla Prophetarum cantica, ut haberetur ex ejus Vita cap. 50. divino monitu interpretantis. Id elegantissimè Pictor expressit, Sanctissimum Patrem in antro scribentem effingens, sed calamo inter digitos suspenso, ac fronte divino æstro plena adversus Regium Psalterem, aliosque sibi è nube apparentes Prophetas erecta, quasi ab illis dictanda, quæ Codici suo transmitteret, Vir Venerabilis expectaret. Quid si igitur ex hac aliq, et aliz picturæ ad idem exemplar conformarentur, reque in vulgus sparfa, post aliquot sanctorum centurias, hæc persuasio spectatorum mentes invaderet, eademque opinio apud Concionatores, apud Historicos paulatim invalesceret, quod reipsa Romualdo David, Isaias, Jeremias, corporea specie apparuerint, ac Psalterij, et Canticorum interpretationem dictaverint? nonne præter Pictoris mentem, præter ipsius rei Veritatem, novella traditio serperet?

VII. Ita sanè fieri potuit, ut qui primus Romualdum simul cum Scala Camaldulensi depingere aggressus est, nihil aliud in animo habuerit, quàm ut symbolice exprimeret idem quod Pictor Pisanus antiquissimus, de quo num. 2. per delationem Stemmatum Camaldulensis ante Romualdum in eadem tabula, ubi

Scala

Scala coram solo Maldulo pingitur, intellectum voluit; nimirum ædificationem Eremitæ Camaldulensis à Romualdo cælitus inspirato factam: Vt enim *Nealces*, apud Plinium lib. 35. cap. 11. *ingeniosus, et solers in arte habitus est, siquidem cum prælium navale Ægyptiorum, et Persarum pinxisset, quod in Nilo, cujus aqua est mari similis, factum volebat intelligi, argumento declaravit quod arte non poterat, asellum enim in littore bibentem pinxit, et Crocodilum insidiantem ei: ita non abs re potuit Pictor Camaldulensem Montem ab alijs distinguere apposita nota Scalæ illius Maldulo visæ, ut intelligeretur Romualdus in actu ædificationis Eremitæ Camaldulensis exprimi, potius quàm in constructione Sitrix, Aquæ bellæ, Eremitæ ad vivum, aut alterius loci; quo quidem symbolo Scalæ adiecto etiam ipsa solius Camaldulensis Eremitæ effigies varijs formis ære, et ligno incisâ designari passim consuevit; atque ea præsertim mens fuisse videtur celeberrimi Pictoris Sacchii, qui ad insignem tabulam D. Romualdi Romæ S. Patrem inter Discipulos de rebus divinis loquentem depinxit, Scala seorsim expressa, ut intelligeremus Camalduli Romualdum ad quinque Discipulos ibidem collocatos concionantem designari, non actu Scalam videre, quod illi dormitanti contigisse adversarij supponunt. Quod verò ad alios Pictores attinet, qui Scalam ipsam Romualdi oculis velut obiectam pinxerunt, credibile est ad ipsammet divinam inspirationem indicandam, non quidem novo signo Camaldulensis Stemmatidis, angelicis manibus representati, uti voluisse (quemadmodum Pictor Pisanæ tabulæ, de qua*

supra) sed immediatè ipsammet Malduli Scalam, velut idoneum Symbolum, usurpasse: quatenus licet ipsi Romualdo minimè ostensa fuerit corporea illius Scalæ species, qualis Maldulo apparuit, tamen ex ejus relatione sibi à Maldulo facta interiùs commotum se Vir Sanctissimus sensit, ut voluntati Dei acquiesceret, atque ædificationi Eremitæ Camaldulensis manus admoveret, intelligens, Montem hunc illum esse, *in quo beneplacitum erat Deo habitare in eo*; Nam et B. Rodolphus in Constitutionibus supra relatis, post narratum Malduli colloquium, de Romualdo subdit: *Quo audito Vir Dei, tanquam Divino illustratus Oraculo, Campum petijt, locum vidit, cellas ibidem construxit &c.* Atque ita quæ de Romualdo circumferuntur picturæ, Scalam Camaldulensem exprimentes, maxima ex parte veræ sunt, optimaque ratione institutæ, et omninò retinendæ, licet soli Maldulo revera facta esse dicatur Visio, de qua disputamus, non Romualdo.

VIII. Quamquàm non necesse est has coniecturas sectemur, dum trium sæculorum cum dimidio intervallum ita disjungit assertæ Visionis Romualdi tempus à tempore, quo prima, et omnium vetustissima ex his picturis formata est, ut minimū habeat ponderis ad persuadendam hujus mysterij tamdiù occulti, et omnibus hætenus incogniti veritatem; præsertim cum obvia sit deceptionis origo ex nomine Malduli, cui soli Scala illa apparuit, in nomen Romualdi mutato, vel ex prava applicatione verborum Malduli cum Romualdo colloquentis, juxta Rodulphi relationem, ad ipsum.

summet Romualdum, ut superius animadvertimus. Nec magnoperè spectanda nostri temporis respectu picturarum antiquitas, quæ nonnisi vetustatem erroris probare potest, immò quo vetustiore ætate olere dicentur tales effigies, eò ad simpliciora, et rudiora tempora, dictæque æquivocationi magis obnoxia referentur: sed ad Romualdi ævum, quo tam posteriores esse noscuntur, illæ sunt comparandæ, atque animadvertendum est, non majorem, tractu temporis, auctoritatem ijs accessisse, aut olim post mille annos accessuram, quàm primo die, quo compositz sunt, obtinerent; tunc autem tantam dumtaxat de historiz hujus veritate fidem meruisse, quanta deberetur picturæ circa rem à 350. annis præteritam, nullisque monumentis aliunde cognitam, recens effictæ. Cogitemus itaque novam hodie effigiem prodire, quæ B. Bernardo Ptolomæo, aut B. Joanni Columbino, aut B. Petro Gambacurtæ, aut S. Brigitz Viduæ [à quibus sæculo quattodecimo novæ Religiosæ familiæ sunt institutz] visum currum ex. gr. repræsentet, quo sui posteri in Cælum attollerentur: eritne qui propterea inaudito prodigio aurem præbeat, fidem adijciat, licet nullis hæctenus monumentis id innotuerit? Idem planè de hisce imaginibus, ad Romualdi tempora æquo diffita intervallo relatis, judicium esto, quæ licèt nunc antiquissimæ habeantur, quondam de re tunc vetustissima recentes fuerunt, nec subsequenti tempore majorem fidem adeptæ sunt, *Veritati enim nemo præscribere potest*, ut ait Terullianus de velandis Virginibus.

IX. Et

IX. Et profectò, aut mysticè dumtaxat intellectas fuisse oportuit hujusmodi picturas, modo superius expósito, aut nihili habitas, præ veterum Scriptorum testimonio, illarum auctoritatem; siquidem adhuc per 150. ferè annos Visionem Scalæ de solo Maldulo creditam fuisse nihilominus constat, nec nisi anno 1513. pleno orè Romualdo tribui cæptam esse patet, vetera monumenta omnia ejus ætatis iterum excutiendo: in quibus primò Virum Sanctitate conspicuum B. Hieronymum Alberti Pragensem Eremitam Camaldulensem audiamus, qui anno 1429. [ut ex Camaldulensis Archivi monumentis constat] sermonem copiosum de S. Romualdo in ejus festivitate edidit, et mox anno 1433. ad instantiam Carthusianorù Basileensium, apud quos hospitabatur Concilij Theologus, iterum compilavit, et exscripsit, ut liquet ex ultimis verbis Mss. Paderbornensis Codicis, ex quo Sermonem hunc primus typis vulgavit Joannes Bollandus in Actis SS. Februarij pro secunda vita S. P. Romualdi. Ex hujus itaque sermonis cap. 10. nu. 61. verba ipsa controversam Visionem spectantia iuvabit hic in medium afferre; ait ergo: *Veniens itaque Pater Sanctus in Romandiolam, ascendit altissimum Apennini montem, lustrans alpes per circuitum, cupiens invenire pro Eremitis idoneum locum, cui occurrit quidam Vir nomine Maldulus, dicens se habere amenum locum in alpihus, consueto nomine vocatum Campum bellum. Hunc B. Romualdo offerebat, petens instantius, ut nomine ipsius Camaldulum vocaretur, ubi dum lassus quiesceret, vidit, instar Jacob, Scalam excelsum, Cælum quasi suo vertice tangentem, per quam*
albe-

albescentium Monachorum videbatur ascendere multitudo in Caelum. Mox S. Pater, tamquam divino illustratus Oraculo, Ecclesiam miræ pulcritudinis in eodem loco edificavit, quam Theodaldus Aretinus Episcopus in honore Salvatoris consecravisset, in circuitu autem ejusdem Ecclesiæ quinque cellas construxit, et totidem Eremitas ibidem collocavit.

X. Hæc Hieronymus, qui si eredatur, ut primo intuitu videri posset, hanc Visionem de Romualdo narrare, hic primus omnium Scriptorum erit, apud quem hæc traditio litteris consignata notabitur; neque ab omni veri specie abhorreret, Virum aliàs doctum, prudentem, eruditum, coacervandæ in encomium S. Patris materię nimis intentum, non satis animadvertisse, Visionem ejusmodi soli Maldulo per Rodulphum adscribi, eamque Romualdo, non Maldulo (alterutrum enim, non utrumque Hieronymus Scalæ spectatorem facit) haud difficili memoriæ lapsu, vel attentionis ad facti circumstantias, et subiecta defectu, tribuisse, ut in eodem sermone cap. 3. nu. 12. simili æquivocatione deceptus hic Auctor deprehenditur, dum Romualdo adscribit, quod immò de B. Petro Bifurcensi ejus Discipulo narrat Petrus Damianus in vita S. Patris cap. 34. de cella ad imitationem S. Hilarionis quatuor eubitorum dumtaxat sibi permissa, id quod sicut non cogit nos Damiano fidem propterea denegare, qui de Petro Bifurcensi, non de Romualdo tantam extremitatem apertissimè retulit, cùm potior sit, et clarius Scriptoris magis antiqui, quàm junioris auctoritas, ita nec persuadere potest, nos ab expresse Rodulphi, pri-

Eni harum rerum Scriptoris, testimonio recedere, qui Maldulo manifestè, non Romualdo Scalam visam commemorat; eadem quippe est facti utriusque paritas, et conditio.

XI. Verùm ut ab hac nota Hieronymus ipse liberetur, observandum est, revera Visionem Scalę prædictę etiam ab hoc Scriptore non ad Romualdum, sed Maldulum referri, ut ipsa verba paulò attentius relegenti constare potest; licet enim tantillùm ambiguus sensus esse videatur in clausula: *Ubi dum lassus quiesceret &c.* an Romualdum, cui campus oblatus erat, an Maldulum offerentem respiciat; nihilominus, dum abest rectus casus Romualdum indicans, cui clausula hæc regenda committatur, solus autem Maldulus in recto præcedit, *dicens se campum habere amanum &c. quem B. Romualdo offerebat, petens instantius, ut nomine ipsius Camaldulum vocaretur*, quis dubitet, verba immediatè succedentia, *ubi dum lassus quiesceret &c.* ad eundem referri? Profectò longè planior, commodiorque sensus Hieronymi est, si de Maldulo hic continuatim loqui intelligatur, tantùmque ad Romualdum redire, cum subdit. *Mox S. Pater tamquam divino illustratus oraculo, &c.* coherenter ad textum Rodulphi superiùs sæpe citatũ, *Quo audito Vir Dei, tamquam divino illustratus oraculo, &c.* Undè apertissimum videtur, necdum temporibus Hieronymi Pragensis somniasse aliquem, Scalam ab Romualdo visam, sed aliquantò posteriùs, et quidem fortasse ex ejus verbis faciliùs, quàm ex Constitutionibus Rodulphi, utpotè equivocationi magis obnoxia occa-

occa-

occasionem sumptam fuisse, Apparitionis hujus Romualdo, tamquam celebrioris nominis Viro, et majoribus Sanctimonie titulis apud omnes Clarissimo, potiusquam Maldulo adscribendę, et inter nostros primum, deinde et apud externos evulgandę.

XII. Neque tamen id generatim omnibus probatum, exceptumve statim invenio, sed seculo dumtaxat sequente; nam cum anno 1487. Petrus Delphinus Generalis à Priore Angelorum Florentię Guidone rogatus esset, ut ipso permittente sibi liceret, ac sui Monasterij Monachis habitus formam tantisper immutare, statim reposuit Vir Gravissimus, et moris antiqui tenax lib. 1. ep. 71. hanc sententiam minimę sibi probari, atque in eo se habitu vivere malle, quem omnes retrō Patres nostri gestaverāt, mox subdens in ejus commendationem: *Quam enim nos in presentia cucullam vocamus, licet, majoris, ut scribis, sumptus sit, ut duplicem quisque babeat, et fastidiosum judicio tuo videatur, totiens diu notetque illa indui, exuique oportere: ab omnibus tamen ubique summopere laudari audivi, et Venetijs in primis, ubi præ ceteris noster habitus Camaldulensis, et gravissimus, et honestissimus semper existimatus est: Ubi sanę, si Cœlo probatum colorem hujusmodi, et vestium formam credidisset, verosimile est, non dissimulaturum fuisse, ac Visionem Scalę Romualdo per somnum obiectam hoc vestimenti genus consecrasse, magnificę prædicaturum: longę acrius certę Guidonem hac in re obiurgasset Fortunius noster, qui part. 2. Hist. Camald. lib. 4. cap. 21. hanc ejus cupiditatem temeritatem appellat à Delphino acriter*

H

obiur-

biurgatam, eamque indicium affert Viri in deterio-
rem mutati.

XIII. Sed quid de Bernardino Gadolo dicemus,
Viro sui sæculi longè doctissimo? Hic in libro de Ori-
gine, et successu Camaldulensis Ordinis, licet albi co-
loris, quo passim utimur, causas inquirens, et quam-
vis inter alias, quas coniectando congerit, et hanc pro-
ponat de Scalæ Monachorum albescentium visione;
ipsam nihilominus ad Maldulum dumtaxat refert, non
ad Romualdum, uti oportuerat, si tempore illo Ro-
mualdi æquè, ac Malduli Visio recepta fuisset. Ecce
ejus verba: *Ordo Camaldulensis circa annum Domini 950.*
initium sumpsit à B. Romualdo, qui edificatam Eremitum in
Campo cujusdam Malduli Camaldulensem appellavit, imò
omnes ejus ordinis Monachi Camaldulenses sunt postea appel-
lati. Et cum antea indiscreti coloris vestibus quilibet Mona-
chus uteretur, recensens illud sacræ Scripturæ dictum, omni tem-
pore vestimenta tua sint candida, et alibi, quod Sancti ami-
sti Stolis albis sequuntur Agnum quocumque jersit, et propter
VISIONEM MALDULO OSTENSAM, qua sibi ap-
paruit Scala protendens à terra in Cælum, per quam alborum
multitudo ascendebat, voluit, ut qui eum sequerentur Monachi
deinceps nonnisi albis induerentur vestibus, non mutata tamen
euculla, ceterique monastici habitus forma. Ita quidem Ga-
dolus anno 1496. ut patet ex ejus Nuncupatoria ad
Jacobum Philippum Bergomatem, huic opusculo, quod
in Bibliotheca S. Michaelis Murani MS. servatur, præ-
fixam; ubi constat, neque tunc adhuc receptam, vel
certe à Gadolo contemptam prætensæ Visionis Ro-
mualdi

romualdi traditionem ; Coloris verò habitus non tam mutationem (quasi antea folius nigri usus invaluisse) quàm solam determinationem [cum indiscreti , inquit , coloris vestibus , adeoque etiam , ut plerumque ex nativo lanæ colore citra ullam tincturam occurrebant , albis , quilibet Monachus uteretur] à Romualdo quidem factam supponi primò ex allusione ad duo Scripturæ loca , quæ Gadolus citat : secundò , et quasi accessoriè [quod nunc principale motivum prætendunt] ex Visione illius Scalæ , non tamen Romualdo , sed Maldulo exhibite .

XIV. Sequenti verò sæculo jam ineunte , invenio quidem inter Pauli nostri Orlandini carmina in Bibliotheca Angelorum Mss. titulum Epigrammatis anno 1500. conscripti , qui hanc Scalæ Visionem supponere , ipsique alludere videri potest , sic enim habet : *Ad Sanctum Romualdum Dormientem in Visione sua* ; at in ipso Epigrammate nihil deinde est , quod exprimat sive Visionem scalæ , sive habitus mutationem , adeòut perinde ad alias Romualdi revelationes , atque ad hanc , de qua loquimur , referri queat . Ecce integrum epigramma titulo præscripto subiunctum .

Inclita magnanimùm soboles Romualde Virorum

Surgito , et interitum ne patiare tuum .

Calicæ normè vides furtim præcepta relabi ,

Clara cum pereant Religionis opes ?

Aspira nobis , quibus hic tua Numina cura ,

Jam quoque congestum perforce menis opus .

H 2

Nam

*Nam te per certum vulgamus carmine nomen,
Teque per alternos pergere narro modos.
Gymnasium quodcumque vides celebrare per orbem
Gestimus: placeant munera nostra tibi.*

XV. Porro nullo, nisi domesticos auctores expendere hactenus consultò placuit, ne controversam Visionem, et habitus mutationem, privata dumtaxat nostrorum traditione, exteris incognita, ad nos usque demandatam exciperent adversarij: quamquàm siqua fuit hisce temporibus de Scala S. Romualdi, et innovatione cucullæ persuasio, non video cur tanti Arcani disciplina inter nostros dumtaxat custodienda esset, quandoquidem hoc tempore singulis hospitibus suis, qui religionis causa Sacram Eremum Camaldulensem maxima frequentia invisere solent, hanc, vel fabulam, vel historiam passim inculcant; Neque est, cur potius hac ætate, quàm præcedentibus sæculis, Camaldulensium intersit, rem hanc latiùs evulgari, et constantissimè retineri: Itaque fermè incredibile est, Divum Antoninum, Franciscum Petrarcham, Jacobum Philippum Bergomatem, aliosque, qui de D. Romualdo, deque instituto per ipsum Camaldulensi Ordine non perfunctoriam mentionem suis operibus inseruerunt, prætermittere potuisse, aut voluisse Visionem assertà, atque habitus mutationem prætentam, siquid de utralibet inaudissent, aut eorum diligentiam subterfugisse tam indubiam, qualè adversarij asserunt, traditionè, siquè tunc, vel apud omnes passim, vel saltem apud

no-

nostros, quos illi auctores consulere debuerant, videret.



CAPUT V.

Reliqua ab initio sæculi sextidècimi
usque ad Historiam Fortunij occur-
rentia monumenta examinantur.

SYNOPSIS.

Ut loci, sic temporis intervalla testium fidem immixtuunt. nu.

1. Idque in duplicata distantia ratione, ut monumentis pro-
Scale Romualdina Visione hoc sæculi prodeuntibus centupla-
minor fides, quàm Rodulphi scriptis debeatur. 2. Monu-
menta Camaldulensia anno 1513. edita. 3. Quomodò illa
cum Rodulphi narratione conciliare tentaverint. 4. Nullum
borum monumentorum vestigium Camalduli extat vel Ba-
roncini testimonio. 5. Lapsus videtur monumentorum Au-
thor, mutato Malduli nomine. 6. Alia ejusdem errata. ibidè
Hujus editoris conciliatio cum Rodulphi narratione, tolera-
bilior, quàm Fortunij, et aliorum. 7. Nicolai del Biada
narratio Visionis Scale Romualdi 8. Variorum discrepantia
in circumstantijs hujus narrationis, de falsitate suspecta 9.
Sabellici de Visione Malduli non Romualdi testimonium. 10.
Pauli Justiniani narratio Visioni Romualdi, non mutatione
habitus favens. 11. Christophori Marcelli descriptio Ca-
mal-

maldulensis eremi, sine ulla Scale, vel habitus mutati mentione. 12. Mugnotij relatio Scala MS. sine ullo mutationis indicio, mox edita cum hac adiectione. 13. Paulus Morigia donationis Malduli, atque Eremi adificationis meminit, nulla Romualdina Scale, habitusque mutati mentione inserta. 14. Idem habet Calzolarius, licet de variorum colorum, in Monastico habitu, causis se locuturum proposuisset. 15. Ventura Minardi Monachi nostri relatio foundationis Eremi, et donationis Malduli, Scale controversæ, ac mutationis habitus experts. 16. Hactenus dictorum conclusio. ibid.

I. **A**D ea devolvimur tempora, quæ prout magis ab ætate Romualdi recedunt, magis etiam adversariorum sententiæ propitia deprehenduntur: at infirma suffragia sunt, quæ à testibus tanto intervallo distantibus petuntur, ut enim pro locorum, ita pro temporum spatijs decreſcere solet narrantium auctoritas. De re Pisis gesta idoneum est ejus, qui Pisis tunc degebat, testimonium; Florentiæ habitantis paulò debilius; Romæ commorantis longè debilissimum; extra Italiam existentis fermè nullum; extra Europam positi planè intolerabile. Nec dissimili ratione æquum est, magni ponderis esse ejus, qui historiam sui sæculi describit, auctoritatem; historici autem uno sæculo posterioris, minorem; et duplici sæculo junioris, adhuc inferiorem; post tria verò Sæcula narrantem, fermè nullam fidem invenire; post quatuor demum, quinque, aut sex sæcula factum aliquod referentis, omni-

nò contemnendam, explodendamque assertionem: hìc enim, sicubi aliàs, locum habet celebris illa sollertissimi, doctissimi que Cardinalis Baronij regula, jam alibi à nobis laudata ex tom. 1. annal. initio num. 12. *Quod à recentiori Auctore de rebus antiquis, sine alicujus vetustioris auctoritate, profertur, contemnitur.*

II. Non disquirimus autem, qua proportionè, juxtà loci, vel temporis distantiam, momentum credibilitatis decreseat, ne ad res analyticas, vel geometricas, intempestivius, et cum lectorum tædio, deslectamus. Monuisse saltem sufficiet, decrementum hoc procedere, ex Clarissimi Mathematici sententia, juxtà duplicatam distantix rationem, adeò ut, ex hoc calculo, testimonium duplò distantius sit quadruplò infirmius, et pro distantia tripla noncuplò debilius, atque ita deinceps: unde in nostro proposito, momentis pro Visione Scalæ S. Romualdi³, et habitus mutatione prætenfa, sæculo sextodecimo occurrentibus, centuplò minor fides habenda erit, quàm Rodolpho, qui ne decima quidem tanti temporis parte ab ævo S. Romualdi semotus est, si vel maximè sub initium præfati sæculi accipiantur, ac rursus minor, semperque debilior posteriorum authorum magis adhuc distantium credibilitas habenda erit, vixque tantilla demùm, quæ sobrio, prudentique animo ad aliquem debilem assensum inclinando par esse possit.

III. Alacri igitur pede quod reliquum itineris est conficiamus, atque ad cætera, quæ Romualdinæ Scalæ Visionem, et habitus innovationem concernunt,
indicia

indicia quælibet accuratè colligenda , et expendenda progrediamur. Anno tandem 1513. die 20. Januarij Florentiæ impressa prodijt Vita S. P. Romualdi, magnis privilegijs Leonis X. Pont. Max. adnexa , cui nescioquæ antiqua Eremiti monumenta subjuncta leguntur , Romualdi Scalæ Visionem expressè , et aperte declarantia , his verbis :

De Prima Institutione Eremiti Camaldulensis

Ex antiquis Eremiti monumentis

Anno ab Incarnatione Domini DCCCCVI. B. Romualdus Ravenna Civitatis ex illustri Ducum stirpe, cum esset annorum XVII. relicta saculi pompa , divitiarumque , ac deliciarum copia abiecta, in Monasterio Claustrali sub regula Sancti Benedicti habitum Sanctæ conversationis sumpsit. Anno verò Domini MXII. idem Beatus Romualdus cupiens locum idoneum Eremiticæ conversationis invenire , pervenit ad istum locum Camalduli: ubi dum lassus paululum requiesceret , raptus in spiritu vidit ad instar Jacob Scalam excelsam, suo vertice Cœlum tangentem , per quam splendentium, atque albescentium videbatur ascendere multitudo : Qui mox diripio admonitus Oraculo, Ecclesiam in eodem loco edificavit in honorem Sancti Salvatoris Domini nostri Jesu Christi , et in circuitu ejus quinque cellas construxit , in quarum una seipsum aliquanto tempore reclusit , et magnis ibidem corruscavit miraculis : requievit autem in Domino ipse Beatissimus Bater Romualdus anno Domini MXXVII. Cujus corpus jacet in Monasterio Vallis de Castro in Marchia Anconitana .

IV. Tum relato Rodulphi testimonio , quamvis aliquantulum interpolato , ut monui Dissert. II. cap. 6.

n. 10.

n. 10. ex quo Scalę Visionem Maldulo factam fuisse constat, statim subditur: *Hec etiam omnia siue ulla varietate à Gherardo Priore Eremiti, qui anno Domini 1278. Eremiticas scripsit Constitutiones, earundem capitulis XXVI., et XXVII. enarrantur.* Tum conciliator accedit Monachus horum editor [quem olim coniiciebam fuisse D. Nicolaum Biadi, à Ractio in descriptione Sacrę Eremitę commemoratum, qui admonitioni huic coherentem foundationis Eremitę Historiam, inter aliarum Religionum origines, traditam monumentis reliquit] Visionem tum Romualdo, tum Maldulo exhibitam fuisse apertę contendens his verbis: *Neminem autem perturbet, quod alibi à Beato Romualdo, alibi verò à Maldulo visa Scala referatur: quoniam ab utroque visa fuisse existimatur. Unde Sanctus Romualdus Maldulo Scalę Visionem narranti, non prius ad plenum credidit, atque animum ad Ecclesiam, cellulasque ibi construendas induxit, nisi postquam ipse locum adiens eadem vidit. Quod (ut in multis accidit) per memorias hominum traditum, usque hodie tamquam novissimę factum fuisset conservatur, et antiquissima in Eremitę pictura idem testantur.*

V. At quam fidem apud cordatos Viros Camaldulensia hæc præclara monumenta mereri possunt? Nullius certi Auctoris nomen præferunt, nullam definiti temporis, quo descripta fuerint, notam exhibent, nec ullum determinati loci, ubi servantur, aut unde transumpta fuerint, indicium designant: Nulla insuper eorum vestigia supersunt, siue inter Bibliothecę Sacrę Eremitę Codices MSS., siue inter Camaldulensis Archivi (aliàs integris, illibatique, nec flammarum, nec bello-

rum, nec prædonum, nec alluvionum discrimen hæcenus passus] paginas, membranas, volumina, quæ summa diligentia, ac sollertia discussit, examinavit, in ordinem redegit, indicibus copiosissimis, ad expeditam eorum inventionem, illustravit Vir Eruditissimus D. Odoardus Maria Baroncini Eremita Camaldulensis, nunc Cortonæ Prior; discussis autem, examinatis, revisis omnibus, epistola ad me data ex Sacra Eremita prius die Idus Maij 1698. rescripsit: *De habitus quidem mutatione, nihil certi uspiam se reperisse, patere verò, SCALAM MINIME VISAM FUISSE A' SANCTISSIMO PATRE NOSTRO ROMUALDO, cum Maldulo tantum tribuatur.*

VI. Ad hæc, quandoquidem ipsdem planè verbis, ac similibus clausulis describitur in huiusmodi monumentis Romualdi Visio, quibus à Rodulpho, Gherardo, Hieronymo Visio Malduli traditur, manifestum est, unam, eandemque Visionem utrobique significari, quam certior Rodulphi authoritas Maldulo, incerta verò hæc monumenta Romualdo adscribunt; quæ etsi vetusta supponerentur, non tamen Rodulphi ætatem superarent, nec cum ejus testimonio forent ullatenus conferenda, præsertim ob palmares errores circa ætatem, et conversionem S. P. Romualdi, manifestissimè Petro Damiano adversos: nam si anno 906., cum esset annorum 17. habitum sanctæ conversationis Romualdus accepit, requievit autem in Domino anno 1027. oportuit sanè Virum Sanctissimum annos omninò 138. vixisse, quorum 17. in sæculo expenderit, ac totos 121. in Religione

gione tranſegerit, cùm Damianus aſſerat, *vixiſſe Virum
Beatiſſimum 120. annis, quorum viginti expendit in ſaculo,
tres duxit in Monafterio, reliquos nonagintaſeptem in eremi-
tico tranſegit propoſito.* Ineptè igitur, et inutiliter allabo-
rat Scholiaſtes ille, dum hæc præclara monumenta cum
Rodulphi narratione conciliare nititur, utrique reiſa
viſam Scalam affirmans, Romualdo nempe, et Mal-
dulo, cùm alterutri tantùm tribuatur, tam in his mo-
numentis, de Maldulo prorsus ſilentibus, quàm in Ro-
dulphi ſcriptis, de Romualdi Viſione nihil indicanti-
bus: evidenti ſigno, mutatum dumtaxat ab horum
monum. Auctore *Malduli* in *Romualdi* nomen, huic cõ-
fuſioni, et equivocationi cauſam dediſſe, cui tollendæ
non alia conciliatio debeat, quàm veri nominis
Malduli in Scalæ Viſione reſtitutio, prorsus contempta
horum monumentorum fide, utpotè incertorum, re-
centium, ac de alijs erroribus convictorum, de quibus
actum eſt etiam Diſſert. II. cap. 6. n. 10.

VII. Cautiùs tamen Scholiaſtes hic utramque Vi-
ſionem compoſuit [quemadmodùm et Nicolaus Biadi
in libello Miſ. Monafterij S. Joannis de Prato Veteri,
quem Raſtius noſter citat in deſcriptione Sacrę Eremi
cap. 2. et nos infra per extenſum adducemus num. ſeq.
ſive hic idem fuerit cum laudato Scholiaſte, ut olim
conjeceram, ſive alius ab ipſo] dum Romualdum, poſt
Malduli Viſionem, locum ipſum adiſſe, ac ejuſdem
Viſionis compotem factum ſcribit; Cautiùs, inquam,
rem ita compoſuit, quàm Paulus Juſtinianus, Andreas
Mugnotius, ac denique Auguſtinus Fortunius cum

ejus affectis, et concellit Ractio, Minio, exterisque per hos edoctis, qui utriusque Scalæ Mysterium hoc modo componunt, ut primò quidem Romualdus illam viderit, tum Maldulum ebvium habuerit, qui ejusdè mysterij se pariter compotem olim fuisse detexit: Hoc enimverò è diametro pugnat cum B. Rodulphi narratione, in qua refert, quòd post colloquium cum Maldulo, Campum Romualdus petijt, locum ipsum invisurus, ubi propterea non antea fuisse, eòque minùs tam mirabilem Visionem, narratz sibi à Maldulo consonam, habuisse censendus est: En Rodulphi verba: *Quo audito Vir Dei, tamquam divino illustratus oraculo, mox campum petijt, locum vidit, cellas ibidem construxit; Qua saltem circumstantia cum lapsi fuerint hi authores, vix in ipsa substantia Visionis Romualdo tribuendæ fidem ullam merentur, etiamsi tam multa, quæ supra expendimus, illam commentitiam, et ex errore, aut æquivoca vetustiorum autoritatum expositione S. Patri affectam non probarent. Ita quæ à Veritate non veniunt, sese ipsa subvertunt, ut ait Augustinus lib. 7. de Civ. cap. 19.*

VIII. Interea temporis, aut paulò antea conscriptus videtur Codex D. Nicolai del Biada Monachi nostri, olim Prioris S. Benedicti extra Florentiam, cujus apud Moniales S. Joannis Evangelistæ de Prato veteri existentis meminit Sylvanus Ractius in descriptione Sacræ Eremitæ cap. 2. cujus verba ad hanc Visionem attinentia huc ex eodem Ractio transcribam: ait ergo: *Dal quale partitosi capito finalmente* (de Romualdo loquitur

tur ex B. Marini consortio divertente , quasi valde finitima fuerint tempora decem fortasse lustris discreta] ad Arezzo in Toscana, dove avvenne, dimorando quivi, che un Cittadino di quella terra, chiamato Maldolo degli Allegri, fatta domestichezza con esso lui, gli manifestò un suo secreto, dicendo: Padre, io voglio, che voi sappiate, che avendo io fatto edificare in Casentino, vicino ad un mio luogo, un Oratorio, dove andiamo alcuna volta i miei compagni, ed io à fare nostre divozioni; abbiám veduto alquante volte, stando quivi, una Scala da Cielo à terra, et uomini vestiti di bianco, i quali salgono sù per questa scala, e vanno in Cielo. Vorrei sapere quello, che questo vuol dire. Rispose Romoaldo, io voglio venire in sul luogo, e se cotesta visione verrà anche à me, io ti dirò quello arrai da fare. Andato dunque Romoaldo indi a non molto con questo Maldolo in detto luogo (tanto è) quella visione venne ancora a lui. Onde rivolto al detto Maldolo, sappi, gli disse, che questo Oratorio, lo quale ai fatto, è poco alla volontà di Dio; però fa quì un luogo, et un Oratorio tale, che ci sia un Convento di Santi Monaci, i quali di, e notte laudino Dio, et il detto Oratorio sia dedicato al nome del Salvatore Gesù Cristo. Piacque a Maldolo il consiglio del Padre, e perche avesse effetto, donò tutto quel paese, e carteggiò à S. Romoaldo, dandogli piena commessione sopra il fare questa santa opera. E così fece subito edificare San Romoaldo l'Eremo di Camaldoli, e mise vi suoi Discepoli, che tenessono vita Eremitica, e spirituale. E quanto al nome, essendo Romoaldo Ravignano, et avendo qualche anno dimorato a Vinezia, ne i quali paesi si dice Cà in vece di Casa; egli, et insieme i suoi Discepo-

li, seguendo l'uso loro, si crede cominciassono à dire Cà Maldoli, in quel modo, che in quelle parti si dice da Cà Quirini, da Cà Contarini, e simili: e che da cotal voce sia avvenuto poi, che quel luogo, e questo Ordine sia stato chiamato di Camaldoli, ò vero Camaldolense.

IX. Subdit autem Ractius loco citato, longè diversis circumstantiis hæc ab alijs authoribus narrati, ait enim: Altri dicono, che essendo Romoaldo venuto dove oggi è l'Eremo, il qual luogo in que' tempi era detto (per l'amenità, e piacevolezza del sito) Campo Amabile, vidde dormendo à piè d'una fonte, e sotto un albero la detta Scala: e che di quivi scendendo a Fontebuono, si scontrò in Maldolo per la via, al quale disse ciò, che aveva veduto, e che Maldolo disse a lui, avere anch'egli avuto più volte la medesima visione: Ma non importando, chi di loro fusse primo a dirlo all'altro, basta che ambidue ebbero la stessa visione; e ne seguì, non pure la detta edificazione, ma anche (quod Leonardus Biadi, ut sibi incompertum omisit, Ractius verò hìc ex Fortunio supplet) che Romoaldo, il quale prima vestiva d'abito nero, si vesti di bianco, et il medesimo fece fare à tutti i suoi discepoli in tutti i luoghi, che egli edificò, i quali furono molti, come nella sua vita si legge. Similem authorum variationem in hac historia referenda, notat etiam Lucas hispanus Histor. Romual. lib. 1. cap. 8. Hoc in loco varij varia tradunt, qui certe parum inter se constare videntur, quorum alter Romualdum Aretij commorantem ab ipso Maldulo fuisse prævientum, eoque primus somnium de Scala prefata somniasset; alter et Romualdum, et Maldulum eundem vidisse visum affirmat; alius eorum

rum asserit, *Monasterium Fontisboni, palatium fuisse Malduli, et rursus Maldulum in ipsa Eremita habuisse sacellum, in quo ipse cum paucis quibusdam socijs sæpe orabat &c. Ita, ubi semel commentitijs circumstantijs hæc Historia cepit adornari, variam, et inconstantem falsitatis speciem assumpsit; Vera siquidem Historia indicium est (inquit ille) si de eisdem rebus omnes eadem dicant, atque conscribant Varietas verò, ut Testium, sic Scriptorum, falsitatis, et figmenti justam ingerit suspicionem.*

X. Sed hæc obiter inseruisse sufficiat: Chronologicâ seriem ne abruptamus, in qua proximus se nobis sitit egregius Historicus Sabellicus, qui licet aliquantò antea scripserit, tamen hoc primùm loco à nobis commemorari potuit, quia ejus librum anno 1517. editum dumtaxat accepimus. Is ergo *Æneade 9. lib. 2. sic ædificationem Camalduli describit: Incidit demum Romualdus in Etruria in Maldulum Apenini incolam, qui de Religione, ut æquum est credere, appellatus, testatus est, habere se agellum in summo Apenino, ubi per quietem visus esset sibi cernere Scalas in Cælum surrectas, in quibus innumeri mortales candido amictu Cælum scanderent; motus ea imagine non minùs, quàm divino quodam Oraculo Romualdus, locum ab hospite, et petiit, et impetravit: Oratorium condidit: candidam dat cucullam ijs ferendam, qui loco initiandi essent, in argumentum nocturnæ illius imaginis, cum antea Monachi in discreto amiceventur colore: dedit et Camaldulensium nomen ferre à Camaldulo campo &c. Hæc M. Antonius Sabellicus, cui patet ignotam fuisse D. Romualdi Scalas, cum de Visione Malduli dumtaxat loquatur, habet verò*

verò candidi, non quidem ex nigro mutationem, sed solam determinationem, ex *indiscreto*, quo prius utebantur, colore, à Sabellico agnosci, tamquam ex nocturna illa *Malduli* imagine, non ex *Romualdi* Visione derivatam, idque juxta mentem *Gadoli* ab ipso laudati, cujus simile testimonium superiori capite num. 13. adduximus.

XI. Sed progrediamur, atque huc pertinentem B. Pauli Justiniani textum, ex ejus proëmio in Regulam vitæ eremiticæ anno 1520. impressæ, in medium afferamus, ubi de *Romualdo* sic loquitur. Cum in *Hetruria* finibus ad partes *Aretini* Territorij, anno ab eadem Incarnatione Domini millesimo duodecimo devenisset, et per aspera apennini juga iter faceret, inter altissimas sylvas campum valde invenit amenum, lucidissimis, ac dulcibus aquis irriguum, in quo dum, vel labore fessus, vel loci amanitate delectatus, paululum quiesceret, raptus in spiritu, instar *Jacob*, Scalam vidit excelsam nimis, et suo vertice cælum tangentem, per quam divino quodam splendore fulgentium videbat Monachorum ascendere multitudinem: qui mox descendens, Virum quendam Nobilem *Aretinum*, nomine *Maldulum* invenit, cujus ille campus in alpibus positus proprius erat; Qui B. Viro *Romualdo* obviam factus, audito, quod locum ad Eremiticam conversationem idoneum quæreret, campum eundem illi obtulit, afferens se, cum aliquando ibi dormiret, Scalam cujusdam mirabilem Visionem vidisse, per quam ad Cælum usque Monachorum ascenderet multitudo. His Vir Dei in divino Oraculo confirmatus, oblatum à *Maldulo* Campum accepit, et Venerabilis Viri *Theodaldi Aretini* Episcopi, qui tunc temporis

ris Etruriam penè univèrsam utraque regebat potestate, suffragio facillimè impetrato, ibidem Ecclesiam in honorem, et titulum S. Salvatoris nostri, et quinque in circuitu ejus cellas construxit, in quibus religiosos Fratres ordinavit, et Regulas jejunandi, filendi, atque in cellulis permanendi, aliaque Eremitica vite instituta perfectè tradidit, una sibi reservata, quæ usque ad hæc tempora, omnium, quæ in Eremo sunt, antiquior, et angustior, Beatissimi Romualdi cella nuncupatur. Hæc ille, quem, ut perspicuum est à partibus stetitisse asserentium, Visionem Scalæ Romualdo factam, ita manifestè liquet, utramque Malduli, ac Romualdi apparitionem ita composuisse, ut Rodulphi narrationi penitus opponatur, quatenus Rodolphus Romualdum refert, post Malduli colloquium, ad Campum Malduli se contulisse, ut locum inviseret, quemadmodum supra num.7. observavimus. Notari tamen meretur, de mutatione habitus etiam Justinianum prorsus filere, qui adèd nihil mysterij in colore ascendentium Monachorum agnovit, ut neque illos *albescentes* fuisse indicet, sed *fulgentes* dumtaxat, ibi: *divino quodam splendore fulgentium videbat Monachorum ascendere multitudinem.*

XII. Sequentis anni 1521. Autumno, Camaldulensem Eremum invisit, et Florentiam redux, epistola ad amicum data, prolixam ejus descriptionem, quæ vulgò circumfertur, edidit Christophorus Marcellus Archiepiscopus Corcyrensis, ubi et vivendi morem, et cellarum dispositionem, et vestium formam, ac totam loci speciem designans doctissimus Præsul, piissimam quoque *De natura abietum* meditationem abs se conce-

K

ptam

ptam refert, quam postmodum longis episodij auctam, interpolatamque, ipsimet Divo Romualdo adscripsit Fortunius part. 1. l. 1. cap. 24., ut infra nos Capite seq. num. 4. videbimus. De Scala verò ne rursus quidem gravissimus Præful, quemadmodum de mutatione pariter habitus silet, tantumque ait: *Habitus Benedictini, et Candidi Ordinis est Eremitis, oblongis, et impexis barbis se habentibus, tonsa crine, relicta circumquaque corona, ut consuevit; cumque adeò minutè cellas omnes, omnesque illarum angulos, armariola, et secretas sedes, satis numquam moveri concessas nihilominus describat, mirum sanè, ut de Visionis Scalæ loco, et fonte, ac cella desuper constructa penitus sileat!*

XIII. Similem Camaldulensis Eremitæ descriptionem anno 1569. adornavit Andreas Mugnotius Conchen-
sis Hispanus, quæ postmodum Romæ anno 1570. edita est, ac Pio V. Sanctissimo Pontifici dicata: ubi mirari subit, cur habitus mutatio inserta fuerit, quum in ejusdem vetusto Mss. Exemplari, quod in Bibliotheca Angelorum Florentiæ habetur, nihil ad illam perti-
nens uspiam legatur, sed tantum Scalæ Visio Romualdo adscripta, conformi penitus traditione cum Paulo Justiniano supra relato; ait enim Mugnotius: *Qui [Romualdus] longo, asperoque itinere defatigatus, sopore gravi per-
fus, coruscantes Scalas ab ipsius montis vertice ad Cæ-
lum usque erectas, et Monachos complures fulgentissimos per
illas conscendentes (instar Patriarchæ Jacob) videre meruit;
Qua re expergescens, tantaque Visione territus, ad Domi-
num effundere preces non cessavit. Accidit autem, ut obvius*
es

si fieret nobilis quidam, ac probus Vir Aretinus, nomine Maldulus, qui [sicut Domino placuit] eandem rem mirabilem viderat; cumque de ijs inter se aliquantulum agerent, ipseque Maldulus ea omnia divino nutu accidisse crederet, Sanctissimo Viro Romualdo, et locum ipsum, et domum per duo fere milliaria distantem, quam ipse tunc habitabat, quæ apud Fontem, quem appellant bonum, extructa erat, ac in ea bodie religiosum ejusdem Ordinis canobium in Dei laudem erectum est, gratis, et liberè dedit. Ab illo nempe Maldulo [quod ad denominationem puto] Ordo Sacer Camaldulensis exordium sumpsit. Post hæc Vir Sanctus sacrum, ac religiosum templum, Episcopo Aretino assensum præbente, Servatori nostro dicavit, et quinque domunculas, quarum angustiores inhabitabat anno Virginæ partus millesimo duodecimo, construxit, ac Sacram Eremitum Camaldulensem, toto terrarum orbe celebrandam, meritò appellavit. Tum immediatè sequitur in manuscripto ejus temporis Codice prælaudato: qui tandem senio confectus, annum agens vigesimum supra centesimū, ab hac luce ad æternam felicissimè migravit. At in impresso libello, post verbum appellavit, inferitur habitus mutatio his verbis descripta: Illa autem admirabili Scalarum, ac Monachorum fulgentium, per illas conscendentium, visione, Sanctus ipse gloriosus, qui Divi Benedicti habitum, in cujus Ordinem, et Collegium adolescens juravit, per multos annos gesta verat, commotus, colorem indumenti nigrum in candidum vertit, eodemque tenore continuò servandum per ejus Alumnos, quos copiosè per universum propagavit, instituit. Qui tandem senio confectus &c. ut supra. Suspicionem profectò minimè levem ingerit hæc interpolatio, quod Mugno-

tius Florentiam redux, sparsam à Fortunio, qui tunc Historijs suis scribendis vacabat, mutationis habitus famam primùm audierit, eaque notitia relationem suam locupletare voluerit; Nam si et apud Camaldulū traditionem ejusmodi Mugnotius inaudisset, verosimile non est, quòd in manuscripta eadem relatione omis- surus fuisset hoc, quicquid est, ad Camaldulensis Eremitam gloriam spectans, ejus honoris ubique studiosissimus Scriptor. Verùm ad alia pergamus.

XIV. Sub annum 1569. prima editio prodijt Historiæ omnium Religionum à Paulo Morigia descriptæ, qui licet foundationis Eremitæ Camaldulensis, ac Donationis Malduli, nostrique habitus mentionem iniiciat, de Visione tamen Scalæ Romualdi, deque mutatione coloris vestium altissimè silet. En ejus verba cap. 25. *Edificò Romualdo molte Badie in Toscana, nella Marca d' Ancona, nella Romagna, e nelle parti d' Istria, e le riempì di Monaci. Fabricò anco quel tanto famoso, e celebrato luogo di Camaldoli, dal quale tutta la Congregazione è nominata Camaldolese; Et acciocchè sappiate dove è questo luogo, vi dico, che è in Italia nella bella Toscana, e nel Territorio d' Arezzo Città antichissima, et è così chiamato da Maldo gentiluo- mo Aretino, il quale conosciuto la Santità di Romualdo, au- tore di questa Congregazione, gli donò quella parte dell' Apen- nino, dove è ora il Sacro, e diuoto Eremo, Capo di detta Congregazione. E che così si chiamasse dal nome del già no- minato Maldo, è manifesto per questo, che si vede in detto luogo, che così ordinò Romualdo, che si chiamasse, per mo- strarsi grato del beneficio ricevuto. Et infra: Resta solo a dirvi*

dir-vi, che si vestono di bianco, di vestimento Monacale, ed osservano la Regola di S. Benedetto.

XV. Petrus quoque Calzolarius è Monachis nigris; Vir certè eruditus, in sua Monastica historia anno 1571. edita, Diario primo, cùm circa varios Monachorum colores ita proposuisset: *Circa i varij colori dell' abiti, non ho che dir-vi, se non che S. Benedetto dice nella Regola, che non si cura del colore de' vestimenti, ma si bene de' buoni costumi, quantunque egli, come si trova per le scritture antiche di Monte Cassino, portasse la Cocolla nera, e l'altre vesti erano, secondo ch'io posso intendere, tanè, o volete dire berertine. Hanno causati ancora tanti varij colori alcune visioni, et accidenti, come a luoghi loro si dirà.* Post quæ verba, quis non expectaret, referendam ab hoc Scriptore Romualdinæ Scalæ Visionem, cujus occasione, Camaldulensibus color albus fuerat designatus? Et tamen ibidem, statim, eadem pagina [ne propositi sui oblitum suspicari possimus] de D. Romualdo, ejusque Congregatione Camaldulensi agere incipiens, iisdem penè Morigiæ verbis Donationem Malduli Romualdo factam narrat, undè Camaldulo nomen, in totam Congregationem derivatum, scribit; At de Scala, deque mutato habitu, ne mussitat quidem: evidenti indicio, tantum mysterium acuratissimo huic monasticarum rerum scrutatori, eo tempore, fuisse incognitum, vel satis firma traditione fultum visum non esse, ut illud in rem suam tutò usurparet.

XVI. Incognitum æquè fuit eodem anno 1571. Venturæ Minardo Atheistino Monacho nostro, qui in
suis

fuis Dialogis de balneis Calderij, cùm non pauca de Camaldulensis Eremitae fundatione, totiusque Ordinis origine, et splendore, ac Viris ejus, doctrina, et sanctitate illustribus, disserat, Maldulum quidem commemorat, sed Romualdi Visionis, seu penitus incompete, seu nihil in Scala ejusmodi, etiam ad Maldulum relata, mysterij recognoscens (de mutatione habitus certè non cogitans) nullam prorsus mentionem ingerit; ait enim: *Fù già in Toscana dell'anno di nostra salute novecento cinquanta (siccome nel quintodecimo libro del supplemento delle Cronache si legge) uno nobile della Città d'Arezzo, discese già (come altri vogliono) da Maldolo, Castello di Marta, e Maria Maddalena, chiamato Maldulo, padrone d'un gran territorio nelle parti di Casentino fra l'alpi, il quale veduta l'eremitica, e santa vita di Santo Romualdo nobile di Ravenna Città di Romagna, e Fondatore di questa nostra Religione, gli donò tutto quel sito, case, e campi, di maniera che, fabricatogli un bellissimo Monastero, e non molto irvi lontano in dette alpi uno quasi incomparabile romitorio; dalla casa di Maldolo fu chiamato Camaldoli, e poi da essi luoghi tutta questa antica Religione Camaldulense.* Hæc ille; ex quo, et præcedentibus, juxta annorum seriem hucusque perductam, recitatis, satis superque patet, ante conscriptam Fortunij historiam, neminem de mutatione habitus nigri in candidum, ob Romualdi Visionem facta, quidpiam tradidisse (solum Mugnotio, qui ex ore Fortunij audit, ut illam in editione suæ descriptionis addere disceret, excepto) attributam verò Scalæ Visionem Romualdo, in Camaldulensibus illis

illis apocryphis monumentis , anno 1513. editis , et supra num. 3. relatis , primò assertam , paucis impositis , cùm præter Nicolaum Biadi , Paulum Justinianum , et Andream Mugnotium , non alius ejus sæculi Scriptor illam amplexus fuisse videatur , Picturis vetustioribus , aut soli Maldulo Scalam apponentibus , aut juxta Romualdum symbolicè dumtaxat expressam ostentantibus , nihil certè contra antiquissimos ædificationis Eremitæ Scriptores , qui Visionem hanc soli Maldulo tribuunt , prævalentibus .



CAPUT VI.

Fortunij asserta referuntur , ac
refelluntur .

STNOTSIS.

*De Fortunij Patria , Ingenio , et Historia . num. 1. Exemple
Abbatum S. Michaelis Pifarum ejus incuria demonstratur .
2. Meditatio de natura abietis Romualdo tribuitur à For-
tunio . 3. Ex Marcello Archiepiscopo Corcyrensi imitata
ostenditur . 4. Visio Scala , varijs adiectis de novo circum-
stantijs , à Fortunio descripta . 5. Romualdi colloquium de
candido habitu , et Malduli occurfus . 6. De Helemperti inter-
ventu variè loquitur Fortunius in Historijs , et in Apologia .
7. Romualdus à Demone impulsus , saxo cedente , à præci-
pitio*

pitio eripitur. 8. Colloquium cum Petro Dagnino circa Dæmonis potestatem. ibi. Romualdo afflicta paraneſis de doctrina peripatetica fuga. 9. Theodaldo occurrit. ibi. Historia leges à Fortunio prætermiſſæ. 10. Exercendi calami gratia pleraque ab illo deſcripta, nec niſi Viſionem Scale, Habitus mutationem, et præcipitij Fugam ſeriò tradita ab ipſo fuiſſe. 11. Ex his primam ex Viſione Malduli traduſſam, poſtremam alijs circumſtantijs ab Hieronymo Pragenſi relatam, ſecundam ab ipſis Romualdina Viſionis ſauctoribus in dubium vocatam eſſe. ibid. Lucas Eremita mutationem habitus deridet. 12. Fortunius Apologiam in illum ſcribens, in ſolo participio albeſcentium ſententiæ ſuæ vim collocat. 13. Quàm ſutilis, et pedagogo digna obſervatio! 14. Participium albeſcentium etiam à Juſtiniano, et Mugnotio prætermiſſum. 15. Candoris, et Lucis affinitas apud varios Scriptores. 16. S. Benedicſtus, et S. Maurus in veſte alba quandoque apparuerunt. 17. Sanctorum Viſiones clientum phantaſiæ, ac naturali apprehendendi modo paſſim accomodata. 18.

I. **A**Nno reparatę ſalutis 1575. Hiſtoriæ Camaldulenſis, cui conſcribendę ſe duodecim annos impendiſſe narrat, Partem Primam Florentiæ typis Sermartellianis edidit Auguſtinus, cognomento Fortunius, patria Feſulanus, ut è Regiſtris Monafterij Angelorum, in quo Monaſticen amplexus eſt, conſtare vidimus, atque ut ipſemet in Apologia Hiſtoriarum ſuarum, anno 1592. impreſſa, fateri demum non eſt dedignatus, licet ſe Florentinum in hujus Hiſtoriæ frō-

te inscribi maluerit . Sed Florentiæ , an Fesulis , an utrique [ob Patris , et Matris genus] alumnus hunc suum referre debeat acceptum Camaldulensis Religio , parùm interest . Hujus certè Scriptoris celeberrimi studio , ac labori nos plurimùm debere , nemo ibit inficias , qui animo comprehenderit , quanta Camaldulensium Virorum egregia facinora , quot locorum nostrorum præclara monumenta in lucem eduxerit , quæ adhuc in tenebris neglecta jacerent , vel [ut plerisque ad eam diem contigerat] situ , et squallore obruta perisissent , nisi Fortunij cura , et sollicitudo majoris jacturæ cumulum , sua industria , prævenisset . Et quidem tam multiplici eruditione , tam præclaro ingenio , tamque insigni eloquentia hanc provinciam est executus , ut si parem diligentiam , ac soliditatem his coniunxisset , nec diserti modò , sed accurati etiam Scriptoris laudem affectasset , nihil planè ad antiquitatis Camaldulensis illustrationem desiderandum nobis reliquisset . Verùm Ordinis ipsius primordia non è suo fonte deducta , plurima scitu digna in his prætermissa , palmares anachronismi frequentissimè occurrentes , perfectioris historix votum excitant , cui utinam præsentis Dissertationes , apparatus , et prodromi loco , proluderent !

II. Ne verò laudatissimi Scriptoris manibus gratis insultare videar , specimen aliquod hìc obiter inferam , ad seriem Abbatum hujus Cænobij S. Michaelis in Burgo Pisarum pertinens , quam ab ipso valde interpolatam , corruptamque demonstrare breviter possum ex monumentis Archivij hujus Ven. Monasterij , quæ

L

nunc

nunc ad manus occurrunt, quibus et renovandæ Camaldulensis historię necessitas apparebit, et quantum ipsius Fortunij fidei, autoritatieque sit deferendum pariter innotescet. Docet Fortunius part. 2. lib. 2. cap. 9. et 10, B. Bonum. Abbatem, prælaudati Cænobij Institutorem, anno 1070. Deum adiisse, post hunc Leonem Abbatem, tum Petrum cænobium administrasse, qui mox Archiepiscopus Pisanorum electus, successorē habuerit Ludovicum, atque huic subrogatum fuisse Ildebrandum. At ex authenticis venditionum, locationum, et donationum paginis, adhuc in prædicto Archivio existentibus, patet B. Bonum circa annum 1018. Monasterium ædificasse, cui post 30. annos decedenti successit Martinus, mox Rusticus, hinc Leo, tum B. Petrus Moriconius, quo ad Archiepiscopales Pisarum insulas evecto successus est Joannes, tum Ludovicus, hinc Gherardus, mox Albertus, dein Petrus II. cui post paucos menses successit Ildebrandus. En quot Antistites à Fortunio in unius cænobij serie prætermisisti, atque postpositi! ex ungue Leonem: similia enim in Prioribus Angelorum Florentiæ, in Generalibus ipsis, in alijs illustribus Sanctimonia, Dignitate, et Doctrina Viris, quorum plerosque subiecit, commississe ne dubites.

III. Nunc ad rem nostram. Mirum est quot apostrophis, episodij, parergis, atque inauditis prorsus circumstantijs Visionem Scalz S. Romualdi, ejusque occasione subsecutam habitus mutationem, simul cum Camaldulensis Eremiti, et Fontisboni ædificatione nobis describat Fortunius part. 1. lib. 1. à cap. 23. ad 39.

Nimi-

Nimirum S. Patrem per abietum silvam ad Campū Malduli deducit; ejus specie cum discipulis summo-
perè recreatum, ad fontem Ecclesiæ nunc proximum
consedisse docet: precibus Deo fufis, sumptoque cibo
in pulcherrimam de loci specie, et Abietis natura me-
ditationem incidisse affirmat, nec affirmat solū, sed
illam per partes ita describit, ut jurares, aut illum
præsentem omnibus interfuisse, aut alicubi manu Ro-
mualdi descriptam rei seriem nactum esse. Longum
foret, ac fastidij plenum singula persequi; Summa hæc
est. Quatuor charitatis virtutes, de quibus Paulus
Chor. 13. *omnia suffert, omnia credit, omnia sperat;
omnia sustinet*, in abiete considerabat: nimirum in radi-
ce, quod *Charitas omnia suffert*, juxtà illud in *Charitate
radicati, et fundati*; atque hinc Noe Patriarchæ toleran-
tiam, qui cum feris in arca per annum conversatus
est, relegebat, tum quasi ad omnem hominum mul-
titudinem concionaretur, illos ad amplexum Crucis,
et spiritalem Noe imitationem invitabat, ut passioni-
bus, quasi bestiis dominarentur, et Cordis contriti (ut
ille mundorum animalium) sacrificium Domino offer-
rent, juxtà illud *Sacrificium Deo spiritus contribulatus &c.*
Deinde ad secundum suæ meditationis punctum pro-
gressus in *Caudice alto, recto, et nodoso* virtutem Char-
itatis, quæ *omnia credit* altiùs pensitabat, juxta exemplar
Abrahæ, nam *credidit Abraham Deo &c.* Deinde ad
omnes mundi principes, et nobiles conversus, illos ur-
gebat, ut cum Abraham è paterna domo egressi pere-
grinarentur, terram promissionis quæsituri, cor suum

quasi unigenitum filium, poscenti Domino traderent, atque ex abietis natura, quæ nullum patitur cultum, nullamque sobolem ex radice profert, ut cetera planta, ad corporis contemptum, animique solius culturam, pro charitate adipiscenda, erudirentur. Similiter in tertio puncto meditabatur S. Romualdus in ramis tam intervallo, quàm numero prægrandibus, quibus infixa sunt folia semper viridantia, rava tamen, et serrata, in extremitateque pungentia, Charitatem, quæ omnia sperat, præcipuè in Patribus, et populo Israel, de quibus scribitur: *In te speraverunt Patres nostri, speraverunt et liberasti eos &c.* Tum verò quasi in conventu Religiosorum verba faceret, monebat servos Dei, ut Israelitas ex Ægypto fugientes, ac per desertum à nube per diem, et ignea columna per noctem deductos sequerentur, hoc est, postpositis sæculi desiderijs, per Eremum ad cælestem patriam anhelarent, amoris divini manna pascendi, et mel de petra, quæ est Christus, sucturi. Ad quartum denique punctum considerabat Romualdus, quòd abies non est fragilis, sed nervosa, lignosaque apparentis medulle, cujus truncum rami triplici numero totam gradatim complent. ex quibus deducebat Charitatem, quæ omnia sustinet, relegens quanta bona Verbum caro fecerit, et quanta mala sustinuerit, unde exclamabat: *ò pietas, ò magnum mysterium &c.* hinc prosequabatur, ut Charitas Deum è cœlis in terras deduxerit, Diaboli tentationes, Discipuli proditorem, populi odia, linguam, insultus, crucem denique, ac mortem ipsam perferre docuerit. *Nec mora*, inquit Fortunius omnium testis oculatissimus,

per-

pernici cursu abietem amplexatus, intulit: *O felicem arborem, jure rami tui Crucis figuram referunt, jure triplici numero eos transfundis: atque hic rursus nonnullis de Crucis, Trinitatis, Incarnationis mysterio ponderatis, ad se Discipulos vocat, et quasi cor sibi in partes scinderetur, ob Charitatis ardorem, sic illos alloquitur. Hic locus, filij, celestis paradysus in terris tibi constitus esse videtur, baud enim ameniorem usquam me invenisse memini, quotquot abditissimas silvas per universam Europam lustraverim; maxime verò ex pulcherrima hac abietum corona quanta sit Dei erga humanum genus Charitas elicitur: longam hic concionem de mundi contemptu, deque æternis bonis confectandis prosequitur; tum ex oleo, quod ex abiete transfunditur, in Christi nomen, regnum, et Sacerdotium celebrandum inducitur, ac Charitatem oleo comparatam commendans, ut lucernas suas probè aptatas conservent, adhortatur.*

IV. Hæc summa est Capitis illius 24. cui Fortunius titulum hunc præfecit. *De Meditatione, quam fecit S. Romualdus in campo Malduli circa proprietatem Abietis Arboris.* ubi quis non putaret rem verè gestam à Fortunio historicè describi, peculiari Capitulo illi destinato? Et tamen nihil horum penitus contigit: scripserat Christophorus Marcellus Archiepiscopus Corcyrensis anno 1521. 16. Kal. Novembris epistolam de Camaldulensis Eremitæ, et Alvernæ Montis, quæ loca tum inviserat, situ, et religione, ubi inter alia hæc habet: *Non possum profecto sibi equis verbis exprimere, quanto fuerim primo aspectu captus amore illius loci, quem cum egregijs*
illis

illis abietibus cinctum, atque ornatum inspexerim, divino quodam munere, et ingenio factum existimavi; Nullus enim commemoratus, quem ipse adirerim, Deo dicatur est locus, qui ex tam frequenti arbore confito nemore ambiatur..... Est abieti, ut physiologi referunt, et ipsa experientia comprobat, ima radix, ut intelligat eremi cultor, imam se, et profundam Charitatis, à qua virtutes alia prodeunt, habere radicem, cuius amplissime laudes, cum apud Apostolum frequentissime habeantur, mihi sunt omittenda &c. Altus, rectusque abieti cadex, ut ille ipse noscat, ab eo virtutis principio parari sibi ascensum in calos. Rami pregrandes ordixati, tam intervallo, quam numero recti, et quodammodò infixi &c. triplici singulatim numero totam, ubi oriri ceperint, arborem rami compleat, &c. nodosa est etiam abies, unde bonarum actionum varietates &c. Sunt ei rara folia, atque ferrata, et in sua extremitate pungentia &c. Nullum abies patitur cultum, ut ex negligentia corporis animus coli, et ornari plurimum intelligatur. Sursum à radice nullum habet locum, unde proferat sobolem &c. Est etiam nervosa abies, lignosa, et apparentis medulla &c. Quas abietis proprietates à Marcello mysticè ponderatas, quis non videt easdem ipsas esse, atque ipsdem ferè verbis expressas, quas meditationi S. Romualdi Fortunius applicat, licet uberiùs explicatas, atque ad concinnam textus Apostolici, Charitas omnia suffert &c. paraphrasim accomodatas? Tota ergo hæc Romualdi Meditatio, quemadmodum et ejusdem in abietis amplexum excursio, et colloquia ad discipulos, merè ficta sunt, quasi spirituales quamdam repræsentationem varijs scenis dispositam dare Fortunius voluit,

erit, quam sic sequenti cap. 25. prosequitur.

V. *Dum hæc Romualdus ad Discipulos concionaretur, factum est, quemadmodum fessis interdū accidere solet, ut Pater Sanctus nonnihil dulci, ac placida quiete, murmurantibus aquis, levique aura cacuminibus abietum circum latè obstrepentibus, correptus sit, raptusque in spiritu, vidit in somnis, instar Jacob Patriarchæ, Scalam stantem super terram, sublimem, in Cælum usque suo vertice pertingentem, perquam divino splendore rutilante fulgentium, atque albescentium ascendebat, descendebatque (descendisse etiam primus omnium hic auctor animadvertit, aut de suo supplevit, exemplo Angelorum Scalæ Jacobæ) Monachorum multitudo, inter quos anima Romualdi delata est ante Deum (hanc quoque coniunctionem Visionis Scalæ cum Visione Animæ, quam Damianus narrat Romualdum in Sitria habuisse, primus omnium Fortunius cudit) Ibi verò, sicuti quondam D. Paulo contigit, Romualdus arcana Dei intuitus, quæ non licet homini loqui, mox præ magnitudine mysterij lætabundus evigilat, et majori, quàm dici possit, amore Dei repletus, fixo in cælum oculorum obtutu, toto corpore quasi in æra suspendi visus est, et in cælum indefinenter aspicere, perinde ac si Scalam ipsam corporea mole ascendere posse sibi persuasum haberet [id certè nemo ante Fortunium, ne nò post Fortunium, nemo præter Fortunium memoriæ prodidit] Quando Discipuli, qui procul Patrem observabant, novitatem rei admirati, festinabundi propius ad eum rursum accesserunt, et ad sidera oculos intendentes, partem lucis, quæ adhuc non exigua erat, videntes [imitatum ex Servando Diacono ad Visionem S. Benedicti vocato, qui et ipse accur-*

accurrens partem lucis exiguam vidit] *caelestem revelationem ei factam fuisse apertissime cognovere*. Itaque quid novi sibi accidisset percontantibus *Vir Dei* respondit: *parcat vobis Deus, filij, parcat vobis Deus, qui me ex statu tranquillitatis veri, summique boni rursus in hanc miseriarum vallem vestro adventu revocastis*. Petentes illi suppliciter veniam, et quid res sit, cognoscere utcumque instantes, quomodo mirabilem *Scala Visionem* vidisset, et voluntatis divina esse, ut illic loci *Eremum* sub nova candidi habitus institutione conderet, ab eo insolita cordis jubilatione arcanum referante, demum extorsere; noluit tamen *Vir Sanctus*, quomodo ante Deum delatus fuisset præ humilitate eisdem detegere, &c.

VI. Porro *Romualdus* [sequitur *Fortunius* cap. 26.] divino illustratus oraculo, huic esse locum concupiscenti animo perquisitum, ubi nova famulantium Altissimo Deo albis vestimentis decora *Congregatio* surgere deberet, quæ caterorum locorum à sese erectorum (non igitur nova erit *Congregatio*) atque erigendorum Principem locum esset obtentura, cumulatissimas gratias agere Deo non desinebat; jamque cum *Discipulis* per declivia montis in inferiorem vallem latibundus descendens, cum illis de proprietate candidi vestimenti colloquium habere capit: cujus mysterium plena mentis cogitatione animo secum volutans agebat: Animadvertite filij, quomodo hic color omnium aliorum colorum est longè nobilissimus, qui utique *Angelo* verè dignam munditiam cordis designat simul, et corporis. Meditamini quomodo *Aaron* summus Sacerdos, successoresque filij *Ephod* lineo albo, præcepto Dei ad *Mossem* facto, usi fuere. Meditamini cur *Ezechieli* eximio vati *Vir* lineis vestitus apparuerat. Ecce autem interea *Malchus*, de quo

quo mentionem fecimus, et loci Dominus, per prarupta venator forte fortuna sit obviam, et sermocinationis telum interfecat [mox cap. 27. interiecta Malduli Genealogia, sic prosequitur] *Quem dum Vir Dei solito lucrandarum animarum studio ad benefaciendum, amoris Jesu Christi, ejusque immensę charitatis intuitu, hortaretur. Factum est, ut Maldulus ejus venerabili aspectu, verborumque virtute aded sit commotus, aded in interiori homine collectus, ut subita quadam cordis compunctiōe ad vitę renovationem se urgentissimē impelli persenserit; itaque, tamquā vox Sanctissimi Patris vox Dei fuisset, Maldulus pientissimi Patris perspecto desiderio non solum locum ipsum, sed cetera sua bona Viro Dei obtulit, ac liberali donatione largitus est; seque ipsum praterea discipulum eidem dedit, ac devotus, asseverans, se quoque, cū aliquando ibi dormiret, eandem Scala mirabilem visionem vidisse. Hęc ibi; quę manifestē opponuntur relationi B. Rodulphi, dicentis, quod Romualdus dumtaxat post Malduli colloquium capum petijt, locum vidit, uti supra observavimus.*

VII. Romualdus itaque in divino oraculo confirmatus [pergit Fortunius cap. 28.] occasionem, quam nactus fuerat, Malduli studio, atque opibus urgere satagens, Helempertum Sanctę Aretinę Ecclesię Pontificem sine mora adiit, qui eo tempore non modicam Etrurię partem spirituali, temporalique regebat potestate; cujus suffragio, liberalitateque facillimē usus, egregiam Eremitum in ipso Campo Malduli instituit. Ibi igitur ante omnia Basilica venerabili ad honorem Dei, et D. N. Jesu Christi Salvatoris Mundi constructa, exinde quinque in circuitu posuit cellas Eremiticas, in quibus quinque Di-

M

scipu-

Discipulos Monachos albis vestimentis indutos, juxta Visionis predictæ Mysterium, locavit, et constituit, qui albo candore sic circumdati excitarentur ferventissime in anacoretico proposito ad angelicæ munditiæ emulationem. Quod ipsum tamen paulò aliter descripsit postmodum hic idem Auctor in Apologia Historiarum suarum, dicens, quòd ipse Helmpertus ad Campum ipsum Malduli, digna comitante cetera, veniens, sine mora, tum primarium Oratorij posuit lapidem, nec non quinque inter se distantium Cellularum Eremiticarum; tum verò quinque ex Discipulis S. Romualdi albis vestivit indumentis, quos S. Pater in ipsis constituit cellulis, docuitque suo exemplo eremiticæ observantiæ districtum tenere rigorem. Quæ omnia quàm consonent dictis Rodulphi, et Gerardi, ac Theodaldi ipsius Aretini Episcopi, jam vidimus Dissert. II. cap. 6.

VIII. Capite demum 29. Fontisboni ædificationem noster Historicus narrat, et cap. 30., ac 31. Descriptionem Sacræ Eremiticæ, et Cænobij ac officinarum ejusdem Fontisboni affert, in quibus nihil examine nostro dignum occurrit; Sed cap. 32. Romualdum in Eremiticæ descensu juxta fluvium deducit, atque huic insidiantē Dæmonem, Discipulis aliquantò procul de potestate Diaboli secum invicem disputantibus: Dæmon è saxo in fluminis gurgitem præcipitem Romualdum agere conatur, qui, invocato Jesu nomine, manu saxum arripit, eique suarum manuum vestigia impressa relinquens, illæsus evadit. Accurrunt Discipuli, veniam de nimia distantia deprecantes, Deo gratias agunt pro tanti periculi declinatione, et ex primis Petrus Dagninus

gninus S. Patri exponit, quomodo de impugnatione Dæmonis sermonem habuissent; Cui Vir Sanctus, benedictione erga omnes præmissa, odium, et invidiam Diaboli exponit, ob sedes homini destinatas, è quibus ipse dejectus est, *non quidem inquit, quod appetieris se esse Deum, ut quidam temerè crediderunt, quod sciebas esse impossibile; neque quod appetieris esse æqualem Deo simpliciter, sed ea potissimum ratione, quia videlicet sicut Deus est Beatus à se ipso, et non ab alio beatificatus, ita Lucifer se beatum esse appetijt, sed non veluti à Deo: sicut nec credidit propria virtute felicitatem supernam habiturum, sed peccavit; quia nec de sua, nec de Divina virtute cogitavit &c.* (nimirum ut se nobis magnum Theologum probaret Fortunius, S. Patrem scholasticis hisce questionibus proludentem induxit) tum nos præ Dæmonibus melioris conditionis esse ait, ob gratiæ divinæ, et Angelorum Custodum auxilium, ex illo Elisæi, 4. Regum 6. *Noli timere, plures enim nobiscum sunt, quàm cum illis.* Tum Petrus Dagninus S. Patrem interrogat, quid rei sit, cur Dæmonem aliquando non pœniteat, et Dei misericordiam sibi propitiam non experiatur, ut ex Psalmis, et Ezechiele persuasum vellet; cui Romualdus ex inflexibilitate Angelorum (juxta Thomisticam sententiam) satisfacit. Hinc rursus Petrus interrogat, An Dæmones tentandis hominibus fortasse incumbant, quod ex eorum casu, et societate propria minuatur pœna, ut solent impij alieno malo exultare? Quem Pater Sanctus statim docet, duplicem locum Dæmoni ad pœnam assignatum, alios in infernum detrusos, ubi cruciandis

dumtaxat impijs, divinę justitię jussu, dant operam, alios in caliginoso aere medię regionis relictos ad hominum, quos perpetuò impugnant, exercitium, semper tamen ignis æterni cruciatum secum ferentes, ubicunque consistant. Subiungit verò idem Petrus interrogationem, quomodo Dæmones corpora vexantes interiorius operentur, an commovendo carnem, sanguinem, et membra per vitales spiritus? Quem statim Romualdus monet, Deum non permittere, ut quispiam justorum interiorius à Diabolo torqueatur, sed exteriorius dumtaxat, quod exemplo Job persuadet; vexatos autem interiorius à Dæmone eos dumtaxat, qui peccato aliquo irretiti essent, quemadmodum et in porcos (Peccatorum figuras) Dæmones ingredi Dominus jussit, et Datus Mediolanensis Episcopus, ex Dial. Magni Gregorij, domum à malignis spiritibus habitatam, varijs bestiarum clamoribus frementem audijt.

IX. Postmodum S. Patrem Fortunius inducit, quasi proluxa parænesi nos ad Aristotelis doctrinam aver-
santam adhortaretur, his verbis: *Ea recordatione quasi Pater Sanctus cum tota philosophorum schola loqueretur, subjunxit: mementote peripateticorum Doctrinam fugere, qui imaginationi humane Dæmonum effectus tribuere*; Et post multa adducta ad vim Dæmonum persuadendam in movendis, alterandis, colorandis corporibus ex Divo Augustino, et B. Antonio Abbate, atque hominibus interiorius vexandis, modo quem Dagninus proposuit, idque etiam secundum Lunę incrementa, tum ut illam Dei creaturam infament, tum occasione sumpta

ex

ex cerebro natura sua humidissimo, et operationi Lunæ subiecto, concludit: *Videte ergo quàm Platonici Peripateticis in hoc præsent, qui non humane imaginationi, ut illi, sed ut res se habet, spirituum supernorum effectibus Dæmonum operationes tribuant, et Christianæ Veritati mirabiliter ad hæreant.* Hinc varios Dæmonum effectus, nationum omnium consensu, ac maximè Ægyptiorum, Job, Saul, Achab, Dionis, Bruti, et ipsiusmet Salvatoris exemplo comprobatur, nec omittit ex Actis Apostolicis, ex Lucæ Evangelio, ex Joannis Apocalypsi, et ex Josepho Hebræo auctoritates id concernentes, plura dicturus, nisi illis ad hospitium Fontisboni propius adventantibus occurrisset *Theodaldus Vir Religiosissimus Aretinus, qui non tunc (Fortunij sententia) sed postmodum Episcopus factus est; Is enim cum quibusdam Præbiteris, Laicisque Aretinis, ut Fabricam novi hospitij videret, et ut S. P. Romualdum visitaret, illuc ascenderat; Quia verò Sermocinantem S. Romualdum præcesserant (inquit totius scenæ hujusmodi Actor, sive Auctor Fortunius) quidam alij hospites, qui ab Eremo venientes ex alia parte fluminis miraculo Sancti Viri interfuerant, et quid factum fuisset artificibus ædificij surgentis, ipsique Theodaldo enarraverant; ideo Theodaldus locum festinabundus adire voluit, ibique Sacellum, suffragante Maldulo, erigendum ad perpetuam rei memoriam curavit; Quod usque hodie Sancti Romualdi casella vernacula lingua propterea nuncupatur: Quod exinde, quoties ob pluvias, vel atros nimium nimbos ad Eremum Patri Sancto noctis tempore redire non daretur facultas, illic super ipso nudo saxo excubare, ac placidam*

dam quietem capere consueffet ; Veruntamen ibidem manuum suarum impressio ad miraculi testificationem omnes ad hanc diem liquido admirantur .

X. Difficillimum planè fuerit inter tot commenta, ad scribentis arbitrium ficta , et Romanensis fabulæ more disposita , ac theatralis actionis, cui solus ad poemam numerus desit, imaginem præferentia, solidi quidpiam excerpere, verumque à falso secernere ; Atque hæc eorum pœna est, qui Veritatem fucatis ornamentis circumvestiunt, et aliunde quæsitis mendacium circumstantiarum technis infarciunt, ut ne quidem cum vera dicunt, ijs tutò quis possit credere , nam ubique par timor insurgit, an propriè, vel figuratè loquantur, et an suæ phantasie ideas, an seriam Historiam describant ; Quocirca Diodorus Siculus Historiæ conscribendæ præceptor optimus, *non injuria*, inquit, *eorum institutum aliquis improba verit, qui Historijs suis prolixas, aut crebras nimis orationes admiscunt ; Nam Historiæ natura simplex est.* Cui monito si Fortunius auscultasset, tot dialogis superiùs indicatis, totque alijs concionibus , quas passim inserit valde prolixas in ore Romualdi part. 1. lib. 1. cap. 37. et par. 2. lib. 1. cap. 11. in ore Petri Dagnini part. 1. lib. 2. cap. 47., in ore Rodulphi ibid. cap. 66. prudens abstinuisset , ejusmodi verbosa additamenta, Gallorum potius Palatinorum Ducum facinoribus describendis, quàm sinceræ, ac seriæ Historiæ convenire animadvertens. Nimirum, ut præclarè Cicero lib. 1. de legibus docet, *alia sunt in historia leges observandæ, alia in poemate ;* Cultores suos Apollo expatiari

tiari uberius permittit, suoque arbitrio indulgere, quippe, ut ex illo grege canit Ovidius:

Exit in immensum facunda licentia Vatum,

et Claudianus de Poeta inquit:

Obligat Historica nec sua verba fide.

At angustum callem, imò latitudinis expertem lineam, quæ ad Veritatem ducit, suis vestigijs premant Historici necesse est, nec ab illa vel latum unguem declinare fas fuerit, cum *dempta ex Historia Veritate*, ut ait Polybius lib. 1. *narratio omnis inutilis sit*, nam prima Historiæ lex Veritas, secunda iterum Veritas, tertia pariter Veritas: quod alijs verbis, sed eodem planè sensu Tullius in Oratore commendat, dicens: Primam legem Historico datam, *Ne quid falsi dicere audeat*, deinde *Nequid veri non audeat*, postremò *Nequa suspicio gratia sit in scribendo, nequa similitudo*.

XI. Cæterum ex tanta Fortunij dictorum farragine, quæ vel in compendium redacta utramque nobis paginam non semel implevisse vides, candide lector, non crediderim certè meditationem illam de Abietis proprietatibus, aut Dialogum Romualdi cum Petro Dagnino de natura Dæmonum, ab ipsomet Fortunio nobis, quasi rem verè ita gestam, atque Historicè credendam, proponi; sed exercendi calami gratia dumtaxat conscriptas ejusmodi veluti digressivunculas, ipsummet, si viveret, facilè arbitror consensurum. Itaque ad Scalæ Romualdi Visionem, habitus mutationem, et præcipitij sibi à Dæmone intentati fugam, saxo ejus manibus cedente, divinitus provitam, tota

illa

illa narratio reducitur; Hęc enim tria, patet, ipsum seriò, atque ex animi sententia tradidisse, omnemque ad eadem, velut certissima, nobis persuadenda conatum, et operam collocasse, quamvis pari tenore cęteras etiam circumstantias inculcare viceatur. Prima tamen (velit nolit) à Maldulo ad Romualdum translata, atque accomodata est, et si Romualdi verè fuisset, non ips tamen circumstantijs erat conjungenda, quas illi, contra B Rodulphi mentem, Fortunius addidit. Ultima quò ad substantiam vera est, quò ad modum verò à Fortunio descriptum, non item; nam ab Hieronymo Pragenfi Viro Sanctitate conspicuo in vita S. Romualdi apud Bollandianos edita cap. 10. num. 65. sic enarratur. *Post hæc S. Romualdus redibat ad præfatam Eremum Camalduli, sed lassus in medio itineris requievit paululum super ingens saxum, quem Diabolus apprehendens percussit, conabatur præcipitare in vicinam fluminis fossam. Sed Romualdus saxum præfatum manibus arripuit, et duro lapidi, ac si mollis cera fuisset, sic vestigia manuum, et pedum infixit; et cum clamasset Jesum, ante oculos ejus repente terra biatu omnis furia Diaboli absorpta est.* Confer sodes cum circumstantijs à Fortunio adductis, et cognosces, quàm sibi liberum duxerit Historicus noster à Veterum traditione recedere, et gesta maiorum suis inventis interpolare. Secunda denique, nempe habitus immutatio tam falsa est, ut ab his etiam, qui Romualdo Visionem Scalæ tribuunt, velut omninò commentitia rejecta fuerit.

XII. Lucas enim Barchinonenfis Eremita Montis
Coro-

Coronæ anno 1587. suam Romualdinam Historiam, Patrum decreto probatam, in lucem asseruit, ubi mutatz, ob Visionem, tunicæ fabulam, à Fortunio recens fabricatam [licet jam per Sylvanum Ractium, et Mugnotium in externos divulgatam, ab illisque receptam; probabili in speciem nostri candidi habitus origine illam commendante] penè risu excipiens, eandem, velut nulla, certè non recta, nec constanti traditione, aut legitima auctoritate suffultam, contempsit, unde lib. 1. cap. 12. de Prioratu B. Petri Dagnini verba faciens, ait: non pauci, tum nobiles, atque illustres, tum vulgares Viri, Spiritu Sancto afflati, rejectis secularibus curis, omnibusque renunciantes, Evangelicum consilium secuti, monasticum habitum de manu Petri susceperunt, **NON EQUIDEM QUALE DEPINGIT QUIDAM SOMNIASSE ROMUALDUM**, sed vile, et abiectum, quo uti verè pauperes solent; et mox lib. 3. cap. 1. de vario Romualdi, ejusque Discipulorum habitu differens, subdit: Nec refert, quod quidam **SINE FUNDAMENTO** asserat, **ROMUALDUM**, post Angelorum Visionem, **NIGRUM HABITUM IN ALBUM MUTASSE**; adeòne vecors fuit, alioqui diligentissimus, Petrus Damianus, qui in tam proluxa Historia, certo amictu indutum dare nesciverit? Apud quem modò abiectò cultu, modò excalciatum, modò pellibus ornatum S. Patrem legimus. Adde, quòd de Eo, et Discipulis in Pereo manentibus sic loquitur Auctor: Quis enim non obstupesceret, quis non immutationem divinæ dexteræ predicaret, eum vidisset eor. uno birro contentos, inclusos, discalceatos, incultos, et tanta abstinentiæ ariditate contritos? In summa nulla

N

fuit

fuit antiquitus definita Romualdinis vestium norma, neque species, vel qualitas prohibita, dummodò bonastatis, paupertatisque eremiticæ metas non excederet, &c.

XIII. Hæc Lucas Eremita de tum suborto huiusmodi somnio, quamquàm circa substantiam Visionis Romualdo ascriptæ, ab Institute suo Paulo Justiniano, cuius verba num. 11. capitis præcedentis supra retulimus, minimè differat, imò iacet se illam ex B. Rodulphi scriptis [perperam scilicet intellectis, et relata ad Romualdum Visione, quam ille de Maldulo narrat] hausisse, ut aliàs monuimus ex fine capitis 8. libri primi ejus Historiæ. Nec tamen dissimulo, Fortunium paulò post, anno videlicet 1592. edita in Lucam ipsum Apologia pro suis Historijs, assertæ mutationis, quam hic insugillaverat, defensionem suscepisse, sed quæ suæ causæ debilitatem propè demonstrat, atque opinionis, quam succollare nititur, stabilitatem penitus labefactet; Nihil enim ibi Fortunius in suæ sententiæ præsidium assumit, quàm participium *albescentiũ* Monachis per Scalam Malduli (iuxta Rodulphum) aut Romualdi (juxta ipsum, et Camaldulensia monumenta, quæ superius excussimus, et in quibus totam vim ponit) ascendentibus attributum: *Albescens* enim ab *Albesco*, quod est *Albus fio* deduci notat; Hinc nostras tunicas *ex nigris albas factas* ibidem satis significari contendit. Ecce ipsa Fortunij verba, ne quis me in pravum, et ridiculum sensum Apologiæ hujus summam detorsisse suspicetur. Quod enim, inquit, ad album vestimentum attinet, cum ipse (Lucas Eremita) fortasse non legerit

legeris ea, quæ ex antiquis Eremitæ nostræ monumentis à Patri-
bus Vita S. Romualdi addita fuere, quæ impressa fuit sub au-
spicijs Leonis X. Pont. Max. anno 1513. propter obtenta
anno ejus primo inita novæ Congregationis nostræ privilegia,
in quibus quidem monumentis hæc habentur verba: Anno verò
Domini MXII. Idem B. Pater Romualdus, cupiens locum
idoneum eremiticæ conversationis invenire, pervenit ad istum
locum Camalduli, ubi diu paululum lassus requiesceret, raptus
in spiritu vidit, ad instar Jacob, Scalam excelsam, suo vertice
Cælum tangentem, per quam splendescens, atque Albescen-
tium videbatur ascendere multitudo. Nil mirum profecto, quòd
participium *ALBESCENTIUM* ab ipso subtrahatur (nam
in referenda Visione Lucas Eremita loco cit. dumtaxat
Monachorum multitudinem ascendere per Scalam Romual-
do visam asseruerat) seu fides celestis oraculi non fuerit in-
tegrè ab eodem notata; *ALBESCO* namque verbum *ALBUS*
FIO apud Grammaticos significat: quemadmodum videlicet
Discipuli S. Romualdi antea tunicis nigri, propter ipsam ce-
lestem Visionem, in *ALBOS* jamjam immutari incipiebant.

XIV. En igitur quàm subtili argumento universam
istam habitus mutationem à Neoterico Scriptore nobis
imponi patimur, quia Maldulus, vel [si placet] iuxta
ejus opinionem, etiam Romualdus *ALBESCENTIUM*
MONACHORUM ASCENSUM cognoverunt! [si
quod enim aliud, aut ex Traditione, aut ex Historia,
aut ex alia ratione excogitabili fundamentum rei hu-
jus suppetisset, illud utique adversario suam fabulam
irridenti obijcere non omisisset] At dè quæ istæ sunt
nugæ! Non *Albescens* modò, mi Bone, sed et *Splen-*

descendentes Monachos illos, præter Rodolphum, Gerardum, Hieronymum, Malduli Scalam referentes, Camaldulensia ipsa illa tua monumenta, Visionem Romualdo ascribentia, atque à te tantoperè deprædicata, nobis describunt: et *Splendescō* apud Grammaticos *Splendidus fio*, æquè ac *albesco*, *albus fio*, juxta pædagogicam observationem tuam, significat; An ergo et rutilantes cucullos ad ipsorum normam Romualdus cum suis, post Scalæ Visionem, deferre cepit?

XV. Quid? quòd tantum abest, ut quicquam Mysterij in voce illa *albescentium* antiqui Patres nostri recognoverint, ut B. Paulus Justinianus, et Andreas Mugnotius, locis cap. præced. num. 11. et 13. relatis, eam Monachorum Visionem hac simplici phrasi, præciso *albescentium* nomine, reddiderint, nimirum: *Per quam divino quodam splendore fulgentium videbat Monachorum conscendere multitudinem*; Et rursus: *Scalæ cujusdam mirabilem Visionem vidisse per quam ad Cælum usque Monachorum ascenderet multitudo*; et iterùm: *coruscantes Scalas ad Cælum usque erectas, et Monachos complures fulgentissimos, per illas conscendentes, ad instar Jacob Patriarcha videre meruit*. Numquid ergo in Justinianum, et Mugnotium Fortunius calamum (aut ferulam) stringet, violatæ Religionis invidiam movebit, aut subleste fidei reos traducet, quòd participium *albescentium* (ut fecit Lucas Eremita) subtraxerint, et supersticiosam notationem suam, aut ignoraverint, aut neglexerint?

XVI. Sed, ut dicam quod res est, idem existimo voce *albescentium* apud Rodolphum, quod voce *fulgentium*

tium

tiū apud Iustinianum significari, nec majus mysterium ab illo, quā ab hoc, utrolibet termino, designatum contendo: Quidquid enim in illa Visione albavit, candor fuit *lucis aeternae*, Angelicis illis corporibus affusus, qualis coelestes Visiones afficere solet, eoquod is color maximè cum luce coniunctus sit, et ex luminis in fulgidos radios circumundique sparfos diffusionem resultet, ut Physici docent, atque Optici ostendunt: quin et passim per *Lucem*, *Candor*; *Lux* per *Candorem* apud optimos Auctores promiscuè significata legitur. Ita S. Germanus Patriarcha Constantinopolitanus de Sacerdotalibus indumentis differens, ait: *Tunica*, quae *ALBA* est, divinitatis *SPLENDOREM* indicat, et Sacerdotis *SPLENDIDAM* conversationem. Divus Augustinus de Nat. et gr. cap. 29. *Oculus Corporis, etiam plenissimè sanus, nisi CANDORE LUCIS* adiuvetur, non potest cernere. Auctor vitæ B. Petri Urseoli apud Maibillon. Sæc. 5. Benedictino num. 20. *Visa sunt*, inquit, *super sepulcrum ejus divinitus accensa luminaria, quae miro CANDORE REFULGEBANT* per omnia loca illius *Claustri*. Sed et SS. Martyres puero illi apud D. Gregorium lib. 4. Dial. cap. 12. apparentes, *CANDOREM* vestium, vultuum suorum *LUCE* vincebant. Et Ecclesia in hymno ad Vesperas Feriæ 4. canit *Qui LUCIDUM* centrum poli *CANDORE* pingis *IGNEO*. Hinc quod in Math. cap. 17. de Domino nostro Jesu Christo Transfigurato vulgata lectio habet: *Vestimenta autem ejus facta sunt ALBA sicut NIX*, omnia græca exemplaria legunt: *sicut LUX*; et è contrario Petrus Damianus.

anus in ipsa S. Romualdi vita cap. 51. ait: *cujus anima delata est ante Deum SPLENDIDA velut NIX*; Et sic de sexcentis alijs; Et ne Fortunius grammaticos apices ab Authoribus sacris minùs aliquando religiosè observatos criminetur; antiquis etiam, et probis auctoribus expositionem nostram firmabimus, ut Plauto in *Menechemis*. O! *Solem vides statim ut obsecatus est prae hujus corporis CANDORIBUS*. Apulejo lib. 11. *metamorph. Mulieres CANDIDO SPLENDENTES amicimine*. Et Cicerone lib. 2. de Nat. Deor. dicente: *nam Solis calor, et CANDOR ILLUSTRIOR est, quàm ullius ignis*. Itaque *Lucis* ea species est, ut ipsamet per se *albescat*; ea natura *Candoris*, ut puram *Lucem* oculis referat, suaque vi *refulgeat*, idemque proinde sonat *albescentes monachos* vidisse, quod *splendescentes*, seu *fulgidissimos*.

XVII. Verùm estò subsisteret, Candorem inter, et Lucem qualiscunque discretio, an ex candido Monachorum eorumdem cucullo inferre liceret, legem Romualdo celsitus latam, veteris tunicæ abijciendæ, novique pallij candore adscito, inter Discipulos encenandi? Quis ignoret, plenas esse Propheticas equè, ac Evangelicas litteras, nec non alias passim Ecclesiasticas Historias similibus propemodum exemplis, quibus admonemur, quàm solemne Angelis, Sanctisque Viris fuerit, in Candidæ Stolzæ decore mortalium oculis se conspicuos exhibere? An non ipse Sanctissimus Parens noster Benedictus, quem nigris tunicis usum mordicus tradunt, nedum ejusdem ornatus multis apparuit, apud Mathæum Lauretum De existen. Corp. S. Bened. in Monte

Monte Cassi. lib. 1. cap. 32. Sed et aliàs *candidissima indutus cuculla* visus est, tum B. Elisabeth Schounagienſi lib. 1. Vision. suar. cap. 3. tum alijs quibſdam apud Leonem Ostienſem in Chronico Montis Caſſini? An non B. Maurus S. P. Benediſti Alumnus, et Discipulus, quem etiam nigris tunicis usum plerique persuasum habent, Jacobo Abbati Cormaticenſis Monasterij *Candidissimum Monachi præferens habitum* apparuisse legitur apud Oddonem Glanaſolienſem Abbatem in Historia Translationis S. Mauri num. 9. quæ usque ab anno 869. conscripta fuit? Quid ergo mysteria isthæc in ſela Malduli, aut Romualdi Visione consecramur!

XVIII. Omitto, quòd varix imaginationi Clientũ suorum, ac phantasiæ dispositioni favere Superi solent, eaque specie se illis videndos tradunt, quæ illorum apprehensioni magis respondet; profectò si apud Æthiopes color niger ita in delicijs est, ut candidum penitus averſentur, et S. Michaelẽ fusca facie, Dæmonem alba exprimere consueverint; putamusne Cælicos, pijs ex illa gente hominibus, juxta albam Europæorum speciem apparituros? immò se illorum ideæ accomodabunt, nigramque faciem proculdubiò exhibebunt. Facillimum ergo est, ut nobis cælestia corpora ad modum candidissimarum nubium plerumque concipientibus, albescences æque, ac splendescentes cælestes cives videantur, citra ullum propterea æmulandi per nostras vestes eorum candoris, uti et splendoris, mysterium, quod nemo ante Fortunium animadvertat, uti ex superiùs adductis clarissimum est.

CAP.

CAPUT VII.

**Prima Obiectio eliditur, et Color albus
à nostris Monachis ex antiquo
retentus, non ex nigro mu-
tatus asseritur.**

STNOTSIS.

Nigrum Cluniacensium habitum à Romualdo in Classe assumptum opponunt. 1. Classense Monasterium nullo indicio Cluniacensis Ordinis fuisse probatur. 2. Idem impossibile ostenditur, ex quo Abbates, et Priores in Cœnobijs Ordinis Cluniacensis per Abbatem Cluniaci instituerentur. 3. Novitij cujusvis Monasterij apud Cluniacum profitebantur. 4. Romualdus à Classensibus Monachis in Abbatem electus, in manibus Imperatoris Abbatiam dimittit, quam postmodum à simoniaco Abbate purgat. 5. Classense Cœnobiium ad summum post Romualdi conversionem à Sancto Majolo Cluniacensi reformari potuit. 6. Idque dubium remanet ex vitis S. Majoli 7. Classenses ex commercio Arvellitarum Albi ostenduntur. 8. Romualdus in Ereum secedens, uti cucullam deposuit, ita colorem mutare potuit. 9. Melotes, et Birrum alba vestimentorum genera, quibus Romualdus, et Discipuli ante Camaldulum usi sunt. ibid. Variæ candidi habitus causæ à varijs assignatæ. 10. et 11. Non assumptum, sed retentum à nostris album colorem, benedicendi habitus

bitus Collecta demonstrat . 12. Facilius albos Monachos vestem nigram assumpsisse, quàm nigros in candidam mutasse multa exempla declarant . 13. Mabillonius, et Martene pro hac opinione stantes . 14. Ratio candoris habitus veterum Monachorum, ex quo lauari oporteret . 15. Item ex quo natus lane color ex Regula assumendus, qui passim est albus 16. Idem ex Picturis colligitur . 17. Multiplici etiam auctoritate veterum Scriptorum suadetur . 18. Responsio ad Constitutum Lateranensis Concilij de exemptione Monachorum nigrorum 19. Nonnulli ex Monachis etiam nigri conceduntur, et fortè à Discipulis Romualdi, quem nigro habitu sepultum tradunt 20. Petri Blesensis de hoc argumento sententia . ibid.

I. **S**upereft ut obiectionibus occurramus, quarum prima, eaque potiffimi roboris in hoc negotio haberi solet, quòd non alia nostrarum vestium candoris causa assignari potest, quàm Visio albescentium Monachorum, per Scalam Camaldulensem ascendentium juxta Visionem Romualdo, seu Maldulo saltem ostensam; si enim, ut constans opinio tradit, Romualdus in Classensi Monasterio, quod Cluniacensium juris fuisse creditur, nigrum cucullum assumpserat, quonam honestiori titulo dicemus, Romualdum, ejusque posteros, et successores candidæ vestis usum, antea penes Monachos incognitum, induxisse? uno verbo: Monachorum habitus antiquis temporibus Niger fuit, nunc apud Camaldulenses est Candidus, ergo ab aliquo mutatus est, cur autem non ab ipso Parente

O

Ro-

Romualdo? quòd si ab ipso, num suspicabimur id temerè contra priscam consuetudinem attentasse, et non gravi ratione, ac maturo consilio, morem Patribus suis antiquissimum innovasse? profectò necesse est divino nutu impulsam Virum Sanctissimum, ut id moliretur: quando autem, vel quo medio, divinam voluntatem circa negotium hujusmodi agnoscere potuit, nisi Monachos albis cucullis decoros in Cælum ascendentes per visum aspexisset?

II. Verùm hæc non urgent, quantocumque vulgi plausu efferantur; nam primò ostendant velim, Classensè Monasterium, in quo S. P. Romualdus Monastico Schemmate est initiatus, Cluniacensium juris reverà fuisse, ut præfidenter asseverant; nullum enim hujus subiectionis vestigium occurrit, sive in cathalogis Monasteriorum à Cluniaco pendentium, sive in scriptis Cluniacensium Abbatum, sive in tota demum Cluniacensi Bibliotheca. Nulla etiam hujus nexus Classensium cum Cluniacensibus mentio in ullis Archivij Classensis paginis; cùmque toties inter nostros, et Archiepiscopum Ravennatem de jure Classensis Monasterij decertatum sit, nihil causæ nobis cum Abbate Cluniacensi intercessisse videtur.

III. Imò hæc Abbatix Classensis subiectio positivè ostenditur impossibilis, nam Prioratus, et Abbatix ex Cluniacensi Monasterio pendentes, à solo Cluniacensi Abbate institutum Priorem, aut Abbatem recipiebant, nec sibi Prælatum suum eligendi jure petiebantur, exclusa etiam Regis, vel Imperatoris, vel Patroni cujuslibet

libet nominatione, vel immiſſione. Teſtis eſt Ludovicus Crallus Galliz Rex in ſuo Privilegio dato anno 1119. Relato in Cluniacenſi Bibliotheca pag. 576. *A fundatione*, inquit, *Ordinis Cluniacenſis eſt obſervatum*, quòd Abbas Cluniacenſis Prioratus ſuos committit regendos, et caſtodiendos, ſicut rem ſuam propriam, cuiſcunque voluerit de ſuis Monachis, ſine aliqua diſtinctione, electione, vel certa perſona requiſitione, vel nominatione, et eoſdem revocet quando ſibi bonum videtur, et utile; quo ex Privilegio, et ex Innocentij IIJ. Epist. 191. regeſt. 15. colligit Thomasinus de Benef. par. 1. lib. 3. cap. 68. num. 6. quòd Cluniacenſis Abbas, nullo ſe Patrono, ſeu Laico, ſeu Clerico, in his interſerente, Priores ipſemet nominabat, et revocabat ad nutum, cum ex re eſſet. Idemque circa Abbates in Abbatij ſibi commiſſis exequebatur, nam, ut laudatus Thomasinus ubi ſupra num. 9. obſervat, cum anno 1077. Vvillelmus Aquitaniz Dux in ſuburbio Pictavienſi Abbatiam extruxiſſet, illam Hugoni Cluniacenſium Abbati ſubdidit, ut in ea Abbates inſtitueret, nolens à ſe vel ſuis ſucceſſoribus nominari, vel à Monachis eligi, ſed ab ipſo deſignari Abbate Cluniacenſi, quod propius aberat à moribus Cluniacenſium; Neque id mirum, nam, ut num. 5. idem notaverat, Cluniacenſis Congregatio prima omnium fuit, que longè plurima Monasteria uni Abbati Generali ſubiecta complecteretur, et ſi per longè remotiſſimos Episcopatus diſſipata eſſent; undè S. Oddo Cluniacenſis Abbas conſtitutus, quaſi Generalis Præpoſitus illo Elogio in Bibliotheca Cluniacenſi pag. 15. ornatus legitur: *Abbas ordinatus Franciarum, Aquitaniarum, Hispaniarumque parium,* atque

atque Romana Urbis circumstantium Cœnobiorum effectus est Dux, et Pater dulcissimus; hinc ergo alios Cœnobiorum Rectores instituendi, ac destituendi pleno jure fruebatur; nam Abbatis electio solis Monachorum suffragijs tandiù dumtaxat in Ordine Monastico celebrari consuevit, quandiù singula Monasteria propriam Congregationem ab alijs independentem constituerunt: ubi verò in unam Congregationem plura collecta sunt sub uno Generali Patre, tamquam membra sub uno Capite constituta, statim Prælatorum electio, vel saltem confirmatio, ad ipsum supremum omnium Generalem Abbatem devolui cœpit, sine cuius autoritate, etiam si votis omnibus subditorum quis in Præfulem postularetur, non poterat liberam Cœnobij regendi potestatem, et administrationem capefcere.

IV. Insuper idem Thomasinus loco cit. animadvertit, ad firmandam, et validiùs agglutinandam hanc tot membrorum cum suo Capite societatem, decretum fuisse, *ut apud Cluniacum tantùm in manus Cluniacensis Abbatis omnes prorsus profiterentur; undè subdit laudatus Scriptor: quidquid erat usquam Tyronum ordinis, et Novitiorum, Cluniacum proficisci cogeatur, et ibi obedientiam Abbati Generali profiteri: Quamquàm suspicari fas est, stabilitatem aliquam in suo Cœnobio Tyrones interim jurare consuevisse, pleniorẽ verò, et solemniorẽ professionis cœremoniam Cluniaci implendam, dum opportunitas illuc eundi se offerret, distulisse: narrat enim Petrus Cluniacensis in Bibliotheca pag. 1305. quòd Matthæus ille, qui postmodum Cardinalis Episcopus Albanensis fuit,*

in

in Czcnobio Parisiensi S. Martini de Campis, corpori Monasterij, quantum tunc fieri potuit, vel debuit, associatus est: parvo temporis spatio emenso Cluniacum venit, quod ei de professione scripta, vel de Monachi usitata benedictione defuerat, à Cluniacensi Abbate ibi benedictio suppletur, et jam integer Monachus evadit &c. Tempus autem trienij ab eodem Petro Venerabili Abbate Cluniacensi statutum fuerat [ex eadem Bibliotheca pag. 1366.] intrà quod nisi Cluniaci Tyrones se sisterent, Regulam professuri, non possent vel Ordinibus initiari, vel celebrare mysteria, vel ullo prorsus officio fungi; atquè hæc consuetudo ad usque Leonis X. tempora obtinuit, qui primus Priori S. Martini de Campis propè Lutetiam concessit, ut Novitios ad plenam professionem et ipse admitteret, quia Monachis græve nimis, et dispendiosum existeret ad Cluniacense Monasterium pro emittenda in manibus Abbatis, vel ipsius in spiritualibus Vicarij Generalis professione, juxta instituta, et laudabiles consuetudines dicti ordinis, accedere. &c. Datum anno 1523. Undè Cluniacensis Abbas Priorem S. Martini prædictum Vicarium suum Generalem, et perpetuum statim declaravit, ut Novitios ad professionem susciperet, ac tali privilegio, citra sui juris dispendium, uteretur.

V. Constat porrò Classensem Abbatiam nunquam Abbates à Cluniacensi Generali institutos accepisse, sed vel ab Imperatore, vel ex communibus Monachorum suorum suffragijs; nam Petrus Damiani in Vita S. Romualdi cap. 22. ait: Eodem verò tempore junior Ottho Imperator Classensem Abbatiam ordinare desiderans, optionem fratribus

tribus dedit, ut quem ipsi vellent, indubitanter eligerent; At illi continuò expetunt Romualdum: En Abbatis electionem à Cluniacensi Generali penitus independentem. Rursus cùm Romualdus reluctaretur hoc regimen assumere, non Cluniacensis Abbatis autoritas invocata est, sed Rex ipse *excommunicationem*, et *anathema ab omnibus Episcopis, Archiepiscopis*, et *toto Synodali Concilio minatus fuit*, ut regimen vel coactus acciperet Romualdus; cùmque Abbatiam ipsam Vir Sanctus dimittere voluit, non Cluniacensem Abbatem, sed eundem Regem impiger adiit, et eo non leviter reluctante unà cum Archiepiscopo Ravennate, in utriusque conspectu Virgam projecit, et Monasterium dimisit, ex cap. 23. Similiter cap. 42. cùm Romualdus Classense Monasterium Simonaco Abbati eripere studuit, non ad Cluniacensium Patrem provocavit, sed ipsemet illuc protinus ire Miles Christi impiger studuit, diversisque modis ex eo Monasterium purgare tentavit. Liqueat insuper, Romualdum in Classensi Cznobio suam professionem emisisse, totoque triennio ibi degentem, nunquàm de suscipiendo Cluniacensi itinere cogitasse, ut benedictionem apud Cluniacum acciperet, atque in Abbatis conspectu solemnitate omni ad plenissimam professionem requisita fungeretur. Imò ne quidem cùm in Gallias migravit, atque inibi viginti fermè annis est conversatus, ullum Cluniaci visitandi desiderium fovisse videtur; evidens igitur est, Romualdi tempore nullum fuisse Cluniacensium cum nostris Classensibus commercium, sed sui juris Classense Monasterium fuisse, sub Imperatoris tutela dumtaxat, et Raven-

Ravennatis Archiepiscopi ditione constitutum.

VI. Quid ergo reponendam est Viro erudito, qui in litteris ad me datis, Classense Monasterium sub nigris Cluniacensiū vestibus meruisse probat, ex quo sub cura S. Maioli Cluniacensis Abbatis fuerit ab Othone II. anno 966. repositum? Primò respondebimus, quòd si ab anno dumtaxat 966. Cluniacensem reformationem Classensis Abbatia suscepit, nondum igitur quidpiam cum Cluniacensibus commune habebat anno 927. vel 937. quo S. Romualdus Monasticen amplexus est, neque adeò quidpiam cogit asserere, nigram Cucullam tunc à Romualdo assumptam fuisse. Secundo non plenam, et perpetuam Congregationi Cluniacensi subiectionem tunc passum esse Classense Cænobium, sed perfunctoriam tantum visitationem Majoli Abbatis, quem Otho eò direxerat pro morum reformatione; id quod S. Majolus efficere poterat, absque eo quòd vestium colorem mutandum, et Cluniacensium nigredinem æmulandam Classensibus traderet, sola spiritali directione in his, quæ ad Regulæ observantiam facerent, Classensibus relicta; nullam enim idcirco potestatem in Classense Monasterium acquisivit Cluniacensis Abbas, cujus potestatis, ut vidimus, nullum extat vestigium, sed consuetudo potiùs Cluniacensium juri contraria vigeat, ut supra ostendimus.

VII. Tertiò demum negare quis posset, Majolum Classensis Monasterij curam reipsa unquam suscepisse, etiamsi quoddam S. Apollinaris Ravennatis Monasterium illi ab Imperatore commissum fuerit pro ipsius

sus reformatione: dum enim in vetustis authoribus de
 hac re loquentibus nulla *Classis* mentio occurrit, du-
 bitare licet, an de alio quopiam Monasterio æquivocum
 S. Apollinaris titulum præferente sint intelligendi. En
 textum ex vita S. Majoli apud Bollandum Tomo II.
 Maijdie 9. auctoribus Syro, et Aldebaldo cœvis lib. 2.
 num. 36. *Per idem tempus B. Apollinaris canobium, quod*
per vigintiquatuor stadiorum spatium à Ravennate Urbe
fertur sepositum, ad B. Benedicti instituit tramitem, ibique
suorum ordinavit Abbatem; præterea Imperatricis non contem-
nenda petitionis tunc exoratus instantia juxta Ticinensem Ur-
bem S. Salvatoris desudare capit in fabrica. En aliud pro-
lixius testimonium ex Majoli vita Auctore Nalgodo S.
Viri Discipulo apud eundem Bollandum cap. 2. num.
21. Otto igitur Reipublicæ Imperator, et Adelaides uxor ejus,
qui justitiam, atque fidem virilibus studijs excolebant, per Hel-
dricum jam Monachum, olim inter Aula Regie palatinos præ-
cipuum, S. Viri notitiam se attigisse gavisi sunt. Missa lega-
tione ad eum, litteras quoque invitatorias destinarunt, desidera-
bilem Majoli præsentiam devotis supplicationibus ambientes.
Qui à Burgundia tandem egressus, et presentem se offerens
Imperatoris majestati, solemniter reverentia, qua decebat, exceptus
est, cumque diu inter se familiari jungerentur colloquio, præ-
cibus apud cum Imperator obtinuit, ut Ecclesias Imperij, in
quibus Ordinis fervor tepuerat, reordinans, in melius suscita-
ret. Acquisivit honesta petenti, et in Ecclesia B. Apollinaris
Ravennatis posuit Religionis Abbatem: juxta Ticinum, idest
Tapiam, in honore S. Salvatoris construxit Ecclesiam: Mona-
sterium, quod vulgò Cella Aurea dicitur, et collapsum penè
fec-

fuerat in ruinam, restauravit ad unguem. Vides hìc nullam *Classis* mentionem, sed Monasterij S. Apollinaris dumtaxat; verosimile autem non est, omittendam fuisse tam celebris cognominis appellationem ab ijs omnibus Scriptoribus, si de illo Classensi Cænobio intelligi voluissent. Et certè si Classense Monasterium anno 966. Majoli Abbatis studio Cluniacensem reformationem suscepisset, cur Otho junior anno 995. illud idem in melius ordinare in votis habuit, et quomodo tam corruptos adhuc Monachorum mores ibidem Romualdus expertus est, ut ad dimissionem Abbatiz compulsus fuerit?

VIII. Porrò Classensium Monachorum habitum album fuisse conijcere possumus ex B. Petri Damiani Epistolis lib. 2. Ep. 4. et 12; et lib. 6. Ep. 15. et 26. ex quibus cùm ingens pateat inter illud Classense Monasterium, et Sacram Avellanæ Domum communicatio, quando, et Abbas Classensis sæpe Avellanam petebat, et Avellanitas in Classensi Asceterio recipi consuetudo erat, sicut vicissim in Avellanæ claustro B. Joannes Classensis antea Monachus Damiani tempore vixit, et Damianus ipse non rarò in Classe habitavit, egregijs cantoribus Bonino, et Petro ibi familiariter usus; quando etiam idem Damianus suis ipse manibus in Classensi Monasterio monasticum habitum Marino Fratrui suo tradidit, ut ipse refert initio Ep. 26. cit. Cùm, inquam, hæc constent, mihi facilè persuadeo, non admodùm ab Avellanitarum habitu Classensium vestes distasse, non enim ita commodè potuissent in-

P

vicem

vicem sociari, nec congruum fuisset, ut Marinus Classensis Monachus fieret ab Avellanita Damiano, in Classensi Ecclesia discolorum suo habitum ministrante, ex Innoc. III. cap. *Cum causam* extra de elect. et Glossa ibid. de hominibus disparis habitus in eodem Monasterio non sociandis: quare cum supra cap. 2. num. 9, et 10. probatum fuerit, Avellanæ Monachos albis vestibus usos, idem facile de Classensibus præsumi posse quis dubitet?

IX. Cæterum qualiscumque fuerit à S. P. Romualdo susceptus in Classensi Cænobio regularis habitus, quis vadem spondere se ausit, Virum Beatissimum, cum perfectionis vitæ desiderio, de Abbatis sui licentia, ad Marini Eremum se contulit, ejusque disciplinæ se subdidit, non habitum pariter, ac vivendi consuetudinem innovasse; ac veluti mollem cænobitarum Cucullam cum rudi solitariorum Pallio commutavit, sic etiam servandæ vestium nigredinis sollicitudinem nullam habuerit, atque ut habitus formam, ita et colorem tunc negligendum decreverit, quò S. Patri Benedicto conformius viveret, qui cap. 55. Regulæ sancitum voluit: *De colore non causentur Monachi?* Sanè proprium Eremitarum habitum *Melotem* fuisse, monasticarum antiquitatum periti consentiunt, quam propterea congruum est, Romualdum à Marino accepisse; nec dubium, quin hoc vestimenti genere S. Pater indutus coram Henrico Imperatore apparuerit, cum scilicet [cap. 65. vitæ] à Theutonicorum pietate tantum non depilatus extricare se potuit, *villos enim pelli-*

cea vestis, qua erat indutus, anxie decerpentes, pro sacris reliquijs in Patriam portaturi, studiose recondebant. Quid est verò Melotes, nisi pellis caprina alba? Nam Regula S. Pachomij ab Angelo tradita, apud Palladium Historiæ Lausiacæ cap. 28. præscribit, *Vt habeant singuli Melotem, idest Caprinam Pellem confectam ALBAM*; cuiusmodi pelles, siue albas capellas, ut aiunt, ad imitationem S. Romualdi deferebant quoque Camaldulenses nostri Eremitæ ex Constitutionibus Rodulphi, Martini, Gherardi, ac demum Justiniani, quas supra cap. 3. num. 12. recensuimus; nec dissimile fuerat Birrum, quo refert Damianus Discipulos Romualdi contentos in Pereio fuisse cap. 26. *Quis non immutationem divinæ dexteræ prædicaret, cum vidisset prius homines sericis, imò deauratis vestibus indutos, nunc eos cerneret uno BIRRO contentos?* cuiusmodi vestem in usu fuisse apud priscos etiam Camaldulenses, colligitur ex verbis vetustissimæ paginæ Archivij S. Petri de Luco, sacculo E, cartula 64. ubi habetur: *recepit ego prædictus Abbas S. Petri [de Muscheto] à te prædicto Rodulpho Priore, vice, et utilitate prædictæ Ecclesiæ, BIRRVUM unum, siue vestimentum monasticum, valentem solidos centum, et centum missas, et totidem psalteria. Actum apud Ecclesiam S. Petri de Lusignano, anno MLXXXVI. mense Julio, Indictione IX.* At hoc pariter vestimenti genus album fuisse suaderi videtur ex S. Gregorio Papa lib. 7. Ep. 5. ad Januarium. *Cum imaginem illie Genitricis Dei, Dominique nostri, et Venerandam Crucem, vel BIRRVUM ALBVM, quo de fonte surgens indutus fuerat, apposuisset.* Constat autem, siue Me-

lotem, sive Birrum à Romualdo apud Classenses assumptum non fuisse, cum hæc non essent cœnobitarum propria vestimenta, sed solitariorum dumtaxat, et tamen hæc in usu habuit S. Pater ante omne Visionis Scalæ mysterium; non igitur ab hoc expectare debuit vestium in Classensi monasterio assumptarum immutationem, sive formam, sive colorem illarum spectemus.

X. Ut autem propius rationem attingere incipiamus, cur Camaldulensium habitus, et olim semper, et ad hanc usque diem candidus pariter fuerit, varias, quæ à diversis prætendi solent, hujus consuetudinis causas in medium asseremus. Primò generatim dicere liceret, ipsdem ipsis motivis Parentes nostros induci potuisse ad candidi schemmatis delationem, quibus tot alij Monachorum Chori, Avellanitæ, Cistercienses, Carthusienses, Montis Virginis &c. æquè album habitum assumere decreverunt, citra ullius Scalæ mysterium. Secundò Petrus Damiani lib. 6. ep. 14. quam cap. 2. num. 7. adduximus, album Monachorum, et Eremitarum habitum humilitatis indicio assumptum prædicat, ad exemplum Christi, veste alba per Herodem illusi; legantur S. Doctoris verba loco supra citato. Tertiò Bernardinus Gadolus præcipuam hujus consuetudinis rationem ponit in autoritate scripturæ dicentis: *Omni tempore vestimenta tua sint candida*, Ecclesiast. 9. Et rursus: *Sancti amicti stolis albis sequuntur Agnum quocunque jecerit*, cap. 7. et 14. Apocalypsis; Cui addere poterat ex cap. 3. *Qui vicerit vestietur vestimen-*

tis

tis albis, et non delebo nomen ejus de libro vite, et alia multa, ostendentia hunc Angelorum proprium colorem esse, qui *in albis sedentes, et cooperti stola candida* in Resurrectione, et Ascensione Christi Domini apparuerunt, imò ipsiusmet Christi exemplo colorem hunc consecratum esse, cujus vestimenta in Transfiguratione candida visa sunt Math. 17. Lucæ 9. Marci 9. Subiunxit tamen idem Auctor, velut minùs præcipuam, et accessoriam rationem, ex *Visione Maldulo* (nimirum non Romualdo) *ostensam*, ut patet ex ejus verbis cap. 4. num. 13. superiùs allatis.

XI. Quartò Venturas Minardus ad interioris animi candorem significandum vestes candidas, uti et Columbarum Stemma, apud nostros invaluisse censet, de Balneis Calderij lib. 1. dicens: *E per significare con queste candide Colombe la candidezza dell'animo, che dobbiamo avere noi tutti, conforme al bianco nostro vestire*; Cui consonant Patres Montis Coronæ in suis Constitutionibus anno 1670. Romæ editis, et à Clemente IX. speciali forma approbatis, in cap. 55. Regulæ num. 3. decernentes: *Tutti gli Eremiti della nostra Congregazione portano l'abito bianco, senza mistura d'alcun altro colore, acciò per mezzo della candidezza delle vesti di fuori venghino avvisati dell'innocenza interiore, che devono avere*. Sed et PP. Eremitæ Sacræ Eremi Etruriæ in Cōstitutionibus 1671. Florentiæ impressis, atque à Clemente X. speciali forma pariter confirmatis, eodem cap. et num. totidem verbis idem inculcant. Omitto Lucæ Hispani rationem, quam in Histor. Romual. lib. 5. cap. 1. haud
fatis

fatis explicatè tradere videtur, dum recensitis varijs Monachorum coloribus, subdit: *Inter has varietates, visum est Camaldulensibus Patribus albi colorem sibi eligere: nimirum candida columba Eremitica vita apud caudidos Austores appellari solet.* Denique si Camaldulenses omnes interrogare libeat, quid in sua quisque Monastici schemmatis consecratione ex ore Prælati audierit, nihil planè aliud respondere poterit, quàm complexam ex Damiano, et ex relatis Constitutionibus rationem, videlicet *Humilitatis, et Innocentia indicium*, velut unicâ nostri candidi habitus causam sibi tunc assignatam fuisse; Formula enim vetustissima, atque ab omnibus retro Patribus nostris in benedictione vestium pro Novitij initiatione, et sollemni post annum professione, usurpata sic habet: *Domine Jesu Christe, qui tegmen nostræ mortalitatis induere dignatus es, obsecramus immensam tuæ largitatis abundantiam, ut hoc genus vestimenti, quod Sancti Patres nostri AD INNOCENTIÆ, VEL HUMILITATIS INDICIUM ferre sanxerunt, ita benedicere digneris, ut hic famulus tuus, qui hoc indutus fuerit, te induere mereatur; Qui vivis &c.*

XII. Hem! Si hoc vestimenti genus ad *Innocentia, vel Humilitatis indicium Sancti Patres nostri ferre sanxerunt*, quid hic circa mutationem habitus ex illa Visione deducendam contentiosè nugamur? An non, siqua mutatio intercesserit, ex solis causis in præfata Collecta Ritualis nostri assignatis, atque in B. Petro Damiano, ac Constitutionibus prædictis, alijsque probatis auctoribus, fundamentum habentibus, processisse dicenda sit,

sit, quàm ex ista, vel fictitia prorsus, vel undecunque nutante Romualdinæ Scalæ Visione? Quanquàm hæc ipsa Oratio nos monere videtur, candorem hunc, non tam ex dictis rationibus per nostros de novo assumptum, quàm, ex dicendis, ab omni antiquitate, his ipsdem motivis illum probante, per nostros potius retentum, et ad hoc usque tempus religiosissimè conservatum; Neque enim à nostris primitiis iuventa est hæc Collecta, sed omnibus ferè Monachis communis antea fuerat: eandem quippe ex Rituali Anianensi recitat Martene de antiquis Monachorum ritibus pag. 692. num. 26. item ex illo S. Germani à Pratis (ibi pag. 695. num. 32.) ac rursus ex Corbejensi (ibi pag. 698. num. 46.) quemadmodum et ex Carthusiano (ibi pag. 702.) Liquet etiam ex Rituali Romano in Ordine ad benedicendum Abbatem, hac ipsa collecta regularem Abbatis habitum à Episcopo benedici debere; nec nisi ob insignem Orationis hujus antiquitatem, adhucdum à nigris Monachis, putà Casinatibus [pro ut etiam in vetusto Casineni Ordinario tempore Oderisij Abbatis conscripto reperitur, teste Martene lib. 5. cap. 4. nu. 7.] usurpari solet in vestium Monasticarum benedictione, quanquàm illorum nigro colori jam nullatenus adaptetur, ut quæ propria erat candidi cuculli, quo et ipsi pridem amiciebantur; Etsi enim niger color ad *Humilitatis* signum trahi possit, nullo certè modo *Innocentiam* indicare valet, candidus verò utramque simul exprimit, juxtà Petrum Damianum, et Constitutiones supra relatas.

XIII. Et sanè longè facilius fuit, Monachos antiquum vestium candorem in fuscèdinem commutasse, ut habitum toties lavandi tædium, et incommodum fugerent, quàm ut vestes nigras in albas convertere aliquando voluerint; ac reipsà nullum aliud mutationis hujus secundæ exemplum occurrit, præter hoc adedè controversum, illius verò primæ longè plurima possumus exempla in medium asserre: Nam Vallumbrosani primò Grisei, seu pallida quadam albedine perfusi, certè magis ad album, quàm ad nigrum vergentes, ob Camaldulensium sympathiam (inquit Abbas Didacus Franchus in *Hist. S. Jo. Gualb.* pag. 188.) immò usque ad annum 1445. Scapulare album ferentes, nunc ex integro nigri evaserunt. Id passim Monialibus è Regularium jurisdictione subductis, atque Ordinarij curæ commissis, solet contingere. Narrat Venturas Minardus Athestinus in libro de Balneis Calderij, Moniales Avefæ in Patavina Diœcesi, primùm tota veste candidas fuisse, mox nigrum cucullum induere coactas. Simili fato Moniales pariter nostræ B. Antonij Peregrini Patavij florentes, album amictum nunc temporis deposuisse noscuntur, et cum nigris tunicis commutasse. Sed et Monasterium Rosani ad pontem Sevis prope Florentiam Camaldulensium juris antea fuerat, et Cænobio Monialium Prati Veteris subiectum, cujus Abbatissæ visitationem olim suscipiebat (quemadmodum et illud S. Benedicti Aretij) ex *Hist. Camald.* lib. 2. cap. 9. nunc sub Diœcesani jurisdictione viget, ac Moniales ex albis nigræ factæ illud incolunt, nullo Visitationis

sionis Scalæ respectu habito. Moniales pariter S. Nicolai Florentiæ pridem albæ fuerant, ut nedum ex vetustis picturis, sed ex earum antiquis libris sat constat; nunc verò nigram cucullam induunt, Confessarij arbitrio, et nutu, candidarum vestium sollicitudinem, citra ullum scrupulum deponere quondam edoctæ; Sic et Moniales Cænobij Genistæ apud Montem Varchij Camaldulensium juri dudum subditæ, quibus ex nostro Buldronensi Virginum Parthenone Abbatissæ destinabantur (Hisor. Camald. part. 1. lib. 2. cap. 21.) candidum quidem habitū tyrocinijs tempore observât, sed nigris deinceps vestibus post professionem utuntur. Omitto Moniales S. Annæ Pisarum, quas dudum sub cura Abbatis nostri S. Sabini floruisse constat, tum ex vetustis illarum monumentis, tum ex vita B. Mariæ Monialis apud ipsas [tunc Pugnani extrâ urbem ad Cænobium D. Pauli habitantes] Reclusæ, quam Dominus Marinus S. Sabini Monachus, et Monasterij Confessarius, Monastica tunica, cuculla, cilicio, ac velo inter Missarum solemnia indutam, Cellæ prius benedictæ inclusit, atque Eremiticam vitam agere permisit: quæ tamen Moniales de pristino vestium candore solâ tunicam retinuerunt, Scapulare, et Cucullam nigram assumentes, qua nunc, sub Ordinarij jure constitutæ, uti consueverunt; atque ita de sexcentis alijs. Quod si id in sequiori sexu, qui pristinæ tamen consuetudinis tenacior esse solet, adeò frequenter est usurpatum, annon de Monachis idem passim evenisse par fuerit ut suspicemur? Profectò ad litteram intelligi mihi posse

Q

viden-

videntur hoc in proposito verba illa S. Benedicti apud Divinum Etruscorum Poetam Dantem in Paradiso Cant. 22.

E se guardi al principio di ciascuno ,

Poscia riguardi là , dove è trascorso ,

Tu vederai DEL BIANCO FATTO BRUNO.

XIV. Ne verò suspicari quis possit , proprij habitus affectum hos à me sensus contra veritatem extorsisse, Doctissimos Viros Mabillonium, et Martene, Clarissima Litterariæ Reipublicæ, ac Monastici Ordinis Lumina, audiamus, qui licet nigrum habitum in Congregatione Gallica S. Mauri susceperint, suisque egregijs Operibus illustrarint, pro antiqua tamen *Albi* monastici Schematis traditione liberè, ac constantissimè stare non dubitarunt. Videatur Martene quidem in Comment. ad cap. 55. Regulæ S. Benedicti, Mabillonius verò in Præfatione ad Sæculum V. Benedictinum pag. 40. ubi multis coacervatis, quæ vulgò afferri solent, pro nigro colore, rationibus, et auctoritatibus, tandem uterque Scriptor *Album colorem* magis antiquis Monachis in usu fuisse concludit; Quod et ratio ipsa convincit, et antiquæ picturæ demonstrant, et veterum confirmat auctoritas.

XV. Ratio quidem, quia, ut citato loco Mabillonius observat, tunica tunc temporis cûti adhærebat, ut varijs testimonijs probari potest, lanæ enim interulæ præter Regulæ auctoritatem postea investæ sunt, unde Petrus Cluniacensis lib. 1. Epist. 28. Cistercienses redarguit, dicens: *Simplici flocco, et cuculla contenti esse*

non vultis, et ultra Regule metas, quæ nihil de his loquitur, multiplices, et quotquotlibet tunicas induitis, et eas absque aliqua discretionem desertis. Hanc ergo tunicam (quæ talaris, et domestica vestis erat, licet cuti adhærens, atque cucullæ immediatè subiecta) quia sæpiùs lavari ad munditiem Monachorum propriam decebat, candida potius, quàm nigra lana compositam dicere necesse est; nam, ut ait Hæstenus disquis. Monast. lib. 5. tract. 8. disquis. 1. niger, vel alius quicumque tinctus color, ablundo, dilutior fit, et in alium sensim facessit. Alba igitur antiquitus fuit Monachorum tunica: imò et cuculla; De utroque enim hoc vestimenti genere S. P. Benedictus expressè asserit, lavari subinde oportere: Sufficit, inquit Regula cap. 55. Monacho duas tunicas, et duas Cucullas habere propter noctes, et propter lavare ipsas res; Quid autem lotionem opus esset, ac crebra mutatione, si nigræ passim fuissent Monachorum cucullæ pariter, ac tunicæ? an rudi ejus temporis Solitariorum cultui convenisset, fuscas vestes aqua subigere, ut molliores fortassis evaderent, atque ad rugas, et plicaturas concinnè suscipiendas disponerentur?

XVI. Accedit, quòd genuina illius Regulæ textus (de quarum rerum omnium colore non causentur Monachi) interpretatio ea semper habita fuit, ut nullum lana colorem ex industria superinducerent; unde in id, quod decernit Clemens V. in Concil. Viennen. relato in Clementina *Ne in agro de statu Monachorum, videlicet: Statuimus, ut superior vestis ipsorum habitus proxima, nigri aut albi coloris existat*, Glossa ibi, verbo Coloris ita explicat;

Q 2

quia,

quia, inquit, isti colores siue tinctura ex lana possunt haberi, et ideo potius approbati. Quod ipsum fuisse Monachis antiquissimum ostendit Beda in vita S. Cuthberti Benedictini apud Surium 20. Martij, ubi cap. 16. dicitur: *Usque hodie in eodem Monasterio, exemplo eius, observatur, ne quis varij coloris habeat indumentum, sed ea maximè vestium specie sint contenti, quam naturalis ovium lana ministrat.* Idem cavetur in Regula Tartanensi: *Vester simplici erit, et nativo colore procuranda;* unde Gaufredus in vita Bernardi Abbatis Tirolensis, de ejus Monachis loquens, num. 17. ait: *Habitu quidem Monachi habentes, sed vilem, incultum, villosum, ovibus ipsis, à quibus sumptus fuerat, valde consimilem.* Porò *nativus ovium color*, inquit Martene, *est communiter albus*, adeò ne centesima quidem ejusmodi gregum pars nigra observetur; passim igitur candida fuit antiquorum Monachorum vestis, rarissimè autem nigra esse poterat, si nullo tincti colore, ex Regulæ præscripto, lanæ debuerant.

XVII. Ex Picturis rursus eadem veritas elici potest, quas huic sententiæ plerumque favere in vetustissimis Bibliothecarum libris manuscriptis, minioque eleganter ornatis deprehendere licet, non in nostris dumtaxat, sed in ijs etiam Monasterijs, quæ nigrorum hodie Monachorum sunt domicilia. *Tunica*, inquit Mabillonius loco supra laudato, *albi passim coloris erat ante annos ostingentos, ut in varijs Rabani, et aliorum Iconibus observavimus, atque etiam in Rituali Ananiensi, cuius verba apud Martene, de antiquis Monachorum Ritibus lib. 5. cap. 2. num. 4. hæc sunt: Quo induto vestibus albis.*

per

per totum ; præter Cucullam ; Loquitur autem de Novitijs ad habitum Monasticum admittendis. Sed et antiquus ille Vaticanæ Bibliothecæ codex, in quo [ut notat etiam Constantinus Cajetanus in lib. de Monachatu S. Gregorij, loquens de Codice Dialogorum S. Gregorij Papæ, et Victoris III.] quàm plurimæ Abbatum, et Monachorum *Tunicam albam* deferentiû effigies exprimuntur, idipsum suadet ; itemque Codex alter Chronicorum S. Vincentij de Vulturno in Barberina Bibliotheca servatus, Monachum præfert *Tunica alba* expressum ; quod et sexcentis posset alijs exemplis similibus confirmari.

XVIII. Denique infinita propemodum Scriptorum vetustissimorum testimonia hæc albi Monastici Schematis antiquitatem indubiam faciunt ; nam vel ipsas Monachorum primitias, post Apostolos, albo indumento incessisse, ex Josepho, Porphirio, et alijs tradit Lezana Tom. 1. Annal. Carm. ad annum Mundi 3545. num. 29. et Tom. 2. Appar. cap. 3. num. 17. Album fuisse magni Antonij habitum probat Bollandus 17. Januarij ex ejus vita cap. 23. ubi *candente præcinctus tunica suo Judicem provocasse dicitur aspectu* ; Jam ex Palladio vidimus supra num. 9. S. Pachomij Regulam singulis Monachis indicere *Caprinam pellem confectam albam*. S. Joannes Chrysostomus hom. 70. in Math. de Monachis loquens ait : *Cur ad illos Angelos non gradiemur, cur non candidas vestes sumamus ?* S. Patritius apud Jocelinum in ejus Vita cap. 185. in Hiberniâ *Cuculla candida amiciebatur*. S. Apollonij Discipuli numero

mero quingenti, *tota veste candidati erant* apud Palladium Histor. Lausiacæ cap. 52. Item Monachi illi, et Martyres, quos S. Eulogius in Memoriali SS. lib. 3. cap. 10. commemorat, *albicantis coloris vestibus induebantur*. Vita quoque S. Columbæ Abbatis Hyensis à Cummeo descripta num. 26. idem tradit, dicens : *Candidam Tunicam B. Viri, qua in hora exitus sui indutus erat, in aere leuaverunt*. Mackalle Episcopus, uti auctor est Cogitosus in Vita S. Brigidæ Virginis num. 5. *Pallium album, et vestem candidam super ipsius venerabile caput imposuit*. Cæsarius Monachus Arelatenfis in Regul. ad Virgines num. 42. et alibi earum indumenta nulla tinctura, *nisi laija, et lactina infecta denunciat*; Aurelianus etiam in Regula Monachorum cap. 26. *Vestimenta*, ait, *alio colore non induatis, nisi laija, lactina &c.* Idipsum Regula S. Donati, Tartanenfis, et aliarum commendant. Vulfinus Boetius in Vita S. Juniani, qui eodem cum S. Mauro floruit seculo, num. 7. ait *Vestis eius cilicina de caprarum pilis, qua in modum est Caracalla, quam nunc Cappam vocamus, usque hodie apud nos perseverat, ut nihil vetustatis redoleat, candido colore perfusa*. Argefsius etiam in Constitutione de victu, et vestitu Monachorum Fontanellensium, ad Saccos XV. comparandum *Griseos siccifcos assignat, unde cappa* [idest cucullæ] *fiant*; Griseum autem antiquum colorem, magis ad album, quàm ad nigrum accedere ait laudatus Martene, quod et confirmat Didacus Francus occasione Grisei Vallumbrosanorum veterum coloris, quem albedini Camaldulensium analogum fuisse statuit in Hist. S. Joannis Gualberti

pag.

pag. 188. Quemadmodum et noster Lucas Hispanus Histor. Romuald. lib. 5. cap. 1. album Coronensium Eremitarum pallium *Griseum Palliolum* vocat, et lib. 3. cap. 5. Paulum Justinianum nostrum *birrea*, vulgò *grisea*, rudi videlicet, *hirsutaque tunica ad carnes sine tuncello indutum demonstrat*: undè confirmes quæ de *albescenti birro*, discipulorum S. Romualdi [ante Camalduli ædificationem] in Eremita Perei conversantium, diximus supra num. 9.

XIX. Neque est quod opponas cum eodem erudito Viro, quem num. 6. citavi, tam certum esse, Monachorum indumenta primitus nigra fuisse, ut ipsismet Concilij *Nigrorum Monachorum* appellatio sit consecrata: quippe in *Constituto*, seu Decreto Lateranensis Concilij sub Gregorio I. titulum hunc præferri asserbat: *Decretum Concilij Lateranensis, in quo tractatur de quiete, libertate, et exemptionem Monachorum nigrorum*. Nā, ut quondam illi respondi, sic iterum in præsens assero, Titulum ejusmodi Monachorum nigrorum longè recentius esse ætate Romualdi, nedum ætate Gregorij; et sanè in Labbeana Conciliorum editione hæc inscriptio nullatenus legitur ad Monachos nigros contracta, sed habetur dumtaxat in editione Colonienfi, vel alijs fortasse, quas Monachi nigri curandas susceperunt, atque ex præoccupatione, quòd soli Nigri Monachi tempore Gregorij Magni regnarent, illud epitheton adiungere; cùm tamen in toto illo *Constituto* generatim de Monachis, et Abbatibus loquatur Gregorius Papa, nulla restrictione addita, sive ad albos, sive ad nigros, quod
indicio

indicio est, nequidem in titulo colorum discretionem fecisse, undè et Cardinalis Baronius, qui primus è Vaticana Bibliotheca Decretum illud extraxit, et ad annū 601. suis Annalibus Ecclesiasticis inseruit, nullum ejusmodi titulum profert, sed tanquam de Monachis absolute intelligendum proponit. Præterquàmquòd, etiamsi titulus ille : *De exemptione Monachorum nigrorum*, huic Decreto appositus reipsà legeretur, hoc potius indicaret non omnes passim Monachos tunc temporis nigros fuisse, sed aliquos etiam tunc albos, ad quorum distinctionem *Monachi nigri* appellarentur; Quemadmodum enim nemo dixerit, *Jesuitarum nigrorum* Institutum approbatum esse à Concilio Tridentino, quum nulli, nisi nigri Jesuitæ existant, ita etiam non dedisset Gregorius exemptionis, et libertatis privilegium *Monachis nigris*, si tales omnes Monachi fuissent, nullis colorem album servantibus.


XX. Erant ergo et tunc temporis qui albis tunicis induerentur; nec mihi propositum est veteres omnes Monachos dealbare: plerosque dixi candidos fuisse, non quoslibet, uti non omnes oves candidas esse fateor, sed ut plurimum tales esse contendo, cum tamen nigrae non desint, à quibus suum habitum illi desumpserint, qui nigro amictu induti Cœnobitæ incedebant, quos dumtaxat designant auctoritates, quæ pro vetustate nigri coloris adduci solent, non alios albos excludunt; Nam neque omnes D. Romualdi Discipuli, nec ipse semper S. P. Romualdus albis indutus fortasse incessit, cum Vallecasterenses Monachi, etiam post Scalæ mysterium

rium nigrum habitum servaverint, et in eo, ut quidam coniiciunt, S. Patrem nostrum sepelierint, qua de re Fortunius p. 2. l. 1. c. 23. sic scribit: *Sunt qui monumentis mandaverint, Sanctum Patrem Romualdum in habitu nigro, quem in Canobio Classis induerat ab exordio conversionis, defunctum esse vita, in eoque sepultum. Quæ quidem res, licet possibilis, admirationem movet, cum verisimile esse videatur (en tota mutationis habitus certitudo ad meram verisimilitudinem, ab ejus præcipuo Authore mansuetius scribente deducta) illum propter visionem Scælæ, in institutione Sacræ nostræ Camaldulensis Eremitæ in habitu albo, ex tunc albis vestimentis uti cepisse: et talis forsitan etiam fuit sua pellicia vestis, ex qua Theutonici Stipatores corporis Imperatoris villos decerpere, ut prædictum est. Quod isti argumentum hoc sumant ex nigro quodam cucullo, quod ad eorum usque tempora ad Canobium Vallis castri, Religionis causa, fuerat asser-vatum, equidem id factum crediderim, vel quia Discipuli, qui habitum nigrum non mutaverant, in suo ipsorum habitu Magistrum sepelire maluerint, vel quia S. P. Romualdus aliqua nigra mutatoria vestimenta quondam ibi reliquisset, ante constructionem Sacræ Eremitæ; Itaque nihil repugnat, indifferenter fuisse eo tempore Monachorum colorem, dummodò nativus esset, adeoque albus, aut niger, sæpius tamen album, qui, ut communior, potuit à nostris conservari, reliquis majorem uniformitatem, et lavandi compendium sectantibus, nigrum colorem deinceps præferentibus, ipsiusmet lænæ ex albis ovibus resectæ tincturam procurando; Verùm pudet longum contentionis funem ulterius circa nostri candoris origi-*

R

nem

nem protrahere. Audiatur Petrus Blesensis Ep. 97. ad quendam Abbatem. *Christus, inquit, divisus non est; siue in alba, siue in pulla veste, in omni professione, et ordine, in omni gente, quicumque operatur voluntatem Domini, acceptus est illi: inter album, et nigrum habitum non distinguit ille, apud quem non est distinctio Judæi, et Græci: attendit Dominus mentem, non cutem, merita, non colorem. In Monte Cassino schemma Monasticum, quo B. Benedictus est usus, usque bodie, sicut dicitur, perseverat. Quis audeat tanti Patris habitum blasphemare ir. filijs? nam si Delibatio sancta, et Massa; si Radix sancta, et Rami. Siue cum Nazareis candidior nive sit aliquis, siue cum B. Job super carbonem denigrata sit cutis ejus, uterque salutem in domo Domini operatur; Sanè in ovili Jacob sunt agni albi, et nigri. In vinea Sorec sunt uvæ albæ, et nigræ; sed et Sponsa, quæ lilijs convallium præalbescit, ipsa eadem dicit: Nigra sum, sed formosa. Apud Sponsam Christi non est absurda varietas, cum ipsa circumamicta varietatibus describatur. Ipsa varietas uniformitatis causa est; nam in citbara ex diversitate chordarum fit uniformis modulatio ad concentum. Hactenus Blesensis, cum quo de colore satis.*



CAPUT VIII.

Reliquæ Obiectiones discussæ: ubi et de
Breviarij auctoritate, ac de Negativi
Argumenti robore differitur.

STNOTSIS.

*Breviarij verba sententiam Fortunij præsupponere contendunt
Adversarij. 1. Dissertationis Primæ doctrinam non tangere,
nec mutationi habitus favere. 2. Camalduli factam Scalæ
Visionem ibidem non tradi, sed aliam fortè, quæ apud Si-
triam contigisse dicitur. 3. Non quasi indubiam, sed ut
probabilem, Visionem illam potuisse in Breviario relinqui. 4.
Gradus auctoritatis eorum, quæ imbi continentur. 5. Sapi-
us reformatas fuisse ejus lectiones. 6. Negativi argumenti
obiecta inefficacia. 7. Sanctorum gloria præiudicare confi-
ctas narrationes. ibid. Negativi argumenti ad dialecticam
formam reductio. 8. Ad negativas Theses probandas pluri-
mum valere, ratione, et exemplo suadet. 9. Inepta con-
trariæ assertionis positiva probatio. ibid. Nostra argumen-
ta positivis æquivalere. 10. Alia instantia refellitur ex
sanguineo Christi sudore. 11. Facta Christi ab omnibus
Evangelistis prætermissa, apocrypha censenda. ibi Silentium
Rodulphi in nostro proposito non merè negativum esse. ibi
Discrimen causæ nostræ à Translatione Lauretana Domus.
12. Cella Sacre Eremitæ non Visione Romualdi, sed Mira-*

culo fagi celebranda. 13. Oppositam sententiam à nobis in suo probabilitatis gradu relictam, nostris documentis illustrandam. 14. Depulsa livoris in Fortunium calumnia. ibid.

I. **C**Æteris nunc oppositionibus occurramus. In his non minimi facienda videtur, quam ex S. P. Romualdi lectionibus, Monastico, ac Romano Breviario, Clementis VIII. jussu, ad diem 7. Februarij insertis, deducere possunt, ubi legitur : *Scalam à terra Cælum pertingentem, in similitudinem Jacob Patriarchæ, per quam homines in veste candida ascendebant, et descendebant, per visum conspexit, eoque Camaldulenses Monachos, quorum instituti auctor fuit, designari mirabiliter agnovit.* Quibus verbis ita consecratam putant, quò ad omnes sui partes, Fortunij sententiam de Scalæ Visione Camalduli habita, ut etiam, contra Primam Dissertationem nostram, Ordinis initia non ante Visionem hanc à Romualdo posita hìc putent definiri, et quàm mitissimè agentes, imminentem saltem temeritatis notam, de Fortunij hypothese dubitantibus comminentur.

II. At in primis hìc observandum occurrit, Primæ Dissertationis doctrinam his verbis nullatenus impetiit; quia, tametsi dicatur, alicubi Romualdus Scalam vidisse, per quam homines albis induti conscenderent, atq; eo Camaldulenses Monachos, quorū instituti auctor fuit, designari intellexisse, nō tamen asseritur, occasione ejusdē Visionis Monachos Camaldulenses tunc primū, potius quàm antea, institutos sub ea specie sibi propositos

reco

recognovisse; Neque enim ibi legitur, quos statim instituit, aut quorum instituti auctor futurus erat, sive, quibus instituendis tunc primum incubuit, aliave simili phrasi, rem nondum factam exprimente, hoc describitur, sed absoluta præteriti temporis significatione, quorum instituti auctor fuit; Unde mirari subit, cur eruditus Auctor Libri, omnium Religiosorum habitus, et origines exhibentis, verba illa Italicè interpretari voluerit: *per tal visione si persuase essere preconizzati i Monaci, de' quali poi s'è Autore*; particulam enim *postea*, vel *deinde*, aut æquipollentem, in latinis verbis non video; Tum etiam quia dici potest, Camaldulense nomen in citatis Breviarij verbis strictiùs accipi in speciali significatione, juxta duplicem hujus vocabuli acceptionem, quam Dissert. I. cap. 2. num. 21. distinximus; Quo sensu dumtaxat veram expositionem verba illa, cum additamento particule *deinde*, à laudato Auctore subintellectæ, accepta, possunt assumere. Itaque non est quo sibi de Fortunij sententiæ approbatione hac ex parte Adversarij blandiantur; eoque minùs quidpiam hic declaratū reperire possunt pro Nigri habitus mutatione in Album prætenso, in qua Fortunius totum Visionis mysterium, suæque causæ præsidium collocat. Nisi porro hæc duo, Institutio videlicet universi Ordinis Camalduli facta, et Mutatio habitus subsistant, nec locus ullus est ad Fortunij sententiam contra me vindicandam, licet in refutanda Scalæ Visione (quam ab initio falsus sum ita in dubium à me revocandam, ut oppositæ tamen sententiæ suam qualemcunque probabilitatem relinquam)

quam) Breviarij autoritate oppressus fortasse deficerem: quomodo, gloriari saltem possem ejus falsæ hypotheseos machinam, quæ duo illa potissima complectebatur, solo tenus æquasse, etsi fundamentis ipsi, quibus superstructa erat (Visione videlicet Scalæ Romualdinæ) succutiendis dumtaxat, non penitus everteendis, vires ingenij responderint.

III. Amplius tamen animadverto, ne quidem *Camalduli* potius, quàm *alibi* exhibitam Romualdo hanc Scalæ Visionem in prælaudatis Lectionibus affirmari; atque adeò dum inficior, apud Camaldulum Romualdo Scalam apparuisse, quam eo loci soli Maldulo per visum obiectam ex antiquis auctoribus demonstravi, non est cur me Breviarij autoritatem impetere crimentur, cum non negem simile quidpiam *alibi* Romualdo contingere potuisse; mihiq; abundè sufficiat, non subsistere Visionem, quæ *Camalduli* Romualdo exhibita dicitur, tamquam totius Ordinis tunc instituendi præludium, neque ullam habitus mutationem ejus occasione inductam. Profectò si vel Philip-pum Ferrarium de Sanctis Italiæ audias, vel Gabrielis Bucellini Menologium Benedictinum consulas, deprehendere erit, hanc Scalæ Visionem Romualdo *apud Sitriam versanti* attributam, prout ibidem altera Visio contigit, ex cap. vitæ 51. de anima S. Patris instar nivis candida ante Deum delata, quam Fortunius part. 1. lib. 1. cap. 25. eandem fuisse cum Scalæ Visione asseverat, adeò ut utraque species, eodem tempore, et loco, se D. Romualdo exhibuerit. En Bucellini verba

loco cit. ad diem 7. Februarij, *Instituit: immortalis cum merito, Sanctissimum Camaldulensium nostrorum institutum, quod ipsi mirabiliter præsignatum fuit, dum in Sitræ monte apud Fabrianum commoranti Scala inde ad Cælos usque pertingens ipsi visa est, per quam homines candida veste ascendentes, atque descendentes conspexit. Ut ergo Bucellinus, et ante ipsum Ferrarius, lætæ Ecclesiasticæ authoritatis non arguuntur, dum Scalæ Visionem apud Sitræ, non autem Camalduli, evenisse contendunt, quando Visionis ejusmodi locum Breviarij verba non explicant, ita mihi vitio vertendum non est, si eandem Scalæ Visionem Camalduli contigisse negem, quamvis an in Sitræ, vel in Gallia sub Ordinis initium, aut alibi, Romualdo similis apparitio contigerit, utpotè de re mihi penitus incomperta, statuere nihil ausim, neque hîc disquirere vacet. Quæ responsio, tum picturis, tum communi etiam persuasioni posset fortasse applicari.*

IV. Ad hæc: etsi de Camaldulensi Visione Scalæ, quam Romualdo tribuunt, Breviarij verba forent intelligenda, nihil propterea vetaret, illam ut merè *probabilem* habere (quod toties professus sum) atque oppositæ interim sententiæ rationes, salva tantæ auctoritatis reverentia, proponere; monet quippe Bartholomæus Gavantus, Comment. in Rubr. Brev. Sect. 3. cap. 12. de Lectionibus num. 6. Correctioni Breviarij præfectos Baronium, ac Bellarminum multa ejusmodi merè probabilia in lectionibus reliquisse: *Qua in re, inquit, perdifficile visum est illis ad Historiæ veritatem bona fide restituere Sanctorum lectiones, idque minima, qua fieri potuisset*
muta-

mutatione: imò quæ controversa erant, alicujus tamen gravis auctoris testimonio suffulta, aliquam haberent probabilitatem, retenta sunt eo modo, quo erant. Potuerunt ergo iidem Viri Prudentissimi, propositam clausulam, (à Fortunio verosimiliter intrusam, quippe in Lectionibus, quibus ad eam diem tum nostri, tum Vallis Umbrosæ Monachi utebantur, nullum Scalæ vestigium apparet, ut in vetustissimis tam Mss. quàm impressis utriusque Ordinis Breviarijs patet) intactam relinquere, inter tot alias Historias, de quibus ingentes controversiæ apud Eruditos nihilominus agitantur: quemadmodum in his ipsis S. Romualdi lectionibus longævam ejus ætatem centumviginti annorum expressam sinere non dubitarunt, quam tamen innumeris difficultatibus obnoxiam sciebant, de quibus in Dissert. II. actum est, quia nimirum apertissima Petri Damiani auctoritate probabilis reddebatur; Cur enim pariter non deferrent Viri humanissimi auctoritati Pauli Justiniani, Mugnotij, Ractij, Fortunij, ac Lucæ Hispani, à quibus illa Visio Romualdo tribuitur? præsertim cùm illam ex scriptis B. Rodulphi elicere se faterentur, eorumque fides in dubium vocanda non esset, nec revinci facilè posset, dum ipsamet Rodulphi scripta Romæ non extarent, quæ melius expensa, Maldulo, non Romualdo, Visionem illam contigisse demonstrarent, calculum fortasse revocaturi, si è re existimassent qualiscunque hujus traditionis originem ad examen vocare, ipsismet Authographis diligenter inspectis; At cùm nemo tunc in oppositum mutiret, omnes rem planè indubiam suppone-

ponerent, nulla vel levis suspicio oborta est, quæ accuratius examen postularet.

V. Ceterum hoc loco fortasse iuvabit, ad simpliciorum cautelam, adnotare quod seriam omnium animadversionem mereri videtur, nequa in hoc, et similibus propositis, errandi præbeatur occasio: Nimirum in triplici differentia esse quæ in Ecclesiasticis Officiis proponuntur; alia quippe è sacrarum scripturarum libris deprompta sunt: atque hæc omnimodam exigunt divinæ autoritatis fidem, cui falsum subesse nequit, quæque omnem dubitationis umbram excludit; alia ex homilij, et sermonibus Sanctorum Patrum assumuntur, quibus tanquam Ecclesiæ Magistris, ac Fidelium Doctoribus à Divina Providentia deputatis, par est Catholicos omnem reverentiam exhibere; multò inferiorem tamen ipsorum sententijs, quàm ipsimet Divino Verbo in Canonicis codicibus scripto, debemus observantiam: nam ut ait Hieronymus Epist. ad Crespiontem: *Aliter habendi sunt Apostoli, aliter reliqui tractatores: illos semper verum dicere, istos in quibusdam, ut homines, errare contingit.* Unde Eruditissimus Canariensium Episcopus Melchior Cano de loc. Theol. lib. 7. cap. 3. ait: *Cum Sanctorum quisque, bis duntaxat exceptis, qui libros canonicos ediderunt, spiritu fuerit humano locutus, et aliquando vel in eo errarit, quod ad fidem spectare postea demonstratum est, aperte constat, ex huiusmodi autoritate exploratam fidem haberi non posse.* Alia demum è Sancto-um vitis, et historijs in Breviaria derivantur, quæ perfecte humanam duntaxat exigere fidem possunt: ita quidè,

S

ut

ut quandiù gravis momenti ratio contrarium non suadet, omnis obsequij significatione sint excipienda, ijsque sine fundamento repugnare, temeritatis notæ sit obnoxium, cum fundamento verò non item; De hujusmodi enim Historijs inquit Gelasius Papa in Cōcil. Rom. *Sed cūm hæc ad catholicorum manus pervenerint, B. Pauli Apostoli præcedat sententia: Omnia probate, quod bonum est tenete; Quod et sæpe in similibus notat Card. Baronius, ut tom. 10. in Append. ad annum 302. ubi ait: Romana Ecclesia non sicut Evangelium legere consuevit Sanctorum Acta, sed liquit libranda Apostolica lance: omnia probate, quod bonum est tenete; Unde à prælaudato Cano loc. cit. lib. 11. cap. 5. dictum fuit: Nec enim Historias omnes tueri est animus, quæ passim in Ecclesia lætitantur, et infrà: in maximo illi errore versantur, qui verum gestarum memorias, tamquam Ecclesiæ oracula accipiunt, si eas in Epistolis, et decretis suis [adde et lætionibus à Sacra Congr. Rit. approbatis] Pontifices aliquando usurparint.*

VI. Quod si quis adedò imprudens sit, ut (confusis credendi regulis) eam Romanæ Ecclesiæ calumniam imponat, quasi nimirum illa in ejusmodi singularibus factis, à nulla revelatione pendentibus, et cum nulla dogmatum catholicorum controversia connexis, divinam sibi arroget autoritatem: animadvertat velim, ab hac se labe ipsammet Romanam Ecclesiam persæpe purgare, dum toties in Breviariorum reformatione Historias pridem propositas, qua parte vel fabulosas, vel maximè dubias, novis emergentibus argumentis, deprehendit, vel ex integro abradi, vel opportunè im-

muta-

mutari jussit, quod et impofterum fortasse factura erit, siquidem expedire judicaverit; Hæc enim, quæ ab humanæ diligentæ diffuffione pendeat, vix primorum conatuum accurata quamvis industria, numeris omnibus absoluta evadere, primoque statim ab examine supremam manum accipere poffunt. Quod domesticis alijs exemplis confirmari poteft, ut in fecunda Lectionum Mensis Septembris pro officio S. Romualdi in Feria tertia, Ingelbertum Romam euntem per Spiritum vidiffe Romualdus affertur, quod Damianus cap. 56. de alio Discipulo narrat, ut patet ex ejus capitis titulo utrumque diffingente, nimirum: *De Discipulo, quem Romam euntem per spiritum cognovit; et de illo (nempe Ingelberto) qui sibi derogans reclusorium fregit*; et in ultima periodo Lectionis fecundæ pro S. Dominico Loricato die 17. Octobris, huic Sancto tribuitur quod Damianus lib. 1. Epist. 19. Dominici ejusdem vitam complectente, de B. Michaele Polensi, non de ipso Dominico aperte narraverat: cum tamen hæc lectiones à S. R. C. probatæ sint 7. Decembris 1680., ut illæ 18. Maij 1671. Quæ sanè vitio eorum, qui lectiones hujusmodi compilarunt, contigisse fatemur, non Eminentiſſimorum PP. defectu, quorum vigilantiam illorum indiligentia sua expectatione fraudavit.

VII. Aliud æquè invidioſum obiectionis genus nobis paſſim proponitur, quod tamen ſupra ſub initium Capitulum 2. et 3. aliqua ex parte præoccupavimus: ſed moleſtis, inficetisque detractoribus numquam ſatis. Nempe negativis dumtaxat argumentis, Hæreticorum

more, sacras Traditiones me impetere criminantur: quo quidem verborum strepitu, et clamore, nihil est apud imperitæ plebis aures conslandæ adversus doctrinam meam invidiæ magis idoneum, sed nihil etiam labefactandæ apud eruditorum animos sententiæ meæ minùs accommodatum; ignorari quippe à nemine potest, nullas hic vel Divinas, vel Apostolicas, vel Ecclesiasticas Traditiones in discrimen venire, sed popularem dumtaxat persuasione, neque illam admodum antiquam, quæque nonnisi per abusum Traditio appelletur, cujusmodi innumeræ altissimas in vulgi animis radices fixere, licet falsitatis omninò manifestæ convincantur, qualisque est apud finitimos Sitrix populos de Carcere D. Romualdi, in quo per vim à Discipulis detentus sit, quem tamen voluntarium reclusionis secessum fuisse ex Petro Damiano cap. 52. satis constat; et sine piaculo ejusmodi traditiones. refelli posse, ac debere à veritatis amantibus, miror ab ullo sanæ mentis viro in dubium vocari, vel eo prætextu, quòd commenta illa in speciem pietatis composita sint, aut quòd nihil referre quis arbitretur, explodantur, an dissimulentur, aut quòd Virorum Sanctorum gloriæ præjudicari posse ejusmodi refutatione vereantur: *Quasi* verò (inquit lib. 11. cit. cap. 5. Eruditissimus Melchior Cano) *Sancti Dei homines nostris mendacijs egeant, qui tam multa vera pro Christo gesserunt, ut falsa, quantumvis licet erudita simulationis artificio composita, ut noxia non sint, quoniam inutilia sint tamen, tanquam ignavi milites, oneri sint magis, quam auxilio; Quanquam mihi non innoxia place-*

nè

nè videntur quæcunque veritatem obscurant, nec inutilia dumtaxat, sed perniciosa potius apparent quæcunque Sanctorum Historijs commentitiarum fabularum permixtione contaminandis conducunt; Ædificationi autem è contrario esse scio apud Heterodoxos, quòd Catholici se Veritatis amatores sinceros ubique probent, eòque faciliùs inconcussa esse quæ amplectimur catholica dogmata sibi persuasum habere possunt, quòd videant nos vanis ejusmodi technis non pasci, sed nutantia quæque Historiarum capita, licèt in speciem nobis faventia, virili animo repudiare, atque solida tantùm sectari; quos autem vident coacervandis, amplexandisque quotlibet popularibus traditionibus, etiam ridiculis, ac fabulosis, intentos, hos ne suis quidem, vel cùm veras traditiones proferunt, dignantur aspectibus, cùm et in his ab horum Tractatorum levitate sibi cavendum esse suspicentur. *Mendaci enim homini, ait idem Canus loco cit. capite 6. ne verum quidem credere solemus. Quamobrem qui falsis, atque mendacibus scriptis mentes mortalium concitare ad divorum cultum voluerit, hi nihil mihi aliud videntur egisse, quam ut veris, propter falsa, adimatur fides, et quæ severè ab auctoribus planè veracibus edita sunt, ea etiam revocentur in dubium.*

VIII. Quòd verò negativis me uti argumentis improbent, ac velut ficulneæ clavæ [quæ tamen arundinea solidior esset] semper innixum jactent, id à ratione vel maximè abhorret; Neque enim hoc enthymemate utor: *Hic, vel ille Historicus hoc factum non prodit, ergo factum non est*, cujus consecutionem nullam esse fateor

fateor, ac penitus conspuendam; sed quemadmodum prudenter monuit Cardinalis Baronius sententia illa sæpe à nobis laudata ex Tom. 1. Annal.num. 12. *Quod à recentiori Auctore de rebus antiquis sine alicujus vetustioris auctoritate profertur, contemnitur*; ita mihi licet, ejus doctrinæ insisterendo, ejusmodi argumenta asserere, quæ ad syllogisticam formam redacta, hanc speciem induerent: *Si res gesta fuisset, ab his, et illis Auctoribus tradita esset: atqui ab his, et illis tradita non est, ergo gesta non fuit.* Vel etiam: *Gesta, de quorum veritate non constat, asseri non debent: Atqui de veritate Visionis Scale Romualdine, et habitus mutationis non constat, ergo hæc ipsa asseri non debent.* Minorem probat silentium eorum, qui de his rebus tractant, ex quibus prætenfa veritas constare deberet. Sive ampliùs hoc modo: *Si quis asserat quod nequè scit, nequè scire potest, nullam meretur fidem; at Fortunius in assertionibus hic controversis id asserit, quod nequè scit, nequè scire potest, ergo in his nullam meretur fidem.* Minor probatur sic: *Res à quinque retrò sæculis, vel eò ampliùs gestæ, nonnisi ex ejus temporis Scriptorum monumentis innotescere possunt; sed ex monumentis ejus temporis nullatenùs innotescunt assertiones hic controversæ, tanto tempore Fortunij ætatem antecedentes, ergo Fortunius id asserit, quod nequè scit, nequè scire potest.* Hæc, et ejusmodi sunt argumenta nostra, in quibus non video quid vitij insit, nisi fortè aliam Dialecticam docere me Adversarij dignentur.

IX. Suas interim sibi præclaras Criticæ leges habent, qui *Negativa argumenta in rebus criticis omnium debilissima, nulliusque ponderis esse, tanquàm è folio, pro-*
nun-

nunciant; nam Canonem hunc, ubi de positivis factis evincendis agitur, verissimum sane concedimus (sic enim ex quo nihil obstat in antiquis monumētis, quominus ex. gr. S. Romualdus Pisis aliquando fuerit, non sequitur vel ibi reipsa fuisse, vel id cum aliqua veri specie à quopiam asseri posse, cessantibus positivis coniecturis id suadentibus) At manifestè falsum esse contendimus, si ad evertendas aliorum assertiones, sive ad negativam Thesim (qualis nostra est) comprobendam referatur: validissima enim, ac præcipui roboris tunc esse negativa argumenta, nemo, nisi planè stuppeus, aut in Historijs peregrinus ignorat; Quamobrem à præclaris Historicis passim usurpari solent ad figmenta quælibet explodenda: quemadmodum Hieronymus [de Script. Eccles. in Luca] *Periodos Thecle, et totam baptizati Leonis fabulam* ex unius Lucæ silentio qui Acta Apostolorum descripsit, confutat: Imò et à Theologis, ac Sanctis Patribus ad explodendas Hæreticorum novitates efficacissimo loco habetur negativa auctoritas, uti ex Gregorio Nazianzeno jam supra notavimus cap. 3. ad finem num. 3. Et verò quid magis naturæ consonum quàm ut positiva facta, positivè: negativa, negativè probentur? nisi velint eò usque nugari, ut non modò res, sed et ipsarum, quas vocant, negationes, positivis causis, à quibus directè profluant, ascribere contentur, aut positivos iisdem effectus hinc directè manantes effingere, ut à priori, et posteriori [quod ajunt] earum qualiscumque veritas positivè evincatur. Ipsorum interest idoneis positivis argu-

argumentis prætentam D. Romualdi visionem, et habitus mutationem astruere: affirmanti enim semper incumbit suæ assertionis probatio; mihi utramque neganti sufficit ostendisse, quòd de utraque nusquam constat, sed per quinque sæcula incognita, et inaudita permanferit. Expectantne, ut antiquiores Authores producam, qui Romualdi visionem expressè rejiciant, illamve nedum Maldulo tribuant, sed dictionem suam exclusivis particulis coarctent: *Maldulus solus vidit, Maldulo tantùm, aut præter Maldulum nemini hac visio apparuit?* Idne, inquam, expectant, ut positivo argumento adigantur? Atqui oportuisset, Rodolphum, Gerardum, Hieronymum, aliosve de Malduli Visione loquentes, prophetico insuper spiritu actos fuisse, quo divinarent illam Romualdo post tot sæcula fore tribuendam, atque opinionem hanc sibi in antecessum refellendam assumerent: facta quidem monumentis consignari solent, negationes factorum non item, nisi cùm prævidentur futuri, qui factum præsumant, ipsæque propterea providè præcludenda sit ansa illud conjectandi. Equis enimverò in animum induxisset, tam lævo Sidere caput aliquod nasciturum, quod ex narratione Visionis Malduli, Romualdi Visionem non præsumendam modò, sed positivè ampliùs probandam consuleret, hoc egregio sanè argumento: *Visio facta est Maldulo, ergo et Romualdo*, atque illationis probationem [quam ego quidem in omnibus topicis locis frustra quæsissem] hinc singulariter deducendam arbitraretur, quòd plerumque in Regularium Ordinum institutionibus

Eccle-

Ecclesiastica Historiæ doceant, Visionem, seu Illustrationem aliquam Institutori primum, deinde Compromotoribus factam, ut in Religione S. Mariæ de Mercede, alijsque novimus contigisse? Nemini sanè id in mentem venire poterat; cùm et extra rem comparatio hæc instituatur, siquidem falsum est; nostræ Religionis exordia in Campo Malduli, ejusque Visionis occasione, posita, ut Dissert. I. demonstravimus; et, si vel maximè post hujuscemodi Scalæ Visionem Ordo noster à Romualdo institutus esset, non erat hic arguendi modus ab homine limati judicij expectandus, undè innumeris inauditis visionibus, pro cujuslibet Congregationis fundatione temerè astruendis, aditus muniretur.

X. Præterea argumenta à me in hanc rem adducta, non merè negativa sunt, sed ejusmodi, quæ affirmativis saltem æquipolleant, tum quia ex silentio eorum, qui Scalæ Visionem aliquam, sed Maldulo factam tradunt, quique promptius illam Romualdo etiam communem fuisse notare debuerant, deducuntur; tum quia præfati Auctores ea scribunt, quæ manifestè supponant, Maldulo soli Visionem contigisse, ut cùm Gerardus notar, Eremitarum Cadavera super Scalam ponenda exemplo Malduli Viri Sanctissimi, qui in Visione, ubi nunc est Ecclesia Eremitæ, vidit excelsam Scalam Cælos tangentem, per quam splendentium, et albescentium videbatur ascendere multitudo; Et cùm Bernardinus Gadoles determinationem (non mutationem) candidi habitus à Romualdo factam conijcit, vel ob textus Scripturæ ab ipso citatos, vel propter Visionem Maldulo ostensam,

sam, qua sibi apparuit Scala protendens à terra in Cælum, per quam alborum multitudo ascendebat. Quorum utrumque, sicuti postquam invaluit opinio de Visione Romualdi, ad ipsum S. Patrem congruentius referri solet [illud quidem Gerardi à Paulo Justiniano Regul. Erem. cap. 32. Supra consuetam scalam reponantur, ob memoriam ejus, quæ B. Romualdo apparuit: hoc verò Gadoli à Fortunio, et Ractio, tum alibi, tum in Constitut. Monachor. Camal. sub Pio V. ab eodem Ractio compilatis, ubi ad cap. 55. habetur: Nos tamen antiquam quingentorum, et quinquaginta annorum, ob revelationem D. Romualdo factam, sequentes consuetudinem, non nisi candido utemur colore.] Ita ad eundem directè retulissent Auctores illi, si Romualdum talis Visionis participem credidissent, vel tantùm suspicati essent. Denique quia qui Romualdi Visionem narrant, illam ex Rodulpho se tradere profitentur, in quo tamen nullum ejus vestigium, sed illius tantùm, quæ Maldulo est exhibita, relucet: et qui utramque Visionem simul componunt, circumstantiam B. Rodulphi auctoritati repugnantem astringunt, uti cap. 3. num. 6. et cap. 5. num. 7. notavimus; Quæ quidem nisi positiva esse falsitatis prætenfæ Visionis argumenta censeantur: dicant, oro, si reipsa (ut fieri saltem potuisset vel ab adversarijs fatendum est) Romualdus hanc Visionem omnino non vidisset, sed solus Maldulus, nec tamen defuissent qui illam Romualdo tribuerent, quæ majora suppetere tunc possent momenta, quæ clariora indicia, ad suppositum hoc commentum redarguendum?

XI. Ve;

XI. Verùm hæc omnia, quamlibet perspicua, et ad persuadendū rectè dispositas mentes idonea, Viros nonnullos, quantum ipsis videtur, acutissimos non convincunt, quos reponentes audio [et adhuc patienter audio] iisdem principijs posse sanguineum Christi Sudorem in horto, licet ab uno ex Evangelistis narratum, in dubium vocari, eoquòd à tribus reliquis taceatur. Quibus planè respondeo, exemplum ad rem non esse, quia si Romualdi Visio ab uno saltem vetustiorum Scriptorum, qui proximè ad Romualdi ætatem scripserunt, traderetur, etiamsi reliqui de eadem silent, nihil ego in oppositum mustitarem, ut de facto nihil ambigo de Visione Malduli, quam tradit Rodulphus, licet Petrus Damianus, et Thedaldus Episcopus Aretinus illam non exprimant; Itaque nostro proposito affiniore esset comparatio alicujus actionis Christi, quam *nullus* Apostolorum, Evangelistarum, ac Veterum Ecclesiæ Patrum tradiderit, quales sunt in Apocryphis libris *De infantia Salvatoris, De nativitate Salvatoris, et Maria Obstetrice &c.* à Gelasio I. Papa proscriptis, quorum licet vetustissimorum, autoritas nullius ponderis est ad facta, quæ ab omnibus Evangelistis prætermissa sunt, persuadenda, tametsi certum sit, plura Dominum Jesum fecisse, in Evangelijs non scripta. Hæc erat comparatio instituenda, non sanguinei sudoris à Divo Luca iam expressi, licet à reliquis prætermissi, cum et ego vim faciam in *omnium*, non in *aliquorum* dumtaxat silentio. Addo insuper, me nihil de Visione Romualdi dubitaturum, si Rodulphus

de simili Visione Malduli filuisset, tunc enim silentiū ejus [ut cum Scholasticis loquar] *merè negativum esset*, locumque permetteret, ut Traditio sinè scriptis propagata intelligi posset; undè non ambigo de miraculo Romualdi ex impulsu Dæmonis in flumen casuri, ac (cedente saxo) mirabiliter sospitis, licèt tum Damianus, tum Rodolphus, tum Gerardus de illo fileant, nec enim occasio ipsis fuit, ut illud commemorarent, quare ex ipsorum simplici silentio nulla suboriri potest suspicio, quæ ponderis alicujus sit, præ Hieronymi Pragensis, illud post aliquot sæcula, ex traditione tum vigente, commemorantis, auctoritate: Hieronymi, inquam, non Fortunij, cujus dictis si standum esset, vix inter tot fabulosas circumstantias, quibus ab ipso circumvestitur, facti veritas elucesceret, sed cum meditationibus de natura abietis, colloquiisque de natura Dæmonum ibidem insertis, confunderetur. Eatenus igitur ex Rodulphi, et aliorum omnium silentio falsitas Romualdinæ Visionis deducitur, quatenus similem Malduli visum narrantes, et sacrę Eremitæ ædificationem ea occasione ab Romualdo factam recensentes, verosimile non est, voluisse præcipuam Romualdi Visionem dissimulare, si et hanc intercessisse cognovissent.

XII. Neque vel apposita, vel opportuna est hæreticorum moris comparatio, qui divinas, Apostolicasque Traditiones, aut Ecclesiasticas consuetudines conculcant, uni Scripturę, illique pro vario ipsorum arbitrio expolitę, insistendum esse contententes, quasi
verò

verò et ipsum Verbū Dei Traditum ejusdemmet Verbi scripti testimonio non toties commendaretur. Deinde quòd in particularibus quibusdam factis admittendis morosiores sint, sole quorundam Historicorum silentio persuasi (ut speciatim obiecta mihi à nonnemi- ne est illorum circa Lauretanæ Domus Translationem admittendam pervicacia, exaggerato D. Antonini silentio) id nec commune, nec simile quidpiam habet cum nostræ causæ disceptatione; Si enim quingentis dumtaxat, post Ædis illius Sacrarium ad nos transmissum, annis, id miraculum celebrari cœpisset (ut tanto tempore Visio Romualdi nullis litteris consignata legitur) si quicumque illius migrationem prædicant, non alijs niterentur idoneis monumentis, sed ex ipsius Antonini Historijs id se decerpere dicerent, in quibus postmodum non illius Lauretanæ, sed alterius, putà Sabinensis Collis Vertighij Cellæ translatio descripta legeretur [ut qui Visionem Romualdi narrant, ad Rodulphi scripta provocare solent, ubi solam Malduli Visionem deprehendere licet] profectò par utriusque exempli ratio haberi posset, sed tùm nemo sanæ mentis alterutrius Veritatem aut temere indubium verti, aut protervè negari contenderet; Cùm verò et paucis post annis à Sacræ Domus in Italiam adventu monumenta regionis illius, in qua stationem posuit, indubitata occurrant, et ipso quidem Antonino penè selsquifæculo vetustiora, ad quem nemo prudens pertinuisse dixerit, de re tum vulgatissima expressum testimonium suis Historijs inferere: hinc temerè abuti ejus silentio

tio contradictores ad Lauretani Sacelli veritatem impugnandam, tam manifestum est, quàm è contrario evidentissimè constat, longè aliud de Romualdi Visione, his momentis minimè fulta, judicium ab æquis historicarum rerum æstimatoribus ferri debere.

XIII. Nimius fortasse videbor in his minutius persequendis: sed mihi quàm maxima possum attentione circumspiciendum est, nequid intactum relinquam, quod minimam in hac materia difficultatem præseferat, neve dissimulasse me quidpiam Adversarij cavilentur; itaque postremam hanc, valdè popularem, instantiam expendere juvat, antequàm manum de tabula tollam, et calamum feriar, vel ad magis jucunda studia regredi concedam. Quotquot Sacram Camalduli Eremum religionis causa nunc temporis conveniunt, Cellam quandam ad sinistrum basilicæ latus sibi indicari vident, ubi Divo Romualdo Visionem Scalæ contigisse ab Eremita hospitum exceptore sibi narrari audiunt, cum subsequente habitus mutatione, cujus rei argumento Visio eadem ad præcipuum Cellæ parietem anaglyptica effigie expressa cernitur, quasi Romualdo nigra cuculla induto per quietem obiecta fuerit; Longè verò difficillimum persuasum est, potuisse locum ipsum fingi, ubi Visio exhibita sit, nisi continua traditione majorum cella ejusmodi, ob hoc ipsum mysterium, reservata fuisset, atque ad rei memoriam perennandam destinata. Verùm respondeo, Malduli quidem Visionem contigisse *Ubi nunc est Ecclesia Eremiti*, uti narrat Gerardus II. Generalis loco à nobis

bis sæpe, et hic supra num. 10. citato; Cellam autem illam, quæ nunc Visionis S. Romualdi dicitur, et habitam semper, et semper habendam pro Cella, quam ipse S. P. Romualdus incoluit, et ad quam contigit miraculum fagi à Petro Damiano cap. 47. narratum. Itaque congruentius debuisset ibidem casum præcipitis fagi, aliorum à cella projectæ, depingi, quàm Scalæ Visionem, nisi plausibilior visa fuisset falsa Fortunij, quàm vera Damiani narratio, vel magis idonea ad venerationem Sacro loco apud omnes conciliandam; enimverò post ætatem Fortunij effigiem illam adornatam fuisse ex nigro Romualdi habitu constat, cum vetustiores omnes Romualdum etiam in actu suppositæ Visionis, et ante ipsam albis indutum exprimant, ut cap. 4. num. 1. observavimus; unde apud omnes Auctores, qui vel Camaldulensis Eremitæ ædificationem, vel ejus situm describunt, etiam illos scilicet, qui aliàs Visioni Romualdi favent, numquam talis Cella pro Visionis prætensa loco, sed pro S. Romualdi cella, ubi inclusus vixerit, et quæ à præcipitio fagi illæsa servata fuerit, indicatur. Ita in monumentis Camaldulensibus, anno 1513. editis, et cap. 5. num. 3. adductis, de Romualdo dicitur: *Quinque cellas construxit, in quarum una se ipsum aliquanto tempore reclusit, et magnis ibidem coruscavit miraculis.* Et Paulus Justinianus in Proœmio Regulæ Eremiticæ similiter de Romualdo ait: *Quinque cellas construxit, in quibus religiosos fratres ordinavit, una sibi reservata, quæ usque ad hæc tempora, omnium, quæ in Eremito sunt, antiquior, et angustior, Beatissimi Romualdi cella nuncupatur.*

patur. Et Mugnotius lib. 1. Descriptionis Sacræ Ere-
mi, refert Romualdum ædificasse *quinque domunculas,*
quarum angustiores inhabitabat anno virginis partus millesimo duodecimo. Ipsemet Fortunius part. 1. lib. 1. cap.
30. Sacram Eremum describens, inquit: *E' regione basi-*
lica à sinistro Eremitæ latere ad occidentalem plagam propius
sapientum in prima sacri loci regione est Cella Sanctissimi
T. Romualdi, quam ille ædificata Eremitæ primitus, uti memo-
raturum est, incoluit, post quam sequuntur, S. Francisci &c.
Similia habet Minius, et quidem totidem verbis in sua
descriptione pag. 57. nullusque est, qui referat Cellam
illam, tanquam Visionis Sancti Romualdi locum à
quopiam censeret; itaque S. P. Romualdi incolatu dū-
taxat, et fagi miraculo consecratam credere fas est,
nec nisi recentiorum sæculorum consuetudine invaluisse,
ut prætenso Visio, et Mutatio, quasi ibi conti-
gerint, cellam præfatam visitantibus enarrentur.

XIV. Sed jam receptui canamus, ne Lectorum pa-
tientia diutius abutamur, abundè siquidem ex hæte-
nus dictis constare arbitror, quibus sententia nostra
momentis fulciatur, et quomodo ab obiectis quibuslibet
sit vindicanda. Mihi gratias interim referendas
existimo ab ijs ipsis, qui contrariam opinionem sequi
maluerint, quia nulla dissimulavi argumenta, quæ
ipsorum assertioni favere possent, suamq. illi qualem-
cunque probabilitatem relinquere tæsus sum; adeò ex
hac ipsa Lucubratione sufficienter instrui possit quis-
quis Romualdo tributam Visionem sequi voluerit, ex
hoc ipso penu extractis auctoritatibus, et documentis
ido-

idoneis ad assertionem illam probabili aliquo fucō li-
niendam, ut adhuc (quibus ita visum fuerit) verosi-
milis, et vulgo plausibilis habeatur. Hanc illi ego lau-
dem superesse non invideo, sed mei muneris fuerat,
dubitandi momenta in medium proferre, quæ à Lecto-
ribus meis quo animo sint accipienda penitus ignoro,
exitum patienter expecto, *Et refellere sine pertinacia*, ut
inquit Cicero Tusculan. quæst. lib. 2. *et refelli sine ira-*
cundia paratus, si tamen id sperare liceat, ubi mentem
alterius partis studium præoccupaverit. Tantum mo-
neo, me non Fortunium, sed Fortunij doctrinam
tantum, salvo ejus famæ honore, fuisse insectatum, *Ne*
incidamus in suspicionem puerilis jactantiae, *quasi nostro no-*
mini famam, *Viros illustres accusando*, *queramus*, inquit
Augustinus Ep. 19. Quandoquidem Veritatis unius
zelo, non livore ullo me ad hæc scribenda compulsus
semel iterumque professus sum, nec gravatim ferre
quis debet, à me Fortunium impugnari, cum ab Eru-
ditissimo Pagio Critica in ipsosmet Cardinalis Baronij
Annales edita fuerit, omniumque bonorum plausu, et
doctorum elogio excepta, atque etiam ab innumeris
alijs catholicis Scriptoribus pijissimi, gravissimique Car-
dinalis, chronologici, vel historici lapsus fuerint ad-
notati; Quamquam nec ipse sim cum Pagio, nec For-
tunius cum Baronio certissimè conferendus.

F I N I S.

ET NE AUFERAS DE ORE MEO VERBUM
VERITATIS USQUEQUAQUE. Ps. 118.

155

CLARISSIMO, ILLUSTRISSIMOQVE VIRO
ANTONIO MAGLIABECHIO

MAGNI DUCIS ETRURIÆ BIBLIOTHECARIO

D. Guido Grandus Monachus Felicitatem.

I. **I**Ta est, Eruditissime MAGLIABECHI, pauci sunt solidæ Veritatis amantes, et siqui sunt, vix mutire audent, quòd turbam studijs suis contrariam timeant. Præcõceptis opinionibus falsis plerique inforDESCERE malunt, quàm Veritatis lumini oculos aperire: nec quid reverà factum sit, attendere solent, sed quid suo ipsorũ genio, vel ingenio cohæreat, atque, ut ait Poeta;

Quod nimis miseri volunt,

Hoc faciliè credunt.

II. Id ego, cùm aliorum exemplo dudum agnoveram, tum verò et proprio nuper experimento ut addicerem, præsentis Dissertationis effecit editio, cui potissimùm præ aliis illos ipsos adversos nactus sum, quos propitios speraveram; et quibus mediis Institutionis Camaldulensis Ordinis systema restituere, ac præcis fabulis solido fundamento imponere sum conatus [etsi mitissimè interim cum opposita sententiâ me gesserim, camque in sua potiùs latibula incolumem adducere, quàm hostili more ad extremum persequi voluerim] ijs ipsis mediis non gratiam, sed invidiam, et malè affecti, ingratiq; erga Religionem animi notam à parùm æquis rerum cõtimatoribus reportavi. Quasi verò nefas esset, mendaciorum refutatione sinceritatem no-

stram in hoc argumento commendare, aut expectandum foret, ut ab exteris potius, quàm à nostris provincia hæc occuparetur, et non paris laudis, ac glorię sit sese ipsos corrigere, ac probri et ignominię ab alijs emendari!

III. At urgent: me ineptis omnino argutijs constātem Romualdinę Scalę traditionem adorsum esse, quam longè firmiora, ut ipsis videtur, Scriptorum veterum, antiquiorumque Picturarum, ac communis denique persuasionis momenta stabiliant, meosque demū conatus irritos reddant. Ita quidem, si pronunciatę ab ipsis sententię standum sit: quę etiam si obtineret, nō idēd culpandus essem, qui Veritatis zelo ductus, dubitandi rationes adversus hypothesim hæctenus receptam, omni cum moderatione, proposui. At ego ad Eruditos provoco, tuumque in primis iudicium, Cl. ANTONI, qui mihi, non dico multorum, sed omnium es instar, appello. Ad te enim, velut ad commune totius litterarii orbis Oraculum, confluunt omnes, ut ab inexhausto prodigiosę eruditionis thesauro, quem pro tua humanitate nemini claudis, opportuna singuli disceptationibus suis præsidia derivent. Hisce igitur pariter nugis nostris Arbiter esse ne dedigneris, Vir Cl. ac tolerandane sint quę in hoc argumento scripsi, an spongia deleri debeant, ipse decerne. Tuo nutu stabunt, cadentve omnia, et auctoritatem tuam, sive adversariis meis, sive mihi faventem, et meis, et ipsorum rationibus anteponam.

IV. Summa rei hæc est. Scalę Visionem Romualdo

do appictam ante annum 1365. eidēque ab ullo Scriptore tributam ante annum 1513. nec uspiam ego reperire, nec ipsimet possunt Adversarii demonstrare. B. Rodulphus quartus Eremitæ Camaldulensis Prior anno 1080. Visionem illam de Maldulo, non de Romualdo primus narravit. Gherardus II. Generalis anno 1278. pariter soli Maldulo Scalę Visionem retulit, atque insuper Eremitarum Cadavera super consuetam Scalam reponenda notavit, ejus exemplo, quę Maldulo apparuit. B. Hieronymus Pragensis annis 1429. et 1433. Visionem ejusmodi Maldulo itidem, non Romualdo ascribit. Et Bernardinus Cadolus anno 1496. [æquę ac Sabellicus postmodum] ita Maldulo soli prædictam Visionem tribuunt, ut etiam determinatum à Romualdo candidum habitum, in memoriam ostense Maldulo Visionis, conjectentur: ut respectivè pag. 43. 64. 33. 38. 54. 56. 58. 71. hujus Dissertationis ostensum est.

V. Verum hæc, homines acutissimi, tanquam negativa argumenta floccifaciunt, cum tamen, ut ipse nosti, ac mecum sæpe in philosophico domesticum illius Atrij tui ambitu, quavis aula nobiliori, summa cum eruditionis copia, disseruisti, eximius sit apud Historię Ecclesiasticę Criticos negativi argumenti locus, cujus vim in proposito nostro certè non elevant, sive post medium quartodecimi sæculi consistę Picturę, sive post initium quintodecimi scribentes Authores, quę ut nobis antiquissima monumenta censeriqueant, sunt tamen ab ætate S. Romualdi, et prætenşę Visionis tempore
nimis

nimis remota, quàm ut deceat prudentem, cautumque Veritatis indagatorem ijs immorari, dum ipsos fontes controverso factò proximiores consulere potest: cùm aliunde constet, satis vetustam esse fingendi consuetudinem, ut quandoque profundas egisse radices mendacia videantur.

VI. Atque hìc mihi inter scribendum simile, ni fallor, exemplum memorię occurrit, Romualdo synchroni, et amicissimi Hugonis Magni Etrurię Marchionis, cujus vitam Baronius conqueritur tomo 11. editam fuisse *tot mendacijs locupletatam, quę piget, inquit, enumerare; et in primis deforme illud, quod vestibulum ingredienti lectori sit obviam, non invitans ipsum, sed verberans, et expellens, dum ibi asseritur Hugo iste fuisse Princeps Magdeburgensis, Etrurię verò ab Othone III. Imperatore Prefectus, quibus adversantur Petrus Damiani, Luitprandus, Glaber, et alij Scriptoris ejusdem temporis, dum ostendunt, non Germanum, sed Italum, avitque hereditate possedisse principatum Etrurię.* Et tamen Vita illa vetustissima erat, et ab anno 1215. in Archivio Florentinę Abbatię conservata, teste Puccinello in vita Hugonis pag. 61. et appellationem Magdeburgensis (aut Andeburgensis, ut in sepulchrali ejus inscriptione legitur) Comitis, Vicarijque Imperialis confirmant binę epistolę illius etatis ævum, idest annum 989. mentientes, ab eodem Auctore pag. 218. et 219. relatę: in quibus et mentio habetur horrendę illius tartareę Visionis, qua inter silvas Bonifolatiij terribus dicitur, quęque, non minùs ac ipse Comitis Magdeburgensis titulus, planè commentitia à Cl. Viro

Viro Cosmo de Arena in Serie Ducum Etruriæ pag. 189. censetur, quantumvis ab ipso met Puccinello nedom recepta, sed Operis sui fronti incisa fuerit, ac licet multò antiquioribus, quàm Romualdi Visio, picturis nitatur, nempe ab anno 1320. ut idem Puccinellus docet pag. 34. in Septimensi Cænobio confectis, et antea iam in Boni-solatij clauistro expressis, ac etiam in Pistoriensi Abbatia dudum existentibus, ut pag. 56. idem Author affirmat.

VII. Et sanè quis in animum inducere ausit, Hugonem hunc tam perditæ vitæ hominem fuisse, quakè prædicta Visio supponit, dum B. Petrus Damiani piissimum hunc Principem lib. 7. ep. 12. *incomparabilium virtutum virum* appellat, et Gothifredo ejus successori in exemplum proponit, *De quo, inquit, tot virtutum insignia referuntur, ut prolixitate temporum splendida nominis ejus fama aboleri nullatenus valeat, sed quasi virens semper, ac florens in ore hominum sollempniter vivat; à quibus scribere nonnulla possemus, quæ forent edificacioni Procerum profutura &c.* Quis verò quidpiam hac in re deferendum censeat Epistolis illis annum 989. præferentibus, quas stylus ipse, et mendacissima Comitis Magdeburgensis, atque Imperialis Vicarij appellatio, manifestæ suppositionis redarguunt, ut mirum sit, Puccinellum illas quasi authenticas ex historia Joannis Baptistæ Ubaldini excubere voluisse, neque, ex comparatione certiorum hujus Principis monumentorum, evidentem fraudem, et imposturam subodorasse?

VIII. Hoc nimirum exemplo abundè patet, quàm-libet

libet vetustas picturas, et antiqua in speciem documenta, ac populares etiam persuasiones, nihil evincere posse adversus incorruptam Scriptorum ejus temporis, ad quod historia refertur, traditionem, ac sinceri historici officium esse, non omnia ad subiectum historix suæ pertinentia, sine delectu, corradere, ac vetustas cum novis, priores cum posterioribus traditiones confundere, ac permiscere, sed has ex illis corrigere, ac repurgare, summaque sollicitudine cavere, ne sibi vel apocrypha documenta, vel mendaces narrationes, vel confictæ picturæ, vel aniles vulgi fabulæ, quàmvis vetustæ, ac mentibus hominum insitæ, imponant: præstat enim Veritatem aliqua ex parte dissimulare, quàm vel minimo nexo falsitatis inficere, is enim Veritatis est genius, ut latere malit, quàm cum Mendacii consortio in apertum prodire.

IX. At video me longius progressum, quàm ab initio constitueram, et quàm permittere debuisset, ad Eruditionum omnium Fontem scribenti, propriæ tenuitatis consideratio. Mei itaque calami audaciæ veniam tua dabit humanitas, si prolixiori scripto Te, altioribus curis impeditum, detinui: meus enim in te Amor contractioni non poterat oratione satiari. Vale, et ad omnium ætatum invidiam, nostrique sæculi perenne ornamentum diutiùs Vive.

Pisis Idibus Decembris 1706.

DISSERTATIO IV.
D E
SPETRIDAMIANI,
ET AVELLANITARUM
INSTITUTO CAMALDULENSI:



DE S. PETRI DAMIANI,
ET AVELLANITARUM
INSTITUTO CAMALDULENSI;

CAPUT I.

Scopus, Argumentum, et Occasio
scribendi.

S T N O P S I S.

Varij Scriptorum fines: ex his quis Auctori propositus? Num.

1. *Ejusdem in Petrum Damianum fiducia.* 2. *Questionis momentum.* 3. *Petri Damiani Elogium.* 4. *Avellanitarū Gloria ex tanta Sanctorum, atque Episcoporum copia, et Cardinalibus ex eodem Monasterio assumptis.* 5. *Jacobi Laderchij conatus ad omnes Avellanitas ab Ordine Camaldulensi abstrahendos.* 6. *A nobis ejus refutationem justè, necessariò, ac modestè suscipiendam.* ibid. *De alijs, quæ prodierunt, adversus Laderchium Apologijs.* 7.

A 2

Qui



Vi Viros sanctitate, doctrina, rebusve alijs præclare gestis insignes, vel Familix, vel Patriæ, vel Ordini suo vindicare conantur, diversis impelli ad scribendum studijs consueverunt: plerique nimirum ad ostentationem gloriæ, nonnulli veritatis amore, paucissimi ædificationis gratia id in se negocij suscipiunt. Ego verò, ut primorum vanitatem declinare, pro viribus, satago, ita zelum aliorum æmulari, ac denique posteriorum fructum præsentis Dissertatione consequi, summo animi ardore, desidero. Petrum scilicet Damianum, et Avellanitas cæteros, Camaldulensis Instituti fuisse, adversus argumenta Jacobi Laderchij, Congregationis Romani Oratorij Presbyteri, ac nuperrimi Vitæ ejusdem Petri Damiani Scriptoris, ostendere in votis habeo, tum nequa ex parte Veritati præjudicium fiat, tum maximè, ut Camaldulenses nostri tantorum Patrum, atque Antecessorum se Filios, ac Successores agnoscere pergant, neque se ab illorum imitatione sejungere audeant, quibus communem vel Monasticam, vel Eremiticam Disciplinam ab eodem Sanctissimo Patre ROMUALDO acceptam se derivasse gloriantur; Neque enim minùs ad nos, quàm ad veteres Avellanitas pertinere videtur gravis illa Petri Damiani admonitio, qua Opusculum suum XIII. De Ordine, et Facultatibus Fontis Avellani S. Doctor concludit, videlicet: *Pudeat vos ab illorum nobilitate fieri vivendo degeneres, qui facti estis habitaculo successores.*

II. Hunc

II. Hunc præsentī Dissertationi scopum præfixum volo, atque in hunc totam ejusdem tractationis seriem unice dirigendam spero, si meis favere votis, et tenues conatus obsecundare, calamumque sibi consecratum regere non dedignabitur idem ipse, qui præcipuum Lucubrationi huic argumentum præbet, B. PETRUS DAMIANI, præcipuum Ordinis nostri Lumen, et Ornamentum: quemadmodum, ejus Aris humiliter advolutus, enixe deprecor; nec enim, nisi prævia ejus Patrociniij invocatione, cujus præsentiam toties mihi propitiā sensi, ad hoc scriptionis genus animum appuli, nec nisi ejusdem auspicijs, tot inter varias occupationes ab hujusmodi studijs maximè alienas, otiumque diligentiori harum rerum indagini opportunum minimè relinquentes, Apologiam hanc utcunque contexere, et ad umbilicum tandem perducere me posse confido. Præsertim cū ad quartam hanc stadij mihi propositi partem, viribus ex præcedenti cursu penè confectis, accedam, quam propterea ex integro decurrere, totamque perficere vix speraverim, nisi ejusdem, cujus causa agitur, S. Doctoris auxilium ita jacentem animum erigat, vigorem renovet, nervos restauret, nutantem pedem confirmet, ut ad optatam metam facili, et expedito gressu pertingam.

III. Ne verò quis propositam Controversiam levioris fortasse momenti, ac minimi ponderis esse arbitretur, quòd minùs illi perspecta sint Petri nostri Damiani eximia in Ecclesiam merita, ejusque Antecessorum, ac Successorum, qui insigne Fontis Avellani Cœnobii, atque

atque hinc pendentia Monasteria , necnon celeberrimam Sitriæ Eremitum, aliasque cognatas Solitudines illustrarunt (omnes enim pariter hæc quæstio tangit, eademque singulorum est ratio) præclaræ dotes æterna memoria dignæ , summisque laudibus efferendæ; idè brevem in primis, ac veluti perfunctoriam horum pariter, et illius Ideam præmittendam censeo: Lectorum nihilominus, pro pleniori Petri Damiani notitia, remittens ad doctissimos, et piissimos Cardinales Baronium, et Bellarminum, aliosque Ecclesiasticos Scriptores, initio Tomi I. Operum ejusdem Egregij Doctoris à Constantino Abbate Cajetano adductos, apud quos frequentissima ejus Elogia occurrunt, meritis tamen longè inferiora; quemadmodum et ad uberiores Avellanitarum (Sitriensium quoque, et similium, quorum permixtas, atque invicem, instituti communione, confusas laudes haudquaquam distinguo) cognitionem, sufficiet Eraditi Viri Ludovici Jacobilli tres Tomos de SS. Umbriæ pridem editos legendos proponere; nec enim integram ipsorum historiam conscribendam in me recipio, sed eorum, et Camaldulensium Instituti cognitionem dumtaxat demonstrandam assumo.

IV. Fuit sanè B. Petrus Damiani Vir sui sæculi longè doctissimus, sanctimonia, et auctoritate præditus singulari; cujus si eloquentiam spectes, Gregorio proximum: si zelum consideres, parem Hieronymo: si vitæ austeritatem, ac dilatandæ Eremiticæ Disciplinæ studium attendas, similem Romualdo meritò dixeris.

ris. Quem è solitudinis latebris ad Romanam Purpuram, et Ostiensis Ecclesię Principatum sola Virtus evexit: spectatissima Prudentia difficillimis Pontificijs Legationibus obeundis admovit: probata Humilitas è summo Dignitatis fastigio ad Eremiti squallorem reduxit. Cujus denique encomia is solus ignorare potest, qui ejus Vitam, Opuscula, Miracula non legerit: qui tot per ipsum præclarè ad divinum cultum promovendum Instituta, atque ab universa Ecclesia recepta, non expenderit: qui denique non audierit, quanto in pretio apud omnes Romanos Pontifices, quibuscum, et ante quos vixit, habitus fuerit, ex quibus Alexandri II. Oraculum referre sufficiat, qui in Litteris ad Galliarum Præsules hoc de illo vivente magnificum edidit Testimonium. *Talem vobis Virum destinare curavimus, quo nimirum, post Nos, major in Romana Ecclesia Autoritas non habetur: Petrum videlicet Damianum Ostiensem Episcopum, qui nimirum, et noster est Oculus, et Apostolicę Sedis immobile Firmamentum.*

V. Quod attinet ad reliquos Petri Damiani Concellitas, ejusdemque Instituti Sectatores, tot, ac tales ij numerantur, ut prodigio simile sit, potuisse omnes ab uno illo Avellanensi Asceterio prodire: nec faciliè aliud [si unum, vel alterum ex primarijs Ordinum Capitibus excipias] Monasterium reperire erit, quod tam illustribus Sanctimonia, et Dignitate Ecclesiastica Viris fuerit insignitum. Nam supra quadraginta Monachos hæc una Solitudo ad Cælestem Patriam transmisit, quorum Nomina, inter Sanctorum, ac Beatorum

rum fastos, Posterorum venerationi sunt consecrata; totidemque circiter variarum Urbium Episcopi ex ejus Claustris assumpti recensentur: è quibus quatuor in S. R. E. Cardinalium Senatum, pro suis meritis, cooptati numerantur, nempe is, de quo præcipuè loquimur, *Petrus Damiani* Ostiensis Episcopus, et *Damianus* ex Rodelinda sorore S. Doctoris Nepos [cujus ipse meminit tom. 1. lib. 1. ep. 11. et lib. 6. Epistolis 3. 21. 22. 29. ac tom. 4. carmine 219. ad quem inscripta sunt Collectanea ex Operibus Petri Damiani, ejus Operum tom. 4. cujus et meminit S. Brunus Episcopus Signinus in Comment. super Isaiam: fuisse autem à Gregorio VII. in Avunculi memoriam, Cardinalem creatum, patet ex Rogerio Scriptore Viri S. Anselmi Lucensis Episcopi, ut notat Constantinus Cajetanus Præf. in dd. Collectanea, et confirmatur ex Instrumēto Concordiæ inter Præpositum Ecclesiæ Florentinæ, et Abbatem S. Miniatis, cui inter alios Cardinales Damianus hic subscriptus legitur anno 1087. apud Ughellum tom. 7. in Append. tomi 3. ad Episc. Floren.] et *Guitmundus* Episcopus Averfanus (quem alij Sigismundum nominant, et Trithemius quidem Monachum S. Crucis Leufridi credidit, Arnoldus autem Vvion S. Crucis Fontis Avellani fuisse scribit, ac Trithemium æquivoco Monasterij nomine deceptum putat, Jacobillus verò ex Cœnobio Leufridiano ad Avellanense, fama Sanctitatis B. Ludulphi illectum, transisse contendit; electum verò Cardinalem ex Bibliotheca Patrum in operibus Scriptorum Sæculi XI. constat) ac demum

demum *Gebiosus* Episcopus Cefenas (qui ex Avellanę Cœnobio Romam vocatus, ibidem Abbas S. Alexij, tum Episcopus, ac Cardinalis, necnon Dalmatię, et Slavonię Legatus à Gregorio VII. est constitutus, ex Ughello, Jacobillo, et Ciaconio) quibus quasi quatuor purpureis gemmis Avellanensis Crucis diadema illustratur.

VI. Tot igitur, ac tantos Viros, jure ne ex albo Camaldulensium expunxerit Jacobus Laderchius (Vitę S. Petri Damiani tom. 1. lib. 1. cap. 8.) hac Quarta Dissertatione disquirendum est; quod quidem citra ejus offensionem aggredi me posse contendo: an et sperare liceat, ignoro; quantumvis enim causę meę æquitati satis confidam, non mihi tamen usque ad eò blandiri velim, ut me ab illo mitiùs habendum, quàm pro Hominis ausim consuetudine polliceri. Quo res cunque cadat, mihi abundè sufficiet, quòd justę in primis causę defensionem susceperim, et necessariò susceperim, et intra inculpatę tutelę limites me continuerim, quos et si excederem, ejus provocationi dandam esset, qui prior, nullaque in re à Nostreis laceratus, Ordinem nostrum offendit, Petrum Damianum, integramque Sanctorum Cohortem, ex ejus Fastis delere, atque eradere, adeòque præcipuam ejus Gloriam subvertere, ac decus omne pessundare conatus. Quod quidem præjudicium, ut nos, debita moderatione servata, toleravimus; ita æquum fuerit, illud pari jure, modoque nobiscum agere, nec gravatim ferre, quòd Camaldulense Petri Damiani Institutum,

B

tum,

tum, præsentî Dissertatione, tum proprijs argumentis adstruere, tum à singulis ejus scrupulis, obiectisque vindicare nitamur, ut facta, tectaque sit nostræ Religionis Gloria, quæ in Petro Damiano, ejusque Sæctoribus celeberrimis potissimum enicat, utque tot illustrium Scriptorum, qui nobiscum sentiunt, Summorumque etiam Pontificum [quos cap. 6. num. 19. citabimus] ac Sacræ Rituum Congregationis, quæ Petri Damiani ad diem XXIII. Februarij, ac Dominici Loricati ejus Discipuli ad XVII. Octobris, Officia Ordini nostro recitanda indulset, prudentissimum judiciû, uno, eodemque opere, propugnemus.

VII. Et quamvis, dum hæc sub prælo essent, brevis Apologia italico sermone scripta prodierit, pro S. Petro Damiano, adversus eundem Laderchium, Camaldulensibus vindicando, Auctore Philippo Maria Macchiarelli Eremita Camaldulensi Congregationis Montis Coronæ, qui se primum omnium Petri Damiani Vindicem pag. 9. arbitratus est (quasi unus ipse, cæteris confopitis, ad Ordinis totius propugnationem evigilasset) quòd ignoraret hanc ab alijs provinciam dudum occupatam: ex quibus Auctor Dialogi Sejanû inter, et Ruffinum id lepidè, sed nervosè jam præstitit; ut nihil dicam de præsentî Dissertatione tunc editioni proxima, quæque si aut tribus foliis (ut Macchiarelli Apologia) comprehendi potuisset, aut reliquas, quibus conjungenda erat, non expectasset, utique Auctoris hujus non operam modò, sed votum, et cogitationem prævenire debuerat. Quamvis, inquam,

Machia-

Macchiarelli Apologia nostram hanc Dissertationem præcefferit, æquè ac Sejani, et Ruffini Dialogus jam citatus: nihilominùs haud ita Argumentum exhaustum video, ut meę pariter Lucubrationi relictus locus non sit, licèt multa futura sint mihi cum illo, et cum prædicto Dialogista, necessariò communia; in ejusdè siquidem causę præsidio laborantibus non possunt non eadem occurrere argumenta, ex ijsdem sedibus deducta, eademque rationes ex ijsdem fontibus derivatæ. Quod quidem Veritatis indicium præsumi debet, plures enim, qui è diversis, longoque intervallo distitis regionibus scribentes, sua invicem studia non communicaverint, non possent simul in ijsdem fermè principijs convenire, nisi Veritatis unitas, et constantia, quæ simili ubique voce loquitur, sententiarum, verborumque consensum ab illorum quolibet extorqueret.



CAPUT II.

Avellanensis Eremiti exordium, et Institutio à S. P. Romualdo dependens.

SYNOPSIS.

Avellana Origo ex Fortunio. Num. 1. et 2. In ejus narrationem animadverso. 3. Monasterium Avellana circa annum Christi millesimum institutum ostenditur. 4. An B.,

Ludolphus Loci Auctor Arianos sugeret? 5. S. Romualdum, etiam Mabillonij testimonio, apud Avellanam habitasse. 6. Ejus habitationem apud Catriam de Sitria exponendam non esse. 7. Ex ipsius Fortunij principiis Avellanae institutionem D. Romualdo tribuendam. 8. Thomae Minij in eandem sententiam suffragium. 9. Ludovici Jacobilli auctoritate idem confirmatur. 10. Item Julij Ambrosij Lucentij calculo eadem Veritas munitur. 11. Certior anni determinatio, quo haec contigerint. 12.

INunc ut rem ipsam propiùs attingamus, paulò altiùs repetenda est Monasterij, sive Eremiti S. Andreæ (nunc S. Crucis) Fontis Avellanae, ubi Petrus Damianus, quemadmodum in ejus Vita ab Joanne ipse Discipulo, ac Familiari edita cap. 4. narratur, Monasticum schema induit, institutio. Fortunius noster Hist. Camald. parte 2. lib. 5. cap. 5. de ea sic loquitur. *Qui de Origine Venerabilis Eremiti, seu Cœnobij Sanctæ Crucis Avellanae mentionem faciunt, hi rem Ludolpho, sive Candulpho ascribunt, qui fuit Vir innocentia singulari, operibusque sanctis clarissimus, pro quibus meruit ad Cathedralam Ecclesiæ Eugubinae promoveri, annum ab ipsa Eremita condita circiter trigesimum. Verumtamen genus, et conditionem primariam designat nemo: sed creditur illum nobili stirpe progenitum, atque religiosum fuisse. De eo extat elogium hujusmodi: Anno 1000. captum est ædificium Eremiti Avellanae sub Catria à Candulpho, sive Ludolpho simpliciter Capella, et Casula ad Arianorum Sectam fugiendam. Verumtamen verò cum Ariana pestis, quæ Ecclesiam Christi annum circiter 320. labe-*

labefactare capit, jampridem ante annum millesimum extincta fuerit, nos eam adificationem longè ante tempora Sancti Patris Romualdi factam fuisse nihil ambigimus.

II. Tum sic prosequitur: Porro Ludulpbus, siue persecutores fugiens, siue peregrinationem cum quodam suo fido socio obiens, ubicunque per silvas, et valles locum Eremiticæ Vitæ idoneum inveniret, dubius erat an ibi sisteret, et peregrinandi finem faceret. Cum verò nullibi viam obfirmare posse videretur: contigit illum per Appennini juga iter facientem, ad locum quendam amatum arcuata Vallis, quæ sita est inter densissimas silvas inter Montem Catria, et Corni, descendere; ubi dum sisteret, plus solitè laboris itinere fatigatus, ad fontem, qui plurimus ad radices Arvellanarum arborum scatueribat, et sumpto cibo, cum nonnihil somni capere cepisset, vox celitus ad illum hujusmodi facta est. Ludulpbe hic tibi habitatio parata, jam tandem labori itineris parce. Qui surgens, Deo gratias agens, Capellam, et Casulam, ut dictum est, inibi ad honorem Sancti Andrea Apostoli primum posuit, inditumque loco est nomen Fontis Arvellani à fonte memorato, usque in bodièrnum diem. Porro Ludulpbus, aliquandiu degens quasi incognitus, à pastoribus proditus est, et ad Episcopalem Cathedram Eugubina Ecclesiæ, in cujus Diœcesi locus est, attractus deinde omninò inivit. Quamobrem Eremita sua Arvellana, ob frequentiam Discipulorum, in celebre Canobium versa, quod propter Auctoris incredibilem Columba simplicitatem, titulo Ordinis Columba insignitum, illum vel usque ad tempora Danbisi Poeta Etrusci retinuit &c.

III. In qua narratione, primò advertendum occurrat, nimis inconsultè à Fortunio velut indubium supponi,

ni, quòd Avellanensis Eremiti institutio S. Romualdi temporibus longè anterior fuerit, ex quo epigraphes ab ipso allata, Arianæ sectæ pridem extinctæ fugam Ludolpho loci Conditori ascribere videatur. Cùm enim utrumque disertè affirmetur in illo elogio, videlicet, tum ædificium Eremiti Avellanæ à Ludolpho cæptum anno millesimo, tum ad Arianorum sectam fugiendâ id factum esse: quæ duo invicem non cohærere noster Historicus arbitratur; reliquum erat, ut cautiùs expenderet, utrum ex his commentitium putaret, primumne, quod innumeris alijs monumentis confirmatur, an secundum, quòd non alio, quàm politæ illius inscriptionis, testimonio fulcitur: deprehendissetque, non illud ex hoc in dubium vocari, sed hoc potiùs ex illo corrigi debuissè.

IV. Enimverò circa annum Christi millesimum [aut certè paulò ante, ut infra determinabimus] Sacra Avellanæ Domus reverà constructam fuisse, nec ad Arianorum sæcula ejus institutionem referri posse, constat tum ex ipso B. Ludolpho illius Eremiti Fundatore, qui anno 1009. ad Eugubinum Episcopatum raptus est, illique anno 1012. nuncium remittens ad suam Eremitum reversus legitur, ubi sanctissimè obiit die 20. Januarij 1047. tum ex ejusdem Ludolphi Discipulis; Juliano, qui Eremitum in absentia Ludolphi ab anno 1009. ad 1012. rexit, eidemque in Episcopatu Eugubino succedens, die 7. Maij 1032. è vivis excessit; B. Guidone Aretino, qui anno 1022. suum de Musica Syntagma novum Teodaldo Aretino Epi-

Episcopo dedicavit, et anno 1030. à B. Ludulpho in Coadiutorem, seu Vicarium suum est cooptatus, cui etiam anno 1047. in Prioratu successit, usquedum anno 1050. die 17. Maij Deum adiit; B. Forti Eremita, qui anno 1030. se Ludulpho Discipulum obtulit, et die 9. Maij 1040. ex hac luce migravit, ut ejus tumuli vetus inscriptio in Cathedrali Eugubina testatur; Ut omittam, graves Scriptores contendere, Petrum Damianum quinquagesimo post Avellanensis Eremiti institutionem anno, se inibi divino servitio mancipasse, quod utique falsum esset, nisi circa annum Christi millesimum à B. Ludulpho posita Venerabilis illius Solitudinis initia supponerentur.

V. Interim quid sibi voluerit elogij illius Auctor, cùm dixit, Ludulphum ad Arianorum sectam fugiendam Sacellum illud apud Fontem Avellanę construxisse, haud facile est divinare; nisi dicamus aliquas Arianorum reliquias et tum fortasse residuas, aut denudò excitatas fuisse. (ut nostro etiam sæculo hæc impietas renovata est in Anglia potissimum, et Polonia per varios sectarios, Faustum Socinum, Joannem Crellium, Brennum, Eniedinum, Smalcium, Schilchsingium, Ostorodum, et Christophorum Sandium) nam de Arianis velut extantibus loqui videtur Petrus Damiani tom. 3. opusc. 6. cap. 22. ibi: *At contra, Ariani, qui adversùt Spiritus Sancti divinitatem manifesta prorsus impietate confligunt, ad Catholicam fidem redeuntes in malè accepti Ordinis persistere dignitate non possunt. Credunt enim, sicut eorum sacrilega professio manifestat, quòd Pa-*
ter

ter Creator sit, Filius Creatura, Spiritum verò Sanctum Creaturam Creaturae damnabiliter asseverant. Aut nisi clausulam hanc ita interpretemur, ut significet, Ludolphum divino cultui deditum, ut se ab Ariana superstitione, à qua maximè abhorrebat, alienum ostenderet, illo Sacello divinos Christo honores, debitamque S. Andreæ ejus Apostolo venerationem testatum esse. Quamquam operæ pretium non est, ut in illius inscriptionis expositione immoremur, cum adedò obscuræ fidei sit, ut à nemine propterea illam indicari, aut commendari videam, præterquam à Fortunio, et his, qui ab illo acceperunt.

VI. Secundò in eadem Fortunij narratione observandum est, prætermittam ab ipso fuisse insignem circumstantiam, quam alij Scriptores expressè notant, nempe Ludolphum hunc ipsiusmet S. P. Romualdi fuisse Discipulum, et ab ipso Eremiticæ Disciplinæ legibus eruditum; Imò in ipsamet Solitudine, apud Catriam Ludolphi ope excitata, S. P. Romualdum commemorasse, ut narrat Petrus ipse Damianus in Vita S. Romualdi cap. 19. ibi: *Aliquando autem Vir Sanctus non longè mansit à Catria*; qui locus de habitatione apud Avellanam exponitur à varijs Auctoribus, quos inter Ludovicus Jacobillus de Sanctis Umbræ, ac Joannes Mabillonius Præfatione ad Sæculum VI. Benedictinū, ubi de Avellanensi Cœnobio hæc habet: *Sub annum Christi millesimum construi captum est, nempe in Umbria, Diœcesi Eugubina, ad radices Montis Catria, ubi itidem S. Romualdus secessum habuit*; Ut alios minoris nominis,

Por-

Portefanum, Crucettum &c. præteream.

VII. Quamquàm vix testibus opus est, ubi res ipsa loquitur, tum ex Avellanitarum Instituti cum Romualdinis Legibus convenientia, de qua infra uberius, tum quia aliter quàm de Avellanæ Solitudine illa Catriensis habitatio Romualdi exponi nequit: opinio siquidem Fortunij, parte 2. lib. 1. cap. 11. locum illum de Eremitio Sitrix interpretantis, pugnare videtur cum Petri Damiani autoritate, qui in Vita S. Romualdi cap. 49. ita refert Romualdum ad Sitrix solitudinem habitandam divertisse, quasi ibidem antea commoratus non esset, sed locum ipsum tunc suis Discipulis replere aggrederetur. Ecce Damiani verba: *Postmodum vero Romualdus, cum Apenninum desereret, montem Sitria habitaturus ascendit. Cavendum autem summopere est, nequis cum audierit, quia Vir Sanctus tot loca mutaverit, piji operis pondus vitio levitatis ascribat. Hæc namque mutationum ejus causa proculdubio fuerat, quia ad Venerabilem Virum, ubicunque degeret, turba hominum penè innumerabilis concurrebat. Ratio ergo poscebat, ut cum unius loci spatium plenum habitatoribus cerneret, illic Priore constituto, ad replendum mox aliud festinaret. Quod si Romualdus dudum in Sitria Eremitum condiderat, cum apud Catriam morabatur, ut docet Fottunius, hæc nova in Sitriam excursio non fuisset novæ locorum mutationi, sed veterum Discipulorum Visitationi ascribenda, neque hac Damiani excusatione opus erat, neque adducta frequentix Discipulorum causa proposito ipso congrueret. Habitatio igitur apud Catriam, non de Sitria, quæ inde duobus*

C

millia-

milliaribus ad Saxiferrati Oppidum recedit, sed de Fontis Avellanę solitudine, quę Catrię montis lateri penitus adhæret, certissimè est intelligenda.

VIII. Nec dubitandum puto, Fortunium ipsum id expressè consensurum, nisi illius Arianorum fugę Ludolpho ascriptę præconcepta opinio, Avellanę institutionem ad tempora Romualdo anteriora referendam esse persuasisset, indeque Romualdi habitationem apud Catriam, de Avellanensi solitudine, dudum ab alijs Monachis occupata, intelligendam non esse, sed ad Eremitum Sitrix detorquendam, falsò arbitratus esset. Nam is aliunde fateretur, Romualdi sæculo extructa Cœnobium sub ejusdem disciplina potissimum meruisse, ait enim parte 1. lib. 1. cap. 23. *Porrò tanta fuit de Sanctissimo Romualdo in tota Europa Opinio, ut vel nullum sui temporis Cœnobium, nulla Eremita solitudo, nulla denique religiosarum personarum Congregatio usquam gentium fuerit, quę aut Romualdum Magistrum, et Patrem non habuerit, aut consilium, missis legationibus, non flagitarverit ab illo, qualiter conversari in sacra militia deberet, et qualiter diabolicis impugnationibus resistere posset.* Quod præsertim de Avellanensi Eremito, et quidem potiori jure, affirmare debuerat, quę nedum Romualdi tempore, sed in ipsa Italia, unò in Umbria sub ipsius S. Patris oculis constructa est, nec nisi ab ipso Vitę Eremiticę Magno Restauratore Romualdo congruas eremiticę vivendi Leges accipere poterat.

IX. Hinc Thomas Minius Monachus noster in sua Historia Camaldulensi, quę in Bibliotheca Angelorum
Floren-

Florentiz MS. servatur, ubi Fortunium (nonnullis dumtaxat locis correctis, et quibusdam ejus omissionibus suppletis) verbatim italicè reddit, ut jam Dissert. I. cap. 1. num. 6. monuimus, Avellanensis pariter Cœnobij Foundationem, quam ex Fortunio supra num. 1. adduximus, sic interpretatur, atque restituit, ut Ludolphum Romualdi fuisse Discipulum, ab eoque Vitæ Eremiticę præceptis imbutum tradat: ait enim lib. 8. cap. 1. *Coloro, che fanno menzione dell' Origine del Venerabil Eremo, oggi Badia, di S. Croce dell' Avellana, vogliono, che ne fosse Autore il B. Lodolfo, altrimenti Candelso, Uomo dotato di singolare innocenza, il quale mediante le sue sante operazioni, fu fatto Vescovo d' Agubbio l'anno trentesimo della fondazione d' esso Eremo; ma non fanno memoria nissuna d' onde egli fusse: solamente dicono, essere stato di nobile stirpe, e religioso; producendo questa memoria. L'anno mille si principiò l'edificio dell' Eremo dell' Avellana sotto Catria da Candelso, ovvero Lodolfo, con semplice Capella, e Caspola, per fuggire la setta dell' Ariani. Nel qual tempo, non solo in Italia, ma quasi per tutta l'Europa, era celebre la fama della Santità del nostro P. S. Romualdo (ancora vivente) e de suoi Discepoli, e non è punto da dubitare, anzi tengo per fermo, che Lodolfo ancor lui fosse suo Discepolo, e che non solo fuggisse la persecuzione della Setta, ma che andasse, a guisa del Maestro suo S. Romualdo (anzi con sua benedizione, e consentimento, come un altro S. Gio. Gualberto) cercando luoghi solitarij, e remoti da ogni strepito secolare, per quivi fermarvisi col suo Compagno, et altri tirare al servizio di Dio, perchè in loro era un ardente desiderio della salute dell' Anime,*

Ecce Hæc Minius, qui et infra addit: E per corroborazione di quanto ho detto, cioè, che il B. Lodolfo fusse Discepolo del P. S. Romualdo, e che visse con i suoi Discepoli sotto tale Protezione, si vede chiaramente nella persona di Pietro Damiano, per quanto afferma il P. F. Paolo Morigia nella sua istoria delle Religioni, dicendo che Pietro Damiano fu Monaco Camaldolense: et il medesimo teneva Papa Pio V. il che viene confermato nell'essere stato detto Pietro Damiano Abate, e Superiore in più Monasterij dell'Ordine Camaldolese, come si dirà nella sua Vita: De quo et nos cap. 6. nonnulla dicturi sumus.

X. Idipsura confirmat Ludovicus Jacobillus de SS. Umbriz tom. 3. pag. 324. dicens: Molti vennero a far penitenza, e si aggregarono alla loro Compagnia, fabricandovi un Monastero per molti Monaci, i quali il B. Lodolfo vi vesti circa l'anno mille di N. S. e con facoltà di Papa Silvestro II. institui la Congregazione di Fonte Arvellana, detta anco della Colomba, sotto la Regola di S. Benedetto, con alcune Costituzione di S. Romualdo Abate, il quale fin dall'anno 953. aveva fondato l'Ordine Camaldolese per i suoi Monaci, et Eremiti, e viveva in questo tempo Ecce. Hæc ibi, quibus similia, et alibi tradit, quemadmodum et ipsum Petrum Damiani inter Camaldulenses Alumnos absolutè reponit, præsertim tom. 2. ad diem 13. Julij in Vita S. Romualdi pag. 32.

XI. In eandem sententiam asserre juvat quæ Reverendissimus Abbas Julius Ambrosius Lucenti Cisterciensis, Sacræ Congr. Indicis Consultor ad hoc propositum scripsit in libro inscripto Fulgor Fulgini Ecce. Ro-

mx anno 1703. adèdque post Laderchiani Operis editionem impresso: ibi enim in notis post Elogiū XVIII. pag. 102. hæc habet. *Sub Ludulphi magisterio ejus Schola à plurimis frequentari capta est, adveniente Joannis Episcopi Eugubini placito anno 976. Et quæ rudi primùm opere initia sumpsit, approbante deinde Silvestro II. Romano Pontifice, in Caput, et Principem nominatissimæ Congregationis S. Crucis de Avellana excrevit sub Regula Sancti Cassinatis Benedicti, certis additis Constitutionibus, quas partim dictavit S. Romualdus Camaldulensium Primus Abbas, partim conscripsit ipse Ludolphus. Hactenus Abbas Lucentius.*

XII. Cæterùm si ad certiores calculos Avellanæ ordia debeant revocari, quandoquidem Ludolphus anno 1009. ad Eugubinam Cathedram est assumptus, oportet eos, qui trigésimo post sacræ illius Solitudinis constructionem anno ad Episcopale munus ipsum vocatum fuisse arbitrantur, ad annum 979. ejusmodi Foundationem retrahere, id quod propiùs abest ab anno 976. per Ludovicum Jacobillum, et Abbatem Lucentium supra relatum expresso. Undè qui anno millesimo Avellanensem Eremum conditam volunt, aut de ipsius edificio ad certiorerem Eremiti, aut Cœnobij formam postmodum redactò intelligendi sunt, aut de Epochâ non præcisè determinata, sed præterpropter dumtaxat circumscripta, erunt interpretandi. Fatendum tamen, usque ad annum 989. et 990. Ludolphum sine certa regula, simplici ductu spiritus sui, Discipulos sibi adiunctos rexisse: tunc enim dumtaxat apud Catriam S. Romualdus habitavit, à quo S. P. Bene-

Benedicti Regulam Ludolphus accepit, simulque perfectam Eremiticæ Vitæ normam, et saluberrimas Institutiones didicit, ad quas deinceps alumnos suos exigeret. Cum enim anno 995. Classensi Abbatiæ præfectus fuerit Romualdus, idque [ex vita cap. 22.] ante quinquennium, adèdque anno 990. illi fuerit divinitus à S. Apollinari revelatum, quod contigit Romualdo apud Catriam commorante (ex Vitæ cap. 19.) oportet, ut anno 989. ad Catriæ Montem cum Ludolpho, et Socijs Romualdus consisteret, et anno 990. monitus ab eodem Sancto Apollinari, inde discederet, Classensi Cœnobio propiùs accedens, dum Præfecturâ illius sibi divinitus destinatam expectaret.



C A P U T I I I .

'Avellanitarum, et Camaldulensium Instituti Comparatio.

S T N O T I S .

Capitis hujus propositum. Num. 1. Eremiti, et Cœnobij apud Avellanam conjunctio. 2. Monachorum, et Eremitarum, atque Inclusorum institutum Avellana viguit. 3. Eremitis obedientia, tam apud Avellanitas, quam Camaldulenses, inculcata. 4. Specialis utriusque Instituti comparatio. 5. Quid Abstinentia, et Jejunium, Biduana quoque, et Tri-duana

duana apud B. Rodulphum Camaldulensem Priorem, et apud Petrum Damianum significant. 6. Quo tempore jejunium ex Romualdi præscripto ab Avellanensibus, et Camaldulensibus observaretur. 7. Per tres Octavas ab utrifque relaxabatur Abſtinentia. 8. Quæ jejunii diſciplina Paſchali tempore. 9. Quid reliquo anni curſu apud utroſque in uſu eſſet. 10. De obſervatione utriuſque Quadrageſima 11. et 12. De Sabbati Sancti, et Vigiliæ Nativitatis Domini conſuetudine. 13. De Lancibus ad panis pondus metiendum in Cellis Camaldulenſium, et Avellanitarum. 14. Libra panis à S. Benedicte præſcripta meſura ex his illuſtrata. 15.

I. **N**Equis autem putet, merè arbitraria Scriptorum imaginatione niti, quòd B. Ludolphus, ut capite præcedenti expoſuimus, ſub Diſciplina S. Romualdi meruerit, ab eoque eremiticè vivendi regulas, Avellanitis ſuis tradendas, acceperit: juvat præſenti capite utrumque inſtitutum conferre, quo nempe indubij Diſcipuli S. Romualdi, primique Camaldulenses ex una parte, ex alia verò B. Ludulphi, ac Petri Damiani Sectatores, nimirum veteres Avellanitæ, uſi ſunt; quo ſtatim conſtabit, ab una eademque radice, nempe D. Romualdo Eremitarum omnium Duce, hos et illos pariter propagatos. Fit quamvis hoc ipſum ex Diſſertatione I. ſatis eluceat, ubi præfertim cap. 4. num. 8. et 21. atque alibi paſſim oſtendimus, D. Romualdi Inſtitutum apud Avellanæ Fontem, æquè ac apud Sacram Camalduli Eremum, exactè obſervatum: hoc

hoc loco tamen id specialiùs erit ex Petri Damiani, et B. Rodulphi, alijsque monumentis, non longa quidè, et accurata partium enumeratione, sed brevi saltem præcipuorum Canonum specimine, demonstrandum.

II. Age itaque primò quæ magis generalia sunt cõparemus. Romualdi Institutum Cœnobiticæ, atque Eremiticæ Vitæ coniunctione comprehendi Dissert. I. capite 4. probavimus, atque idcirco S. Patrem plerisque in locis Cœnobis Eremitis proxima constituisse, et utramque sub uno Rectore, tam socialis, quàm solitariae disciplinæ Familiam collocasse: unde in ejus Vita cap. 30. docemur, quod *Præcepit Abbati, ut in Eremum secedens per totam hebdomadam in Cella confisteret, diebus verò Dominicis fratres ad Monasterium veniens visiteret.* Jam et apud Avellanæ Solitudinem Claustrum erigi curavit Damianus pro his, qui cœnobiticè vivere mallent, atque, ex usu Monasteriorum, Processiones in sollemnitatibus agere gauderent, ut ipse testatur tom. 3. Opusc. 14. ibi: *Claustrum quoque juxta Ecclesiam construi hac intentione censuimus, ut siquem adhuc inolita Monasterialis Ordinis consuetudo delectat, habeat ubi in præcipuis festivitatibus sollemniter ex more procedat: cui et Processioni Crucem argenteam satis idoneam procuravimus.* De quibus Monachis prope Ecclesiam cœnobiticè viventibus meminit etiam Opusc. 15. cap. 7. ubi de Servis ait: *Nonnulli quoque ad audiendas Psalterij vigiliis maturius surgunt, cum his videlicet fratribus, qui apud Ecclesiam commorantur.*

III. Et cùm tres veluti Religioforum species Camaldulense Institutum, Romualdi nutu, completa-
tur,

tur, nempe Cœnobitas, et Eremitas apertos, atque Reclusos Anachoritas, ut jam loco citato declaravimus, patet profectò hos ipsos apud Avellanæ Fontem Petri Damiani tempore vixisse; unde Opusc. 15. cap. 18. hos tres gradus enumerat, dum ait: *In ipsis autem cellulis nunquam loquantur alicui, nisi fortè aut omninò morentur inclusi, aut etiam sint juxta Monasterium constituti.* Nèpe ab Eremitis apertis silentium in cella servari præcipiens, secùs quàm cùm penitus Reclusi vivunt, qui se invisentibus colloqui in ipsa Cella non prohibentur, aut cùm inter Cœnobitas degunt, quos tam rigidi censura silentij non astringit. Et sanè Monachos instruit Petrus Damiani Opusculo XIII. quod est *de Perfectiōne Monachorum*, ubi et de diversis Monasterij Officijs disputat: Eremitas instituit Opusculis XIV. et XV. omnes jejuniorum, aliarumque districtiōnum regulas apertè disponens: Reclusos dirigit, tum lib. 6. ep. 30. quæ est ad Theuzonem, varijs eorum exemplis adductis, ut Martini Storacis, *qui jam per tria lustra non prodierat*, Lupi, *qui se pro æterna libertate propriæ Cellæ Carceris inclusit*, Leonis, et aliorum; tum Opusculo XI. docens, solitarios in Divinis Officiis, et Sacris Mysterijs celebrandis, formulas ab Ecclesia usurpatas, *Dominus vobiscum, Jube domne benedicere, &c.* licèt alios præsentibus supponere videantur, immutare non posse: quod Opusculum *Leoni amore supernæ libertatis Incluso* inscribitur; ut Opusculum XV. *Stephano amore supernæ claritatis Incluso* nuncupatur, quem ex eo laudat, quia *Monasterialem latitudinem fugiens, mox fervido spiritu, Cellula se car-*

D

cera-

ceralibus angustiis inclusisset.

IV. Rursus, quemadmodum præcipuas suæ sollicitudinis partes eò direxit Romualdus, ut Eremitas, olim suo ipsorum arbitrio viventes, ad salutatis Obedientiæ jugum revocaret, nec sine Prælati jussione, aut consensu, magna quantumvis opera sibi ad meritum profutura sperarent, ut Dissert. I. cap. 5. num. 6. et seqq. explicuimus: ita nihil magis, quàm hanc ipsam Obedientiæ virtutem Eremitis incul: at Petrus Damiani, de qua Opusc. 15. cap. 18. hæc habet: *Illud planè summo perè est cavendum, ne sub colore quis Eremitica Vita, jugum detrectet Obedientiæ; immò tantò se arctiori Obedientiæ lege constringat, quantò hanc Institutionem superexcedere Canobitarum Regulam non ignorat. Obedientia quippe et bona nostra commendat, et negligentia offensas excusat. Ut ergo nostra sit remotio, vel afflictio fructuosa, salutifera sit semper Obedientiæ sale condita: et quoscunque boni operis vita nostra ramos expandat, in radice semper Obedientiæ necesse est coalescat. Quæ planè consona sunt B. Rodulphi Prioris Camaldulensis Monitis, in Constitut. anni 1080. cap. 40. sic loquentis. Hæc Virtus solitariis valde necessaria est, ut quò duriores ducunt vitam, eò pleniorē observent Obedientiam. Quidam namque, sub obtentu Sanctioris vitæ, jugum retusant Obedientiæ: putant enim se lege obediendi solutos, eoque arctiori Eremiticæ Vitæ studio se norunt astrictos. Sed ubi certè major debet esse obediendi observantia, ubi ferventior, et austerior est vivendi cultura.*

V. Sed, ut ad specialia descendamus, conferatur, obsecro, Romualdi, præcorumque Camaldulensium
Di-

Disciplina, cum Petri Damiani, veterumque Avellanitarum vivendi forma; ac deprehendemus, ita alterā alteri penitus convenire, ut penē eodem calamo, certē eodem Spiritu, dictata utraque videatur: et siqua inter sit differentia, illam aded tenuem esse, ut vix inter ejusdem individuae Congregationis diversa Monasteria levius discrimen notari queat, nec major pro diversitate locorum, possit observari consensio. Longum esset singula prosequi, nos summa rerum capita percurreremus, quæ cum totidem penē verbis invicem sibi respondere constiterit, haud difficili negotio de cæteris Lector coniciet, quæ saltem sensu conveniunt; et quidem ab Abstinentiæ, seu Jejunii disciplina, quæ inter Eremiticas consuetudines præcipua est, initium ducemus; sed primò terminorum definitiones utrinque alias audiamus, tum reliqua ex ordine prosequemur.

VI. Ait ergo B Rodolphus Quartus Camaldulensium Prior in Constitutionibus anni 1080. cap. 11. *Abstinentia in hoc loco tunc dicitur, cum nihil præter panem, et aquam, aut [si cui placet] salis adiectionem, edentibus ministratur.* Petrus autem Damiani Opusc. 14. de Ordine Eremitarum Fontis Avellani, inquit: *Jejunare autem illos dicimus, qui panem cum sale, et aqua percipiunt; ubi præter hæc aliud quid additur, perfectum Jejunium [sive, ut habet Opusc. 15. cap. 6. in Eremo Jejunium] non vocatur.* Itaque idem sonat apud Rodolphum *Abstinentia* nomen, quod apud Damianum *Jejunii* perfecti, sive Eremitici vocabulum: ubi verò pulmentum quodvis, unica refectio servata, admittitur, à Rodolpho *simplex Jejunium*,

à Petro Damiani *unica Refectio* nuncupatur. Rursus *Quinque dierum per hebdomadam Jejunium* apud Petrum Damiani idem sonat, quod *Triduana*, et *Biduana Abstinentia* penes Rodulphum; nam, ut inquit Paulus Justinianus in *Regula Vitæ Eremiticæ* cap. 27. *Biduana*, et *Triduana tunc vocabantur Jejunia*, cum feria secunda, tertia, et quarta, et postea sexta feria, et Sabbato in pane, et aqua jejunabant: ut priorum scilicet trium dierum *Triduana*, sequentium verò duorum *Biduana* diceretur *Abstinentia*. Quæ quidem monuisse oportuit, ne ex diversitate soni verborum, sensuum quandoque varietas argueretur.

VII. Nunc quo anni tempore hæc Tridui, Biduique seu quinque per hebdomadam dierum abstinentia (ex dictis Dissert. I. cap. 3. num. 3. ab ipsomet Romualdo cunctis Eremiticæ suæ Disciplinæ Sæcutoribus præfixa) apud Avellanitas obtineret, ex Petro Damiani Opusc. 14. et 15. cap. 6. discamus: *Ab Idibus*, inquit, *Septembris*, usque ad *Resurrectionem Dominicam*, quinque per hebdomadam diebus tenetur hic ex more *Jejunium*. Quamdiù verò id observarent *Camaldulenses*, docet B. Rodolphus Prior in *Constitut.* cit. cap. 11. ubi ait: *A principio majoris Quadragesimæ*, usque in *Paschalem sollemnitatem*, per singulas hebdomadas *Triduana*, et *Biduana* in hac *Eremo* servari solet *Abstinentia*. Qui et cap. 14. subdit: *A sollemnitate B. Martini*, usque ad *Nativitatem Salvatoris*, quadragesimalis fit observantia, sicut in majori *Quadragesima* præmissa est. Et in *Constitutionibus* anni 1085. in his, inquit, prædictis *Quadragesimis*, quinque dies in pane, et aqua, et sale, mos est jejunare. Itaque propius
etiam

etiam, quàm Camaldulenses, accedebant Avellanitę in hoc proposito ad D. Romualdi institutum, dum perfectum Eremiticum jejunium à S. Patre [ex ejus Vita cap. 9.] in quinque hebdomadę dies per Triduanas, et Biduanas distributum, nedum in utraque Quadragesima (ut Nostri) observabant, sed ampliùs per duos menses ante festum S. Martini, et deinceps ab Octava Nativitatis Domini (quam quidem à jejunio exemptā voluere, ut infra patebit) ad initium majoris Quadragesimę; scilicet omninò *Ab Idibus Septembris usque ad Pascha Domini*, Abstinentię hujus rigori supponebantur.

VIII. Tres porrò Octavę, Resurrectionis, et Natalis Domini, ac Pentecostes, et hę quidem solę, tam apud Avellanitas, quàm Camaldulenses, à communi Abstinencia, et Jejunio Eremitico eximebantur: de primis enim ita scribit Petrus Damiani Opusc. 14. et 15. cap. 6. *Tres autem solummodò Octavę per annum ita celebrantur, ut jejunare hic nemo cogatur, idest Dominicę Resurrectionis, et Sanctę Pentecostes, atque Natalis Domini: quāquā in Octavis Pentecostes, et Ecclesiastica traditio, et Patrum decernat auctoritas [pro quatuor nempe temporibus] jejunandum. In reliquis verò Octavis quarumlibet Festivitatum, Ecclesiasticum quidem, prout regularis Ordo postulat, tenemus Officium, tenorem verò consueti jejunii non mutamus. De secundis verò B. Rodolphus Prior in Constit. anni 1085. sic tradit. Mos est per unamquamque hebdomadam, absque Octava Natalis Domini, ejusque Resurrectionis, et Pentecostes, in pane, et aqua, et sale jejunare: et aliam nullam octavam sic celebrare, nisi has tres,*
quas

quas supra hic modò diximus. Et in aliis Constitut. anni 1080. cap. 12. hæc habet. In Paschali verò hebdomada, non solum relaxatur Abstinencia, sed etiam Jejunium solvitur. In Pentecoste eadem observari debent, quæ in Paschali sollemnitate commemorata sunt, excepto quòd jejunia quatuor temporum in hac hebdomada, sexta feria abstinencia deputata, ritu Ecclesiastico simpliciter observentur. Et mox cap. 15. Die quoque ipsius Nativitatis jejunium solvitur, cæteris verò diebus per totam Octavam sola abstinencia relaxatur.

IX. Rursus, toto Paschali tempore quatuor per hebdomadam diebus dumtaxat, tum apud Avellanam, tum apud Camaldulum, Jejunii censura servabatur, tertia, et quinta feria, præter Dominicum diem, geminæ refectiioni deputatis: unde Petrus Damiani locis supra citatis ait. Ab Octavis nempe Dominica Resurrectionis, usque ad diem Sanctum Pentecostes, quatuor dies per hebdomadam jejunatis; præter Dominicum verò diem, de cujus reverentia nullus addubitat, tertia feria, et quinta feria bis in die reficiis. Sabbati tamen jejunium non perfectum, sed simplex erat, unica nempe refectiione circumscriptum, sed Vino, et Pulmento Eremitis permissio, ait enim Damianus Opusc. 15. cap. 15. Non grave videatur fratri etiam Sabbato refectiorem ad Nonam horam usque differre: ut semel quidem ipso die reficiatur, sed tamen Vinum, atque pulmentum percipere ex hujus nostræ Institutionis indulgentia non vetetur. Quod ipsum B. Rodolphus Prior in Constitut. cit. cap. 12. sic brevius exprimit. Postmodum verò (ab Octava Paschatis) tribus in hebdomada diebus (nempe feria secunda, quarta et sexta) usque Pentecosten re-

petitur

petitur Abſtinentia, Sabbata verò ſimplici Jejunio deputantur.

X. Jam ab Oſtava Pentecoſtes, uſque ad Nativitatem S. Joannis Baptiſtæ quatuor quidem ſolis diebus Abſtinentia, ſeu perfectum Jejunium utrobique in uſu fuerat, ſed præterea Feria tertia ſimplici Jejunio conſecrabatur, quæ deinceps à Feſto S. Joannis, uſque ad Idus Septembris geminæ reſectiōni addiſta erat, prorſus ut Paſchali tempore conſueviſſe notavi-
mus. En Petri Damiani verba Opuſc. 14. et 15. cap. 6.
Ab Oſtava verò Pentecoſtes, uſque ad Nativitatem B. Joannis, tertia quidem feria pulmentum fratribus hora nona tribuitur, quinta verò feria reſectio iteratur. Porro à feſtivitatem S. Joannis uſque ad idus Septembris, tertia, et quinta feria bina reſectio in die tenetur, reliquis verò quatuor diebus jejunium ex more ſervetur. Cui ſic conſonat B. Rodolphus loco cit. cap. 13. Deinceps autem [ab Oſtava Pentecoſtes] uſque in feſtivitatem S. Joannis, quatuor diebus in hebdomada deputatis Abſtinentiæ, tertia feria ſimpliciter jejunatur, quinta verò geminatur reſectio. De cætero uſque idus Septembris eadem quatuor dierum ſervatur Abſtinentia, tertia et quinta feria geminæ reſectiōni deputatis.

XI. Cùm igitur ejuſmodi obtineret apud Avellani-
tas, atque Camaldulenſes per totum anni curriculum Eremiticæ Abſtinentiæ à S. Romualdo inſtitutæ diſtributio, paris moderationis tenore utrobique obſervato, qua diſtinctione duplicis Quadreſimæ curſum tam hi, quàm illi peragere conſueverint, videamus. De S. Romualdi Diſcipulis legimus in ejus Vita cap. 9. quòd:
In duabus anni Quadreſimis, non ſolùm ipſe (Romualdus)
ſcd

sed plerique sui Discipuli, totius hebdomadae soliti erant continuare jejunium. Idipsum de nonnullis suo tempore Camaldulensibus Eremitis testatur B. Rodolphus Prior in Constitutionibus anni 1085. et Petrus Damiani de Avellanitis Opusculo 14. sic loquitur. *De duabus illis Quadragesimis, quæ vel Natalem Domini, vel Sanctum Pascha præcedunt, licet ego taceam, vos tamen scitis, quia nonnulli hic sunt, qui absque diebus Dominicis, duplex illud Quadragesimale spatium totum jejunando transcurrere solent, exceptis tribus Sollemnitatibus, S. videlicet Andrea, et S. Benedicti, et Annunciatione Dominica. Et Opusc. 15. cap. 6. Duabus autem illis Quadragesimis, quæ vel Natale Domini, vel Sanctum Pascha præcedunt, nonnulli fratres hic sunt, qui totam hebdomadam jejunando transcurrunt, et quotidie, exceptis diebus Dominicis, in pane, et aqua vivunt.*

XII. Reliqui autem, qui tam, rigidi jejunijs continuationem ferre non poterant, sola Triduana, et Biduana Abstinentia contenti, Olera, vel quodcunque liquamen Feria quinta, et Dominicis diebus utriusque Quadragesimæ ad refectiorem addebant: à Piscibus tamen, et Vino, sollemnioribus quibusdam diebus exceptis, tum Avellanitæ, tum Camaldulenses omnes pariter abstinabant; de primis enim inquit Petrus Damiani tum Opusc. 14. tum 15. cap. 6. *In prædictis duabus Quadragesimis consuetudo tenuit, ut neque Monachis, neque Laicis Vini, vel etiam Piscis perceptio concedatur, exceptis his quatuor festivitibus, Sancti scilicet Andrea, et B. Benedicti, et Dominica Palmarum, et Cena Domini, quibus nimirum sacratissimis diebus Pisces, et Vinum, excellentium sollemnitatum*

tum letitia invitante, percipiunt. De secundis autem B. Rodulphus Prior in Constit. anni 1085. inquit: *Mos est in binis Quadragesimis Piscis nullatenus edere, vel Vinum bibere, nisi in sollemnitatē S. Andreae, et Sancti Benedicti, et Sanctae Mariae, et Dominica in Palmis, si aliqua ex parte Dominus transmiserit, et in Cena Domini. Similiterque in aliis Constitutionibus anni 1080. cap. 11. ait. Vinū quoque post initium Quadragesimae magnae, ac etiam Adventus Domini non datur, nisi in Dominica Palmarum, et festis declaratis, et in Cena Domini, in Festivitatibus B. Mariae, Sanctique Benedicti:*

XIII. Speciatim tamen in Sabbato Sancto, et Vigilia Natalis Domini, ob labores chori, Vinum et Panem largiori mensura sumere utriusque Locī institutio permittebat: Sic enim Opusc. 14. et 15. cap. 6. loquitur de suis Avellanitis Damianus. *In Sabbato autem Sancto, nec non et Vigilia Nativitatis Domini, ut labor Ecclesiastici relevetur Officii, totum panem, qui voluerint, comedunt, alium verò cibum, sive Laici, sive Monachi, penitus non admittunt. Et B. Rodulphus Prior de Camaldulensibus Eremitis sic statuit loco proximè citato cap. 11. Sabbatum verò (Sanctum) Sacri Baptismi abstinentiae deputari debet, sed pro labore Officii sequentis Paschae, biscotetur Panis, cum sobria perceptione Vini, potest fratribus indulgeri, Et mox cap. 14. ait: In Vigilia verò Dominicae Nativitatis idem observandum est, quod in Sabbato Sancto diximus observari.*

XIV. Ideò autem totum panem integrum Damianus æquè, ac Rodulphus speciatim notant prævio Resur-

E

rectionis

refectionis, et Natalis Dominici die dumtaxat permis-
sum, quia ceteris Jejunii diebus quinque tantum panis
octantes, certa mensura, præfixoque pondere libratos,
unicæ suæ refectioni impendebant: unde Petrus Da-
miani Opusc. 15. cap. 8. ait. *Panis autem eadem in Ere-
mo, quæ et in Monasterio est mensura, hac tamen discretione
servata, ut in diebus quidem refectionis, sive singula, sive
binæ, si totum vult frater comedere, reprehensioni non cogitur
subjacere. In diebus vero jejunii, quia unusquisque Frater
Lances habet in Cella, illis semper librat quod sibi met cana-
turus apponat. Mensura autem illa hunc habet modum, ut
superaddito quadra dimidio (hoc est octava parte) dimidi-
um buccellæ totius appendat, quadra videlicet remanente inte-
gra semis [hoc est tribus octantibus residuis] Et ut mul-
la dubietas super hujusmodi mensura remaneat, novem orni-
cum, vel tria anserum ova libratæ lancibus tantundem pen-
sant. Et B. Rodolphus Prior in Constit. anni 1085.
similiter ait; Unusquisque Frater Lances in cella habet, cum
quibus pensat tres paxes, quos accipit omnes dies dominicos, et
quinta feria. Quod ipsum testantur etiam Paulus Justi-
nianus in Regula Vitæ Eremiticæ cap. 29. et Fortu-
nius Hist. Camal. p. 1. l. 1. c. 58. Idque totum ex S.
P. Romualdi institutione deductum est, qui ita ad
certam mensuram jejunantium commeatum exegit, ut
intra dimidii paximatii (seu panis biscocti) medieta-
tem suos Discipulos primò contineret, tum uberiori
cibo indigentibus quadrantem ejusdem panis insuper
indulserit; quemadmodum B. Petro Urseolo contigit:
Nam postquam is S. Patris pedibus advolutus necessi-
tatem*

tatem suam aperuit: *Pater, inquit, quia magnum corpus habeo pro peccatis meis, ex hac paximati medietate sustentare me non possum. Statim Romualdus fragilitati pie compatiens, consueta mensura quadram paximati superaddidit, et sic labenti jam fratri, ne omnino deficeret, misericordiae manum tendens &c. ut legimus in Romualdi Vita cap. 8.*

XV. Obiter autem notare juvat, ex Damiani loco paulò antea laudato erui posse præcisam panis mensuram à S. P. Benedicto cap. 39. Regulæ præscriptam ibi: *Panis Libra una propensa sufficiat in die, siue una sit refectio, siue prandii, et cæna.* Quod quidem libræ pondus, simul cum mensura heminæ vini, idem S. Benedictus B. Mauro in Gallias dimisso consignavit, ut narrat Faustus in ejus Vita apud Surium: sed et Cassinenses Monachi, Longobardorum incursionem fugientes, idem pondus, et mensuram secum Romam asportarunt, ex Leone Ostiensi in Chronico Montis Cassini lib. 1. cap. 2. Reginone l. 1. Chron. et Sigeberto ad annum Christi 596. Nec non Monachi à Theodemaro Cassinensi Abbate missi ad Carolum Magnum in Gallias, Monasticæ Disciplinæ instaurandæ causa, pondus 4. librarum, mensurasque prandii, et cænæ secum detulerunt: licet autem in Aquisgranensi Cōcilio Can. 57. decisum fuerit, *Ut libra Panis 30. solidis per 12. denarios metiatur;* dum tamen eorundem solidorum pondus non innotescit, æquè in obscuro remanet vetusta illa Monastici panis mensura. At ex præmissis Petri Damiani textu, hoc saltem elicitur, ejus tempore quinque hujusmodi libras ovis anserum 24. æquali

pondere correspondisse : cùm enim testetur , eandem (extra jejunii dies) in Eremito, quàm in Monasterio, mensuram panis in usu fuisse, atque hanc, juniorum tempore, uno quadrante, et dimidio imminutam (*quadra videlicet remanente integra semis*) seu ad quinque octantes redactam, tantundem ac tria anserum ova pendisse asserit; utique mensuram illam integram pondere æqualem fuisse indicat quinque hujusmodi ovis, dempta parte unius quinta: adedque integras quinque Monasticas panis mensuras ovis 24 æquivalentes fuisse, ut facili subducto calculo constare potest. Verùm ad alia, resumpto tantisper spiritu, transeamus.



C A P U T I V.

Alia Avellanitarum, et Camaldulensium convenientia.

S Y N O P S I S.

Similis apud Avellanitas, et Camaldulenses Vini abstinentia.

Num. 1. *Eadem Servorum disciplina.* 2. *Par Vigiliarum observantia.* 3. *Item Festorum discretio.* 4. *Quæ in Festis transferendis apud utrosque consuetudo.* 5. *Æqualis Nudipedij cultura.* 6. *Necnon Metansarum, Disciplina, et Capituli usus.* 7. *Flagellationum, aliorumque ejusmodi exercitiorum mensura singulorum arbitrio utrobique relicta.* 8.

Discre-

Discreta, et occulta erga debiles relaxatio pariter recepta. 9. Disciplina psallendi à Romualdo utrisque præscripta. 10. B. Mariæ Virginis Officium à Petro Damiani utrisque propositum. 11. Par utrobique erga Defunctos pietas. 12. Somni post Nocturnum equalis declinatio. 13. Idem Silentij rigor. 14. Similis Instabilitatis, et Vagationis fuga. 15. Cella usus utrisque pariformiter commendatus. 16. Perseverantiae pretium utrisque inculcatum. 17. Alia S. Romualdi Monita bis, et illis communia. 18.

I. R Eliquos Veterum Avellanitarum mores, et correspondentes Eremitarum Camaldulensium consuetudines hoc Capite prosequemur; illudque ante omnia notabimus, usum Vini primò penitus utrisque ignotum, mox sobria mensura [extra dies abstinentiæ, seu perfecto jejunio dicatos, de quibus supra] permissum. De S. Romualdi apud Sitriam Discipulis testatur ipse Damianus in ejus Vita cap. 64. quòd *Vinum ibi nemo noverat, nec si etiam gravissimam quis ægritudinem pateretur. Mox a B. Rodulpho Camaldulensi Priore in Constit. anni 1080. cap. 23. sancitum legitur: Vinum quidem ab Eremitis alienum esse cognoscitur, sed quia defectio, et nostri temporis, ac natura debilitas id omnino non patitur, raro quidem, et sobriè hujusmodi potum percipere solent, ut qui nequeunt cum Joanne abstemiam frugalitatem servare, vel cum Timotheo sobria parcitate utantur. Et Petrus Damianus Congregationis suæ Instituta recensens, tum Opusc. 14. tum 15. cap. 6. sic pariter habet: A vino autem, ut nostis, aliquanto tempore continemus, itaut neque Laici, ne-*
que

que extrinsecus venientes, vel etiam in Pascha Domini, aliquid hic prater aquam biberent: neque vinum hic, nisi pro Sacrificio haberetur. Sed quoniam et hic manentes caperunt agrotantes deficere, et quidam ad Eremum transire cupientes, hujus rigoris observantiam penitus abhorrere: fraterna, sive ut verius dicam, communi imbecillitati dispensatorie condescendentes indulsumus, ut vinum hic, servato sobrietatis moderamine, biberetur: ut quod cum Joanne non possumus ex toto relinquere, saltem cum Timotheo Pauli Discipulo studeamus infirmo Stomacho sobrie, et humiliter ministrare; et qui prorsus abstemii esse non possumus, esse saltem sobrii studeamus.

II. Ne quis verò miretur, olim et Laicos ipsos apud Avellanam à vino abstinuisse, quandoquidem et ad ipsos Famulos, tum ibi, tum apud Romualdinos, jejunii censura exporrigebatur; nam in Vita S. Romualdi cap. 64. postquam districtam Discipulorum Sitrix vivendi rationem descripsit Damianus, hæc subdit: *Sed cur ego de Monachis loquor, cum et ipsi Monachorum Famuli, ipsi quoque Custodes pecorum jejunarent, &c.*? Deque Avellanensis Eremitæ Servis Opusc. 15. cap. 7. sic pariter loquitur. *Famuli quoque, qui huic loco deserviunt, ab assignato sibi vivendi ordine non recedunt: qui nimirum per totius annalis spatii cursum tribus per hebdomadam diebus tinent ex more jejunium: In illis autem duabus Quadragesimis quatuor dies jejunio dedicant, &c.* Superfluit autem iterum commonere, jejunia in pane et aqua hic semper significari, non verò de unica dumtaxat diurna comestione sermonem esse.

III. At prater illos, qui per singulas hebdomadas præ-

præcepti fuerant, ejusmodi abſtinentiæ dies, Sancto-
rum etiam pervigilia eadem diſtinctione celebrari, tum
apud Camaldulum, tum apud Avellanam conſueve-
rant; neque illa dumtaxat, quæ communi ab omnibus
jejunio excipiuntur, ſed illa etiam, quæ geminam ex
Eccleſiæ præcepto reſectionem non prohibent, ut ſe
habet Vigilia Epiphaniæ, nec non SS. Philippi, et Ja-
cobi Apoſtolorum; unde B. Rodulphus Prior in Con-
ſtit. cit. cap. 17. inquit: *Vigilia Sanctorum, quæ in Eccle-
ſia ſtatuta ſunt, et Epiphaniarum quoque, atque Sanctorum
Philippi, et Jacobi, licet in uſu ſecularium non habeantur, in
hac Eremita (Camaldulenſi) abſtinentiæ deputandæ ſunt. Et
Petrus Damiani tom. 1. lib. 6. Ep. 35. ad ſux Congre-
gationis Eremitas de Octo Vigiliarum jejunio ſcribens,
cùm alias commendat, tum illas Epiphaniæ, et SS.
Philippi et Jacobi ſpecialiùs inculcat, dicens: Epiphania-
rum quoque Vigiliæ, ob magnitudinem ſollemnitatis, in qua
videlicet tot in unum ſacramenta concurrunt, dignum eſt jeju-
nare, et infra: Unde et illud graviter ferimus, quia plerique
fratres, dum jejunare in Beatorum Apoſtolorum Philippi, et
Jacobi Vigiliis perborreſcunt, ſollemnitatem Pentecoſtes in ex-
cuſationem ſuæ diſſolutionis opponunt: dicentes, non debere
quemquam ſub jejuniorum tunc cenſura conſtringi, cùm tempus
dicteſt, Paſchalibus potiùs gaudiis epulari. Quod varijs poſt-
modum rationibus, et exemplis S. Doctor conſutat.*

IV. At ſi Vigiliæ perfectæ panis, et aquæ jejunio
conſecrabantur, viciffim Feſti dies ab omni tum abſti-
nentiâ, tum ſimplici jejunio reſectionis unius, à Pa-
ſchate uſque ad Idus Septembris, eximebantur; ab Idi-
bus

bus verò Septembris ad Pascha, sola panis, et aquæ abstinencia vacabant, sed unicæ tamen refectio[n]i, præcipuis quibusdam Sollemnitatibus exceptis, deputabantur; ait enim B. Rodulphus Prior in Constitut. anni 1080. cap. 13. *In Festivitatibus verò, quæ à Pascha usque ad hunc terminum (Iduum Septembris) occurrunt, et abstinentia remitti, et jejunium solet absolvi. Post Idus Septembris, usque Quadragesimam, quæ infra hoc spatium accidunt festivitates, abstinentiam quidem relaxant, jejunium verò minimè solvunt. Et Petrus Damiani Opusc. 13. cap. 6. In festivitibus duodecim lectionum, quæcunque veniunt ab Idibus Septembris usque ad Resurrectionem Domini, semel tantum reficiant fratres, exceptis videlicet his Sollemnitatibus, Omnium Sanctorum, S. Martini &c.*

V. Nec tamen adeò frequentes occurrebant tunc temporis festivitates duodecim lectionum officio celebrandæ, ac nunc passim habemus, sed multò rariores, atque hæ ipsæ non semper in Ere[m]o, sicut in Monasterio observari consueverant, sed ad jejunii observantiam, ubi in Feriam abstinentiæ deputatam incidebant, in opportuniorem diem transferrebantur; ait enim loco cit. Petrus Damiani: *Notandum autem, quia non omnes, quæ in Monasterio, etiam in Ere[m]o celebrantur festivitates: et hæ, quæ illic sunt, plerumque transmutantur, ut aut in tertia, aut in quinta feria celebrentur: exceptis nimirum præcipuis festivitibus, quæ, ob reverentiam dignitatis, mutari non possunt. Cui consonat B. Rodulphus Prior Camald. in Constit. anni 1085. dicens: Si verò, ut asolet, festivitas, de qua duodecim lectiones agere oportet, in his feriis*
[jeju-

[jejunio scilicet deputatis] venerit, more solito sic facere est consuetudo: si fuerit in secunda feria, perducere eam in tertiam feriam: si venerit in quarta feria, perducere in quintam: et si fuerit in sexta feria, deducere in Sabbato, et pulmento uti, et vino. Hoc autem factum est propter jejunium celebrandum in secunda, et quarta; et sexta feria. Has autem festivitates, idest Sancti Salvatoris, quatuor ejusdem Genitricis &c. nunquam mutare.

VI. At de Abstinentiæ ratione satis: de reliquis Camaldulensium, Avellanitarumque exercitijs nonnulla pariter adnotemus. Pedum nuditatem à Discipulis S. Romualdi observatam notat Damianus in ejus Vita; nam et in Pereo illos nobis describit cap. 26. *Inclusos, discalceatos, incultos*: et apud Sitriam testatur cap. 64. *Omnes nudis pedibus incedentes, atque incultos mansisse*. Idque Reclusi saltem Eremitæ ad hæc usque tempora observare jubentur in Regula Vitæ Eremiticæ Pauli Justiniani cap. 54. ibi: *Nudis pedibus semper permaneant, usque tamen ad talos caligas ferre poterunt, si hoc fuerit sibi à Majore pro aliqua causa concessum, dummodò discalceatos semper omnino pedes habeant*. Omnes verò, etiam apertos Eremitas, diebus abstinentiæ deputatis, refectionem suscipere consuevisse in proprijs cellis, *nudis pedibus super pavimento sedentes*, docet B. Rodolphus in Constit. anni 1080. cap. 20. idemque Justinianus loco cit. cap. 32. et 38. confirmat. De Avellanitis autem eandem disciplinam tradit Petrus Damianus Opusc. 14. et 15. cap. 11. dicens: *Illud etiam non minima pars penitentia est, quòd omni tempore, sive æstate, sive hyeme, non calceis,*

F

non

non ocreis utuntur in cellulis, sed nudis semper cruribus; et pedibus consuetudo est permanere, exceptis his, qui gravi molestia infirmitatis urgentur.

VII. In metanæis autem, palmatis, disciplinis, aliisque piis huiusmodi exercitiis, quantus utrobique fervor esset, intelligimus ex Rodulpho Priore in Constitutionibus anni 1085. de suis Camaldulensibus sic loquente: *Nam quis dignè narrare valeat ea, quæ huius Eremitæ fratres per omne tempus solent agere, bonorum scilicet operum; idest ictus scoparum, discurrentes lacrymas, innumerabiles metanæas, cordium suspiria, continuam psalmodiam, orationum instantiam, sacras vigilias &c.* Et ex Petro Damiani Opusc. 14. de Avellanitis sic scribente: *In cæteris autem spiritualis exercitiis studiis, quæ sit continui servoris instantia, quæ sollicitudo, quàm vigil, et operosa frequentia, timéo dicere . . . hoc tamen mihi liceat, quia tanta est diligentia in flexionibus genuum, in disciplinis scoparum, et cæteris huiusmodi, &c.* Speciatim verò quantà fuerit involuntariis verberationibus, tum publicè in Capitulo suscipiendis, tum privatim in cellula sibi met inferendis, utriusque Eremitæ consensus, explicari vix potest: enimverò ex ejusdem Petri Damiani Epistolis, et Opusculis nihil magis relucet, quàm Disciplinæ (ut vocant) consuetudo, fervidis ejus admonitionibus, Sanctorumque Discipulorum suorum, in primis verò Dominici Loricati, et Rodulphi Eugubini Episcopi [de quibus lib. 1. ep. 19. ad Alexandrum II. fusiùs agit] exemplis, stabilita, dilatata, et adversùs obrectatores quoslibet vindicata. Camaldulensibus vero hanc pariter in usu fuisse

fuisse patet, tum ex Vita S. Romualdi cap. 38. ubi B. Guido *jussus fuerat à Priore nescio quorū Scopas accipere*, et cap. 64. ubi vel ipsi Manachorum famuli disciplinas inter se invicem faciebant: Tum ex Constitutionibus anni 1080. B. Rodulphi Prioris cap. 19. ubi habetur, quòd Eremitę Camaldulenses *Omni Dominico die in Capitulo convenientes, præmissa exhortatione fraterna, se invicem debent accusare charitative: postremò communi confessione præmissa, verberum ictus super nuda membra suscipiunt, non tam causa cruciandi corpora, cùm sibi graviora in cellulis supplicia infligant, quàm studio divinæ passionis, et humilitatis exempla sectandi, ad confusionem illius, qui est Rex superbie;* Et de Priore Camaldulensis Eremitę sic statuit cap. 53. *In Capitulo cum fratribus sæpe conveniat, et præmissis Metanais, suos confiteatur excessus, ut ipse à vitijs fiat emendatus, et alijs emendationis formam ostendat. Cui non dissimile est Petri Damiani monitum ad Avellanæ Priorem Opusc. 15. cap. 31. ubi ait: Aut nunquàm, aut rarò Capitulum cum fratribus celebretur, quo, missa Metanæa, te non accuset.*

VIII. Ejusmodi porrò exercitia utrisque non ex imperio indicebantur, sed cujusvis arbitrio relinqui consueverant. Nam de suis Avellanitis ait Damianus Opusc. 15. cap. 18. *Super Metanais verò, Disciplinis, atque palmatis, si ve etiam brachijs extendendis in Orationibus, cæterisque sancti fervoris exercitijs, nulla fratrem lege constringimus, quin potius suæ comittenda provisionis arbitrio judicamus. Sunt enim, quibus horum aliqua non conveniunt, atque ideo tutum videtur, atque liberior, ut in talibus magis*

optio proponatur, quàm definitiva regula sententia præscribatur. De Camaldulensibus verò idem Rodulphus loco cit. cap. 35. sic scribit. *In Metanais verò, et palmaris, vel scoparum ictibus, aliisque similibus obsequiis, vel operibus, seu artificijs, quisque debet exerceri, prout facultas tulerit, vel utilitas suaserit, seu divina inspiraverit gratia: in talibus enim voluntaria suadetur oblatio, non coactio imponitur; unusquisque in hac parte suas metiatur vires, computet sumptus, moderetur affectus.*

IX. Quæ verò Eremitis utriusque Congregationis communi lege præscripta erant, eadem nihilominus, debiliorum respectu, discreta dispensatione, pro Superioris arbitrio, temperabantur: occultè nihilominus, et clam cæteris, ne receptam plerisque solitarijs disciplinam, paucorū exemplis, labefactari, et in desuetudinem paulatim abire contingeret. Audiatur Damianus Opusc. 15. cap. 16. *Si unus, aut fortasse plures indigent, quod ij, qui incolumes sunt, necesse non habent, clam videlicet, et occultè sic infirmis pia exhibeatur humanitas, ut valentes, sine invidia stimulo, in sui rigoris permaneant disciplina: neque enim necesse est, quod uni casus irrogat, illicd regulare omnibus fiat.* Cui B. Rodulphus sic consonat in Constit. anni 1080. cap. 30. *Debilibus autem, et tenerioribus siquæ dispensatio in alimentis, aut vestibus necessaria sit, sapienter, et cautè fieri debet, ut ita indigentibus exhibeatur pia discretio, ne inde fortioribus noxia generetur dissolutio; nam specialis, vel singularis concessio non debet trahi ad consequentiam cæterorum, ne de annis, vel paucorum indulgentia, nascatur plurimorum enormitas.*

X. Non

X. Non minor in disciplina psallendi consensio utriusque familiæ observari potest. Duplex illis psalmodia in usu erat, privata, et publica. Illa duobus psalterijs continebatur quorum alterum pro Vivis cum adiectionibus nonnullis, quas S. Romualdus apponi jusserat, quotidie recitabant, alterum pro Defunctis, quandoque totum, quandoque ex parte, singulis diebus singuli in suis cellulis persolvebant; ait enim B. Rodolphus in Constit. anni 1080. cap. 35. *Duo itaque psalteria cum Adiectionibus suis* [hæc quid essent ex Damiano infra intelligemus] *Ter utramque Quadragesimam quisque frater per singulos dies persolvat: in alijs vero temporibus, unum pro Vivis debet celebrare Psalterium, pro Defunctis autem totum, aut dimidium, vel ad minus tertiam partem.* Petrus autem Damianus Opusc. 14. sic habet: *De Psalmodia vero consuetudo est, ut cum duo fratres simul commorantur in cella, duo persolvant in die Psalteria, unum pro Vivis, alterum pro Defunctis. Et illud quidem quod est Vivorum cum illis dicitur Additamentis, quæ B. Romualdus apposuit: quod vero pro Defunctis cum novem lectionibus dicitur, tribus nimirum per quinquagenos psalmos. Qui autem solus moratur, Psalterium quidem Vivorum totum per singulos dies adimplet; Defunctorum autem sive medium, sive totum, juxta quod virium possibilitas administrat. Quæ omnia repetit Opusc. 15. cap. 9. dumtaxat uberius explicans Additamenta illa B. Romualdi, sive Adiectiones, ut Rodolphus appellat, Psalterio Vivorum conjungendas: ait enim: *Illud quidem (Psalterium) quod est Vivorum, cum illis dicitur Additamentis, quæ B. Romualdus apponit, quæ etiam**

etiam nos non gravemur iſerere , ne nos conqueratur forte Norvitiuſ , quæ ſibi magnoperè noſcenda ſunt , præteriſſe . Decurſiſ planè quinque pſalmiſ , proſinus ſubinfertur : Gloria tibi Trinitaſ , æqualiſ una Deitaſ , et ante omne ſæculum , et nunc et in perpetuum . Orate pro nobiſ omneſ Sancti Dei , ut Digni efficiamur promiſſionibuſ Domini Dei noſtri Jeſu Chriſti . Pater noſter . Hiſ expletis , mox ſubditur : Adiutoriuſ noſtruſ in nomine Domini , qui fecit calum , et terram . Et evolutiſ aliis quinque pſalmiſ , tunc dicitur : Te Deum Patrem ingentium , te Filium unigenitum , te Spiritum Sanctum paracletum , Sanctam , et individuaſ Trinitateſ , toto corde , et ore confitemur , laudamus , atque benedicimus , tibi gloria in ſæcula . Amen . Domine Deus in adiutoriuſ meum intende , Domine ad adiuvandum me feſtina . Conſundantur , et reveſcantur inimici mei , qui quarunt animam meam . Adiutor meus , et liberator meus eſto , Domine ne tardaveriſ . Gloria Patri , et Filio , et Spiritui Sancto . Quo ſrito , ruruſ dicitur : Adiutoriuſ noſtruſ in nomine Domini . Hæc igitur per quinquenoſ pſalmos alternatim ſemper adduntur , donec Pſalteriuſ , cum tribuſ Dominicalibuſ , nec non et totiuſ hebdomadaſ Canticiſ , expleatur . Hiſ etiam non neglectiſ , quæ in fine Pſalterij videntur adiecta , videlicet ; Te Deum laudamus ; Nunc dimittiſ ſervum tuum ; duobuſ Symboliſ ; Gloria in exceliſ Deo ; Pater noſter , cum Fide Catholica ; poſtremò Litaniæ cum Orationibuſ hæc omniaſ conſueſto ſine concludunt .

XI. Prætereà , ex inſtitutione ejuſdem Petri Damiani , B. Mariæ Virginis Officiuſ , vel in Choro communiter , vel unuſquiſque privatim in ſua Cella , quotidieſ recitabant utriuſque loci Sectatores ; ut colligitur

ex ejusdem Damiani Vita cap. 15. et ex Epist. 32. libri 6. ubi et Monasterium S. Vincentij divinitus afflictum narrat, ob intermissum B. Mariæ Virginis quotidianum Officium ab ipso institutum, nec nisi post peractam neglecti hujus pensi pœnitentiam, et seriam consuetudinis hujus deinceps inviolabiliter observandæ promissionem, pristinæ tranquillitati cœnobium redditum fuisse asseverat; atque hoc ipsum diurnum horarum B. Virginis pensum, ad nos hæreditatis nomine transmissum, hodiedum obtinet, de quo Constitutiones Monachorum Camaldulensium sub Pio V. cap. 18. sic habent: *Illud ante oculos nostros ponere Patres statuerunt, nimirum eos omnes Professores mortaliter peccare, qui non legitime impediti, Officium tam ipsius Domini, quàm Matris ejus, vel in totum, vel in partem scienter dicere omittunt: hoc est enim contra veterem, et laudabilem consuetudinem, tam Eremitarum, quàm Monachorum nostræ Congregationis, qui semper utrumque Officium persolvere, et devotè celebrare conati sunt. Hæc Patres Nostri, non quidem novam hujus oneris obligationem imponentes, sed veterem, quæ vi antiquæ consuetudinis, cujus locupletissimi testes sunt, invaluerat, authentica declaratione exponentes, responso Sacræ Rit. Cong. die 12. Martij 1616. novissimè confirmata, ubi hæc data discernuntur: primo Ex Constitutionibus sue Regule, sub pena peccati mortalis teneri Monachos Camaldulenses ad recitandum quotidie Officium parvum B. Mariæ Virginis. Secundò ad id teneri etiam post acceptationem Breviarii Benedictini, prout antea tenebantur. Nec certè minori sollicitudine Marianum Offici-*

Officium nobis quotidie recitandum incumbere suppo-
 fuerat antea Leo X. ac ipsummet Divinum Officium,
 dum ab hoc dispensari posse per nostri Ordinis Præla-
 tos constituit, ab illo non item: sic enim habet in Bul-
 la: *Et si à summo, §. 70. Ac quod illi ex præfatis Monachis,*
qui adeò Monasteriorum suorum Officiis occupati &c. dummo-
dò in sacris non sint Ordinibus constituti, licet professionem
emiserint: tamen ad persolvendum totum integrum Officium
Divinum minimè teneantur, sed eorum Prælati, habita suppo-
sitorum suorum consideratione (ultra Officium B. Mariæ Virgi-
nis, ad quod obligati remaneant) juxta Dispensationem eis
traditam, si eorum animabus expedire videbitur; aliquid di-
cendum inungant, quod cum animi alacritate valeat adim-
pleri.

XII. Insuper debita erga proprię Congregationis
 Defunctos Pietas, tam apud Camaldulenses, quàm
 Avellanitas paribus exercitiis enitebat; Ait enim Da-
 mianus Opusc. 14. et 15. cap. 12. *Cum frater quispiam*
ex nostris obierit, qui videlicet nobiscum degunt, pro eo unus-
quisque septem dies jejunat, septem disciplinas cum millenis
Scoparum ictibus accipit, septingentas Metanas facit, tri-
ginta insuper Psalteria ex more decantat, et unusquisque Sa-
cerdos septem Missas illi pro sua persona persolvit, salvo eo,
quod continuis quoque triginta diebus pro eo Missarum sollemp-
nia in conventu communiter celebrantur. Rodolphus autem
 in Constit. anni 1080. cap. 35. non admodum diver-
 sa decernit, dum præcipit, quod: *Pro migratione cujus-*
cumque fratris in Eremito, vel in Fonte bono Defuncti, trigin-
ta Psalteria, vel missas debet unusquisque persolvere: pro his
 vero,

verò, qui per alia loca Congregationis obierint, tria Psalteria, vel Missa ab unoquoque dicenda sunt; in Metanasi verò, Palmatis, vel Scoparum ictibus, aliisque similibus obsequiis, quisque debet, prout facultas tulerit, exerceri.

XIII. Psalmodiæ verò publicæ usus idem profectò, non modò apud utramque hanc Romualdi familiam, sed apud omnes Monachos fuit, ut hinc nulla specialis consensio reluceat. Nihilominùs hoc saltem observare licet, quòd ut Romualdus, referente Damiano in ejus Vita cap. 9. *Vigilias temperatè, et cum magna discretione faciendas maximè suadebat, ne cui fortasse contingeret, ut sopori, peractis nocturnis officiis, consentiret: quia videlicèt ejusmodi somnum Vir Sæctus intantum habebat exosum, ut siquis ei confiteretur, post duodecim psalmorum vigilias, et maximè circa diluculum, nequaquam posset eo die, cum ejus licentia, sacra Missarum sollemnia celebrare; Quod, hoc ipso Romualdi exemplo, Eremitis inculcat Paulus Justinianus in Regula Eremitica cap. 40. Ita similem somni discretionem, ejusque post Matutinas vigilias fugam Avellanitis suis indicit Petrus Damianus scribit enim Opusc. 13. cap. 16. De somno quoque non tam dura quibusdam districtio necessaria est, melius quippe est somnum carni temperata quadam dispensatione concedere, et ferventer postmodum in Dei laudibus excubare. Notandum autem, quia ante nocturna Synaxis Officium, si vel profundior adhuc nox, vel quolibet modo graves videntur esse vigilie, repetere accubitum licet: post nocturnum omnino non licet. Unde, et tom. 1. lib. 6. Ep. 17. ait Non Canonem solvit qui psallens nocte redormit.*

XIV. De silentii censura, utpotè Eremitarum propria, non est quod addam: tantùm audiatur Rodolphus Camaldulensis Prior in Constit. anni 1080. cap. 21. sic præcipientis: *Exeuntes de Cellis, et ad ipsas redeuntes, silentii censura debent cobiberi: In Oratorio, et in Refectorio regula silentij omni tempore intemerata servetur. Cui consonat B. Petrus Damiani tum Opusc. 14. tum 15. cap. 11. et 18. In Capitulo, in Oratorio, in Refectorio regularem consuetudinem non postponant, ut cum hospitibus non loquantur: atque ideo à cellulis usque ad Ecclesiam sive venientes, sive redeuntes à censura silentii non recedant.*

XV. Sed et Quies, omnisque vagationis fuga, utriusque Eremitæ Sectatoribus pari sedulitate injungitur: à Rodolpho quidem loc. cit. cap. 32. illis verbis. *Vitium quoque vagationis, et instabilitatis taliter fugiat, ut non solum exterius, cum Dina filia Jacob, non faciliè discurrat; sed etiam in ipsa Cella stabilis fixusque permaneat: posset enim intra eandem Cellam, tanquam cujusdam impulsu Vertumni, vagationisque spiritu, tota die circuire. A Petro Damiano autem Opusc. 12. cap. 24. Illud non mediocriter displicet, quòd etiam ipsis sanctissimis Eremitis quidam videntur admixti, quos idem pestifera vagationis morbus exagitat, et [si dicere liceat] quasi Vertunmus, quoddam scilicet Demiorum genus, vexat. Vertunni siquidem apud antiquos dicebantur Demones, quorum insinctu homines in vertigine positi reddebantur instabiles. Et Opusc. 15. cap. 18. Ponat autem (Eremita) juxta se quæque sibi sunt familiaris necessaria, ne cum usu eorum necessitas postulat, ipse ad exhibendum sibi frequentius surgat. Tantoperè quippe vagatio est vitanda,*

ut

ut nec per ipsam Cellulam spaciari inaniter liceat.

XVI. Ut verò facilius in cella quiescere afuescant Solitarii, hoc aureo monito illos Rodolphus loc. cit. cap. 36. confirmare conatur: *Præterea studeat solitarius in Cella jugem, et continuam sedulitatem habere, ut per gratiam Dei, et assiduitatem manendi, possit ei habitatio Celle dulcescere. Nam sicut inquieto, et instabili Monacho, instar Carceris, penam ergastuli, afflictionis materiam præstat: ita quieto, et perseveranti, suavitatis refrigerium, silentium beatitudinis, tamquam portionem exhibet Paradisi. Quod idem asseruerat Damianus Opusc. 12. cap. 25. Huc accedit, quod ipsi, qui vitam suam sub hac inconstantia mutationis alternant, eò sit vita remotionis austerior, quò inolita vagandi consuetudine retrahuntur; itaut Eremitica districtio gravissime difficultati, cella ipsa illis videatur horrore. Consuetudo enim facit Monacho cellulam dulcem, vagatio videri facit horribilem. Vagantibus cellula carcer est, permanentibus suæve cubiculum.*

XVII. Rursus, quemadmodum Romualdus, ex ejus Vita cap. 9. *Parvipendebat, si quis ad tempus magnum quid inciperet, si non etiam in eo longanimiter perseveraret: ita eandem Avellanitis perseverantiam inculcabat Damianus Opusc. 15. cap. 27. dicens: Vitæ modum, quem semel arripueris, perseveranter tene, constanter exequere, ne scenica, quod absit, à temetipso videaris vertigine discrepare. Persevera itaque in eo, quod caperis, et rectam consuetam vitæ lineam tene: ne te novum semper variata vitæ diversitas reddat, sed in sanctæ Constantiæ fundamento præfixa regula consuetudo stabilias.*

XVIII. Denique quidquid Beatissimus Romualdus Eremitas suos ad ejus Cellam in Eremo Camaldulensi convenientes docuisse dicitur à Hieronymo Pragenfi apud Bollandum ad diem 7. Februarii, multa in Sermone de S. Romualdo cap. 11. [quemadmodum et alia, cap. 6. et 9. inserta] totum ferme, ac ipsdem, vel similibus formulis expressum in Damiano suos Avellanitas instruente reperitur: nempe quod cap. cit. num. 69. dicitur de *Quiete, Silentio, et Jejuniis Eremitis necessario*, totidem verbis habet Damianus Opusc. 15. cap. 5. Quod ibidem subdit Hieronymus (ex ore Romualdi) de *Vestium paupertate, et vilitate amanda*, rursus ipsdem verbis Damianus inculcat loc. cit. cap. 21. Quod subdit ille num. 70. *De venientibus ex seculo ad Eremum*, idem, eodemque verborum tenore, monet hic præfati Opusculi cap. 29. Quod demum ille num. 71. decernit. *De his, qui ex Canobistica conversatione ad Eremum accedunt*, iste pariter, ubi supra cap. 30.

ipsissimis vocibus, formulisque proponitur
perinde sit, sive hinc, sive inde trans-
scribas, cum non modò sensus,
sed verba, et ordo ipse
verborum utrobique
immutatus oc-
currat.

* * *

CAPUT V.

Camaldulensium, et Avellanitarum affinitas alijs momentis illustratur.

S T N O P S I S.

Utriusque loci Regula utrisque communis. Num. 1. Frequentior apud Petrum Damiani, quàm apud Rodulphum Priorem Camaldulensem S. Romualdi mentio. 2. Auctoritas S. Romualdi à Petro Damiani sæpè usurpata. 3. Viceversa Petri Damiani auctoritas in Camaldulensium Statutis adducta. 4. Eremitica Regula S. Petri Damiani in Eremita Camaldulensi cum Legis obtinuit ex B. Rodulpho Priore. 5. Quod ostenditur. 6. et 7. Avellanitarum Congregatio, ex Ludovico Du Pin, species erat ejusdem Eremitarum Generis à Romualdo instituti. 8. Eadem Romualdi, quæ Petri Damiani Institutio, ex Ludovico Thomasio. 9. Ipse Petrus Damianus ejusmodi affinitatem testatur. 10. Hospitalij, et suffragiorum communio inter Camaldulenses, et Avellanitas vetustissimis temporibus inita. 11. Avellanitarum habitus colore, et forma Camaldulensium vestibus simillimus. 12. Eadem Cingulo, ut nostri, utebantur. ibid. Petrus Damiani potiori adhuc jure, quàm ceteri Avellanita, ad Camaldulensem Ordinem spectare ostenditur. 13.

I. **Q**Uæ duobus præcedentibus capitibus cursim delibata sunt, circa nostrorum Camaldulensium, atque Avellanitarum Veterum vivendi morem, abudè
utriusque

utriusque Instituti convenientiam ostendunt, atque utriusque Familię Constitutiones, utpotè similibus, aut parùm diversis præceptis circumscriptas, imò totidem plerumque verbis, et ijsdem formulis exaratas, eodem dicente Spiritu conceptas, atque ab eodem Romualdi Fonte derivatas fuisse commonstrant. Hinc non immeritò parem auctoritatem utraque Regula apud utrosque obtinuit, et nullo penè discrimine sive à Romualdo, sive à Petro Damiani statuta, Eremiticę Vitę rationem concernentia, perinde recipiebantur; ut mirum non sit, Hieronymum Pragentem loco, quem superiori capite, num. ult. allegavimus Romualdo Parzenesim ascripsisse, ex Avellanitarum Regula ad verbum penè desumptam.

II. Sanè haud frequentior est apud Rodulphum Camaldulensem Priorem, quàm apud ipsum Damianum Romualdi mentio, ad consuetudines Eremiticas ejus auctoritate firmandas: in primis enim privatę psalmodiæ usum, ut cap. præced. num. 10. vidimus, ex S. Romualdi Institutione derivat Damianus Opusc. 14. *Psalterium, quod est Virvorum, cum illis dicitur additamentis, quæ B. ROMUALDUS apposuit; et iterum Opusc. 15. cap. 9. Psalterium quod est Virvorum cum illis dicitur additamentis, quæ B. ROMUALDUS apponit, quæ tanta sollicitudine observanda esse notat, ut inter ea, quæ maximè omnium interest, ut addiscant Novitii, connumeret, ijs verbis statim subsequenter: Quæ etiam nos non gravemur inserere, ne nos conquereatur fortè Novitius, quæ sibi magnopere noscenda sunt, præterisse. Nec minoris*
mo-

momenti esse, ad Eremitarum suorum instructionem, quolibet Romualdi monita, exempla, consilia, satis indicat, dum ejusdem Opusculi cap. 16. ad discretionem in moderanda subditorum vita Prælati injungendam, B. Romualdi sententias in medium producit, seque illis adhærere fatetur. *Nos approbamus* (ait) *quod suis sæpe Discipulis B. ROMUALDUS dixisse perhibetur: Dummodò, inquit, frater quilibet Cellam non deserat, etiam carnes permittatur ex discretionem comedere, si tam inevitabilis videatur necessitas imminere. Addebat insuper. Tale enim propemodùm est de Eremo ad Monasterium reverti, quale de Monasteriali Ordine ad Sæculum asportari. Et paulò post subdit: Nam et idem B. ROMUALDUS, ut sui consueverunt referre Discipuli, sic æstivi temporis hebdomadas alternabat: ut unam quidem à Dominica in Dominicam in pane, et aqua jejunando transigeret, alterius verò hebdomada pulmentum quinta feria manducaret.*

III. Similiter idem Damianus tomo 1. lib. 6. Ep. 26. ut modestiam in feminarum Colloquijs Martino Monacho Patrueli suo commendet, exemplum B. ROMUALDI, qui Discipulum nimix curiositatis prudenter redarguit, illi ob oculos ponit, ac paulò post, ut ad sobrietatem servandam, et hypocrisim fugiendam eundem excitet, subdit: *Nec ineptus applices* (hoc est non otiosè audias, sed seriò intendas) *quod sæpe suis Discipulis Vir Domini Romualdus agebat: Fratres inquit, cum in quorumlibet conventu reficitis, intentis ad cibum cæteris, in ipso refectiois initio parcite: et cum jam illis ex parte satisfactum fuerit, vos inchoate, quatenus et hypocrisis notam possi-*

possitis evadere, et sobrietatis regulam, sine offensione, servare. Et eodem lib. 6. Ep. 30. ad Theuzonem Eremitam, narrat, rationibus sepositis ad auctoritatem S. Romualdi se confugisse, ut intentum evinceret: Tandem, inquit, cum in arcto positi, multiplicium obiectio-
rum vallaremur angustiis, ubi ratiocinandi copia suppetere desuit, ad Sanctorum mox exempla confugimus, ut illis saltem fides habeatur, quorum auctoritas ad probationem cujuscunque negotii incunctanter admittitur. Cumque super quodam disceptationis articulo S. ROMUALDUS in testimonium duceretur, &c.

IV. Vicissim verò Damiani auctoritas in Camaldulensium Statutis sæpius invocatur. Sic in Constitutione, quam Placidus Eremitæ Camaldulensis Prior, et Martinus ejusdem Eremitæ Provisor, unico post B. Rodolphum sæculo, promulgarunt, Silentij disciplina, ejusque necessitas confirmata legitur, quia, inquit, PETRUS DAMIANUS ait: Eremitæ Officium est, jejuni-
o, silentioque quiescere. Et in Eremitica Regula, quam Paulus Justinianus edidit, tum cap. 47. verbis jam Dissert. I. cap. 4. num. 14. adductis, PETRI DAMIANI auctoritas, circa disciplinam suscipiendorum sæcularium in Eremita, proponitur, tum alibi passim, ut circa Prioris Eremitæ qualitates, aliaque benè multa, ad ejusdem PETRI DAMIANI sanctiones provocatur; quum insuper Eremiticam Regulam PETRI DAMIANI ex integro edere, et Regulæ Eremiticæ S. Romualdi simul conjungere, eodemque complecti volumine idem Justinianus non dubitaverit, cæteris licet Camaldulensibus Constitutionibus Rodulphi, Placidi,
 Ghe-

Gherardi, Martini omninò postpositis; quasi nimirum intelligeret, in solis Petri Damiani institutis, quidquid in omnium PP. nostrorum sanctionibus continetur, tamquam in suo fonte, meliùs, et uberius reperiri: nec satis perfectam ratus suam, ex S. Romualdi traditionibus, et Antecessorum omnium scriptis, vel per manus traductis consuetudinibus collectam, Regulam Eremiticam, nisi Petri Damiani cognato libello *De sue Congregationis institutis* tractanti copularetur, à quo majorem, et lucem, et firmitatem acciperet.

V. Imò ipsamet *Petri Damiani Eremitica Regula* in Eremo Camaldulensi sola ad observandum aliquandiù proposita extitit, videlicet usque dum B. Rodolphus Prior suas ederet Constitutiones: quibus tamen non propterea ejus vis penitus abrogata est, sed uno vel altero dumtaxat articulo excepto, in reliquis adhuc expressè approbata mansit ab eodem Rodolpho, qui in Constitutionibus anni 1085. sic ait. *Unusquisque frater lances in cella habet, cum quibus pensat tres panes, quos accipit omnes dies Dominicos, et quinta feria. Et alia multa his fratribus necessaria, qua omnia prudenti Lectori EREMITICA REGULA satis demonstrat. Sed praevidendum est, ne per hoc, quod illa dicit, de die Sabbati manducare ad mensam: quia numquam mos hic fuit, vel cetera, qua bujus Eremiti usibus videmur contraria, eaque breviter descripsimus in hac pagina, pratermittantur: quoniam, ut ipsi videtis, praecepta sunt haec, et actiora; atque in hac Eremo primitus observata, quàm ipsa Regula fuisset descripta. Sed RELIQUA OMNIA, qua bujus Eremiti usibus convenientia, et similia;*

H

et

et qualiter docet nos in Cellula, et desoris permanere, nec non intus resistere, et virtutes acquirere, et discretionem in omnibus semper retinere, DEBEMUS jugiter, Christo adjuvante, OBSERVARE, et numquam Sancti Romualdi, et ceterorum nostrorum Antecessorum pium usum derelinquere.

VI. Enimverò hanc Eremiticam Regulam, de qua Rodolphus loquitur, aliam esse non posse, præter illam Petri Damiani, quam Paulus Justinianus post Constitutiones suas edendam censuit; colligitur primò, quia illa ipsa est, quæ de Lancibus habendis in cella ad Panis mensuram ponderandam, loquitur Opusc. 15. cap. 8. cujus textum superiùs adduximus cap. 3. num. 14. Idem colligitur secundò, ex quò illa ipsa sit, quæ Sabbati Jejunium, extra Quadragesimas, semper tam æstate, quàm hieme, propter imbecilles relaxandum indulget, ac simplici refectiõni cum pulmento, et vino deputandum [quod ipsum intelligi voluit Rodolphus ea formula, De die Sabbati manducare ad mensam; ait enim in Constit. anni 1080. cap. 20. Ad mensam verò omnibus diebus gemina refectiõnis, aut simplicis, niturum non perfecti, Jejunii communiter reficiant fratres: nam diebus abstinentiæ panis, et aquæ singuli in cellis suis, Nudis pedibus super pavimento sedentes, librumque sacræ Lectiõnis intuentes, reficiebantur, ut ibidem Rodolphus ait] ait enim Damianus dicto Opusc. 15. cap. 15. Credimus unumquemque fratrem in cellula commorantem, nisi omninò agrotus sit, itaut decumbat quidem in lectulo, toto anni tempore, sive æstate videlicet, sive hieme, tribus per hebdomadam diebus jejunare in pane, et aqua cum Dei adiutorio facile.

facillimè posse: et quoniam Sabbato jejunare canonica traditionis authenticum est, non grave videatur fratri etiam Sabbato refectiōem ad Nonam horam usque differre: ut semel quidem ipso die reficiatur, sed tamen vinum, atque pulmenti percipere ex hujus nostræ institutionis indulgentia non vetetur. Et hoc quidem affate: Nam ab Idibus Septembris, usque ad Paschale gaudium, quatuor per hebdomadam diebus norverit jejunandum: sed et si aliquando tanta debilitas acciderit, hierno etiam tempore die Sabbati, aut leguminibus infusis, aut barbarum radicibus, si-ve etiam pomis solitum licebit aliquantis- per temperare jejunium: ita tamen, ut si unum quodlibet horum sumat, aliud, nisi vera necessitatis causa dictaverit; non adjiciat. Postremò tamen, propter pusillanimes, si hic necessitas omninò poposcerit, qua fieri permessa est in ætate, eadem Sabbatorum discretio servetur in hieme. Hanc ergo dumtaxat Sabbatorum tam generalem remissionem in sacra Eremo non recipiendam Rodolphus statuit, utpotè ejus consuetudini contrariam, quippe dumtaxat Paschali tempore (ut constat ex ejus Constit. prioribus cap. 12. quas supra retulimus cap. 3. num. 9.) et in Octavis Sanctorum; et diebus flebotomia, aut ob accessum alicujus celebris personæ, si-ve extraordinarij laboris intuitu, et in Sabbatis utramque Quadragesimam precedentibus, poterat Sabbati abstinentia relaxari, ex ejus Constitut. citat. cap. 16.

VII. Idem etiam tertio ostenditur, exquò Eremitica Regula, de qua loquitur Rodolphus, tempore ipso inter Camaldulensis Eremitæ foundationem, et Rodolphi ætatem medio composita erat, ibi: *In hac Eremo primi-*

tus à Sanctis Viris fuerunt hæc observata, quàm ipsa Regula fuisset descripta; Nulla autem, nisi Petri Damiani Eremitarum Regula dicto tempore exarata est, cujus quidem notitiam habeamus, itaque hæc ipsa est, quæ Camaldulenses apud Eremitas in usu eatenus fuerat, et deinceps, in his, quæ vetustioribus Eremitis illius usibus non contrairerent, observanda adhuc à Rodulpho proponitur. Quartò denique doctrinæ ipsæ de Cella sequestratione, de conversatione extra Cellam, de Virtutum acquisitione, de Discretione Prælati, Quæ inibi contineri alleruntur, reipsa in Opusculo Petri Damiani occurrunt, ut legentibus patet: quare omninò conficitur, Rodulphi tempore ipsam Petri Damiani Regulam in Sacra Camaldulensi Eremita, perinde ac in Avellanæ Solitudine, receptam fuisse, atque ex integro penè observatam.

VIII. Jure igitur, meritòque idem Camaldulensium, et Avellanitarum Institutum à S. P. Romualdo profectum haberi debet, undè Vir Eruditissimus Ludovicus Ellies Du Pin in Nova Bibliotheca Auctorum Ecclesiasticorum Tom. VIII. part. 2. Sæculi XI. Ecclesiæ, cap. 14. §. 10. postquàm Ordinis Camaldulensis foundationem à Romualdo factam descripsit, ait aliam specialem Congregationem Eremitarum ejusdem generis à Petro Damiani institutam. En integra Auctoris verba. *Il se mit (Romualdus) sous la conduite d'un Saint Hermitte, nommé Marin, qui demouroit dans le pais de Venise, et embrassa la vie Heremitique, qu'il retablit en Occident. Leur Institut n'étoit pas de vivre seuls dans des solitudes, com-*

me

me les anciens Hermites ; mais de demeurer plusieurs ensemble dans un même endroit , separer des autres hommes , et dans des cellules particulieres , sous la conduite d'un même Supérieur , en pratiquant la même Regle . Ces sortes de Monasteres s'appelloient anciennement Laures . Saint Romualde en établit un tres grand nombre en Italie : un des plus fameux fut celui , qui fut bâti sur l'Appennin proche d'Arezzo , dans un lieu , qui leur fut donné par un homme appelé Mandol , d'où l'Ordre a pris le nom de Camaldole . Saint Romualde vécut cent ans après sa Profession Religieuse , et vit son Ordre florissant . Pierre Damien institua aussi une espece de Congregation d'Hermites de même genre . Ces Hermites pratiquoient de grandes austéritez , et faisoient des Cbofes fort extraordinaires .

IX. Sed et doctissimus Ludovicus Thomasinus in Veteri , et Nova Ecclesiæ disciplina de Beneficiis Part. 1. l. 3. cap. 25. num. 7. Idem fuisse Romualdi , ac Petri Damiani Institutum indicat , nam post narratam Eremiticæ Vitæ Restitutionem , et cum Benedictina Regula conjunctionem à Romualdo in Italia præcipuè factam , ait contra hoc Institutum oblatrantes à Petro Damiani compressos Ep. 12. lib. 6. ubi profectò se , et suos præsertim tuetur à cujusdam Abbatis impugnatione , qui conquestus erat , quòd Monachum ex suo Monasterio egressum , contra S. Benedicti Regulam recepisset : *Succensetis enim , inquit , ac nos conquærentes arguitis , quia non debuimus vestros Monachos in Eremito contra B. P. Nostri Benedicti præcepta suscipere .* Ostendit autem Sanctissimum Legislatorem nostrum vagationi dumtaxat ex uno in aliud Cœnobium occurrere volu-

voluisse, non prohibere autē, imò omnes hortari, ut ex Cœnobitica ad perfectiorem Eremitarum vitam se trāsferant; quare adēdō coincidit Romualdi, et Damiani Institutum, ut unius defensio, alterius pariter apologia censeatur. Ecce Thomadini verba loco cit. *Scriptis Romualdi Vitam Petrus Damiani, scripsit et Apologiam; confestim enim his Anachoretis summa ad perfectionis columen eluctantibus obrectari captum est, quod semitam tenerent, quam non pramonstrasset, non tenuisset B. Benedictus, quodque suo catui aggregarent Monasteriorum B. Benedicti desertores. His ora obturabat Petrus Damiani hoc responso: Cave-ri à B. Benedicto, ne Abbates alij aliorum Monachos admitterent, dum cogniti sibi mutuò essent: (caveat, inquit Reg. cap. 61. Abbas ne aliquando de noto Monasterio Monachum ad habitandum suscipiat, sine consensu Abbatis sui) sed Priores Anachoretarum ea prohibitionē non implicari.*

X. Porro hanc ipsam communis Instituti societatem, ne ipse quidem Petrus Damiani inter se, et S. Romualdi Discipulos intercessisse diffitetur; enimverò in Prologo Vitę ejusdem Sancti Patris Romualdi, ut se ab Egregijs, qui superstites erant, Sancti Viri Discipulis compulsū ad ejus gesta commemoranda significet, multorum, inquit, *FRATRUM* precibus, et *GERMANA CHARITATE* devinctus, quod de prædicto mirabili Virō ab Egregijs ejus Discipulis didici, aggrediar, Deo auctore, describere; Nimirum eodem Religionis fœdere se illis conjunctum considerans, quo Germani, et Fratres ab eodem Patre progeniti debent invicem quibusdam amoris, et charitatis vinculis alligari.

XI. Re-

XI. Reciprocè verò à nostris Camaldulensibus Avellanitæ ipsi ut *Fratres* habiti, et tamquam cognatæ Stirpis à Romualdo, velut à communi trunco propagatæ, Germina considerati sunt, etiam postquàm ab Eremitica disciplina ad Cænobiticam conversationem translati sunt, atque ubi à primæva S. Romualdi, Petrique Damiani institutione jam desciverant (contra ejusdem Petri Damiani monitum, quo illos Opusculo 14. sub finem gravissimè increpaverat: *Non itaque ad Monasterialem laxitudinem ab Eremitica vos libeat distractione descendere*) in hoc, inquam, pariter statu Avellanitæ, quasi germanæ charitatis communione nobis conjuncti, perinde ac Monachi Vallis Umbrosæ à S. Joanne Gualberto D. Romualdi Discipulo instituti, eodem hospitii jure in nostris Monasterijs in Refectorio suscipi, ejusque Congregationis Defunctorum Animæ paribus Christianæ pietatis suffragijs expiari consueverunt: nam in Constitutionibus anno 1253. à B. Martino III. Generali editis lib. 3. cap. 32. sic præcipitur. *Statuimus, ut Fratres nostri Ordinis, Vallumbrosani, et Sanctæ Crucis Fontis Avellane, quasi uno Charitatis officio, Monachi cum Monachis, Conversi cum Conversis hilariter, et benignè suscipiantur à nostri Ordinis Prelatis, et subditis universis.* Et rursus anno 1372. die 27. Maii in Capitulo Generali, quod celebratum est in Monasterio S. Michaelis in Burgo Pisarum, Præsidente Joanne III. Generali, decretum est, *ut Monachi Vallis Umbrosæ, et S. Crucis de Avellana, tam in Eremitio, quàm in Monasterijs Ordinis recipiantur in Choro, et Refectorio, ac si essent*
Ordin-

Ordinis Camaldulensis: et eorundem Ordinum brevia (ideſt Dyplicæ, fratrum Deſunctorum nomina indicantes) per *Breviſerarium Ordinis deferantur* &c. Actum manu Leonardi olim Franciſci de Caſtilione Aretino Notarii, et Scribæ deputati: ex Archivii Camalduleniſis libro R. 18. 8o. ejuſque indice §. *Statuta* p. 2. num. 9. Quare multo magis dum priſtinam adhuc Eremiticæ Vitæ formam, ad quam, ex Romualdi præceptis, per B. Petrum Damianum Avellanitæ inſtituti fuerant, ſequiebantur, pro ſimilis diſciplinæ conſortibus haberi apud Camaldulenſes merebantur.


XII. Idque eò magis, ex quò Avellanitarum Veterū habitus, et colore, et forma, cum Camaldulenſium habitu penitus conveniret; enimverò, ut Diſſert. III. cap. 2. num. 9. et 10. oſtendimus, albus color monaſticis eorum veſtibus conveniens ex antiquis monumentis, alijsque probis Auſtoribus, deducitur: ipſomet Petro Damiano Tom. 1. lib. 6. Ep. 14. Mainardum Abbatem monente, ne album Monachorum amiſtum, utpotè vilem, deſpiceret, exemplo Chriſti, qui ſe *Veſte alba* illudi ab Herode paſſus eſt, ut Diſſert. III. cit. cap. 2. num. 7. notavimus; nec non Petro Ricordato, Silveſtro Maurolyco, Paulo Morigia, Conſtantino Cajetano, et Chroniſta Benediſtino apud eūdem in Prolegomenis Tomi 1. Operum B. Petri Damiani, de Avellanitarum Tunica, Scapulari, et Cuculla penitus alba teſtimonium ferentibus; adeò juxtà citatum Morigiam Hiſt. Relig. cap. 58. ex abuſu dumtaxat poſteriorum temporum inductum fuerit

cæru-

cæruleum pallium, quo nuperrimè Cucullæ loco utebantur: quod confirmat, veterem ipsorum habitum olim nostro Camaldulensi affinem, suisque omnibus partibus, tam colore, quàm forma correspondentem prorsus fuisse. Imò addere placet, quòd cùm habitus Camaldulensium à cæteris Monasticarum Congregationum vestibus (etiam à Monachorum Montis Virginis, et Montis Oliveti, albo colore pariter utentium, amictu) hoc præcipuo discrimine distinguatur, quòd non solum, atque ab humeris utrinque liberè dimissum Scapulare nostri deferant, sed sub pectore laneo Cingulo colligant, quod, post expeditissimam nodi complicationem, in binas tærias ab anteriori parte pendentes excurrit; Avellanitę pariter simili Cingulo præcingi quondam consuevisse deprehenduntur. Nam cùm Petrus Damiani, et Albizo ejus comes, Theuzonem Eremitam Florentiæ convenientes, ab eodem durè habiti, ac tandem post multa jurgia ejecti sunt, per Cingulum ambos apprehensos fuisse testatur idem Damianus lib. 6. Ep. 30. *Tandem, inquit, per Semicintias correpti violenter excludimur.* Itaque nulla erat Avellanitarum, et Camaldulensium indumenti, undè et nulla Vitę, nulla Instituti, nulla Professionis pariter differentia censenda.

XIII. Quidquid tamen sit de aliis Fontis Avellani Alumnis: certè in Petro Damiano potior longè, quàm in cæteris, ratio relucet, cur ad Camaldulensem Ordinem, sive ad D. Romualdi Institutum pertinere censendus sit; vel primò quia immediatè ab ipso S. P.

Romualdo [aut certè mediantibus ejus Discipulis] Eremiticæ Vitæ rudimentis , quæ postmodum in alios erogavit, instructus fuerit: undè Reverendissimus Abbas D. Secundus Lancellottus Olivetanus in suæ Congregationis Historia lib. 2. cap. 22. de Petro Damiano ait: *Audit in re monastica Romualdum Camaldulensium Institutorem, et primò Fontem Arvellanam habitavit, ubi cum magna Monachorum, vel Eremitarum frequentia multos annos extraxit, tum Stephanus IX. Purpuratorum Collegio aggregavit; vel secundò quia reipsa in Camaldulensi Eremito aliquandiu et ipse vixerit, ex conjecturis Dissert. III. cap. 2. num. 8. adductis: quibus accedit, quòd Antonius Maria Bonuccius Ephemer. Euchar. tom. 1. ad diem 22. Februarij expressè asserit, Petrum Damianum Cardinalitæ dignitati nuncium remittere voluisse, ut ad suam Eremitum Camaldulensem rediret: undè tum ante, tum post abdicatam purpuram, probabile est, illum in Eremito Camaldulensi versatum esse; vel denique tertio, quia in aliis Monasteriis à S. P. Romualdo ædificatis, vel ad regularem observantiam compositis, vitam suam Damianus traduxerit: quod quia longiori tractatione indiget, ad sequentis Capituli Argumentum reservabitur.*



CA:

CAPUT VI.

B. Petrus Damiani inter S. Romualdi Discipulos, atque in ejusdem Monasterijs potissimùm vixit.

S T N O P S I S.

De Avellanensi, et Tomposiano Monasterio, in quibus Petrus Damianus vixit, remissivè. Num. 1. In Monasterio S. Vincentii de Petra pertusa Romualdus cum Discipulis habitat. 2. Ibidem Petrus Damiani Vitam S. Romualdi scripsit. 3. Ex Vita Petri Damiani, constat illum ad Cœnobium S. Vincentij constituisse. 4. Idem habitus in eo Monasterio, atque in Avellanensi degentibus. 5. Candidi, et albi coloris differentia ibid. Rursus ad idem Monasterium Petrus Damianus mittitur. 6. Aliis vicibus ibidem habitat, ejusque Statuta ibidem recipiuntur. 7. Severissimè divinitus punitur illud Cœnobium, ob violatam Damiani decretorum observantiam. 8. Damiani erga idem Monasterium amor, et sollicitudo. 9. Diutissimè ibidem conversatur. 10. S. Salvatoris Cœnobium in Perusino territorio à S. Romualdo constructum, cui presuit Petrus Damianus. 11. Eremitus Montis Pregii à S. Romualdo primum, deinde à Damiano inhabitatur. 12. De aliis locis ab Romualdo constructis, in quibus Damianus, et ejus Discipuli vixerunt. 13. B. Dominicus Loricatus sub Damiani Ma-

gisterio vivens, Prior Eremiticæ S. Romualdi con-
structæ, factus est. 14. Idem ad Eremitum Montis Sua-
vicini, quam Petrus Damianus fundaverat, morti proxi-
mus se recepit. 15. Satrienses à Petro Damiano, tanquam
proprii Alumni, commemorantur. 16. B. Leo S. Romualdi Reclu-
sus, Petri Damiani Magister. ibid. Petrus Damiani
Classense nostrum Monasterium incoluit. 17. Propositi no-
stri, ex his momentis, conclusio. 18. Multorum Scripto-
rum, et trium Summorum Pontificum auctoritas pro nostra
sententia. 19. Avellanita omnes, cum ipsorum Cœnobio,
in Camaldulensium jus transferunt. 20.

Nihil magis evincit, Petrum Damianum sub
Romualdi meruisse disciplina, atque inter ejus
Assedlas numerari debere, quàm locorum, quibus ille
præfuit, aut in quibus est diutissimè conversatus, mox
instituenda consideratio; hinc enim patebit, non ali-
ud, quàm S. Romualdi Institutum sequi potuisse,
cujus inter Discipulos quotidie vivebat, eorumque vi-
vendi consuetudini se conformabat. Et quidem de
Fontis Avellanæ Cœnobio, quod frequentius incoluit,
nihil est quod repetamus, cum satis multà de illo ha-
ctenus dicta sint, quæ negotium hoc planè conficiunt,
dum ejus institutionem à S. Romualdo derivatam evi-
denter ostendunt. Sed neque de Pomposiano Mona-
sterio, ubi fermè biennium expendit Damianus, juxta
ejus Vitam ab Joanne S. Viri Discipulo conscriptam,
cap. 6. quidpiam hìc loquimur, ne magis ambiguis
exemplis ambiguum hanc controversiam dirimere velle
videa-

videamur: tametsi, ex dictis Dissert. I. cap. 4. num. 8. pag. 70. satis innotuerit, ad Romualdi normam, Eremiticæ cum Cœnobitica Vita conjunctionem ibi invaluisse, et ad praxim, illo ipso Damiani tempore, fuisse redactam sub S. Guidone, qui ex Monacho Cœnobii nostri S. Severi, Pomposianus Abbas effectus est.

II. Initium autem ducemus à Monasterio S. Vincentii de Petra Pertusa, quod in Urbinati territorio, VIII. passuum millibus Urbino distans olim surgebat, nunc ejusdem Urbis Canonicis addictum reliquias dumtaxat pristinæ magnitudinis ostentat. Hic S. Romualdum consedisse, atque huic ipsi Cœnobio Eremū adjunxisse narrat Damianus in Vita S. Romualdi cap. 43. *In Petranum Montem, non longè videlicet à Monasterio S. Vincentii, quod juxta Candilianum constitutum est fluvium, Romualdus denigravit. Volens autem locum ad Eremum faciendam idoneum invenire, præcepit cuidam Presbitero, &c.* et cap. 57. meminit BB. Gaudentii, et Berardi, qui in eodem S. Vincentii Cœnobio sub D. Romualdi Magisterio vixerant, atque in ejusdem Monasterii Cemeterio pariter Sunt tumulati; cùmque eorum alter, nempe Gaudentius, revocatam sibi à Romualdo (ob Tedaldi suggestionem) abstinentiæ pridem concessæ licentiam indignè ferens, ad Ingelbertum defecisset, proindeque in prævaricatione inobedientiæ vitam fuisse videretur, Romualdus orationem pro eo fieri penitus interdixit, licèt in Cemeterio B Vincentii, juxta corpus Berardi Venerabilis Viri, qui equè Romualdi discipulus fuerat, apponi mādasset; verùm ob Visionem, non quidem Berardo, ut

Ma-

Macchiarellus nosler purat in sua Apologia pag. 22. [nam ex proximè allatis Damiani verbis, totoque contextu, erat ille præmortuus] sed alteri cuidam Monacho ad utriusque sepulcrum oranti, atque à dentium dolore liberato, ostensam, *Romualdus illicè præcepit fratribus, ut jam Gaudenzio fraternam charitatem impenderent, atque pro eo enixius orarent.*

III. In hoc igitur Monasterio S. Vincentii, adedque inter superstites Romualdi Discipulos versatus est Petrus Damiani, imò eo loci Vitam ipsam S. Romualdi descripsit, ut notavit Fortunius Hist. Camal. parte 2. l. 5. cap. 6. atque apertè colligitur ex initio citati capitis 57. Vitæ S. Patris ubi Damianus sic loquitur: *Alius frater Gaudentius nomine, Abbatis videlicet hujus Monasterii S. Vincentii Pater.* Dum enim proximè antea talis Monasterii nulla mentio præcesserat, sed fermè de gestis apud Sitriam sermo erat, non potest ostensivi illius pronominiis [*hujus Monasterii*] significatio aliò de- torqueri, quàm ut de Cœnobio sibi præsentè, ubi videlicet actu scribebat, intelligi Sanctus Doctor voluerit: adedut in hos San-Vincentianos Monachos cadat illustre *Egregii* cognomentum, quo S. Patris Discipulos cohonestavit in ejus Vitæ proœmio, ibi: *Multorum fratrum precibus, et germana charitate devinctus, quod de prædicto mirabili Viro ab Egregiis ejus Discipulis deduci, aggrediar, Deo auctore, describere.* Unde in Nuncupatoria editionis Romanæ anni 1656. Vitæ S. Romualdi à Petro Damiano descriptæ, sic Romualdum ipsum Auctor alloquitur: *Postquam ille [nempè Damianus] mores*

tuos

tuos cum vestibus tui Ordinis induit, in S. Vincentii Monasterio degens, ubi tu (Romualde) sanctissime vixeras, ali-
ique ex tua disciplina Viri sanctimonia vitæ percelebres diem
extremum clauservant, cum inibi animadverteret eximiarum
virtutum vestigia non leviter impressa, ipsique parietes vitæ
tue beatæ suavissimos spiritus illi afflarent, adjecit animum,
ut facta tua heroica publicis monumentis consignaret. &c.

IV. Sed et in Petri Damiani vita, ab Joanne ejus
Discipulo scripta, bis ad prædictum S. Vincentii Cœ-
nobium se contulisse dicitur; semel quidem primis sui
tyrocinij annis, ut cap. 5. narratur his verbis. *Dum hic*
(Petrus Damiani) esset aliquando cum suo profecturus Ma-
gistro, molliorem scapularem induere, atque pulcriorem, quàm
affectaret, equum ascendere jussus est; rogare itaque Magi-
strum submissis capit precibus, ne sibi hoc dignaretur præcipere,
quod ipse nimium, velut indecens, abhorreret. Magister verd
ejus precibus acquiescere volebat, ne vilipendere videretur Di-
scipulum, quem diligebat tamquam unicum, s; sic eum, juxta
suum desiderium, secum permitteret incultum procedere. Disci-
pulus autem longè aliter sentiens, totumque aliorsum conver-
tens, nimium erubescere, secularibus jam apparere nitidulus:
ne ipse, qui olim sæculo renunciasset videbatur, secularem pom-
pam adhuc carnaliter querere putaretur. Quod tamen oppro-
brium multò magis ille subire, quàm inobedientiæ notam malu-
it, quam videlicet incurere vehementius expavit. Videbatur
enim sibi, prout ipse referebat, ut quicumque illum sic comptum
equitare cernerent, digito demonstrarent, et velut carnalem
subsannarent: sicque non Monachi, sed Sponsi nomen apta-
rent. Undè tantus rubor ejus suffuderat faciem, ut vix caput
erige-

erigere, vix in quempiam posset acies oculorum dirigere. Illis autem regredientibus, cum ad Cœnobium S. Vincentii, cui vicina rupes Petra pertusa vocabulum indidit, per-ventum fuisset; jam Domini servus ulterius ferre nequit ignominiosum nitidulæ vestis ornatum: occasione itaque ibidem paulisper removendi reperta; Magister capto itinere tendit ad Erenum; Ille vero alium sibi scapularem humiliorem stamine, et colore acquisitum induit: sicque velut immani sarcina, qua depressus hætenus fuerat, levatus, quantocius post Magistrum ad proprium est Monasterium reversus; nequaquam enim eos æquæ poterat, qui squallidis utebantur vestibus, venustis ipse indutus, revivere: dum moribus ornari potius gestirent, quàm vestibus.

V. Quo ex loco aperte liquet, eadem habitus specie, colore, forma, consuetudine, tam Avellanitas, quàm Monachos S. Vincentii indutos fuisse, dum apud hos Damianus idoneam tunicam invenisse dicitur, quæ ad illos, non jam recenti, aut nuper lota veste, ex tenuiori lana contexta, candidus, et nitidulus, sed crassiori stamine, ac nativa ovium albedine squallidus, et incultus, cæterisque suis fratribus concolor appareret: nimirum apud utrosque non exquisitus, et affectatus candor, qui luci potissimum affinis est, ut Dissert. III. cap. 6. num. 16. probavimus, sed *albedo simplex pallori* potius conjuncta, in usu erat; de quo discrimine, ad complures Monasticarum Antiquitatum textus conciliandos, et auctoritates Petri Cluniacensis lib. 4. Ep. 17. nec non Smaragdi in expositione Regulæ cap. 55. candidum vestis colorem improbantium, *Quia magis gloriâ,*
quàm

quàm abiectionem designant, cum monumentis, et traditionibus pro Monastici habitus albi vetusta consuetudine, Dissert. III. cap. 7. à num. 14. et deinceps adductis componendas, legere iuvabit Servium insignem Grammaticum in lib. 3. Georgicorum sic scribentem: *Aliud est candidum esse, idest quadam nitente luce perfusum, aliud album, quod pallori constat esse vicinum*; Nec non Cornelium Frontonem de differentia vocabulorum inter utrumque sic distinguentem, ut *Candidum propriè dicatur quod sit cura, album quod sit natura*. Sed hoc obiter adnotasse sufficiat.

VI. Secundò ad idem S. Vincentii Cœnobium missus legitur Petrus Damianus, ut Monachos illos tum in sacris Litteris erudiret, tum ad Monasticam Perfectionem uberiùs promoveret, ut idem Joannes Discipulus Petri Damiani testatur in ejus Vita cap. 6. *Tera-cto igitur cum suis confratribus permisi temporis spatio, iterũ ejusdem rei gratia, ob quam Pompeianam ierat, ad S. Vincentii, cujus supra meminimus, Monasterium pergere jubetur. Ibi quoque aliquandiu commoratus, nequaquam segnis à Dominice Vineæ cultura quievis, donec, cooperante sibi Domino, uberem sui fructum famulatus impenderet. Atque hac secunda vice Damianum, ab hujus Cœnobii Monachis, D. Romualdi Discipulis rogatum, scribendæ Romualdi Vitę consilium in se suscepisse constat: nam ex una parte videtur illam non longè à suæ Conversionis initiis conscripisse, ex illis Prologi verbis: Nobis autem in angusto Cellula angulo residentibus, utilis erat, sicut proposuimus, propria peccata ad mentis oculos assiduè revocare, quam alie-*

na Virtutis historiam texere; magis expediret commissi reatus tenebras plangere, quam splendida Sanctitatis insignia imperitis sermonibus offuscare; Ex alia verò parte, non potuit illam prima vice in hoc Monasterio exarare, cum in transitu dumtaxat ibi præsens adfuerit, nec moram operi huic perficiendo opportunam ibidem traxerit.

VII. Rursus aliis vicibus in S. Vincentii Cœnobio diutius vixisse, ac post susceptum Eremitarum regimen ejus spiritali directioni sollicitè invigilasse Damianum constat ex Tom. 1. ejusdem S. Doctoris lib. 6. Ep. 32. ubi exempla relaturus ex ijs, quæ in dicto Monasterio contigerant, *domestica* illa esse notat, atque à *præceptis* inibi auctoritate sua constitutis, et nonnullorum per-
vicacia, divinitus demum punita, neglectis dependen-
tia narrat; ait enim. *Ut autem è domesticis quoque præbeamus exemplum, in Monasterio B. Vincentii, quod non procul à monte, qui dicitur Petra pertusa, cernitur constitutum, hoc tamquam regulare constitueramus edictum: ut sub districti censura rigoris quadragesimale celebraretur initium: nimirum ut per triduum nonnisi modicum panis cum aqua omnes fratres comederent; nulla nisi lectionum, sive ordinum verba proferrent; nudis pedibus lugubres, ac mœrentes incederent; expleto communi modulatione psalterio, mutua se scoparum castigatione purgarent. Quod cum fratres voto, et animo, ac spiritali jucunditate non segniter agerent: et ultra etiam quod præfixum erat, satis superque peculio bonæ voluntatis agerent: quidam inter eos extitit, qui clam in edendo regulam violavit. Hinc pessimam hujus Prævaricatoris mortem describit, quæ se præsentē contigerat: Ut audiant, inquit, et pertimescant*

qui

qui indictam disciplina regulam, per propriae voluptatis impatientiam frangunt. Unde liquet, quàm severè Petri Damiani Statuta in hoc S. Vincentii Cænobio custodienda, et quàm non temerè, et impunè violanda esse, Deus ipse, terribili erga hunc Monachum ultione, monstraverit.

VIII. Sed et integrum illud idem Cænobium, ob intermissam, quam Damianus induxerat, quotidiani B. Mariæ Virginis Officij consuetudinem, gravissima Deus animadversione corripuit, unde eodem loco sic prosequitur S. Doctor: *Dicam et aliud, quod in prefato contigit Monasterio. Statutum erat, atque jam per triennium fere servatum, ut cum horis canonicis B. Mariæ semper Virginis Officia dicerentur. Erat autem inter eos Gozo, habitu Monachus, reprobæ quidem vitæ, sed dicacis, et accuratæ facundie. Hic capit conqueri, satis superque sufficere quod Sanctus præcipit Benedictus, nec novæ adinventionis pondus debere superponi, nec nos esse antiquis Patribus sanctiores: qui videlicet hæc superstitiosa, ac supervacanea judicantes, psallendi nobis metam, omnemque vivendi regulam prefixerunt: hæc sanè debere nos esse contentos, ne ab illa incautiùs declinantes, per anfractus, et in via ducamur erronei: Quid plura? Contra Reginam mundi præliari visus est, et confecit: ad hoc nimirum fratres versuta machinatione pellexit, ut solitas Beatæ Mariæ laudes ulteriùs non offerrent. Sed ob divinum judicium à nostræ prævitæ intuitu non dormitans! Mox enim adversus præfatum Monasterium tot adversitatum grandines, tot undique bellorum, atque conflictuum exorta sunt tempestates; ut ipsis quotidie Monachis minaces gladii necis exitum inten-*

tarent. Fiant undique depredationes, atque rapine; conflavantur cum segetibus arva; familiares, ac servi sancti loci crudeliter trucidantur: et non jam imago mortis, sed mors ipsa grassatur, adeo ut taderet jam Monachos vivere, dum nequaquam possent in procinctu certaminis amicam quieti suae professionis officium custodire. Non parvis expensis, ad Teutonum partes Imperator expetitur, pragmatica sanctiones cum Sigillis Imperialibus advebuntur; sed tantundem est; in omnibus quippe studiis non fructus, sed labor supervacuis. Tum subdit, ut suis praesertim monitis, Monachi divinam ultionem agnoscetes, culpam humiliter expiaverint, sicque procella omnis sedata fuerit: Tandem, inquit, ad cor redeunt, parvimento se humiliter sternunt, ac percepta poenitentia, numquam se de cetero neglecturos solita Genitricis Dei praeconia unanimiter pollicentur. Mox itaque, ut satear, ita post coruscas, atque tonitrua tanta calis serenitas rediit; ut ex tunc usque hodie fratres jucunda pacis otio persuantur; ac de Scyllae voragine se delatos ad portum, gubernante Filio Virginis, gratulentur; ac demum sic concludit: Qui ergo facile Seniorum suorum statuta convellunt, ista considerent: et ne divini furoris super eos gladius veniat, non sine causa formident.

IX. Tanto praeterea erga hoc S. Vincentii Cœnobium amore Vir Sanctus ardebat, ut illud praeter ceteris Bonifacio Duci enixus commendandum suscepit, ut constat ex lib. 7. Ep. 15. ubi hæc habet. De Monasterio autem S. Vincentii Excellentiam vestram praecor omnibus, et super omnia rogo, ut illud specialiter diligas. Pradia, quae ab irvasoribus desinentur, legali sibi jure restituas, et à cunctis

mor-

mortalibus protectionis tui scuto defendas: in hoc igitur Monasterio evidenter appareat, si apud vestre Celsitudinis aures majus aliquid impetrare mea humilitas valeat. Numquã profectò parem sollicitudinem de ipsa suæ Professionis sede, Avellanensi nimirum Eremito, numquam de ullo ex tot Monasteriis, ab ipso speciatim erectis, similem curam ostendit; ac de prælaudato S. Vincentii Carnobio, quod Romualdus præclaris suis institutis, suorumque Discipulorum reliquiis consecraverat.

X. Denique longissimo tempore, ac diutius fortè quàm alibi, in prædicto Monasterio conversatum fuisse Damianum, colligi posse videtur ex casu Arduini, quem decem annorum spatio promissæ eidem Damiano conversionis votum differentem, Sanctique Viri assiduas instantias eludentem, iusto Dei judicio punitum narrat lib. 5. Ep. 16. Dicam, inquit, quod super non dissimili re nuper apud nos accidisse cognoscitur. Vir quidam Arduinus nomine, famosa prudentiæ genere clarus, divitijs opulentus, certa mihi devotione sponderat, quòd si ante non posset, saltem expleto decennio, ad Monasterium B. Vincentij, quod videlicet in Urbinati constitutum est territorio, Monachicum suscepturus habitum declinaret. Tandem terminò conductæ passionis exacto, cum ego huic assiduus exactor insisterem; ille inde cedendo, blandiendo verbis quidem bonum omne promitteret, ipsius autem conversionis effectum quibusdam tergiversationibus protelaret; Rector quoque jam dñi Monasterii illius favebat votis, dissuadebatque converti, cujus nimirum perneceffariis sustentabatur auxilijs. Interea languore corporis irruente decubuit &c. Sed de Monasterio S. Vincentii jam satis,

XI. Ad

XI. Ad S. Salvatoris de Monte acuto Perusini territorii Cœnobium transeamus, quod Ludovicus Jacobillus de SS. Umbriæ tom. 2. asserit à S. P. Romualdo ædificatum; et si verò postmodum tom. 3. illud idem sub Ordine Cisterciensi anno 1008. constructum scribat: patet, impressionis errore contigisse, ut *Cisterciensi* pro *Camaldulensi* subrogaretur; enimverò ne quidem natus anno 1008. esse poterat S. Robertus Abbas Cisterciensium Pater, adeò non tunc pro Cisterciensibus illud Monasterium fundari poterat; imò alibi dūtaxat anno 1394. illud Cisterciensibus concessum Auctor fatetur; quòd quidem ab anno 1504. in Commendam à Julio III. concessum, ad manus Galeatii Gabrielis Fanensis pervenit, qui anno 1522. annuente Clemente VII. Camaldulensium Eremitarum Coronenſi Congregationi Abbatiam hanc resignavit, apud eosdem, Petri Fanensis nomine assumpto, Monachum induens, ubi egregiis sanctimonix titulis floruit; itaq; in hoc etiam Cœnobio, quod et pridem Camaldulensium juris fuit, et nunc etiam ad eorundem proprietatem rediit, sæpiùs conversatus est Petrus Damianus, ut notat Jacobillus citatus: imò ejusdem Abbas aliquando extitit, ut ex Tomo 1. operum S. Doctoris lib. 6. Ep. 30. colligitur, ubi sic ait: *In Perusino Monasterio, Sancti videlicet Salvatoris, cui nuper et ipse præfui, quidam Monachus paulò ante fuerat, nomine Guinzio &c.*

XII. Insuper in eodem Perusino territorio ad Mōtem Pregium habitavit Damianus in Eremito S. Vincentii, quam S. P. Romualdus in possessione Rainerii Mar-

Marchionis fundaverat, ut ex cap. 39. ejus Vitæ in fine, et sequenti 40. colligitur, confirmatque Cosmus de Arena in Serie Ducum Etruriæ parte 1. pag. 183. eandemque inter loca à S. Romualdo ædificata recenset Jacobillus de SS. Umbriæ tom. 2. atque ab eodem Petro Damiano, nedum inhabitatam, sed ad majorè cellarum copiam, et servorum Dei frequentiam promotam fuisse narrat in Damiani Vita Joannes Discipulus cap. 7. ibi: *Tervenit igitur ad Montem Pregium, in territorio Perusino, ibique alia (præter ea nimirum, quæ jam extabant) Eremitarum fundavit habitacula, ubi videlicet cellulam quandam invenit, in qua B. Romualdum quondam mansisse ferebant.*

XIII. Addit porro Jacobillus, Damianum exinde Perusiam profectum, et in Hospitio Camaldulensi, quod apud Ecclesiam S. Matthæi in Campo horti, nunc PP. S. Francisci concessio, aliquamdiù habitasse; imò et aliàs in Monasterio S. Gismundi apud Marsianum in Monte Regio Ordinis Camaldulensis, ubi S. P. Romualdus habitaverat conversatum esse pariter Petrum Damianum, non uno in loco, fatetur; Sed et in Eremo Serræ Sanctæ, seu Serræ Sanctorum apud Montem Apenninum in Regione Tadini diocesis Nucerinæ S. Doctorem vixisse asserit cum S. Joanne Laudensi ejus Discipulo, ubi pridem S. Romualdus, et S. Facundinus Episcopus habitaverant; Itemque vel ipsemet Petrus Damianus, vel certè S. Dominicus Loricatus ejus Discipulus, versati sunt in Eremo Luceoli, quam S. Romualdus [post Urbis illius vetustissimæ
vasta-

vastationem ab Othone III. sub annum 996. imperatam, eoquod partes Crescentii Romani Consulis sequeretur, eodem Jacobillo teste, ad restaurandam antiquam loci Religionem, construxerat, atque in decem et octo cellas distinxerat; ubi postquam Dominicus Loricatus Sub magisterio *S. Viri Joannis*; qui dicebatur de Monte Feretri, per plurimos vixit annos (inquit Petrus Damiani lib. 1. Ep. 19.) se ejusdem Petri Damiani directioni subdidit: Longè verò post, Magistro præbente consensum, dignatus est Vir Sanctus prædictus mihi misero, et quem ipse suscipere dignaretur, indigno, mira se prorsus humilitate committere, et sicut Abbati Monachum subjugare. Cui nimirum præstitit, non accepit; Et quem susceperam velut in subiectione clientem, gaudeo me in schola Christi verè Philosophorum percepisse Doctorem. Quod certè fieri non poterat, si Religione, et Instituto, habituque à Petro Damiano Dominicus Romualdi Sectatorum Alumnus distasset.

XIV. Postquam veiò in proxima cum Damiano cella Dominicus Loricatus sub ejus disciplina degerat: undè lib. 6. Ep. 30. de ipso sic ait: Sed cur ego Sanctos commemorando viros, diversa passim loca perlustro? quandoquidem intra limen, et præ manibus teneo, ad cujus dignè efferenda præconia impar viribus non assurgo; Certè cellulis atrinsecus constitutis, solo Basilicæ mediantis interstitio, ego, illeque dividimur, cujus si virtutibus enumerandis invigilo, ante dies elabitur, quàm scribendi materia deficere posse videatur. Dominicum dico, Doctorem videlicet, et Dominum meum. Postmodum, inquàm, Prior *S. Mariæ Sitræ* factus est,

est, quæ notissima Eremus à S. P. Romualdo constructa ex ejus Vita cap. 49. ubi etiam *Per septem ferè annos inclusus mansit, et silentium continuum inviolabiliter tenuit* (ex eadem Vita cap. 52.) quæque Sanctissimis ejus Discipulis referta laudatur ab eodem Petro Damiano ibidem cap. 64. *Taliter autem in Sitria vivebatur, ac si ex similitudine non solum nominis, sed etiam operis, altera denud Nitria videretur...* O aureum Romualdi sæculum, quod etsi tormenta persecutorum non noverat, spontaneo tamen martyrio non carebat! aureum, inquam, sæculum, quod inter montium, ac silvarum feras tot caelestis Jerusalem cives alebat. Hujus ergo Monasterii, sive Eremiti Prior factus est Dominicus Loricatus, ut constat ex titulo Epistolæ 31. libri 6. *Ad Dominicum Loricatum Priorem S. Mariæ Sitriæ, eiusque Eremitas*; atque tunc etiam à Petri Damiani nutu, et magisterio, cum ipse, tum ejus subditi pendebant, ut ex ejusdem Epistolæ initio colligitur, ubi sic habet Damianus. *Scriptistis mihi, Dilectissimi, quia tantus perversorum, ac violentorum hominum vos terror infestat, quod nisi vobis ego raptim, celeriterque succurram, vos loco ceditis, aliumque vobis, qui rapinis his, atque molestiis non sit obnoxius, providetis.*

XV. Quare patet, Sitriensium curam ad Damianum utique pertinuisse; undè mutua probatur locorum Romualdi, ac Petri Damiani communio, et Monachorum ex his in illa, ac vicissim, promiscuus transitus: ut certè ex Sitria Dominicus Loricatus biennò ante mortem recessit, et ad Eremum Montis Suavicini [nunc Frontalis] se contulit, quæ ab ipso Petro

L

Da-

Damiani fundata erat (ut ipse tradit tom. 3. Opusc. 15. cap. 6. *In illa Eremo, inquit, quam, Auctore Deo, in latere Suavicini montis ipsi construximus*) ibidemque spiritum Deo reddidit, primum in sua Cella sepultus, dein, Petri Damiani jussu, in Capitulo post nonum diem tumulatus, ut lib. 1. Ep. 19. ad Alexandrum refert ipse Petrus Damianus; qui pariter nunc hic, nunc illic indiscriminatim habitabat, deque supradicto Sitrix Monasterio, velut ad se attinente, pluribus in locis mentionem ingerit, imò ex crebris Sitriensium exemplis, atque colloquiis ab eodem relatis, frequentius fortasse, quàm inter Avellanitas, versatum se esse apud Romualdi Discipulos, eorumque successores in Sitria, indicare videtur.

XVI. Certè tom. 3. Opusc. 13. cap. 22. de hoc Sitrix Monasterio, tamquam de proprio, sic loquitur S. Doctor: *Habemus denique senem in Monasterio scilicet Sitrix, vocabulo Mainardum, quem scilicet adhuc paludatum cum admonuissem, ut Monachus fieret, &c.* Hinc Leonis Sitrix, aliorumque ejusdem loci Eremitarum exempla, tamquam domestica, Theuzoni Florentino Eremitæ proponit ad ejus superbiam comprimendam tomo 1. lib. 6. Ep. 30. *Utinam, inquit, presens adestes, et quid in his filvis ab ignotis, atque despectis agatur, oculo judicante perpenderes! tamen ut se, si fortassis inest, tumor arrogantia deprimat, vel breviter aliquid te de illorum conversationibus erudire non pigeat &c.* Tum de Martino Storace disserens: *Quendam, inquit, habemus in cellula rusticum idiotam &c.* Tum ad Leonem Sitrix transiens: *Veniam, inquit,*
ad

ad Dominum meum Leonem, et verè Leonem, Cujus se consiliis sæpe usum indicat; itidemque Lupum inclusum, et Petrum Eremitam ejusdem Sitriensis Eremiti commemorat. Nec dubium est, prædictum Leonem fuisse Petri Damiani potissimum Directorem: nam Tom. 3. Opusc. 11. illum sic alloquitur, in Libelli, quem huic Eremitæ inscribit, Nuncupatoria: *Te non qualemcumque Complicem, vel Amicum, sed Te Patrem, Te Doctorem, Te Magistrum, et Dominum electum mihi præ cunctis penè mortalibus habeo: Et quid ampliùs dicam? quandoquidem meum te Angelum esse constitui, ut in dubijs rebus quodcumque hæsitanti, ac sciscitanti mihi consilium ex tuo ore procederet, ita protinus indubitanter acciperem, ac si vox mihi cælestis oraculi angelitus intonaret: atque idèd si quando scrupulosa cujuslibet rei mihi subrepat articulus, antequàm te consulturus accedam, hoc apud te divinam imploro clementiam, ut te quasi suæ voluntatis organum faciens, tuo mihi ore præcipiat, quid me facere in obiecta ambiguitate decernat.*

XVII. Neque verò inter Ordinis Camaldulensis loca, in quibus Petrus Damiani domicilium habuit, Canobium nostrum S. Apollinaris in Classe Ravennæ omitti meretur, quod et Romualdi conversionis primordiis est consecratum (ex ejus Vita cap. 1.) eundemque biennio saltem Abbatem se habuisse gloriatur (ibidem cap. 22.) atque ipsius Vigilantiæ debet, quòd à Simoniaco Præfecto quondam purgatum fuerit (ubi supra cap. 41.) Nec minùs interim Petro Damiano debet, quòd præsentissimam illi opem in gravi discrimine tulerit, ut constat ex ejus litteris commendatitijs

ad S. R. E. Cardinales Bonifacium Episcopum Albanensem, et Stephanum Presbiterum, pro Abbate S. Apollinaris, quæ habentur Tom. 1. lib. 2. Ep. 4. *Nolo vos lateat, dilectissimi mihi Fratres, et Domini, quia modernus iste Jacob, Rector videlicet Monasterii Sancti Apollinaris, nostri montis cacumen irrepfit.... misericordiam, quam habetis, et qua abundanter affluis, ei clementer exhibete, ut de ruina sui loci, vel habitationis excidio non necesse sit trepidare. Prosit igitur illi tam ardui montis subiisse fastigium &c.* Sed et gloriari potest idem Classense Cœnobium, quod apud se tantum Virum, quantus est Petrus Damianus, exceperit: enimverò lib. 6. Ep. 26. *Ad Marinum suum Patruelem Monachum Classensem, tunc adhuc novitium, quæ incipit: Rudis tyro facile in prima belli congressione prosternitur &c.* Testatur se illi propriis manibus habitum Monasticum in Classensi Cœnobio imposuisse: *Præsertim cum et ipse tibi Monachicum tradiderim habitum, non sine causa me à consultationibus tuis diffiteor absolutum; ubi et se aliàs conversatum fuisse satis innuit, ut cum ait: In eodem planè Classensi Cœnobio, quod nunc incolis, ætate nostra [nempe dum ibi degeret] quidam Monachus vicæ Prioris obtinuit &c.* Et circa finem se Classensium consortio, et consuetudine usum significat, dum ita concludit: *Omnes autem Sanctos fratres Monasterii tui mea vice saluta; carissimos autem mihi Fratres Boninum, et Petrum, si solito more videris aliquando excelsis canere, hoc discibeon, meo nomine, in eorum manibus pone &c.* Id quod magnam familiaritatem hos inter, et S. Doctorem intercessisse profectò indicat; ut nihil addam
de

de mutua commigratione et Claſſenſum ad Avellanitas, et horum ad Claſſenſes, quæ ex Epistoſis 12. libri 2. et 15. libri 6. relucet: qua de re etiam Diſſert. III. cap. 7. num. 8. obiter diximus.

XVIII. Quod ſi igitur, ut omnia ad brevem ſummam redigam, ex hæcenus latè deductis colligitur, Monasterium Fontis Avellani, ubi Petrus noſter Monachico ſcheminate eſt initiatus, à S. P. Romualdo quondam inhabitatum, et à B. Ludolpho ejus Diſcipulo inſtitutum: Avellanitarum vivendi formam, et generatim cum ea, quam Romualdus Eremitis præſcripſit, et ſpeciatiim cum Camaldulenſium conſuetudinibus conveniſſe: Ad Romualdi auctoritatem paſſim à Damiano provocari, dum ſuorum Monachorum mores componere nititur: Ipſam Petri Damiani Regulam apud Camaldulenſes vim legis obtinuiſſe: mutua ſocietate Avellanitas cum Camaldulenſibus olim conjunctos, in hoſpitii, et ſuffragiorum communionem receptos, habitu, ſeu colorem, ſeu formam reſpicias, ſimilimo uſos: Ipſum Petrum Damiani, ſin minùs Romualdi Auditorem, certè ejus Diſcipulorum Alumnũ fuiſſe, et verosiſimiliter in Eremo Camaldulenſi, evidentissiſimè autem in tot aliis à Romualdo conſtructis, vel ſub ejus diſciplina militantibus Eremitis, atque Cœnobiis commoratum, ejuſdemque Inſtituti lacte enutritum. Quid ampliùs dubitare liceat, illum à S. Romualdo traditæ diſciplinæ ſectatorem vixiſſe, adedque Camaldulenſem verè et propriè appellandum, juxta generalem Nominis hujus ſignificationem Diſſert. I. cap. 2. num. 21. explicatam?

XIX. Hinc meritiſſimè tot exterorum Scriptorum consensu Petrus Damiani Camaldulensis est habitus, et appellatus, è quibus hoc loco recēſere ſufficiat, Gabrielem Pennottum ab ipſo P. Laderchio citatum, Ludovicum Jacobillum de SS. Umbrige, Paulum Morigiam in *Hiſtoria Religionum* cap. 58. Cornelium à Lapide in *Apoc.* c. 3. Martinum Baronium in *Vita quinque Fratrum Polonorum Martyrum*, Joannem Paulū Portefanum in *Vita S. Theobaldi*, Joannem Petrum Crescentium in *Præſidio Romano* lib. 1. part. 2. Narrat. 2. Stephanum Demaleviciun in *Vita S. Bogumili* cap. 28. Secundum Lancellottum *Hiſt. Olivet.* lib. 2. cap. 22. Ludovicum Thomafinum de *Benef.* p. 1. l. 3. c. 25. Ludovicum Du Pin *Bibb. Ecceſ.* tom. 8. par. 2. c. 14. §. 10. Antonium Mariam Bonuccium *Ephem. Euchar.* die 22. Februarii, Auguſtinum Lubin in *Notitia Abbatiarū Italix* litt. A. Pontifices Maximos Piū V. Gregorium XV. et Urbanum VIII. quorum duo poſtremi Petrum Damianum *Decus, et Gloriam Camaldulensis Ordinis* appellarunt in ſuis *Diplomatibus* à D. Andrea Vallemannio Abbate noſtro citatis, tum in *Petri ejuſdem Vita* in *Tabulas*, cum aliis SS. Ordinis *elogiis*, digeſta, tum in ſermone de S. Dominico Loricato pag. 84. Primus verò, ut Ractius noſter in *deſcriptione Sacrx Eremitæ* cap. 19. et in *Vita ejuſdem Petri Damiani* pag. 50. et Thomas Minius *Hiſt. Camald.* lib. 8. cap. 1. teſtantur, adeò perſuaſum habebat, Damianum Camaldulensis Inſtituti fuiſſe, et Avellanenſem Abbatiam dudum in Ordine noſtro floruiſſe

ruisse, ut eandem eidem Ordini restituere, post commissam Joanni Baptistæ Novariensi Generali Apostolicam ejus Monasterii Visitationem die 22. Decembris 1568. decreverit; quod et perfecit aliis Diplomatus die 1. ac 10. et 14. Decembris 1569.

XX. Undè vel ex hoc ipso, quòd jam Camaldulenses in loca à S. Petro Damiano, alijsque ejus Congregationis Illustribus Viris, inhabitata jam plenè successerint, illorumque omnia jura ad nos transferint, Petrum ipsum Damianum, ejusque Discipulos, ac Successores non incongruè in nostrorum Cathalogis recipiendos quis existimaverit, ad Nos eorum cultum, eorum Gloriam pertinere, ne temporalium dumtaxat bonorum hæreditatem adiisse videamur, ac quæ potiora sunt primò occupantibus dimisisse. Quæ observatio an per jocum, an seriò adijci meruerit, quisque pro arbitrio dijudicet: Similem ego Viri Gravissimi, et Doctissimi Joannis Mabillonij in medium afferam ex ejus Præfatione ad Tom. 1. Historiæ Monasticæ, quæ nostro proposito adamussim congruit, sic igitur habet. *Que hætenus dixi, Monastici Ordinis (dicamus nos Camaldulensis Ordinis) per illa tempora unitatem probant, cui Regularum diversitas nullo modo præscribebat. Quamobrem in discernendis Sanctis, aut illustribus Viris, qui S. Benedicti Regulam (seu D. Romualdi Disciplinam) secuti sunt; aut in distinguendis Monasterijs, quæ eidem Regula ab origine subiecta fuere, scrupulosior, aut morosior minimè fuero; certus, utrorumque notitiam ad nostram pertinere historiam; tum quia unus, ut dixi, omnium Ordo erat; tum quia etsi diversi*

sum

tum fuissent Ordinis, omnibus illis Monasteriis ad Ordinem nostrum translatis, ad eosdem pertinet bonos, quibus pervenit hereditas; atque adeò mutila esset, atque imperfecta Ordinis nostri historia, si illorum Monasteriorum, ac Monachorum commemorationem pratermitteremus. Quod quidem non solum magno historiæ nostræ detrimento fieret, sed etiam ingrati animi vitio nobis verteretur. Nos porrò hac in re morem sequimur Christianæ Ecclesiæ, quæ Viros Sanctos, et Illustres Veteris Testamenti sibi adscribit, propterea quod una sit utriusque Testamenti Ecclesiæ. Ob eandem causam antiquiores Monachos, ut Patres nostros, suspicimus &c.



CAPUT VII.

Præcipua Laderchij argumenta
confutantur.

S T N O P S I S.

Commisæ à Laderchio Congregationis, et Ordinis confusio.
 Num. 1. An ex Regula S. Benedicti probetur Arvellanitarum, et Camaldulensium cognatio. 2. An ex identitate Constitutionum. 3. Harum diversitatem probare nititur Laderchius. 4. Plures Congregationes, diversis Constitutionibus, eodem sub Ordine militant. 5. Item plura ejusdem Ordinis Monasteria. 6. Argumento Laderchii, nec Monachi, et Eremitæ Camaldulenses ad eundem Ordinem spectarent.

starent . 7. Diversæ subinde Constitutiones , tum pro Eremitis , tum pro Monachis ejusdem Congregationis proposita . 8. Diversas non fuisse Avellanitarum , et Camaldulensium Constitutiones . 9. Gratis id negari à Laderchio , qui utraque non legerit . 10. Sapius in Avellanitarum Regula , quàm in Camaldulensium Constitutionibus , Romualdum citari . 11. Cur non omnia expressè ad Romualdum referat Damianus . 12. Laderchii observatio , et antilogia . 13. Et si pro Avellanitis speciales essent Damiani Constitutiones , communem tamen Romualdi Eremiticam Disciplinam concernere potuisse . 14. Non modò aliqua , sed omnia ad Romualdi Institutionem attinentia à Damiano probari . 15. Discipulos S. Romualdi an veluti ad se nihil attinentes Damianus nominet . 16.

IAm verò Laderchii arguméta, quibus hanc sententiam oppugnare nifus est, audiamus. Ait ergo lib. 1. cap. 8. num. 6. *Prætereundum tamen non putamus , nonnullos , stellas manentes in Ordine , et cursu suo , nimirum Congregationes Camaldulensem , et Avellanensem inordinatè in unam conflare conatos : quamvis ipsis ignoscendum arbitremur , quia scilicet germana charitas , et societas , quam Dominus dedit inter Avellanensem , et Camaldulensem Familiam , decepit eos , quos certè meliùs faciem calè , et terræ probare rogamus . Inter hos recensetur Gabriel Pennottus supra relatus , à quo Fontis Avellana Eremita passim Camaldulenses nuncupantur , et alii . Ubi sanè , in ipso Controversiæ limine , in ipsa Quæstionis propositione insigniter hallucinatus videtur Auctor ; neque enim Congregationes Camaldu-*

M

lensem

lensem, et Arvellanensem inordinatè in unam conflare conamur; dum S. Petrum Damiani Camaldulensem asserimus: sed utramque potius, idest *Camaldulensem*, in speciali acceptione, quæ solos Sacræ Eremitæ Etruriæ Eremitas complectitur (juxtà distinctionem alibi expositam) et *Arvellanensem* à B. Ludolpho S. Romualdi Discipulo institutam, atque à Petro Damiani maximè illustratam; quemadmodum et *Coronensem*, et *Taurinensem*, et *Gallicam*, et nostram *S. Michaelis Murani* Monasticam Familiam, in unum *Ordinem* à Romualdo institutum redigimus, quem latiori significatione *Camaldulensem*, ex nobilissimo, ac celeberrimo omnium Loco sumpta denominatione, appellamus, ex his quæ Dissert. I. cap. 2. notavimus. Idque ex illa ipsa *Germana Charitate*, quam Dominus dedit inter *Arvellanensem*, et *Camaldulensem Familiam*, jure optimo factum esse ostenditur: non enim aliò, quàm ejusdem Instituti vinculo, eademque S. P. Romualdi disciplinæ æmulatione, sociale fœdus utriusque familiæ consistere poterat, quale inter nos, et alias Monasticas Congregationes ab Ordine nostro prorsus independentes, non intercessit.

II. Prosequitur autem Author noster num. 7. *Hanc verò unitatem ex identitate Regula non probari, liquidò apparet; nam si ex eo, quòd eadem S. P. Benedicti Regula ab utraque Congregatione custodiebatur nimis, unam tantummodò fuisse coniicitur; igitur et Cisterciensium, et Cluniacensium, et Vallumbrosanorum, et Silvestrinorum Congregationes, quæ omnes eandem S. P. Benedicti Regulam profitentur, non plures, sed una tantummodò erit Congregatio. Quo nihil absurdius*

dus dici potest. At nemo in animum induxit, ut ex sola Benedictinæ Regulæ professione Fontem Avellanæ ad Camaldulensium Institutum pertinere deduceret: nisi fortè illud aliundè quis adiiceret, aut saltem supponeret, Avellanitas Eremiticam insuper Vitam coluisse, cujus ad Benedictinæ Regulæ Canones coniunctio solum S. P. Romualdum Auctorem, et Institutorem agnoscit, quemadmodū Dissert. I. cap. 5. num. 10. observavimus. Qua ratione patet, nullam esse ab Avellanitis ad cæteros Monachos, quos recenset Laderchius, deductionem.

III. Pergit tamen num. 8. Minus, inquit, ex identitate Constitutionum constat non probari talem unitatem, per quas Constitutiones unaquæque Congregatio differt ab alia, sicut stella à stella; nam si, cum Augustino Fortunio, S. Romualdum Constitutiones non edidisse fatemur, et suis Camaldulensibus non tradidisse, igitur non est eadem cum Avellanensi Camaldulensis Congregatio: nam illa, uti videbitur, proprias institutiones habuit, secus ista. Quid dicemus ad hæc? Respondebimus sanè Sanctum Romualdum nullas dedisse Constitutiones, sed nec ullas habuisse, non solum Camaldulenses, sed nec Avellanenses; et hoc ex ipso Petro Damiani, qui in Opusculo de Ordine Eremitarum Fontis Avellani hæc habet, agens de sue Congregationis Institutis (volo autem, Fratres mei, de vestra Conversationis Ordine pauca perstringere, ut quid in vestris nunc viris operibus legitur, etiam apicibus traditum, ad eorum, qui nobis in hoc loco successuri sunt, notitiam transferatur: quatenus etsi non contigerit eos ad altiora conscendere, eandem saltem vivendi Regulam, quam vos teni-

nuisse didicerint, et ipsi studeant fideliter observare; ut qui habitationis fuerint successores, sint nihilominus et conversationis heredes) Ex quo constat, ante hæc tempora Avellanenses Eremitas certas non habuisse Constitutiones, et potius moribus, quam legibus deductos fuisse ad obediendum fidei in omnibus; non est ergo, quod ex Constitutionibus probetur contra unitatem Congregationum istarum, dum nec ista, nec illa ipsas habuit; imò dicendum, ambas jussu ante Deum incessisse in omnibus mandatis, et justificationibus Domini, quas illas docuerat S. Romualdus, sine querela, et tali pacto ambas processisse in diebus suis.

IV. Quam responsionem sic confutandam aggreditur sequenti num. 9. dicens: Sed cum ab uno Magistro Avellanensem, et Camaldulensem simul Familiam volumus, cur prima ab alia legibus capit vivere, non traditionibus contenta? Nam anno 1040. vel circiter, à Petro nostro Damiani institutiones sue Congregationis inscriptæ perbibentur, vel tutius anno 1071. vel 1072. nam ex ipsius verbis, morti proximum illas scripsisse, aperte colligitur: dum allocuens in Prioratus officio suos Successores [Ecce, dicit, Fratres mei, fui quod estis, et emensus sum quod transitis: præstò vobis sunt quæ deserui, propinquum est quod perveni] et anno centesimo supra millesimum, et ultra, Regulam Eremiticam, Auctore Augustino Fortunio, promulgavit B. Rodolphus Eremita Camaldulensis Prior, consentiente Heltemperto Episcopo Aretino. Et ad quid perditio hæc, novæ Rodulphi Regula, si ex tunc tantum temporis illam monumentis Petrus N. Damiani mandaverat? si, ut supponitur, eandem ipsam, quam habuerunt ex ore Sancti Romualdi Camaldulensis, et

Avel-

Avellanenses quoque acceperunt? Hæc ille:

V. In quibus primò dissimulari non debet, Scriptorem hunc in probanda Congregationum Avellanæ, et Camalduli [nempe Sacræ Eremitæ Etruriæ] distinctione, inanem operam ludere, cum id in questionem minimè cadat, sed tantum: an utraque ad eundem Ordinem à S. Romualdo institutum, quem Camaldulensem dicimus, pertineat? Fucum itaque Lectoribus facit, dum anxie inquit, an utraque, an neutra eodem tempore scriptis Constitutionibus vixerit, et an superfluo labore Camalduli consuetudines B. Rodolphus scripserit, postquam Avellanæ institutiones S. Petrus Damiani dictaverat? Quasi vero hinc Ordinis unitas pendeat! Cum nimis evidens sit, tam multas passim occurrere ejusdem Ordinis Congregationes, quæ non iisdem, nec eodem tempore scriptis institutionibus utantur: quemadmodum aliæ sunt Capuccinorum, aliæ Minorum Observantium, aliæ Conventualium leges, quamvis sub eodem S. Francisci Ordine militantium; aliæ pariter Carmelitarum, quos Calceatos nuncupant, aliæ Excalceatorum Constitutiones; item aliæ Nudipedum Augustinianorum, aliæ Congregationum, veteris Eremitani instituti sequacium, consuetudines: ut nihil de Monastico, nihil de ipso Camaldulensi Ordine adiiciam, in quo alii sunt Cœnobitarum, alii Eremitarum Sacræ Eremitæ Etruriæ, alii Congregationis Montis Coronæ, alii denique Taurinensium, alii Gallorum Eremitarum vivendi mores, tamen eundem omnes communem Patrem Romualdum,

fuz.

suarque conversationis Magistrum agnoscant , eodemque Camaldulensium cognomine glorientur .

VI. Secundò, cùm ex dictis Dissert. I. cap. 2. num.

11. omnia pridem Monasteria , quasi totidem Congregationes, abs se invicem independentia consisterent, congruum erat profectò, ut singula suis Constitutionibus scriptis uterentur, quales ex multis MSS. commemorat Martene de Antiquis Monachorum Ritibus, putà Corbejenses, Divionenses, Tullenses, Compendienses, Laudunenses, Lyrenses, &c. quare quid mirum, si Camaldulensis Eremitus proprias habuit consuetudines, itemque proprias Fontis Avellanæ solitudo servaret, primò quidem ex sola Traditione per Romualdum acceptas, deinde scriptis expositas, primò quidem à Petro Damiani pro Avellanitis , aliquantò autem seriùs à B. Rodulpho pro Camaldulensibus? Etsi enim omnes quò ad substantiam convenirent , pro Regionum tamen diversitate, poterat in circumstantiis quidpiam occurrere, quod variè accomodandum esset locis, temporibus, atque personis . Quod et in nostro casu potissimùm evenisse constat, nam ipse Damianus Opusc. 15. fatetur, non extra Eremitum, in qua degebat, se Constitutiones suas extendere: *Nec tam, quid ab Eremitis fieri debeat, generali definitione præscribimus, quàm quid in hac Eremita fiat, cùm loco, tum persone specialiter insimamus.* Similiterque B. Rodulphi Statuta non ultra sacram Eremitum, et adnexum Fontisboni Cœnobium, suam vim exerebant, dicente Luca Hispano Histor. Romuald. lib. 1. cap. 12. *Nam illa, quæ apud Rodulphum est*

est

est, subiectionis Constitutio ultra Fontis boni habitatores non extenditur. Nihil ergo cogebat, ut unius loci Constitutiones ad alterius loci notitiam devenirent, nedum ut quæ in uno promulgarentur, in alio statim receptæ, inibi degentes continuò obligarent.

VII. Tertiò, si qua esset Laderchiani argumenti vis, æquè probaret Camaldulenses Cœnobitas, nequidem primis illis quinque sæculis, quibus sociali fœdere cum Eremitis sacre Eremitæ Etruriæ coniunctissimi, sub eodem Generali Priore vixerunt, ad ipsummet Camaldulensem Ordinem pertinuisse; nam Eremitis quidem primas Constitutiones B. Rodolphus Prior, fatente Laderchio, proposuit, Cœnobitæ verò usque ad Martinum III. absque ullis scriptis consuetudinibus peculiaribus, sola S. Benedicti Regulæ observatione retenta, vota sua Domino reddiderunt, teste Fortunio Histor. Camald. part. 1. lib. 2. cap. 40. ubi de Martino III. hæc habet. *In generali concilio apud sacram Eremum anno 1254. celebrato, PRIMAS Patribus promulgavit Constitutiones, quibus omnis verè Cœnobitica instituenda Vitæ rationem, tam quod ad divina, quàm quod ad mores &c. quinque libris complexus est. Itaque hîc dici posset cum Laderchio: igitur non est eadem, cum Eremitarum Camaldulensium Congregatione, Camaldulensis Monachorum Congregatio, nam illa, uti visum est, proprias institutiones habuit [à tempore B. Rodulphi, usque ad 1254.] secùs ista: quid dicemus ad hæc? Pariter cum eodem Laderchio dici posset: Sed cùm ab uno Magistro Eremitarum, et Monachorum Camaldulensium simul familiam volumus, cur prima*
ab

ab alia legibus cepit vivere, non traditionibus contenta? Et ad quid perditio hæc novæ B. Martini III. Regula, si ex tunc tantum temporis illam monumentis B. Rodolphus mandaverat? Si, ut supponitur, eandem ipsam, quam habuerunt ex ore S. Romualdi Eremitæ, et Monachi quoque acceperunt? Et tamen non modò ad eundem Ordinem, sed ad eandem tunc indivisam, etiam quò ad externum regimen, Congregationem, Cœnobitæ pariter, atque Eremitæ Camaldulenses pertinebant.

VIII. At ne in diverso Vitæ genere, quod hi, et illi, sub unius licèt Congregationis regimine viventes, sequebantur, aliquam argumenti disparitatem cavillari quis possit, quartò observabimus, in eademmet Congregatione, ac sub eodem Generali, nec non in ejusdem disciplinæ genere, militancia loca, diversas quandoque Constitutiones, regionibus illis cengruentes, habere, et servare consuevisse. Sic idem Martinus III. qui anno 1254. ut retulimus, omnium Monachorum Constitutiones compilavit, jam anno 1248. pro solo Cœnobio S. Matthiæ Murani peculiare Constitutiones ediderat, quæ legi possunt apud Fortunium Hist. Camal. part. 2. lib. 3. cap. 5. Imò notare juvat, eosdem ipsos Religiosos, iisdemque locis agentes, pro varia temporum conditione, suas Constitutiones passim innovare. Sic B. Rodolphus, post primas Constitutiones, alteram deinde mitiorem vivendi regulam suis Eremitis proposuit, ut patet ex Fortunio lib. 1. cap. 65. primæ partis Historiarum Camaldulensium: qui successere postmodum Placidi Statuta, tum Gherardi

rardi

rardi Constitutiones, hinc Pauli Justiniani Regula Vitæ Eremiticæ, ac demum quæ sub Clemente X. prodierunt eorundem Eremitarum Erruriæ in Regulam S. Benedicti Declarationes, quibus jam utuntur: quemadmodum et Constitutionibus Monachorum à B. Martino III. concinnatis, aliæ sub Octaviano Protectore, aliæ sub Generali Bonaventura, aliæ sub Ptolomæo Gallio Cardinali, aliæ sub Pio V. nonnullæ etiam sub Clemente VIII. adiectæ sunt. Ut nihil addam de ipsomet Petro Damiano, qui Congregationis suæ Avellanensis Instituta bis conscripsisseprehenditur, nimirum Opusculo 14. et 15. Annon verò hic pariter locum haberet Laderchiana exclamatio, ex inconsulto, simulatoque Judæ Proditoris zelo imitata: *Ut quid perditio hac?* quandoquidem pro Eremitis, pro Monachis Camaldulensibus, pro ipsis Avellanitis sufficientes vivendi Leges monumentis jam traditæ fuerant? Tam non diversus igitur hinc argui potest ab Avellanitarum Ordine Ordo Camaldulensis, quàm non ipsimet Camaldulenses à Camaldulensibus, et Avellanitæ ab Avellanitis diversi probantur.

IX. Sed quintò demum respondeo, et si *alias* pro Avellani Fontis alumnis Constitutiones ediderit Petrus Damiani, *alias* Rodolphus pro Camaldulensibus, non tamen *diversas*, nec in substantialibus dissidentes, imò utrasque pariter à Romualdi Institutione derivatas, quemadmodum fusè cap. 3. et 4. supra ostendimus: quare ex Damiani, et Rodulphi Constitutionibus non diversitas, sed identitas Instituti Avellanensium, et

N

Camal-

Camaldulensium demonstratur. Idque præsertim obtinet, ex quo amplius eadem S. Petri Damiani Constitutiones in sacra Camaldulensi Eremita receptæ fuerant, ac Regulæ vim obtinebant, tum ante B. Rodolphum, tum etiam post ipsum, qui illas (excepta Sabbati remissione, ac paucis aliis, quæ cum sacræ Eremitæ Camaldulensis usibus non penitus conveniebant) adhuc ab Eremitis observandas in suis ipsis Constitutionibus statuit, ut supra cap. 5. num. 5. 6. et 7. demonstravimus.

X. Ex quo patet responsio ad ea, quæ in sententiæ suæ confirmationem Laderchius subdit num. 10. *Sed et Constitutionum ipsarum inter se collatarum series, ordo, et cetera hujusmodi, non ab uno fonte processisse abundè demonstrant: et licet verum sit, nonnulla Sancti Romualdi monita in suis Constitutionibus, et alibi, Petrum inseruisse; ex hoc tamen non sequitur, omnes Constitutiones à Petro ipso Avellanensibus tractatas, fuisse Romualdi; Immo oppositum, non fuisse, nisi eas, quas signanter nominat: nam si omnes fuissent Romualdi, non est excogitanda ratio, cur debuisset nonnullas tantum Romualdo tribuere, et non omnes, si sue essent. Legentibus enim perspicuum est, quod cum aliquod Romualdi dictum enunciat, illud non ut præceptum Magistri, sed potius eo more refert, quo in plerisque Regulis Augustini, Hieronymi, vel Patrum, vel seniorum monita, et dicta enunciantur; quæ idè ob hanc causam Regulæ Augustini, vel Hieronymi, &c. jure non dicuntur. Patet, inquam, ex supradictis, ad hæc omnia responsio, nam prorsus commentitia sunt, et contra apertam rei evidentiam gratis*
con-

conficta: verùm aliquid donandum est homini, qui causæ suæ nimiùm fidens, antequàm vel minimam Constitutionum B. Rodulphi lineam legeret, vel externa etiam Codicis ipsarum tegumenta videret, perinde tamen, ac si cum Petri Damiani Regula illas contulisset, pronunciare ausus est, quòd *Constitutionum ipsarum inter se collatarum series, Ordo, et cetera hujusmodi, non ab uno fonte processisse abundè demonstrant.*

XI. Quod verò addit, Romualdi sententias in Petri Damiani Constitutionibus allegari, non ut Magistri præcepta, sed quasi Sanctorum Ecclesiæ Doctorum monita, et dicta, indeque non omnia inibi contenta ab Romualdi Institutione profecta asseri debere, sed illa pauca dumtaxat, quæ expressè ad ipsum Romualdum referuntur: Id planè ostenderet, multò minùs Eremitas, ac Monachos Camaldulenses sub ejusdem S. Patris Romualdi, vel olim militasse, vel nunc militare vexillis; enimverò in ipsorum Constitutionibus vix toties Romualdum citari deprehendes, quoties in Avelanitarum Legibus à Petro Damiano descriptis: nempe in his quidem, quater, aut quinquies Romualdi mentionem expressam Damianus ingerit: in illorum verò nonnullis semel, atque iterum: in aliis ne semel quidem Romualdi nomen auditur; quare si Laderchii iudicio standum esset, nec omnis Camaldulensium disciplina à D. Romualdo penderet, nec tamquam Magistri, et Institutoris præcepta, sed ut cujusdam peculiaris Sancti consilia, et sententiæ, quælibet Romualdi Instituta ab Eremitis nostris habenda forent: quo

nihil dici potest absurdius. Verum an Damianus Romualdi, velut Magistri, auctoritatem allegaverit, satis ex dictis superius colligitur, ac præsertim ex his, quæ cap. 5. num. 2. et 3. notavimus.

XII. Ratio autem, cur pauca quædam è multis ad Romualdi institutionem expressè à Petro Damiani referantur, est quòd reliqua non ab ipso S. Patre speciatim excogitata, ac noviter adinventæ fuerant, sed ab antiquorum Anachoretarum vivendi modo imitata, suoque instituto aptissimè accomodata; narrat enim Damianus in Vita S. Romualdi cap. 8. illum in Veterum Patrum historiis legendis versari solitum, eorūque exemplis usum fuisse in restituenda, perficiendaque per Occidentem Eremitica disciplina: qua de re jam Dissert. I. præsertim capite 5. pluribus actum est; unde et idem Damianus Opusc. 15. cap. 2. altiore Vitæ Eremiticæ originem à Paulo, et Antonio repetit, et cap. 18. *Quidquid, inquit, in B. Benedicti Regula, quidquid in Institutis, sive in Collationibus Patrum est dictum, huic competere disciplinæ perpendimus*; Et tamen audet Laderchius Damianum quasi Eremiticæ Vitæ Patrem nobis ubique depingere, ut cùm lib. 1. cap. 14. num. 7. pronunciat, *Ante Petrum Damiani, neminem ex Ordine S. Benedicti, in Italia saltem, tam eximias Eremiticas Institutiones tradidisse*. Quod ipsum potiori jure de S. P. Romualdo, Vero Eremitarum Occidentis Antesignano censendum est, qui ante omnes (ut notat B. Paulus Justinianus in Præfatione suæ Regulæ) *Eremiticè vivendi regular, et Institutiones, non scriptis, sed suo vivendi*

vendi exemplo, suisque documentis, et admonitionibus, cœtaneis suis tradidit, et posteris omnibus dereliquit, Christum fortasse Dominum imitatus, qui, quod ipse faciendo, ac docendo instituit, non scriptis tradidit, sed alius post se scribenda reliquit. Quare patet, nihil ob stare, quominus ex Romualdi processisse disciplina Constitutiones Petri Damiani dicantur, et si non omnia S. Romualdi propria fuerint, sed ipsa dumtaxat ex D. Benedicti, et antiquorum Patrum Institutis collecta methodus, ejusdemque ad Monachos facta applicatio, propria Romualdi fuerit, aliquibus tantum eximiis monitis ab eodem S. Patre locupletata, quæ ad ipsum expressè referre voluit Damianus, ad majorem illis auctoritatem conciliandam, cum cœtera Veterum PP. consuetudinibus consecrata jam essent, atque semel (in Vita S. Romualdi cap. 8. et 9.) eorum omnium fontem indicasset, ex quo Romualdus eadem in Occidentalium, quos instruere aggressus est, Eremitarum usum traduxerat.

XIII. Pergit verò Laderchius eodem cap. 8. citatum. 11. *Et Petrus ipse de sue Congregationis Institutis scribens ad Stephanum Monachum, hoc insinuat, dum dicit. (nec quid ab Eremitis fieri debeat, generali definitione prescribimus, quàm quid in hac Eremita fiat, tum de loco, tum de persona, specialiter intimamus) peculiare itaque sui loci fuerunt Institutiones illæ, quas scripsit, non communes quibuscumque sub B. Romualdi disciplina degentibus; nam in tali casu dicere potius debuisset, quod omne id intimaret, quod et à suo loco, et à cunctis Eremitis Romualdi sectatoribus custodiebatur,*

tur, nec sui loci speciales poterat mutare Regulas, quas aliis locis comperiebat esse communes. Ubi observandum est, Scriptorem hunc haud satis sibi constare, dum supra, verbis num. 4. relatis, mirabatur Rodulphum novas Eremiticas Constitutiones pro Camaldulensibus adornasse, cum illas jam Petrus Damiani tantò antea monumentis tradiderat: nunc verò nobiscum fatetur Damiani Regulas pro sola Avellanensi Eremo conscriptas, adeoque locum fuisse aliis Constitutionibus, quæ alios extra Avellanam Romualdi Sectatores devincerent.

XIV. Cæterùm eodem modo, quo speciales pro Camaldulensi Eremo (ut num. 6. animadvertimus) Constitutiones B. Rodulphi esse poterant, speciales item pro Cænobio S. Matthiæ Murani primæ illæ B. Martini III. Constitutiones, de quibus num. 8. actum est, quæ propterea, licet disciplinæ S. Romualdi conformes essent, alia tamen loca, vel à S. Romualdo condita, vel ad Camaldulensem Ordinem spectantia, obligare nequaquam debuerant; ita et B. Petri Damiani Constitutiones, licet communes Romualdinorum observantias comprehenderent, Eremiti tamen Fontis Avellanæ peculiare, ex primaria sui Authoris intentione, esse poterant: seu quia, præter communes Ordinis consuetudines, nonnulla etiam comprehenderent personis illius loci dumtaxat accomodata, regioni convenientia, atque usu recepta: seu quia, etsi penitus nihil, præter communem vivendi morem, præscriberent, eo ipso tamen, quòd ab eo Prælato proponebantur, qui particulari eidem loco præerat, non omnibus

nibus aliis ad eundem Ordinem spectantibus, utique [ad vim obligandi quodd attinet] Speciales evadere debuerant, nec veluti Generales, omnibusque communes haberi poterant, propter specialem Præcipientis auctoritatem, certisque personarum, ac locorum limitibus restrictam jurisdictionem.

XV. Quod verò subdit Laderchius num. 12. ubi de Petro Damiani sic habet: *Ibidem etiam loquens de discretione Prælati (et nos approbamus, dicit, quod suis sæpe Discipulis B. Romualdus dixisse perhibetur) dum approbat igitur hoc unum, quod suis Discipulis dicebat S. Romualdus, et cætera pauca, quæ distinguit signanter, omnes institutiones non fuerunt S. Romualdi, ut diximus; nec dicere debuerat, Romualdum hæc docuisse suos Discipulos, istos ut ad se omnimodò non pertinentes nominans, si eorum se magisterio subiecisset; eò magis, quod tunc temporis vivebant quàmplurimi ex illis, à quibus et egregia tanti Patris gesta, quæ scriptis mandavit, se didicisse fatetur. Et infra dicens quod supra retulimus, videlicet [non omnia hujus institutionis præcepta minutim nos describimus, sed multa, quæ et passim nobis occurrunt, ex studio prætermittimus: quidquid enim in B. Benedicti Regula, quidquid in Institutis, sive in Collationibus Patrum est dictum, huic competere discipline perpendimus; tamen in unum hic cuncta colligere, superfluum judicamus] aperitè innuit, se speciales sui loci edidisse Institutiones, non signanter à Romualdo tantum acceptas, sed Regule S. Benedicti, Patrum Institutionibus, et præcipuè Eremiti, quam colebat, sanctis consuetudinibus, et moribus innixas. Quod, inquam, hic subdit, ex parte jam in superioribus confutatum est, nec repe-*

repetere vacat quæ toties supra clarissimè ostendimus: ex parte verò facilem, et obviam responsionem habet, observando, Damianum loco per Laderchium citato nequaquam innuere, se *Illud unum* præcisè approbare, quod de Prælati discretionem S.P. Romualdus docuerat, sed simplici assertionem id approbare, nec tamen cæterorum à Romualdo derivationem abnuere, quam res ipsa loquitur ex collatione utriusque Instituti cap. 3. et 4. facta (præter expressam mentionem D. Romualdi, quæ occurrit apud Damianum in Psalmodiæ disciplina, aliisque, à nobis cap. 5. num. 2. et 3. ponderatis) quamque tacitè saltem designare videtur Damianus ijs ipsis verbis à Laderchio allegatis (*Non omnia hujus Institutionis præcepta minutius nos describimus, sed multa, quæ et passim nobis occurrunt, ex studio præterimus*; Opusc. 15. cap. 18.) Quæ enim alia erat hujusmodi Eremitica Institutio, nisi quæ à B. Romualdo tunc recens instituta vigeat? Nam etsi ab antiquis Orientis Patribus complura ad hanc disciplinam pertinentia Romualdus fuerit imitatus, ad certiore tamen methodum, perfectamque regulariter vivendi normam, omnia revocavit, et in his Occidentalibus plagis primus ad praxim reduxit: dicente Paulo Justiniano in Præf. suæ Regulæ Eremiticæ: *Vita verò Eremitica in Occidentali Ecclesia Sectatorem fortè aliquem, Institutorem autem nullum habebat, primus autem in ea Auctor, et Institutor fuit Vir omni Sanctitate conspicuus, atque per omnia admirabilissimus Beatissimus Romualdus, &c.*

XVI. Cæterùm an Discipulos S. Romualdi, velut
ad

ad se minimè attinentes nominet Damianus, ut Laderchius cavillatur, jam alibi observavimus, præsertim cap. 5. num. 10. et cap. 6. num. 3. Nam in Proœmio Vitæ S. Romualdi illos suos FRATRES appellat, eorumque precibus adductum se asserit, GERMANA CHARITATE urgente, ad S. Patris Gesta litteris consignanda. Quod si id non semper expressè repetit, quoties de Discipulis S. Romualdi mentionem ingerit, et quid Vir Sanctissimus Discipulos suos doceret, referre satagit: non propterea illos velut à se alienos commemorare censendus est; nisi dicamus, Evangelistas se à Christi disciplina alienos pronunciare, quoties enarrant parabolas, quas *Dixit Jesus Discipulis suis*; aut nisi asseramus, eundem Petrum Damianum etiam à S. Benedicti disciplina se alienum facere, dum S. Benedicti Discipulos nominat tom. 2. Serm. 8. nec se illis expressè conjungit, eosque propterea, ut ad se omnino non pertinentes, Laderchii judicio, commemorat. Sed quomodo Romualdi Discipulos, velut ad se minimè attinentes nominare Damianus poterat? eos nempe, quibuscum frequentissimè vivebat, ut toto cap. 6. ostensum est, quorum etiam magisterio, et directione utebatur, ut respectu B. Leonis Sitriensis cap. cit. num. 16. ex Damiano probavimus: qui tamen Leo, ex eodem Damiano lib. 6. Ep. 17. *Jam per septuaginta fere annos in Monastico habitu degebat*, adeoque Romualdo vivente, et sub ejus auspiciis, Eremiticæ Vitæ tyrocinium posuerat, inter ejus Discipulos apud Sitriam superstitēs, omnium fortasse antiquissimus.

O

CA.

CAPUT VIII.

Reliqua à Laderchio obiecta
discutiuntur.

S T N O P S I S.

Quodnam argumentum Laderchium maxime premat . Num.

1. *Ut illud solvere nitatur Author.* 2. *Solutionis impugnatio.* 3. *Ad Ordinis sui foundationem, Romualdo necessariam non fuisse Institutionum propriarum scriptionem . ibid.* Duo alia Laderchii dicta confutantur. 4. *Uterior evasio primarii argumenti à Laderchio tentata.* 5. *Classense Canobium cur Camaldulensi Eremito copulatum fuerit?* 6. *De aliis Monasteriorum Unionibus intra eundem Ordinem.* 7. *Alia Laderchii cavillatio refutatur.* 8. *Instantia rursus alia Adversarii contra nostram sententiam, falso nitens supposito.* 9. *Duplex disparitas, ad hoc propositum à Laderchio adducta, impugnatur.* 10. *Due alie Laderchii Obiectiones.* 11. *Primæ illarum solutio.* 12. *Secundæ confutatio.* 13. *Ultimum Laderchii argumentum diluitur.* 14.

I. **T**Am potenti luce vis Veritatis irradiat, ut in oculos etiam se fugientium incurrat: idèd Laderchium nostrum latere nequaquam potuit unum ex præcipuis argumentis, quibus Camaldulense Petri Damiani Institutum probari solet, ex eo petitur, quòd S. Dominicus Loricatus Sitrix Prior, ejusdem Petri Dami-

Damiani Discipulus fuerit, quemadmodum et nos Cap. 6. num. 14. demonstravimus. Nullum itaque non movet lapidem Scriptor noster, ut hoc suæ causæ præiudicium amoliat, atque in omnem se versat partem, ut obicem hunc sibi molestissimum proterat; Nam usque ab anno 1699. quo tempore Vitæ S. Petri Damiani colligendæ incumberebat Laderchius [licet in hujus Operis anno 1702. editi Præfatione, se ad ejus Lucubrationem tres menses dumtaxat impendisse asserat] memini, me tum Romę degentem ab ejusdē Auctoris ore audivisse, dum invicem de hac ipsa Controversia colloqueremur, quod ex omnibus argumentis, quę pro nostra sententia afferuntur, unum hoc sibi maximum, præ cæteris, negocium faceretur, licet ejus vi à præconcepta sententia se dimoveri non pateretur.

II. Sic igitur proponit, atque enodare Laderchius aggreditur ejusmodi difficultatem num. 13. *Dices, Romualdum Ereum Sitræ fundasse, in qua deinceps fuit Dominicus Loricatus, Damiani Discipulus; sub Constitutionibus ergo Romualdi, utpotè in Eremita ab hoc fundata. Cui argumento sic statim respondet. Sed negatur consequens ex supra allatis, quod Romualdus Constitutiones non dedit (sed tacente lingua, et prædicante vita) docuit, et licet multa sub Regula S. Benedicti fundaverit loca; tamen quæ in ijs supra Regulam custodiebantur, ab ipso Magistro, exemplo potius, quam verbo, vel si verbo, verbo tamen Constitutionibus certis non alligato, jubebantur, uti ab Abbate, non ab Institutore novæ Regulæ, sed potius ut à peculiari illius, vel istius loci Præ-*

ptore, et Magistro; Quod utique perduravit, usquequò ducti Spiritu Romualdi, Constitutiones ejus, Camaldulenses apicibus tradiderunt, et Petrus item suas dedit, ex quibus utique ab Avellanensi distinguitur Camaldulensis Congregatio, uti sub Regula S. Benedicti Cistercienses, Cluniacenses, Vallumbrosana Congregationes separantur ad invicem. Hæc ille.

III. In quibus, quid prius, quid magis admirer, ambigere me fateor: nùm scilicet, quòd Sitriensem Eremitam à S. Romualdo fundatam, ejusque habitatores ad Ordinem Camaldulensem pertinere inficiatur, quia S. Pater Constitutiones suas scriptis non exaravit: nùm quòd eundem S. Patrem, non velut Eremiticæ Vitæ Instauratorem, sed velut peculiarem hujus vel illius loci Præceptorem nobis exhibeat: nùm denique, quòd hunc rerum statum obtinuisse asseveret, usquequòd Camaldulenses Constitutionibus suis conscribendis animum applicuerunt. At enim quæ monstra hæc sunt rerum, et sententiarum? De primo jam cap. præced. num. 12. diximus cum Paulo Julliniano, Romualdum utique Constitutiones suas scriptis non prodidisse, Christi ipsius Domini nostri exemplo, *Qui, quod ipse faciendo, ac docendo instituit, non scriptis tradidit, sed aliis post se scribenda reliquit*: sed nec Magnus Antonius Abbas, tot Monachorum Pater, ullam Regulam, aut Institutionem scripto mandavit, at Vitæ suæ exemplis, et documentis in ejus Discipulorum mente altius impressis, Sectatores suos abundè erudit, ut Auctor est Athanasius: *Est enim, inquit, Monachus sufficiens caracter ad Asceticam Antonii Vitam*; Quod ipsum de Romualdo dici

dici potest, qui omnium Occidentalium Eremitarum Patris, et Institutoris titulum suo vivendi exemplo, suisque monitis saluberrimis promeruit, ut Dissert. I. cap. 5. probavimus, et quem Damianus ipse in ejus Vita cap. 9. asseruit nihilominus: *vi-vendi REGULAM cunctis singularis Vitæ Sæctatoribus præfixisse*, quam in ipsa ejus admirabili Hiltoria relucentem accepimus, unde et B. Rodulphus in Constit. anni 1085. primos Camaldulensis Eremiti incolas nobis describit, *jugiter Venerabilis Romualdi Vitam, atque doctrinam commemorantes*. Omitto, quòd nec S. Joannes Gualbertus Vallumbrosanæ Familiæ, nec S. Robertus Abbas Cisterciensibus scriptas Constitutiones reliquerunt, nec S. Stephanus Grandimontensium Pater Institutiones suas scripto cõsignavit; quas ab ejus Discipulis olim collectas, et in Gallicum idioma nuper conversas apud Augustinum Mercier anno 1704. impressas audivimus. Unde patet, nihil omninò referre, quòd Constitutiones suas Romualdas non scripserit, ad Monasterium Sitriæ ab ejus Ordine scernendum, qua ratione Camaldulensis quoque Eremitus esset similiter abjudicanda, cùm neque ibi Romualdus ullam Regulam scripserit, nec usquam omninò peculiare suæ disciplinæ Canones exarasse deprehendatur.

IV. De *secundo* verò, hoc est an Romualdus, velut unius privatæ Domus Magister, Sitriensibus præfuerit, an potiùs ut communis omnium Cœnobiarcha, et Eremiticæ Disciplinæ Institutor haberetur, videnda sunt quæ Dissert. I. cap. 3. num. 14. contra hoc ipsum Laderchii

Laderchii effatum, expressè observavimus, neque hoc loco frustra sunt repetenda. De *tertio* demùm, quid addam, nisi quòd ejusmodi observatione videatur inferre Laderchius, nos nequaquam à Romualdo, sed ab ijs, qui ejus Constitutiones scriptis tradiderunt, originem ducere? Quod esset, insigne Patriarchæ elogium Romualdo eripere, illudque in Rodolphum transferre; nec solùm Romualdus è Religiosarum Familiarum Fundatoribus, hac ratione, exularet, sed et Joannes Gualbertus, et Robertus, et Stephanus, et omnes fermè Monasticarum propaginum Institutores, qui pariter nihil scriptis tradiderunt, eorumque loco, ipsorum Discipuli et Successores, quotquot Statuta aliqua Ordines suos concernentia condiderunt, reponendi essent, ac pro Vallumbrosanorum, Cisterciensium, aut respectivè Grandimontensium Patriarchis habendi essent. Quod est oppidò perridiculum.

V. Prosequitur autem Laderchius num. 14. *Præterquàm quòd Constitutiones Romualdi, vel virve vocis oraculo, vel deinde apicibus traditas, non receperunt omnia loca, vel quæ fundasse, vel quibus presuisse narratur; unde ad suam Congregationem Camaldulensem non pertinere eos, qui in ipsis, vel Eremitis, vel Monasteriis fuerunt, evidentè colligimus, aliis prætermisiss, ex eo, quòd licèt Classensi Monasterio presuisse ex jussione, tam Imperatoris Ottonis, quàm ipsius S. Apollinaris infallibiliter babeatur: nihilominus idem Monasterium, cui presuit S. Romualdus, nonnisi anno centesimo trigésimo octavo post millesimum, centum videlicèt, et ampliùs annos post ejusdem Romualdi decessum, ab Archiepiscopo*

scopo Ravennate Gualterio Camaldulensi ejus Congregationi traditum fuit. Nam nova certè ista traditio superflua erat, si ex tunc tantū temporis locus idem Beatissimi Institutoris præcepta recepisset, cum videlicet ut Abbas ei præfuit. Sicut igitur ex hoc constat, Camaldulenses nuncupari non potuisse Monachos, vel tempore Romualdi, vel post ejus felicissimum obitum, usque ad supradictum annum 1138. in Cœnobio Classensi degentes, ita pari modo, nec Camaldulensem vocari posse Dominicum Loricatum ex eo tantum, quod fuerit in Eremitia à Romualdo fundata, arbitramur, sed potiùs Avellanensis Congregationis, utpotè Discipulum Petri Damiani, qui eum peculiaribus suis Institutionibus, à Camaldulensium (ut vidimus) distinctis, informavit, cum seipsum Dominicus ejus Magisterio subiecit.

VI. Quæ planè concidunt ex dictis Dissert. I. de duplici Camaldulensis Nominis acceptione, quam ibi cap. 2. num. 21. distinximus, et Laderchius passim confundit; neque enim aliud evincit adducta observatio, nisi quod à Congregatione sacrę Eremitie Camaldulensis diù sejunctum manserit Classense Cœnobium, quemadmodum et tot alia loca à S. P. Romualdo edificata, quo nimirum tempore singula Monasteria, totidem Congregationes invicem independentes, licet ejusdem Instituti; constituebant, ut toties monuimus; at non probat, ad eundem Camaldulensem Ordinem, quatenus loca omnia, quæ D. Romualdi acceperant disciplinam, complectitur, referendum non esse idem Classense Monasterium. Nimirum in hoc insigni Asce-
terio primordia suæ Conversionis posuerat Romual-
dus;

dus; eidem biennio præfuisse legitur, successoresque
 habuisse Ardefadum, et Bonum suos Discipulos, testa-
 tur Fortunius Hist. Cam. part. 2. lib. 1. cap. 15. Ejus-
 que licet dimisso regimine, se Romualdus adeo solli-
 citum præbuit, ut cum Veneti cujusdam Abbatis Si-
 moniaci invasione sedatum nobilissimum Cœnobium
 inaudisset, *Illuc protinus ire miles Christi impiger studuit,*
diversisque modis ex eo Monasterium purgare tentavit, ut
 refert Damianus in Vita cap. 41. At illud idem Clas-
 sense Cœnobium Camaldulensi Eremito S. Pater non
 copulaverat: quid mirum igitur, si Gualterius Raven-
 natum Archiepiscopus ejusmodi unionem inire voluit?
 Extat apud Fortunium loco cit. lib. 2. cap. 17. inte-
 grum Unionis Diploma; ex quo patet Archiepiscopum
 Azoni Camaldulensis Eremiti Priori Classensi Monaste-
 rium cum suis omnibus pertinentiis commisisse, non
 quasi ab uno ad alium Ordinem illud transferendo,
 sed ut uberioribus observantiae fructibus per ejus alū-
 nos refloresceret, ac majora Virtutum incrementa su-
 sciperet: *Ad Reformandam* (verba sunt Diplomatis) *et*
conservandam Religionem, et infra: *Solo intuitu, et causa*
reformande Religionis; Nec sanè ullam Monachorum
 distractionem, aut habitus innovationem propterea in
 Classensi Cœnobio ob ejusmodi Unionis executionem,
 legimus intercessisse.

VII. Et verò, si quæ Dissert. I. cap. 2. num. 14. de
 Monasterio Valliscastris (quod S. P. Romualdus ædi-
 ficaverat, atque ubi mortalitatis suæ spoliū exuerat)
 post 360. annos dumtaxat sacræ Eremitæ locis aggre-
 gato,

gato, docuimus, huc referantur, quæ ibidem num. 23. de variis Cœnobiis Ordinis alicujus, in peculiarem ejusdem Ordinis Congregationem convenientibus, generatim observavimus, nostro huic proposito applicentur: patebit utique, tam nihil obistere Uniones ejusmodi Monasteriorum, Camaldulensi eorumdem instituto, etiam ad tempora Uniones has præcedentia, relato, quàm nulla prorsus difficultas in eo occurrit, quod ipsimet Camaldulenses Cœnobitæ primò novem locorum, deinde septemdecim Monasteriorum Congregationem collegerint, cui subinde alij Ordinis Cœnobiis aggregatis, S. Michaelis Congregatio coaluit: nec tamen quis prætereunda ausit, eadem Cœnobia ad Institutum Camaldulense vel ante Leonis X. tempora, quibus hæc Congregatio perfectè coaluit, pertinuisse, tametsi, ut Fortunius loquitur part. 1. lib. 3. cap. 1. adeò veteris communionis pleraque oblita videri poterant, pristinamque libertatem resumere, atque ad nativam independentiam paulatim redire nitebantur, *Ut tot essent quodammodò in Religione Camaldulensi Corpora, quot debuissent, jure summo, in unico Corpore consistere membra.*

VIII. Sed audiamus quid num. 15. subdat Laderchius. *Præterea, inquit, licet admittatur, quòd fuerit in Eremitio Sitræ Dominicus, et quòd eadem Eremitio ad Camaldulenses, non ad Avellanenses pertinuerit, non ex hoc tamen deducitur, nisi quòd olim inter Camaldulenses fuerit: Nam cum se Petro subdidit, non semper in Eremitio Sitræ vixit, immò (teste eodem Petro) modò in Avellanensi, solo Basilica*

P

medi-

mediantis interstitio, ab illo divisus, modò ab ipso remotus, modò juxta Monasterium Coniunctuli cellulam habuit; et confirmatur ex eo, quòd non in Eremitu Sitriæ defunctus est, et sepultus, sed potius in loco, qui ad præfatam Eremitum nullo pacto pertinuisse reperitur. Itaque modò ne Petrum Damianum Camaldulensem fateatur, Dominicum Loricatum ejus Discipulum, Camaldulensium quasi transfugam nobis obtrudit hic Auctor; verùm inani opera, ac supervacuo conatu laborat: siquidem cap. 6. num. 14. ostendimus Dominicum Loricatum sub Damiani Magisterio vixisse, dum Sitriam inhabitaret, nò postquam à Sitria recessit, ut patet ex Epistola 31. libri 6. quam Damianus ad Dominicum S. Mariæ Sitriæ Priorem scripsit: ipsemet Petrus Damiani Sitriensis, velut suos commemorat, ut ex Opusc. 13. cap. 22. ibi: *Habemur denique Senem in Monasterio Sitria, &c.* ostendi loco cit. num. 16. ubi etiam notavi frequentissimum apud Sitrienses vixisse eundem Damianum, ac Leonis Eremitæ spiritualem filium, et Discipulum fuisse; adeòque potius Petrum Damiani ex Avellanita Camaldulensem factum, quàm Dominicum Loricatum ex Camaldulensi ad Avellanitas se recepisse, asserere Auctor debuerat. Quamquàm, ut toties diximus, sive Sitriensem, sive Avellanitam hunc, et illum quis fecerit, perinde Camaldulensis Instituti Sectatorem, utrumque indicabit.

IX. Dominici igitur Loricati negotio sic confecto, ad alia sese arma convertit Laderchius, ut nostram doctrinam oppugnet. *Denum*, inquit num. 16. *quomodo*
sive

*strenuissimum humilitatis professorem Petrum N. Damiani erubuisse censebimus, Magistrum, à quo totum, quod didicerat, sua Fontis Avellane Congregatio ebiberat, nullam de eo, in scribendis ejus Institutionibus, memoriam faciendo, præsertim cum ipsum tam mirificè coluerit, ipsiusquem vitam consecrasset? At patet id falsum esse, nam ex sepe dictis, Petrus Damianus in utraque Regula, quæ Opusc. 14. et 15. continetur, sæpiùs S. Romualdi mentionem iniicit, quod et supra idemmet Laderchius hoc ipso cap.num. 10. animadverterat illis verbis: *Et licet verum sit, nonnulla S. Romualdi monita in suis Constitutionibus, et alibi Petrum inseruisse &c.* ut retulimus cap. præced. num. 10. ut mirum sit, tam citò ex hujus memoria Scriptoris, quæ ante quinque paragraphos enunciaverat, dilabi potuisse. Undè patet, telum hoc imbelles sine ictu prorsus concidere: quod et nullius per se roboris esset, etiam si nusquam Romualdi Damianus meminisset, cum et res ipsa per se loquatur, ipsaque utriusque Instituti comparatione cap. 3. 4. et 5. facta, veritas hæc elucescat: et exemplum B. Ludulphi Avellanæ Instituto-
ris, cujus pariter nusquam meminit, nullam præten-
sæ mentionis necessitatem esse agnoscendam evincat.*

X. Quia verò hanc ipsam paritatem sibi opponen-
dam Laderchius præviderat, sic illam eodem numero
proponere, atque elevare, duplici excogitato discrimi-
ne, nititur. *At nec de Ludolpho [inquit] ut supponitur Con-
gregationis Avellanæ Institute, mentionem fecit. Sed simile
non admittimus, nec enim equalis ponderis erat auctoritas Lo-
dulphi, sicut et Romualdi jam à S. Sede Apostolica inter San-*

*Elos relati; vel dicendum, propter illos, qui adhuc vivunt Ludolphum, dum Petrus N. Damiani Institutiones Avellanae edidit, faciunt: meritò de Ludolpho scribere, quia nimis incongruum judicavit laudare hominem ante mortem (nam Ludolphum ipsum usque ad annum quadagesimum septimum supra millesimum vixisse, et Petrum quadagesimo secundo anno supra millesimum Institutiones ipsas scripsisse censent) Hæc illes at neutra disparitas subtiliter deprehenditur: cum enim toties in suis operibus, atque in ipsis Constitutionibus Opusculi XV. cap. 14. Petrus Damiani de B. Dominico Loricato verba faciat: itidemque sæpe commemoret alios viventes, Leonem Prezensensem, Mainardum, Martinum Storacem, Lupum, Leonem Sitricum &c. qui non majoris erant auctoritatis, ac famæ, quam B. Ludolphus Loci Institutor: quique adhuc in humanis agebant, non poterat S. Doctor à Ludolphi mentione injicienda, sive ob minorem ejus auctoritatem, sive quòd adhuc superstes viveret, deterri; præsertim cum eodem Opusc. 15. cap. 28. efficacius esse vivorum, quam mortuorum exemplum, ad animos cohortandos, arbitraretur: Efficacius, inquit, modernorum cohortantur exempla, quam veterum: et magna confusionis pudor est, si cum Sanctis Viris in una simul ætate viventes, in re-
*ta conversationis studio eis in aliquo non reperiantur aequales.**

XI. Duo insuper tela in nostram sententiam num.
 17. Laderchius contorquet: alterum ex quo Romualdum nunquam apud Avellanam constitisse in ejus Vita Danianus asserat: alterum, quod Camaldulensibus, velut ad se pulatensis artinentes commemorat. En

pri-

primum: Sed et ab ipsa, inquit, S. Romualdi vita, quam, ut diximus, Petrus N. Damiani scripsit, facild coniei potest, Romualdum ipsum nunquam Fontis Avellane Eremum adisse. Nam cum multa tam distinctè referat loca in ipso Monte Catria, quæ circumvit Dilectus ille Albissimi, saliens in montibus, transiens colles; nunquam tamen Fontis Avellane mentionem facit, cum tamen huiusmodi vocabulum loci, quem ipse colebat, cuiusque tam frequenter in suis scriptis meminit, eum latere non potuisse manifestum sit. En verò secundum: Cui tandem addendum videtur, quod in Camaldulensi Eremo commorantes, tamquam ad se nihil camino pertinentes, commemorat, ut videre est in Epist. 29. lib. 6. epistolarum: quod certè non facit, cum ad se pertinentium Eremitarum meminit, nam eos signanter suos dicit, ut ex Epistolis ejusdem 34. et 56. lib. 6. colligitur.

XII. Aperta est tamen ad utrumque responsio: ad primum quidem, quod Loca illa in ipso Monte Catria, quæ circumvit Romualdus, ipsammet Avellanæ solitudinem indicant, ubi commoratus est S. Pater ex cap. 19. Vitæ, ut cap. 2. num. 6. et 7. ostendimus. Quod si etiam Laderchio daremus, Romualdum, non quidem apud Avellanam, sed apud Sitriam dumtaxat constituisse, an exinde ostenderet, non potuisse Ludolphum Avellanæ Conditorem, Romualdi Eremiticis Institutionibus imbuï, et ad ejus disciplinam, quam vel in Sittia, vel alibi à S. Patre didicisset, suos Alumnos exigere? Nec certè in Polonia Romualdus ullo tempore habitavit: numquid igitur SS. ejus Discipulorum Joannis, et Benedicti Sectatores, qui apud Casimiri-

canam

tantum Eremitum Sanctimonia si. caere , ad Romualdi Institutum minis pertinere iudicabantur?

XIII. Ad alterum pariter , negamus Camaldulenses à Damiano , velut ad se nihil attinentes , significari ; Nam eo ipso quòd Sitientes ad se spectare indicat , ut probavimus , Camaldulenses utique sibi cognatos asserit , nam hi verè à Romualdo instituti fuerant , ac propterea generali Camaldulensium vocabulo comprehenduntur ; Quod si de Camaldulensibus in speciali significatione acceptis , hoc est de Sacre Eremit Camaldulensis incolis Laderchius loquitur : nego hos ipsos à Damiano velut alienos commemorari ; nam Martinum Camaldulensem in citata ep. 20. lib. 6. sic tantum describit : *Dominus planè Martinus , qui in Camaldulensi Eremita commoratur , Vir videlicet diversis virtutibus adornatus , et præcipuè iugibus lacrymarum fluentis irriguus , mihi retulit quod narro .* Quid , quæso , in his verbis relucet , unde Martinus à Damiano extraneus indicetur ? Sed esto quidpiam discriminis inter Camaldulensem , et Avellanitarum mentionem à Damiano factam , Adversarius acutissimus deprehendat : hoc tale ad summum erit , quod subditos à non subditis discernat , quod unius Congregationis alumnos ab alumnis alterius Congregationis ejusdem Ordinis distinguat ; neque enim aliter magis Damiano affines dici poterant Avellanitæ , aut Sitientes præ Camaldulensibus , quàm eo modo , quo mihi magis affines sunt alii Camaldulenses Monachi , quàm Eremitæ : et ad quælibet sacre Camaldulensis Eremit incolam pertinere magis alij
ejus-

eiusdem Congregationis Eremitæ videntur, quàm Coronenses, quàm Monachi, quàm aliarum eiusdem Camaldulensis Ordinis Congregationum Alumni.

XIV. Ultimum denique, ac peremptorium argumentum num. 18. promovet Laderchius his verbis: *Insuper Monachos de Ave. Lina suo tempore unitos Congregationi Camaldulensi faceret Arnoldus Ursion, ergo prius separati erant ab invicem: alioquin superfluum erat, et vanum jam unita coniungere.* Verùm hæc instantia ex dictis hic supra num. 6. occasione Unionis Cœnobii Classensis, et ex observatis Dissert. I. cap. 2. num. 23. manifestè evanescit: possunt enim unius Congregationis Monasteria alteri Congregationi eiusdem Ordinis copulari, quemadmodum nostris diebus Regiæ Celsitudinis Cosmi III. Magni Ducis Etruriæ insignis Pietas celeberrimum Boni-solatii Cœnobium, quod à Cisterciensibus Italis Monachis administrabatur, Trappensibus eiusdem Ordinis Solitariis, quos ex Gallia in Etruriam munificentissimus, ac religiosissimus Princeps adduci voluit, copulandum curavit; Sic enim Pius V. Pont. Max. Avellanense Monasterium, quod sub Romualdi Eremiticæ disciplina, Petri Damiani temporibus, floruisse persuasum habebat, dudum verò à prillini fervoris observantia desciverat, Camaldulensium Generali visitandum commisit, ac denique Congregationi nostræ penitus addixit (ut paulò ante, Fortunio et sic Hist. Camal. par. 1. lib. 3. cap. 27. *Extinctiorem Convenientiam Camaldulensium fecerat idem Pontifex, Sacerdotibus eorum Congregationi adiudicatis*) Quò nostrorum Monachorum opera,

opera, vetus Institutum, ac primæva Loci Religio restauraretur.

XV. Constare igitur arbitror ex hætenus dictis; nullam vim P. Laderchii obiectis residuam esse adversus sententiam, quam præsentis Dissertatione suis momentis stabilire conati sumus. Et certè longè validiora possent argumenta contra varias ejus assertiones, in hac ipsa Historia [ut de cæteris Lucubrationibus, ejus nomine postmodum editis, interim taceam] occurrentes, intorqueri; sed tum ne susceptæ defensionis limites transiliamus, aggressoris personam induentes; tum ne actum agere velle videamur, cum Sejani, et Rufini Dialogus magna ex parte hanc materiam exhausterit, neque nobis id incumbat negotii, ut singulas Laderchii sententias ad examen revocemus, hac cura perquam libenter superfedebimus, aliisque, quos noster Auctor pariter lacessivit, atque otio magis, quam nos, abundant, eam sollicitudinem ultrò relinquemus. Imò, ob easdem rationes, de venusto Laderchiani styli charactere nihil hic adnotabimus, de quo satis erit, tum prædictum Dialogum consulere, tum iudicium (ibidem relatum) Auctoris Diarii Eruditorum Galliarum, in Operis Laderchii recensione facta Diar. 34. anni 1704. attendere: ut necesse non sit, cum temporis dispendio, ad ista nos digredi, aut eandem incudem repetitis ictibus tundere. Amicorum tamen votis aliquid largientes, nonnulla, quæ nos propius respiciunt, atque à præfato Dialogista vel minùs accuratè expensæ, vel ex integro prætermisissæ animadvertimus, per
modum

modum Appendicis, supplere non gravabimur, quando non magis opportunam Veritatis illustrandæ occasionem alibi nos habituros speramus.



A P P E N D I X.

Nonnullas Animadversiones in Historiam Petri Damiani à Laderchio descriptam complectens.

S T N O T I S.

Errores nonnulli, ad perfectiorem Vitæ Petri Damiani editionem obtinendam, in Laderchiana historia notandi. Num.

1. Numerum fratrum B. Petri Damiani à Laderchio perperam determinatum esse. 2. Circa Institutum D. Clare Laderchius fallitur. 3. Item circa S. Petri Cælestini Regulam decipitur. 4. Albizonem socium B. Petri Damiani Abbatem Theuzonis fuisse falsè tradit. 5. Aliæ hallucinationes circa S. Joannem Gualbertum, et Athonem Episcopum Florentinum. 6. Annus mortis S. Dominici Loricati rectius determinandus. 7. et 8. Difficultatum quarundam propositio, et solutio. 9. et 10. S. Joannē Laudensem cū Joanne Vitæ Petri Damiani Scriptore malè confundi. 11. Illi post annum 1076. ad Eugubinam Catbedram vocatum. ibid. Eundem Petro Damiani in Prioratu immediatè successisse, idèòque ab hoc Joanne distingui, utpotè qui ex obe-

Q

dientia

diencia Liprandi Prioris Vitam Damiani descripsit . 12. Eadem Vita post mortem S Joannis Laudensis exarata ostenditur 13. Alia utriusque Joannis discrimina. 14. Conclusio. 15.

UT Petrum Damianum velut Camaldulensis Instituti Sectatorem agnoscimus , ac S. P. Romualdi Imitatorem præcipuum suspicimus , ita summa erga illum devotione afficimur , ejusque venerationem promoveri summopere gaudemus . Magnam idcirco à nobis gratiam iniisset Laderchius , si et commodiore stylo Egregii hujus Doctoris Vitam describere esset aggressus , et ab omni falsitatis nævo eandem repurgasset . Verùm , ut eà rerum est humanarum conditio , quæ primis nunquam conatibus absolutæ perfectionis assequendæ sortem , vel spem relinquere solet , sed multa semper curis secundis emendanda committit , ita non mirum , si Laderchius ipse primæ huic Historiæ suæ editioni non admodum fidens , alteram se exhibiturum pollicetur (in Admonitione ad Lectorem ejus Indici subnexa) *Majori diligentia , et accuratiori studio , necnon in aliquibus auctam* . Quod ut perfectius , ad tanti Patris gloriam , cujus et nos studioliissimi sumus , assequi possit , præter ea , quæ Author Dialogi Seianum inter , et Rufinum adnotavit , sequentia pariter , quæ ad nos magis pertinent , ipsi expendenda proponere visum fuit .

II. Ac primò , circa numerum Fratrum B. Petri Damiani , jure à Seiano Laderchium reprehendi affirmamus

namus, nedum ea ratione, quam ibi adductam legere quisque poterit, quod nempe Frater ille, à quo Petrus noiter tam durè habitus est, antequàm in alterius fratris Damiani Archipresbiteri curam incideret, esse non potuit Marinus ille (quem Religiosum fuisse idè Seianus cum multis aliis scriptoribus censuit, nos verò Laicum, idest sæcularem obuisse arbitramur, ex circumstantiis eius mortis à Petro Damiani libi 2. Ep. 14. narratis) qui timoratus Spiritu, ac B.M. V. obsequiis adèdò mancipatus ab ipso S. Doctore describitur, ut moriens ab illa visitari meruerit, unde consequens est, ut tres saltem Fratres Petro nostro Damiani assignari debeant, non duo tantùm, ut asserit Laderchius lib. 1. cap. 2. num. 1. dicens: *Hoc certum nobis innuit, duos nempe fratres habuisse, Damianum videlicet, et Marinum, quorum ipse meminit lib. 2. Epistolarum, Ep. 14. ad Desiderium.* Non ea, inquam, dumtaxat ratione refellitur hæc assertio Laderchii, sed amplius quia, si verba expendantur Joannis scriptoris Vitæ Petri nostri Damiani, ab eodem Laderchio allata cap. 3. num. 3. facile constabit, saltem quatuor Fratres Petri fuisse, ait enim Joannes S. Doctoris Discipulus, in ejus vita cap. 1. quòd Petrus noiter utroque immaturè orbatus parente, fraterna cura relictus est, et unus ipsorum, qui atrox inter CÆTEROS honestis moribus preditos sub ovina pelle latebat, fraudulentam nunc pietate pro paterna vice eum sibi educandum suscepit, atque dum sibi cohæredem adoptare se fingit, dira velut emptitium servituti addicit: cui socia coniux hærebat, qua nullis pietatis visceribus ab illius servitia differbat.

rebat. Si enim duos fratres habuisset Petrus noster, utique eorum unus, qui primò eum alendum suscepit, non atrox inter ceteros sed atrox præ alio, vel atrocior altero describeretur; indicat ergo Vitæ Petri Damiani Scriptor, præter hunc fratrem, cuius curæ Petrus commissus est, alios etiam tum superstites, imò et præsentibus fuisse, sed inter hos computandus non esse Damianus Archipresbiter videtur, nam, ut refert Laderchius pag. 22. *Absuerat is aliquot annos à Patria, ad quam reversus Petri Fratris miseratus arumnas, paternis tactus amore mox illum exemit de miserabili servitute, novis induit vestimentis, et ad scholam misit &c.* Quod utique ab initio piissimus Archipresbiter exequutus esset, si coram adfuisset; ergo si Damiano Archipresbitero, Fratrem illum uxoratum, à quo tam immaniter Petrus habitus est, coniungamus, et duos saltem alios, quibus hunc comparavit Joannes vitæ Scriptor; dum inter ceteros *honestis moribus præditor, atrocem nuncupavit* (quos fuisse puto, alterum quidem Marinum à S. Doctore laudatum, alterum verò paulò maiorem natu ipso Petro, qui ceteris fratribus invidens, querelis suis in causa fuit, cur Mater ipsum Petrum immaturè oblactatum impiè deferret, narrante id eodem Joanne scriptore Vitæ S. Viri, ejusque discipulo, apud Laderchium pag. 17. *Cùm enim unus liberorum, qui tunc jam grandiusculus adoleverat, conquestus exclamaret: Proh pudor! ecce jam tot sumus, ut in hac domo vix capimur, &c.*) Quatuor profectò fratres, certè plures duobus, habuisse Petrum Damiani, fateri necesse erit.

III. Sc.

III. Secundò insignis est, ut optimè Sejanus. etiam animadvertit, hallucinatio eorum, quos Laderchius bona fide secutus est lib. 1. cap. 14. num. 30. tradens S. Claram Virginem Assisiatem, D. Francisci sororem, Regulæ S. Petri Damiani nomen dedisse, quia à Gregorio IX. tum ipsa, tum ejus Sorores *Ordinis S. Damiani* appellantur: enimverò ibi de Ordine Monasterii *S. Damiani Martyris* propè Assisium extructi sermo est; non de Institutionibus *S. Petri Damiani*, ut perspicuum est ex Bullis à Vvadingo relatis ad finem tomi 1. et 2. Annalium Minorum: Verissimum est tamen, Moniales S. Clare per duodecim saltem annos, nempe ab anno 1212. ad 1224. (nonnullas etiam usque ad 1239. ut ostendit Vvadingus loco cit. et confirmat Jacobillus tom. 3.) Regulam S. P. Benedicti, et Ordinem Monasticum professas; nec desunt qui ad Camaldulense Institutum illas per id tempus referendas esse arbitrentur, non quidem ob Regulam S. Petri Damiani, cui nomen dederint, sed ob Constitutiones Camaldulenses, quas illis observandas præscripserat Cardinalis noster Hugolinus, qui (juxta Jacobillum) ex Abbate Monasterii S. Silvestri de Monte Subasio, à S. P. Romualdo constructi, et sub Ordine Camaldulensi tunc etiam vigentis, ad Purpuram fuerat evocatus; et cerè videntur Clarissæ ex Camaldulensium imitatione Inclusionis legem per id tempus servasse, undè idè Cardinalis Hugolinus, postea Gregorius IX. earum Privilegiis, Vvadingo teste in Apologetico de Monachatu S. Francisci Sect. 6. §. 5. num. 9. hanc Clausulam

Iam insertam voluit: Ordo Monasticus, qui secundum Deum, et Beati Benedicti Regulam, atque Institutionem Monialium *INCLUSARUM S. DAMIANI ASSISIATIS*, institutus esse dignoscitur. Quare ex D. Claræ familia, ejusdem Gregorii IX. jussu, B. Pacifica, et B. Balbina, ejus nominis inter Damianitas prima, ad Cœnobium Camaldulentium Monialium S. Mariæ Vallis Gloriæ (quod sub Abbatis S. Silvestri de Monte Subasio jurisdictione florebat) reformandum sunt destinatæ, ut Jacobillus ostendit.

IV. Tertiò lapsum similiter Laderchium Sejanus ostendit, circa D. Petri Cælestini Institutum, hunc enim, ejusque Sectatores sub Petri Damiani Regula nullatenus militasse, quamvis vulgus Cælestinos cum Avellanitis aliquando confuderit. Observandum autem, præter confusionis huius rationem ex Papebrochio à Seiano allatam, potuisse æquivocæ appellationis originem ex eo pendere, quòd Avellanitæ, ut ex Morigia supra observavimus pag. 64. et Dissert. III. pag. 11. Cæruleo Palliolo uterentur: qui color, cum apud Italos *Cælestis* appelletur, ansam ignaræ plebi offerre potuit, ut nostri Avellanitæ *Cælestini* primùm nuncupari inciperent, deinde ipsimet veri *Cælestini* pro Avellanitis accipi, et veluti à Petro Damiano et ipsi propagati forent, ejusque Regulam sequerentur, *Ordinis S. Damiani* vocari à nonnullis consueverint.

V. Quartò circa Theuzonem Eremitam nedum fallitur Laderchius, quòd illum Florentiæ cum Petro Damiano collocutum neget, contra Baronii sententiã,
à Se-

à Seiano optimè vindicatam, sed insuper animadversione dignum est, falsum esse quod Albizo Petri Damiani comes, fuerit ejusdem Theuzonis Abbas, ut noster Historicus, Seiano consentiente, lib. III. cap. 5. num. 9. asseruit. Enimverò nullus Albizo Abbas Monasterio S. Mariz Florentiæ præfuit, sed Theuzonis tempore Petrus erat Abbatiz illius Præfectus, ut docent monumeta à Puccinello adducta in ejusdem Cœnobii Chronicis anno 1664. editis; et sanè verba Petri Damiani in Epistola 30. libri 6. ad Theuzonem, sive in Opusc. 51. nil tale significant; *Vix demum*, inquit, *tamquam importuni capitis homines admissi sumus* [*Dominus enim mihi tunc Albizo adhærebat*] *intenti autem, et non mediocriter avidi adificationis documenta suscipere, protinus in ipso mutue colloctionis exordio coacti sumus jurgiosis quibusdam contentionibus deservire &c.* Ubi patet de se, et Albizone, tamquam itineris socio, et colloquii confortē, non tamquam Theuzonis ipsius Prælatō loqui; et cū infra addit: *Erat quippe inter te, et Abbatem tui Monasterii non ferenda similtas, et inveterata discordia. Ille igitur, utpote Vir mitis, ac simplicis animi, sponsonibus suis cuncta dignæ satisfactionis, et humilitatis jura transcendit, et NOS (idest ipsum Petrum Damianum, et Albizonem comitem) sequestri fœderis inter se, et te executores instituit. Verūm nos dum alienis amicitiiis inconsultè consulimus &c.* Perspicuum videtur, Abbatem Theuzonis diversum esse ab utroque pacis inter ipsos conciliandæ Sequestrio, Damiano videlicet, et Albizone. Ut nihil addam, quod Albizo iste non Abbas, sed Eremita fuerat, ut patet

patet ex Opusculo XII. tomi 3. ad ipsum Albizonem Venerabilem Eremitam, et Petrum Monachum directo, ubi illum *imitandum Eremiticæ Conversationis exemplum*, sicut hunc *teretem Formam Canobitarum*, appellat Damianus.

VI. Quintò, quod ait Laderchius eodẽ cap. 5. num. 6. et 7. S. Joannem Gualbertum anno 1003. in S. Miniatæ Cænobiæ Monachum induisse, eidemque Theuzonem Eremitam Simoniaci Abbatis Uberti, et Episcopi Athonis proclamationem publicam anno 1007. suasisse, quòdque Atho hujus nominis primus Ildebrando Florentino Episcopo antecesserit: id planè commentitium est, ac falsis fundamentis nititur, ut patet ex nostra Dissert. II. cap. 4. à num. 4. et deinceps, præsertim cùm non ante annum 1020. cellulam suam Eremiticam ingressus fuerit Theuzo, ut num. 13. ibidem probavimus; nec idèò tamen decernere libet, an occasione controversiæ Florentini Cleri circa Petrum Ticinensem Episcopum Simoniacum, Petri Damiani cum Theuzone Eremita colloquium contigerit: neque cum S. Joannis Gualberti Monachis ea occasione, aut aliàs decertaverit Damianus, illosve lib. 8. Ep. 11. carpsit, curiosiùs disquirere juvat. Quidquid ea de re sit sentiendum, alii judicent; nos interim Petrum Damianum à Didaci Franchi calumniis hic, et alibi vindicatum fuisse, Laderchio gratulamur.

VII. Sex:ò diligentius expendi meretur, an verè anno 1061. S. Dominicus Loricatus obiisse dicendus sit, ut lib. II. cap. 24. à num. 2. et lib. III. cap. 5. num.

12. Laderchius cum Baronio asseruit: Enimverò cum narret Petrus Damianus lib. 1. Ep. 19. Dominicum pridie Idus Octobris morti cessisse, si id anno 1061. contigisset, quo Cyclus solis erat 6. adeoque littera Dominicalis in vetere Calendario illi respondens erat G, utique die Dominico in Cœlum migrasset, littera enim hæc ipsimet diei 14. Octobris apposita deprehenditur; et nonus Depositionis dies, nempe 22. ejusdem mensis, Dies Lunæ, seu Feria secunda fuisset, quæ littera A consignatur: quorum utrumque falsum est; Dominicum enim die Sabbati ab humanis excessisse testatur S. Doctor loco cit. his verbis: *Sexta igitur feria per continuum diem vix desit, vel modulandis psalmis insistere, vel corrigiarum se ictibus flagellare. Nocte vero, sopore deposito, suscepit antidotum, deinde capit angustiarum, et de stomachi dolore graviter conqueri. Post decursum itaque nocturnæ Synaxis officium, post matutinos hymnos, cum prima jam hora sibi à Fratribus, qui aderant, cantaretur, Sanctum Deo Spiritum reddidit. Et diem depositionis nonum, Dominicum fuisse testatur: Nos autem, inquit, ipso Die Dominico, quo Evemum ingressi sumus, Sanctum Corpus inde sublatum reverenter, ut dignum erat, in Capitulo sepelivimus; et cum nonus esset depositionis ejus dies, prædictum corpus sanctum, illibatumque reperimus.*

VIII. Undè perspicuè patet, vel ad annum 1060. vel ad 1066. Dominici Loricati mortem esse referendam, ut invicem hæ circumstantiæ cohæreant, nempe ut dies 14. Octobris Sabbato, et dies 22. Dominicæ diei conveniat. Sed anno 1060. id aliunde contin-

R

gere

gere non potuit; nam B. Rodulphi Episcopi Eugubini mors, quæ (Damiano teste) anno sequenti post obitum Dominici Loricati contigit die 26. Junii, in annum 1061. incidisset, quo tempore nondum Nicolaus II. Pont. Max. è vivis exceſſerat, cujus Mors die 3. Julii contigit, et Mense Octobris Alexander II. à Cardinalibus est in Romanum Pontificem consecratus; et tamen Alexandri II. jam dudum regnantis tempore Rodolphum obiisse patet ex dicta Damiani Epistola, in qua eundem Pontificem sic alloquitur. *A vobis itaque que nuper egressus, cum Florentina Urbis mania subij, nunciatus mihi mox repentinus occurrit, Episcopum scilicet Eugubinum esse defunctum* &c. Superest ergo, ut Dominici Loricati obitus anno 1066. adeoque S. Rodulphi mors anno 1067. evenisse dicatur; undè machina illa, qua lib. III. cap. 5. num. 12. Laderchius probare nititur, Epistolam Damiani ad Theuzonem scriptam esse, ante controversiam de Simonia Petri Papiensis Florentini Episcopi exortam, quia inibi Dominici Loricati, velut superstitis mentio occurrat, concidere videtur.

IX. Scio, positioni huic obſtare poſſe, quòd Rodolphus, eodem Damiano teste, ante ſerè ſeptennium (adeoque, in hac hypotheſi, anno 1060.) ad Evemum veniens, habitum Monasticæ profeſſionis acceperat; Cùm tamen Ughellus in Episcopis Eugubinis teſtetur, Rodolphum anno 1059. Synodo Romanæ Nicolai II. Papæ ſubſcriptum reperiri, et anno 1062. in Bulla Alexandri II. pro Eccleſia Forosempronienſi, mentionem occurrere Hugonis Eugubini Episcopi, quem non immediatè,

diatè, sed post Maynardum anno 1061. (ut ipsi videtur) electum, Rodulpho successisse arbitratur. At nimis evidens est, Alexandri II. tempore, adeoque post annum 1061. Rodulphum ex hac luce migrasse; Quid si igitur depravatam esse hoc loco dicam Eugubinorū Præsulum seriem apud Ughellum, non minùs quàm paulò ante, ubi Ludolphum electum anno 1019. scribit, ilique Julianum anno 1012. successorem assignat? Porro cùm neque apud Baronium, neque apud Labbeum occurrat Rodulphi Eugubini Episcopi, tamquam anno 1059. Romanæ Synodo subscribentis, memoria: sed neque apud Ughellum in Bulla Alexandri II. quam insertam alteri Honorii III. Datæ 14. kal. Junii anno 1224. refert hic Author tom. 2. de Episc. Forosempr. expressus habeatur annus 1062. vel alius; imò hæc nota duntaxat ibi habeatur: *Actum est, hoc mense Maii, die verbò 10. Indictione 13. quæ Indictio nec anno prædicto 1062. nec ulli anno Pontificatus Alexandri II. respondere potest, sed annis tantùm 1060. et 1075. congruit, inter quos huius Pontificis sedes cadit; consentaneum profectò non videtur, ut, ob incerta hæc monumenta ab Ughello relata, ratiociniū nostri superiùs adducti evidentiam abiiciamus, et vim dissimulemus.*

X. Verùm, admissis etiam Ughelli monumentis, appositè componi hæc Controversia fortasse poterit, si Hugonem, quem post Maynardum anno 1062. Eugubinz præfuisse Ecclesiæ, juxtà Bullam Alexandri II. ab Ughello indicatam, pro nunc concedere possumus,

immediatum nostri Rodulphi Antecessorem; non verò secundum Successorem ejusdem fuisse asseramus: addeut post annum 1062. Rodolphus hic ad Eugubinam Cathedralam promotus fuerit, putà anno 1063. vel 1064. et usque ad Junium anni 1067. supervixerit, Dominico, aut alio Præfule illi succedente; Quàmquam ego potius crediderim, Bullam illam Alexandri II. ad annum 1070. pertinere, qui Indictione VIII. consignabatur, undè V. in X. commutato, Indictio XIII. ab Amanuensibus efficta fuerit, quæ jam apud Ughellum in hoc Diplomate legitur; addeut Hugo post Maynardū, Rodolpho jam anno 1067. mortuo, succedere in Eugubino Episcopatu optimè potuerit. Quod autem anno 1059 Rodolphus Romanæ Synodo subscriptus legatur, siquidem id verum sit, de alio Prædecessore Rodolpho (aut Reginaldo, aut Raynerio, aliqve simili nomine, per litteram R. incipiente, nuncupato Episcopo; ejusmodi enim subscriptio, ut fieri solet, ita fortasse expressa fuit: *Ego R. Eugubinus Episcopus*; atque Rodulphi nominis interpretationi ansam præbere debuit, ut ex subscriptione *Vv. Humanat. Episc.* eidem Romanæ Synodo anni 1059. facta, ipsemet Ughellus tom. 1. pag. 804. interpretatus erat *Vilhelmus*, et mox in Appendice ejusdem tom. pag. 419. ex Petro Damiano corrigendum esse *Vv. vide*, animadvertit) intelligi facile poterit. Nec deerunt argumenta, quæ hanc coniecturam confirmant, primò ex his quæ supra, de anno mortis S. Rodulphi, expendimus; secundo ex Epist. 10. libri 4. Petri Damiani *Ad R. Episcopum Eugubi-*

gubi-

gubinum, quem alium fuisse à nostro Rodulpho, conlatre videtur, quia Episcopus ille R..... non admodum Petro Damiano propitius videbatur, cujus Ecclesiam Ecclesiastico Interdicto subiecerat, unde illum ita humilis deprecatur. *Obsecramus igitur, Dilectissime, interdictum nostra Ecclesia officium reddite, et non solum illam post sessumculam, quæ vestra proculdubio diacesis est, sed et quidquid habemus, vestra auctoritate, defendite &c.* At noster Rodulphus, Petrum Damianum, ut Patrem suum; etiam post Episcopalem consecrationem, semper suspexit, ejus nutu, et consilio cuncta decernebat, et in Eremito magis, quam in Ecclesie suæ Palatio vivens, Ecclesiam deputabat Hospitium, solitudinis autem Cellulam habitaculum decernebat, ut narrat ipse Petrus Damiani, qui et infra addit: *Me vim ingerente coactus, Ecclesiam, quam dimiserat voto, retinebat officio: in Eremito tamen perseverantiùs habitabat.* Quare verosimiliter Petri Damiani Ecclesiam interdicto non subiecisset, antequàm ab ipso rationem intelligeret, cur illam passus esset à Forosempronienti Episcopo consecrari. Alius ergo Episcopus R..... ante nostrum Rodulphum Eugubinæ præfuit Ecclesie, atque is potuit Romanæ Synodo sub Nicolao II. subscribere.

XI. Septimò circa Joannem Petri Damiani Discipulum, ejusque vitæ Scriptorem, non levis est Laderchii hallucinatio, dum illum cum S. Joanne Laudensi Eugubino Episcopo lib. VI. cap. 28. confundit: idemque asserendi tum Machiarellò nostro, tum Auctori Diarii Gallici, præbuit occasionem: qua in re; licet Auctor

Autor Dialogi satis Historicum nostrum confutaverit, argumentis tamen est usus, quæ *ad hominem* [ut dici solet] non *ad judicium*, intento probando conducunt; Enimverò non anno 1076. quem Laderchius ex Ferrario determinat, sed longè post, nempe anno 1105. ut habet Ughellus, Joannem Laudensem Eugubinam Cathedralam ascendisse constat, vel ex eo quod anno 1084. eundem Joannem Prioris officium apud Avellanam ministrasse demonstrat authenticum transactionis cujusdam Instrumentum in Archivio Classensi capsula 94. num. 67. quod sic habet: *In nomine Domini; temporibus Domni Gregorii Summi Pontificis, anno ab Incarnatione Domini nostri Jesu Christi millesimo octuagesimo quarto, regnante Henrico filio quondam Henrici Imperatoris, Indictione septima. Eugubio. Ego in Dei nomine Thebaldus, filius quondam Pagani de Nartianula, refutationem, et transactionem, et definitionem facio Ecclesia S. Crucis Fontis Arvellani, et tibi Joanni (de Laudo) Priori, tuisque successoribus in perpetuum, idest de ipsa Ecclesia S. Apollinaris, posita in Nartianula &c.* Idemque patet ex alijs ejus ætatis monumentis, atque ex ejusdem S. Joannis Laudensis Historia; ex quibus item liquet non 36. annos illum in Episcopatu vixisse, sed uno dumtaxat anno, aut paucis insuper mensibus; neque anno 1116. sed 1106; Deum adiisse, ut Ughellus etiam confirmat.

XII. Porro eundem Joannem Laudensem, nedum Laderchius ipse lib. III. cap. 27. num. 2. fatetur Petro Damiani immediate in Prioratu Avellanæ successisse, verum id habet etiam Auctor Vitæ ipsius Joannis, cujus

cujus fragmentum refert Constantinus Caictanus initio tomi II. Operum B. Petri Damiani: testatur enim, quòd post mortem S. Doctoris *Fratres inspirati à Domino concorditer, et unanimiter, Sanctum Virum Joannem de Laudo in Priorem præcipuum elegerunt: ut sicut Sancto Patri Petro Damiano in Sanctitate, et sapientia, consimilis erat, ita ei in Prioratu succederet.* Cùm verò Joannes scriptor Vitæ Petri Damiani fateatur se Monachum esse sub Liprandi Prioris Obedientia constitutum, ejusque, et aliorum Seniorum Fontis Avellanæ jussu, ad eam historiam colligendam fuisse compulsum (ait enim in Proœmio. *Domno Liprando Priori, et ceteris senioribus Eremitæ Fontis Avellanæ, Joannes. Opus mirabile Patres, quòd Sanctitati vestræ placuit meæ iniungere paruitati..... At quia non præsumo vestro quicquam abnegare imperio..... Petri Damiani meritis, ad cujus Vos Acta exaranda meam obedientiam provocatis &c.*) Evidens utique remanet, eundem esse non posse Joannem hunc Vitæ Damiani scriptorem cum illo Laudensi Eugubino Episcopo, qui post Damiani ejusdem obitum, itatim Avellanæ Prior, et mox Episcopus factus est, numquam verò simplex Monachus vixit, ut aliorum præceptis esset obnoxius.

XIII. Sed et luculentius idem demonstratur, ex quo Vita hæc Petri Damiani post annum 1115. adedque longè post mortem S. Joannis Laudensis, quæ 1106. ut diximus, contigit, certissimè scripta fuerit: tantum abest, ut ipsimet Joanni Laudensi tribui debeat. Enim verò Liprandi Prioris tempus id clarè evincit, quod in Cathologo Priorum Avellanæ, juxta ejusdem Monasterii

sterii monumenta composito, ad prædictum annum 1110. consignatur. Joannes siquidem Laudensis, ut notavimus, immediatè Petro Damiano subrogatus legitur: huic verò anno 1105. ad Episcopatum Eugubinum promotus, Petrus Ariminensis in Prioratu successit, tum anno 1110. Liprandus Petro susceptus est, cujus nutu susceptum est à Joanne Damiani Discipulo consilium Vitæ S. Doctoris conscribendæ, ipsique Liprando Priori dedicandæ; cùm igitur S. Joannes Laudensis quadriennidè ante mortalitatis exuvias deposuisset, constat, longè diversum esse Joannem Vitæ Petri Damiani scriptorem à S. Joanne Laudensi Episcopo Eugubino. Quòd si etiam Jacobilli calculum sequeremur, qui Liprandum alicubi scribit immediatè Joanni Laudensi in Prioratu successisse, liquet, huic jam Episcopo factò, et per annum, ac paucos menses superstiti, non potuisse ab illo Vitæ Petri Damiani compilandæ provinciam iniungi.

XIV. Addo, quòd utriusque Joannis discrimen ex diversa Patria, diversoque mortis tempore colligitur: tradunt nempe Scriptores, Joannem Petri Damiani Discipulum, ejusque Vitæ Scriptorem, ipsius etiam concivem, nempe Ravennatem fuisse, Joannes autem Eugubinus Episcopus, Patria Laudensis, in Insubria, non in Æmia natus est: Ille quidem in Calendario Avellanæ obiisse notatur die 26. Maii 1115. Hic verò Deum adiit die 2. Septembris 1106. Ille apud Avellanæ Eremum, hic apud Cathedralem Eugubij: Ille privatus Monachus, hic ex Priore Episcopus: Ille qui-

dem

dem aliqua Sanctimonię laude insignis, sed neque Sancti, neque Beati aliquando titulum adeptus; hic verò multis post obitum miraculis clarus, à Paschali II. Sanctorum Cathalogo est adscriptus. Non igitur uterque Joannes à Laderchio confundi debuerat, nullo præsertim assertionis suę fundamento, adversus tam multiplicis discriminis argumenta, allegato.

XV. Atque hæc è multis in Laderchiana Historia adnotasse sufficiat, aliis enim curis, ab hoc studiorum genere me potentiùs avocantibus, cedere cogor. Si desiderato rursus otio frui aliquando licebit, atque iterum Laderchius ipse lapidem hunc versare jusserit, in his, quæ nunc prætermissa, aut neglecta volui, suppleendis operam meam desiderari non patiar. Æquibonique consulat, rogo, Lucubrationem hanc, P. Laderchius, quam Veritatis Zelus, et Amicorum Consilia à me impetrarunt, præsertim cùm illam non livido, et averso, sed candido, et amico animo scriptam inveniat, nec non ab omnibus illis amaris jocos alienam, quibus Seiani, et Ruffini Dialogus scatet, atque intemperantiùs redundat: Quid enim conviciis opus est ad Veritatem vindicandam? At Dialogistæ illi fortasse parcendum, qui [siquid coniecturis assequimur] aut Is ipse est, aut ex ea prodiit schola, cujus Magistrum prior Laderchius Tom. III. pag. 315. et 323. acerbissimè exagitaverat; Causæ verò nostræ longè dispar est ratio, proindeque et mitior est indoles, quamdiù scilicet sententiarum dumtaxat, non voluntatum dissensione discrepamus. Utinam hæc ad Veri-

S

tatis

tatis illustrationem, atque eximii Doctoris PETRI DAMIANI gloriam, nobis in hac Dissertatione unicè propositam, cedant, nec jurgiis, à quibus semper abhorruì, nec contumeliis, à quibus hætenus semper abstinui, ansam ullam ministrent: quæ, ut meorum summa votorum est, ita cuilibet mecum disputanti fixa sit, et rata, desidero: quatenus utrinque pariter, *Absque personarum præjudiciis, Veritatis præjudicia vindicentur.*

F I N I S.

ET NE AUFERAS DE ORE MEO VERBUM
VERITATIS USQUEVAQVE. Psal. 118.



IN:

- Alexander IV. Pont. Max. I.
28. 30.
 Alvernix Mons. I. 117. III. 85.
 Ambrosius Gen. Camal. II. 17.
 Amedæus Episc. Aret. I. 31.
 Anastasius III. Pont. Max. II.
36.
 S. Andreas Episc. Flor. II. 90.
 Andreas Ianuensis Mon. Val-
lumb. I. 57. 83. II. 42. 43.
 Andreas Mugnotius. III. 67.
74. 75. 76. 78. 79. 100.
136. 151.
 Andreas Vallemanus Abb.
 Camal. III. 10. IV. 86.
 S. Andreas Zoerardus Erem.
 Camal. II. 60.
 Angelus Abbas Vallis Caffri.
I. 29.
 S. Anselmus Lucensis Episc.
IV. 8.
 S. Antoninus Arch. Flo. II. 34.
III. 60. 149.
 S. Antonius Abbas. I. 25. 93.
III. 92. 125. IV. 100. 108.
 Antonius Franc. Laur. Cara-
 mellus Abbas Camald. III.
50.
 Antonius Magliabechius Ma-
 gni Ducis Etruriæ Biblio-
 thecarius. III. 155. 156.
 Antonius Maria Bonucci. I.
24. IV. 66. 86.
 Antonius Masinius. II. 35.
 Antonius Pagius. III. 153.
 B. Antonius Peregrinus Ca-
 mald. III. 120.
 S. Apollinaris Ep. Mart. Rav.
II. 81. 104. 109. 127. IV.
21.
 S. Apollonius Abbas. III. 125.
126.
 Apulejus. III. 120.
 Archibaldus Episc. Salisb. II.
38.
 Archivium Camaldulense. I.
10. II. 69. 95. III. 30. 65.
 Claſſenſe. II. 40. III. 100. S.
 Georgii Majoris Ven. II.
79. 140. S. Michaelis Pi-
ſarum. III. 81. S. Petri de
Luco. I. 20. III. 115.
 Ardefadus Abb. Claſſ. Diſc.
 S. Rom. II. 100. 120. IV.
112.
 Arduinus Mon. Cam. Diſc. S.
Rom. II. 114. 135.
 Arduinus Vrbinas. IV. 75.
 Argeſius Mon. Fontanellen.
III. 126.
 Ariſtoreles Stagyrita. III. 92.
 Aritius Notarius. I. 20.
 Arnaldus Episc. Aret. III. 18.
 Arnoldus Vvion. Mon. Caf-
 ſin. I. 10. 16. 22. 108. 118.
119. II. 79. 80. 141. IV. 8.
 Afcanius Tamburinus Abb.
Vallum. I. 82. II. 42. III. 19.
 S. Athanaſius Episc. Alex. III.
29.

Athi-

INDEX.

141

- Athinulphus Episc. Feful. ll. 87.
 B. Atho Disc. S. Rom. ll. 84.
 Atho Episc. Flor. ll. 43. 45. 47. 48. IV. 128.
 S. Atho Episc. Pistor. Mon. Yallum. l. 108. ll. 43. 53. 55.
 Avellanitæ. V. *Monachi.*
 Augustinienſes. l. 110. IV. 93.
 S. Augustinus Episc. Hyppon. l. 11. 13. 15. III. 92.
 Augustinus Fortunius Mon. Camal. l. 6. 7. 9. 11. 15. 29. 30. 32. 34. 35. 39. 43. 46. 63. 81. 90. 111. ll. 8. 18. 39. 71. 77. 80. III. 11. 20. 21. 22. 32. 40. 47. 57. 67. 76. 78. 97. 100. 129. 136. IV. 12. 18. 70. 91. 92. 95. et alibi frequenter.
 Augustinus Lubin. ll. 143. IV. 86.
 Augustinus Mercier. IV. 109.
 Aurelianus Abbas. III. 126.
 Aurelius Antonellus Abb. Camal. III. 15.
 Azo Gener. Camal. l. 30. IV. 112.
- B**
- B. Balbina S. Claræ Disc. IV. 126.
 Baldaſſar Francolinus. ll. 25.
- Barionius B. Ludolph Socius ll. 125.
 S. Barnabas Conf. Camal. l. 81. 118. ll. 60. 110.
 Bartholomæus Gavantus. III. 135.
 S. Baruntius Erem. Camal. III. 20.
 S. Basilus Episc. Neocæſ. l. 25. 64.
 S. Beda Presb. ac Monachus III. 124.
 B. Benedictus Disc. S. Rom. Camal. l. 51. III. 34.
 S. Benedictus Martyr Disc. S. Rom. l. 76. 81. 96. 118. V. 55. Ioannes, et Benedictus.
 S. P. Benedictus Monachorū Patriarcha. l. 16. 25. 66. 67. 93. 94. 97. 107. ll. 104. 109. 120. 127. III. 44. 102. 103. 114. 123. 130. IV. 355. 90. 100. 107. et alibi.
 S. Benedictus Svirardus Ca. mal. II. 60.
 Benedictus IX. Pont. Max. II. 49.
 B. Berardus Disc. S. Rom. II. 118. 135. IV. 69.
 Bernardinus Gadolus Mon. Camal. l. 5. 113. III. 58. 72. 116. 145.
 S. Bernardus Abb. Clarevall. ll. 18. 19.
 Bernardus Abb. Tirolēſis. III. 124.
 Ber.

- Bernardus Montfauconius**
Mon. Congr. S. Mauri. 1.
70. III. 8. 9.
- B. Bernardus Prothomzus Oly-**
vet. Congr. Institutur. III.
53.
- Bernardus Sacerdos Florenti-**
nus Erem. Camal. l. 73.
- Bestpterus fil. Boleslai Regis**
Pol. II. 63.
- Bibliotheca Angelorum Flo-**
ren. l. 5. 35. III. 22. 49. 74.
Barberina. III. 125. Clunia-
centis. III. 106. 108. S. Mi-
chaelis Murani. l. 5. III. 58.
Pomposæ. l. 70. Sacre Ere-
mi Camal. III. 65. Varica-
na. II. 18. III. 125. 128.
- S. Bogumilus Arch. Gnesgn.**
Erem. Camal. l. 43. II. 59.
IV. 86.
- Boleslaus Chabri Rex Polon.**
l. 68. II. 58. 60. 99.
- Bonifacius Card. Ep. Alban.**
IV. 84.
- S. Bonifacius Ep. Mart. Disc.**
S. Rom. l. 10. 24. 38. 48. 49.
50. 51. 75. 76. 96. 105.
118. II. 64. 110. 111. 112.
129. 130. 141. 142. III. 15.
- Bonifacius Errurix Marchio.**
III. 29. IV. 74.
- Bonifacius IX. Pont. Max. l.**
29.
- Boninus Florentinus Cantor**
Mon. Claff. III. 113. IV.
84.
- Bonus Abbas Classensis Disc.**
S. Rom. IV. 112.
- B. Bonus Abbas S. Mich. Pis.**
II. 115. 135. III. 82.
- Bonus Monachus, et Eremita**
Pomposæ. l. 70.
- Bonus Prior Camaldulen. l.**
23.
- Bonus Prior Eremi ad Vivum.**
l. 30.
- Brennius Arianus. IV. 15.**
- S. Brigida Vidua. III. 53.**
- S. Brigida Virgo. III. 126.**
- Brisca Rex Croatia. II. 64.**
- Brunerius Auctor Fast. Mari-**
an. l. 24.
- S. Brunus Episc. Signin. IV. 8.**
- Brutus. III. 93.**

C

- Cæsar Card. Baronius. l. 5.**
95. II. 10. 14. 18. 35. 37.
47. III. 121. 63. 128. 135.
138. 142. 153. IV. 126.
- Cæfarius Monachus Arelaten-**
sis. III. 126.
- Camaldulenses. V. Monachi.**
- Camaldulum. V. Monasterium.**
- Campus Malduli. V. Eremus**
Camald.
- Canisius. II. 34.**
- Canonici Regulares à S. Rom.**
inditi-

INDEX.

143

- instituti. L. 89. 90. ll. 112.
131. Lateranenses. L. 15.
 Scopetini. L. 16.
 Carmelitz. L. 33. 109. 110. IV.
 93.
 Carolus Magnus Imp. IV. 35.
 B. Casimirus Polonix Rex
 Disc. S. Rom. L. 67. ll. 11.
34. 58. 94. 99. 102. 118.
 Chnurus Rex Danix. ll. 54.
 S. Christinus Martyr Camal.
L. 81. 118. ll. 60. 110. 129.
 Christophorus Marcellus Ar-
 chiep. Corcyr. III. 73. 74.
85. 86.
 Christophorus Sandius. IV. 15
 S. Chonegundis Imper. ll. 53.
 Chuncildis Regina. ll. 54.
 S. Clara D. Francisci Soror.
 IV. 125.
 Claudianus Poeta. III. 95.
 Clemens V. Pont. Max. III.
122.
 Clemens VII. Pont. max. IV.
78.
 Clemens VIII. Pont. Max. L.
96. ll. 10. 18. 42. III. 132.
 IV. 97.
 Clemens IX. Pont. Max. III.
117.
 Clemens X. Pont. Max. III.
117. IV. 97.
 Clerici Soc. Iesu. III. 128. So-
maſchenſes. L. 16.
 Cogitofus Scriptor vitæ S.
 Brig. Virg. III. 126.
 S. Columba Abbas Hyenſis.
 III. 126.
 Congregatio Monachorum
 Camal. S. Michaelis Mü-
 rani. V. *Monachi Camal.*
 Connildis Regina Polon. II.
63.
 Conradus II. Imper. H. 51. 84.
 85. 90.
 Couſtantine Archiep. Rav.
 II. 36. 101.
 Couſtantine Caietan Abb.
 Caſſin. III. 19. 20. 125. IV.
64.
 Cornelius à Lapide. IV. 86.
 Cornelius Fronto. IV. 73.
 Coſmus de Arena. II. 82. III.
 159. IV. 79.
 Coſmus. III. Magn. Dux Etru-
 riæ. IV. 119.
 Creſcentius Senator Rom. II.
81. IV. 80.
 Cummenæus Scriptor Vitæ S.
 Columbæ Abb. III. 126.
 S. Cuthbertus Mon. Bened.
 III. 124.

D

- D Amianus Archipreſb.
 et Mon. Frater S. Petri
 Dam. IV. 123. 124.
 Damianus Mon. S. R. E. Card.
 Nepos S. P. Dam. IV. 8.
Dani.

Daniel Papebrochius. [l. 113.](#)
[ll. 35. 36. 39.](#)
 Dantes Poeta Etruscus. [lll.](#)
[122. IV. 13.](#)
 S. Datius Episc. Mediol. [lll.](#)
[92.](#)
 Desiderius Abb. Cassin. S. R.
 E. Card. mox Victor [lll.](#)
 Pont. Max. [ll. 29.](#)
 Didacus Franchus Abb. Val-
 lumb. [l. 55. 56. 57. 81. 82.](#)
[100. 108. ll. 42. 44. 53. 143.](#)
[lll. 120. 126. IV.](#)
 Diodorus Siculus. [lll. 94.](#)
 Dion. [lll. 93.](#)
 Dithmarus. [ll. 63.](#)
 Dominicus Abbas Classis. [ll.](#)
[40.](#)
 Dominicus Episc. Eugub. [IV.](#)
[132.](#)
 S. Dominicus Loricatus Ca-
 mald. [ll. 28. ll. 139. IV.](#)
[10. 42. 79. 80. 81. 86. 106.](#)
[107. 111. 113. 114. 128.](#)
[129.](#)
 S. Dominicus Prædicatorum
 Institutor. [l. 25. 48. ll. 47.](#)
 Dominicani. [l. 35. 39. 40.](#)
 Drobemirus Dux. [ll. 63.](#)

E

Ecclesia S. Apollinaris de
 Nartianula. [IV. 134. S.](#)
 Michaelis Templani. [ll.](#)
[116. 136.](#)

Edmundus Martene Mon.
 Congr. S. Mauri. [lll. 119.](#)
[122. 124. 126. IV. 94.](#)
 Eduardus [l.](#) Rex. Angliæ. [l.](#)
[109.](#)
 Eduardus Maria Baroncinus
 Eremita Camal. [l. 113. ll.](#)
[73. ll. 66.](#)
 Elias Propheta. [l. 33.](#)
 B. Elisabeth. Schounagienfis;
[lll. 103.](#)
 Elifeus Propheta. [l. 33.](#)
 Eniedinus Arianus. [IV. 15.](#)
 Eremitæ Camaldulenses Sa-
 cræ Eremitæ Etruriæ. [l. 36.](#)
[37. 41. ll. 38. 114. 116.](#)
[117. IV. 93. et alibi. Con-](#)
[gregationis Gallicæ. l. 36.](#)
[37. IV. 93. S. Ioannis Ca-](#)
[ictani Pifar. ll. 21. Montis](#)
[Coronæ. l. 17. 33. 34. 35.](#)
[36. 40. 46. 47. ll. 117. 127.](#)
[IV. 78. 90. 93. Pedemon-](#)
[tani. l. 36. 37. IV. 90. 93.](#)
 Eremus Aquæbellæ, seu
 Vallisumbrosæ. [l. 81. ll.](#)
[23. 44. 50. 102. 115. 133.](#)
 Aquitanica S. Romualdi. [l.](#)
[37. 47. 68. 91. ll. 106. 139.](#)
 Avellanæ. [l. 47. 70. ll. 109.](#)
[127. IV. 102. 136. V. Mo-](#)
[nasterium. S. Benedicti ad](#)
 Bifurcum. [l. 69. ll. 109. 115.](#)
[136. 127. 143. Callienfis.](#)
[ll. 113. 132. Camaldulen-](#)
[fis](#)

INDEX!

fis S. Salvatoris. l. 6. 10. 14.
15. 17. 18. 19. 21. 23. 39.
42. 80. 91. 115. 116. 119.
11. 65. 69. 72. 116. 133. 111.
18. 26. 33. 34. 51. 54. 60.
64. 65. 73. 74. 85. 88. 89.
 IV. 61. 102. et alibi. Casti-
 micitana. l. 81. Cellarum
 Vallis Vmbr. l. 80. 82. Cor-
 tonensis. l. 113. Cryptarū
 Mafiacii. l. 17. Frontalis
 seu Montis Suavicini. IV.
81. 82. S. Hieronymi de Pa-
 scilupo. l. 17. Hispellenfis
 S. Andreæ. ll. 113. 132.
 Luceoli IV. 79. S. Mariæ
 Sittiz. l. 18. 19. 38. 47. 87.
134. ll. 134. 111. 22. 23. IV.
17. 107. V. Monasterium. S.
 Martini in Silva. ll. 81.
108. 126. Montis Corona.
l. 17. 80. 116. 111. 117. 127.
 IV. 78. 90. 93. Montis Pe-
 trani. ll. 113. 115. 132. IV.
69. Montis Pregii. ll. 113.
132. IV. 78. 79. S. Petri ad
 Vivum. l. 30. 70. 81. ll.
115. 136. Perei. l. 37. 47.
48. 68. 69. ll. 81. 109. 110.
111. 127. 129. 111. 127. Pō-
 posæ. l. 70. ll. 110. 129.
 Pontis Petri. ll. 81. 126.
 Serræ Sanctorum. ll. 113.
133. IV. 79. Turris Caligi-
 nis. ll. 121. 139. Vallis

Castri. ll. 112. 131. V. M.
 nasterium.
 S. Eulogius Mart. Mon. Be-
 ned. 111. 126.
 Ezechiel Propheta. 111. 88.
91.

F

S. **F**acundinus Episcopus.
 IV. 79.
 Fautus Monachus S. Ben. IV.
35.
 Faustus Socinus. IV. 15.
 Ferdinandus Vghellus Abb.
 Cisterc. l. 82. ll. 35. 37. 40.
43. 45. 48. 69. 87. 90. 101.
143. IV. 130. 131. 134.
 B. Fortis Eremita Camald.
 Disc. B. Ludulphi. IV. 159.
 Fortunius. V. Augustinus.
 Franciscani. l. 35. 39. Capac-
 cini. l. 10. IV. 93. Con-
 ventuales. ibid. Observan-
 tes. ibid.
 Franciscus à Diaceto Episc.
 Fesul. ll. 84. 85.
 S. Franciscus Minorum Patri-
 archa. l. 25. 48. 117. 118.
 Franciscus Petrarca Poeta.
111. 60.
 S. Fuscus Archiep. Ravenne.
ll. 35.

T

G4

G

- G**abriel Buccellinus Mon.
Bened. l. 38. 104. 11. 141.
111. 9. 24. 234.
- Gabriel Pennortus . IV. 86.
89.
- Gabriel Subprior Camalduli.
1 72.
- B. Gaudentius Disc. S. Rom.
ll. 118. 135. IV. 69. 70.
- Gaufredus Abbas. III. 124.
- Gebiosus Episc. Cæsen. S. R.
E. Card. Mon. Avell. IV. 9.
- Gelasius l. Papa. III. 138. 147.
- S. Gerardus Sagredo Mon.
Camal. Ep. Mart. II. 140.
- Germanus Botta Abb. Camal.
1 83. II. 100.
- Gherardus Abb. S. Mich. Pi-
sar. III. 82.
- Gherardus II. Gener. Camal.
1. 76. 113. II. 66. 75. 113. 37.
38. 46. 65. 66. 70. 115.
145. 148. 157 IV. 57. 96.
- Gisla Augusti Imp. II. 52. 53.
84. 85. 90.
- B. Gissus Discip. S. Rom. I.
51. III. 34.
- Glaber Rodolphus . I. 158.
- Gorifredus Etruriæ Marchio.
III. 159.
- Gozo Monachus S. Vincentii.
IV. 75.
- Gregorius Abb. Vallis castri
Disc. S. Rom. II. 116. 117.
135. 136.
- S. Gregorius Nazianzenus. l.
84. 88. III. 29.
- S. Gregorius I. Papa. III. 92.
101. 115. 125. 127.
- Gregorius V. Pont. Max. II.
38.
- S. Gregorius VII. Papa. 1 19.
IV. 8. 9. 134.
- B. Gregorius IX. Pont. Max.
Camal. I. 28. 30. IV. 125.
- Gregorius XV. Pont. Max.
IV. 86.
- Gualterius Arch. Raven. I. 29.
IV. 111. 112.
- B. Guarinus Abbas Disc. S.
Rom. 1 42. II. 9. 77. 105.
123. 176.
- Guarinus Abbas Septimi. I.
63.
- Guglielmus Abbas Pratagliç.
1. 30. 31. III. 39.
- B. Guglielmus Disc. S. Rom.
II. 109. 128.
- S. Guido Abbas Pomposæ. IV.
69.
- B. Guido Aretinus Prior
Avell. IV. 14.
- B. Guido Comes Disc. S.
Rom. I. 51. II. 61. 99. 112.
131. 132. IV. 43.
- Guido Episc. Anicienſis . II.
38.
- Guido Episc. Florentinus. II.
43. Gui-

INDEX

Guido Prior Angelorū Flor.
ll. 5. 7.
 B. Guido l. Gener. Camal. l.
 22. 23. 27. ll. 39.
 Guilla Marchionissa .ll. 83.
 Guitemundus Card. Ep. Aver-
 sanus Mon. Avell. IV. 8.
 Gunthelinus Disc. S. Rom. l.
83. ll. 52. 115. 133.

H

H Aefrenus Mon. Ben. ll.
123.
 Helempertus Episc. Aret. ll.
37. 69. 70. 71. 113. 132.
ll. 89. 90.
 Helempertus ll. Episc. Aret.
 IV. 92.
 S. Henricus l. Imper. ll. 15.
53. 92. 130. 143. ll. 15.
17. 114.
 Henricus ll. Imper. ll. 52. 53.
 Henricus ll. Imp. IV. 134.
 Henricus IV. Imp. *ibid.*
 Henricus Clericus. l. 70.
 Herodes Rex . ll. 17. IV. 64.
 Hieronymus Abb. Pomposæ.
 l. 70.
 Hieronymus Æmilianus So-
 maschenſium Auctor. l. 116.
 Hieronymus Aretinus Episc.
 l. 31.
 Hieronymus Bardius Mon.
 Camald. ll. 8. 80.

S. Hieronymus Ecclesiæ Do-
ctor. l. 49. 67. ll. 143.
 Hieronymus Fabri. l. 10. 91.
119.
 B. Hieronymus Pragen. Ere-
mita Camald. l. 113. ll. 15.
66. ll. 54. 66. 96. 100. 148.
157. IV. 52. 54.
 Hieronymus Radiolensis Mon.
 Vallumb. ll. 42.
 Hieronymus Rubeus. ll. 35.
39. 40. 96. 97. ll. 20.
 S. Hilarion Abbas. ll. 55.
 Honestus Arch. Raven. Abb.
 Classis. ll. 6. 7. 8. 33. 35.
36. 38. 39. 40. 78. 96. 97.
98. 100. 104.
 Honorius ll. Papa. IV. 13 la.
 Horarius Flaccus Poeta. l. 12.
114.
 S. Hugo Abbas Cluniacensis.
 ll. 107.
 Hugo Etruriæ Marchio . ll.
15. 76. 81. 82. 108. 127.
ll. 158.
 Hugo Eugubinus Episc. IV.
130. 13 la.
 Humbertus Card. S. Ruffinæ.
 ll. 29. 54.
 B. Humiliana de Cerchis Vid.
 Flor. l. 23.

I

Iacobus Abbas Cormati-
 censis. ll. 107.
 T 2 12.

- Iacobus Bavarus Ep. Fesul. l. 82. II. 51. 84. 85. 87. 89.
 Iacobus Burallius. II. 37. 69. 70.
 Iacobus Gordonus. II. 80.
 Iacobus Laderchius. l. 53. III. 20. 21. IV. 4. 9. 10. 86. 89. 122. 125. 126. 128. 137.
 Iacobus Philippus Bergomas. l. 5. III. 58. 60.
 Idemberta Abbatissa. II. 90.
 S. Ignatius Lojola Soc. Iesu Institutor. l. 48. III. 47.
 Ildeprandus Abb. S. Mich. Pifar. III. 82.
 Ildeprandus Episc. Flor. II. 45. 46. IV. 128.
 B. Incognitus Cöversus Clafsen. II. 104. 120. III. 44.
 Ingelbertus Disc. S. Rom. II. 117. 135. III. 139. IV. 69.
 Innocentius II. Pont. Max. l. 30.
 Innocentius III. Pont. Max. III. 107. 114.
 Innocentius VII. Pont. Max. l. 39.
 Innocentius XI. Pont. Max. II. 87.
 Ioanna Vxor Petri Candiani Venet. Duc. II. 79.
 Ioannes Abbas S. Mich. Pifar. III. 82.
 Ioannes Antonius Flaminus. III. 20.
 S. Ioannes Baptista. l. 50. 95.
 Ioannes Bapt. de Lezana. III. 125.
 Ioannes Bapt. Novarien. Gener. Camal. IV. 87.
 Ioannes Bapt. Vbalinus. III. 159.
 SS. Ioannes, et Benedictus Martyres Disc. S. Rom. l. 10. 38. 49. 50. 51. 54. 76. 81. 118. II. 60. 109. 110. 111. 128. 129. 130. 142.
 Ioannes Bollandus. l. 38. 96. 120. II. 14. 60. 63. 66. 76. 80. III. 54. 112. 125. IV. 52.
 Ioannes Cassianus. l. 64.
 Ioannes Castagnizza Mon. Bened. l. 62.
 S. Ioannes Chrysostomus. III. 121.
 B. Ioannes Classensis. II. 117.
 B. Ioannes Columbinus. III. 53.
 Ioannes Crellius. IV. 15.
 Ioannes Diaconus Card. Bibliothecarius. l. 28.
 Ioannes Discip. S. Rom. apud Cass. l. 56. 87. 96. II. 108. 112. 126. 131. 140. 141.
 Ioannes Episc. Arcetinus. l. 37.
 Ioannes Episc. Bonon. II. 36.
 Ioannes Episc. Eugub. IV. 21.
 B. Ioannes Gener. Camal. S. R. E. Card. Ep. Ostien. l. 33. 105.

INDEX.

149

- Ioannes Ghibertius Prior Angelorum Flor. III. 43.
 B. Ioannes Gradenicus Disc. S. Romualdi. I. 5. 26. 43. 44. 49. 51. 67. 118. II. 79. 106. 123. 127. 126. 140. 141.
 S. Ioannes Gualbertus Valumbrosanæ Congr. Pater Disc. S. Rom. I. 56. 57. 82. 83. II. 12. 34. 42. 44. 56. 69. 93. 102. 118. III. 126. IV. 19. 63. 109. 110. 128.
 Ioannes Ioannalius Mon. Valium. II. 42.
 S. Ioannes Laudensis Camal. Ep. Eugub. IV. 79. 133. 134. 135. 136.
 Ioannes Mabillonius Mon. Congr. S. Mauri. I. 110. II. 140. III. 101. 122. 124. IV. 16. 87.
 Ioannes Major Eremita Camal. I. 72.
 B. Ioannes Maurocenus Disc. S. Rom. I. 43. II. 79. 106. 123. 126.
 B. Ioannes de monte Feretro Camald. IV. 80.
 Ioannes Paulus Portefanus. IV. 86.
 Ioannes Scriptor Vitæ S. Petri Dam. ejusque Disc. III. 20. IV. 68. 71. 73. 79. 123. 124. 133. 135.
 Ioannes Traversarius. II. 36.
 Ioannes II. Pisanus Gener. Camal. III. 21.
 Ioannes III. Burgenfis. Gen. Camal. IV. 63.
 Ioannes XI. Pont. Max. I. 35. 36.
 Ioannes XII. Pont. Max. I. 120.
 Ioannes XIX. Pont. Max. II. 85.
 Iob Propheta. III. 92.
 Iocelinus Scriptor Vitæ S. Patritii. III. 125.
 Ioseph Hebræus. III. 127.
 Ioseph Rosaccius. II. 80.
 S. Ioseph Sponsus B. M. Virg. I. 50.
 S. Isaac Martyr Camal. I. 81. 118. II. 60. 110. 129.
 Itta Abbatissa S. Hillari. I. 82. II. 50. 90.
 Iulianus Discip. B. Ludolphi Ep. Eug. IV. 14. 131.
 Iulius Ambrosius Lucentius Abb. Cisterc. IV. 20. 21.
 Iulius III. Pont. Max. IV. 78.
 S. Iunianus Monach. III. 126.
 S. Iustus Conf. Camald. II. 60.

L

L Ambertus Episc. Flor. II. 44. 45. 46.
 Lando Rom. Pont. II. 35. 36.
 Lau-

- Laurentius Beyerlinghius. ll. 61.
 Laurentius Surius. lll. 124.
IV. 35.
 Leo Abbas S. Alexii Romæ. l. 67.
 Leo Abbas S. Michaelis Pifar. lll. 81.
 Leo Abbas S. Miniatis Flor. ll. 50.
 B. Leo Avellanita. lll. 20.
 B. Leo Disc. S. Rom. Abb. Fful. ll. 85. 86.
 Leo Ostiensis. lll. 103. IV. 35.
 B. Leo Prezensis Erem. Cam. l. 87. IV. 116.
 B. Leo Sitriensis Erem. Cam. IV. 25. 82. 83. 105. 116.
 S. Leo IX. Pont. Max. ll. 87.
 Leo X. Pont. Max. l. 36. 49.
lll. 64. 48. 109. IV. 48. 113.
 Leonardus de Castilione Are-
 tino. IV. 64.
 Leopoldus l. Imp. ll. 87.
 Liprandus Prior Avellanæ. IV. 135. 136.
 Lucas Albicius Eques D. Ste-
 phani. lll. 9.
 Lucas Hispanus Erem. Mon-
 tis Coronæ. l. 5. 17. 25.
27. 32. 33. 34. 43. 46. 62.
80. 88. 94. ll. 73. lll. 32.
70. 96. 97. 98. 117. 118. 119.
127. 136.
 Lucas Vvadingus. IV. 125.
 Ludovicus Abbas S. Mich:
 Pifar. lll. 81.
 Ludovicus Barbus Auctor
 Congr. S. Iustine de Pad. l. 16.
 Ludovicus Crassus Rex Gal-
 liæ. lll. 107.
 Ludovicus Elias Dupin. ll.
38. IV. 60. 86.
 Ludovicus Iacobillus. ll. 144.
lll. 20. IV. 16. 20. 21. 78.
79. 86. 125. 136.
 Ludovicus Thomasinus. l. 6.
64. 68. 110. ll. 38. lll. 107.
108. IV. 61. 62. 86.
 Ludovicus II. Imper. ll. 91.
 Ludovicus IV. Imper. ll. 37.
 B. Ludolphus Avellanæ In-
 stitutor Disc. S. Rom. Ep. Eug. ll. 109. 122. 125. 127.
IV. 8. 13. 18. 19. 20. 21. 23.
85. 115. 116. 131.
 Luitprandus Historicus. ll.
35. lll. 158.
 B. Lupus Eremita Camal. l.
87. IV. 25. 116.

M

- S. **M**acarius Abbas. l. 64.
 Mackalle Episcopus. ll. 126.
 Mainardus Abbas. lll. 17. 20.
IV. 64.
 Mainardus Episc. Eugub. IV.
131. B.

INDEX.

151

- B. Mainardus Eremita Sitræ
Camal. IV. 116.
- S. Majolus Abbas . Ill. 111.
112. 113.
- Maldulus Disc. S. Rom. I. 51.
113. 114. II. 116. 133. III.
33. 45. 46. 54. 56. 67. 69.
71. 75. 76. 77. 78. 88. 89.
136. IV. 61.
- Marcus Ant. Sabellicus . Ill.
71. 157.
- Marcus Tull. Cicero. Ill. 94.
95.
- Margarinus . II. 97.
- B. Maria Pisana Vid. Camal.
Reclusa. III. 121.
- B. Marinus Frater S. Petri Da-
 miani. IV. 123. 124.
- B. Marinus Fratruelis S. Petri
 Dam. IV. 55. 84.
- B. Marinus Magist. et Disc.
 S. Romualdi . I. 43. 44. 51.
61. 62. 105. II. 8. 76. 77.
102. 104. 105. 113. 121.
122. 123. 133. 139. III. 44.
68. 114.
- Marinus Monachus S. Sabini
 Pifar. Ill. 121.
- Martinus Abb. S. Mich. Pisar.
 Ill. 82.
- Martinus Baronius . I. 38. 81.
 IV. 86.
- Martinus Chromerus . II. 11.
58.
- B. Martinus Eremita Camal.
I. 18. III. 18. IV. 118.
- Martinus Provisor Camal. I.
 IV. 56.
- B. Martinus Storax Erem. Ca-
 mal. I. 87. IV. 25. 81. 116.
- Martinus I. Pont. Max. Ill. 28.
- Martinus I. Camal. Prior . I.
20. 23. II. 39.
- Martinus II. dictus IV. Pont.
 Max. I. 109.
- Martinus II. Gen. Camal. I. 31.
- B. Martinus III. Gener. Cam.
I. 23. 24. III. 37. 115. IV.
57. 63. 95. 97.
- Mathildis Comitissa . Ill. 29.
- S. Matheus Camal. Mart. I.
81. 118. II. 60. 110. 129.
- Matthæus Card. Albanen.
 Mon. Cluniac. Ill. 108.
- Matthæus Lauretus Abb. Caf-
 fin. Ill. 102.
- Matthæus Micchovita. II. 11.
58.
- Maurozia Romana. II. 36.
- S. Maurus Abbas Disc. S. Be-
 ned. Ill. 103. IV. 35.
- S. Maurus Episc. Cæf. Mon.
 Bened. II. 28.
- Melchior Cano Episc. Canar.
 Ill. 137. 138. 140. 141.
- Menverchus Episc. Pavibron.
 II. 53.
- S. Michael Archangelus . Ill.
103.
- B. Michael Erem. Camal.
Au-

- Auctor Coronæ Domini.
III. 47. 48. 49.
 Michael Gener. Vallumb. L. 108.
 B. Michael Polensis Erem.
 Cam. III. 139.
 Monachi Avellanitæ . L. 39.
119. IV. 63. 126. Benedi-
 ctini. L. 35. III. 19. Bifur-
 censes. L. 39. II. 112. Cæ-
 lestini. L. 110. IV. 126. Ca-
 maldulenses. L. 17. 36. 37.
88. 116. 117. IV. 90. 96.
et alibi. Carthusienses . L.
33. Cassinenses. L. 16. 33.
 108. IV. 35. Cistercienses.
L. 17. 108. 110. IV. 78. 90.
108. 119. Classenses. II. 6.
14. 96. 128. IV. 85. Cluni-
 accenses. L. 110. IV. 90. 108.
 Conventuales Camaldulē-
 ses. IV. 119. Fontanellen-
 ses. III. 126. Fulienses . L.
110. Grandimontenses. L.
16. S. Marix Agnani. III. 39.
 S. Mauri in Gallia . II. 5.
 Montis Virginis. L. 110. III.
116. IV. 65. Oliverani . L.
108. 110. IV. 65. Silvestri-
 ni. L. 108. IV. 90. Sittrien-
 ses. L. 39. 56. II. 117. IV. 37.
81. 114. 118. Trappenses.
L. 110. IV. 119. Vallis Ca-
 stri. L. 29. 33. 35. III. 39.
 Vallumbrosani. L. 33. 108.
110. III. 120. 126. IV. 63.
 108. S. Vincentii de Petra
 pertusa. IV. 70. 72.
 Monasterium S. Adalberti in
 Perseo. L. 54. 68. 89. II. 111.
129. SS. Alexii et Bonitacii
 Romæ. L. 75. S. Ambrosii
 Eugubii. L. 16. S. Andreæ
 Florentiæ. II. 90. Angelo-
 rum Florentiæ. L. 74. 112.
III. 22. 43. 45. 49. 80. S.
 Annæ Pifarum. III. 121. B.
 Antonii Peregrini Patavii.
III. 120. S. Antonii Tuder-
 ti. L. 90. II. 114. 133. S.
 Apollinaris. III. 112. 113.
 Avellanæ. L. 29. 70. III. 18.
113. IV. 4. 5. 7. 8. 12. 68.
85. 134. S. Bartholomæi
 Fesul. II. 8. 84. 85. S. Benedi-
 cti Aretii. III. 120. Be-
 rardingarum. L. 31. Bifur-
 cense. L. 29. Bonislatii.
III. 159. IV. 119. Buldro-
 nis. III. 121. Cassinense. L.
16. 75. II. 108. 110. 141.
III. 130. Cellæ aureæ. III.
112. Cisterciense. L. 17.
 Classense. L. 54. 61. 88.
107. II. 6. 7. 104. 120. 133.
III. 64. 105. 113. 129. IV.
22. 83. 84. 110. 111. 112.
119. Cluniacense. L. 68. III.
108. 109. Cormaticense.
III. 103. S. Crucis Leufridi.

INDEX.

IV. 8. S. Damiani Martyris prope Assisium . IV. 125.
S. Donati de Scopeto . 116.
 Esculanum . 189. Fontisboni Camalduli . 119. 117. 174. 89. 11. 116. 134. 111. 70. 71. 75. 78. 90. 93. IV. 94. et alibi. Genistæ . 111. 121. S. Georgii Majoris Vener. 11. 79. 80. 108. 126. S. Gismundi Montis Regii . IV. 79. Grandimontense . 1. 16. S. Helenæ ad Fluvium Ixini . 189. S. Hyppoliti Faventiz . 1. 117. S. Illuminatæ Tuderti . 11. 114. 133. S. Iohannis Evang. Prati Veneris . 111. 67. 68. 120. S. Iustinæ Patavii . 1. 16. S. Mariæ Agnani . 1. 30. S. Mariæ Faventiz . 11. 17. 18. S. Mariæ Florentiz . IV. 127. S. Mariæ Frisonariz . 1. 15. S. Mariæ de Palatiolo . 11. 96. 108. 127. S. Mariæ Pratagliz . 1. 30. 11. 37. 69. 113. 132. 111. 39. S. Mariæ ad Rhenum . 1. 16. S. Mariæ Sitriz . 1. 29. 38. 56. 69. 89. 11. 27. 116. 136. 111. 18. 114. 80. 81. 114. V. Eremus. S. Mariæ Vallis gloriæ . 1. 90. 11. 113. 133. IV. 126. S. Mariæ Vangaticciz . 11. 82. S. Martini in Campo Pari-

153
scen. 111. 109. Massiliani. 1. 89. 11. 113. 132. S. Marthæ Perus. IV. 79. S. Marthæ Murani . IV. 96. 102. S. Michaelis Balnei . 1. 89. 11. 81. 108. 127. S. Michaelis in Burgo Pifarum . 1. 113. 11. 115. 135. 111. 45. 81. 82. IV. 63. S. Michaelis Cusani . 1. 5. 68. 11. 106. 125. S. Michaelis Murani . 1. 50. 116. 111. 58. S. Miniatis Florentiz . 11. 45. 56. Molificentie. 1. 17. Montis Amiani. 1. 89. 30. 70. 11. 115. 136. Montis Mureti. 1. 16. S. Nicolai Floren. 111. 121. Parentii in. 111. 1. 68. 69. 86. S. Pauli Pugnani . 111. 121. S. Petri de Lucio . 1. 90. Pömpöfianum . 1. 70. 11. 110. IV. 68. S. Salvatoris Bononiz . 1. 16. S. Salvatoris Papiæ . 111. 113. S. Salvatoris Perusii . IV. 78. Septimense . 111. 159. S. Severi Perusiz . 1. 74. 11. 132. S. Severi Ravennæ . 11. 107. 108. IV. 69. S. Silvestri de Monte Subasio . 11. 113. 132. IV. 125. 126. Sublucense . 1. 16. S. Trinitatis de Monte acuto . 11. 113. 131. Vallibonæ. 1. 90. 11. 114. 136. Vallis Castri. 1. 18. 19. 29.

40. 69. 87. 89. ll. 133. 137.
 Ill. 64. IV. 112. Vallisumbrosæ. l. 50. 82. V. *Eremus Aquabella*. S. Vincentii de Petra pertusa. l. 18. 89. ll. 27. 117. 135. ll. 18. IV. 47.
 69. et seqq. S. Vincentii de Vulturno. ll. 125. Vrbevetanum. l. 89. ll. 112. 131.
 S. Zacchariæ Vener. ll. 79.
 Moniales à S. Romualdo fundatz. l. 82. S. Annæ Pisarum. ll. 121. Avesæ. ll. 120. Genistæ. ll. 121. S. Ioan. Evang. de Prato Ver. ll. 120. S. Nicolai Floren. ll. 121.
 Mons Alvernæ. l. 117. ll. 85.
 Moyſes Abbas. l. 64.
 Moyſes Propheta. ll. 88.

N

N Algodus Disc. S. Majori Abb. ll. 112.
 Nealceus Pictor antiquus. ll. 51.
 Nicolaus Biadi Mon. Camald. ll. 65. 67. et seqq.
 Nicolaus II. Pont. Max. ll. 44.
 IV. 130. 133.
 Noe Patriarcha. ll. 83.

O

O Cravianus Vbaldinus Card. IV. 97.
 S. Oddo Abbas Cluniacensis. ll. 107.
 Oddo Abbas Glanofoliensis. ll. 103.
 Odericus Abb. Montis Cassini. ll. 119.
 Odoardus Maria Baroncinus Erem. Camal. ll. 66. V. *Eduardus.*
 Olibanus Comes Disc. S. Rom. l. 56. 75. ll. 80. 107. 108.
 125. 126. 140.
 Ordo Camaldulensis. l. 4. 6. &c. ll. 75. 86. V. *Monachi Camald.* S. Mariæ de Mercede. ll. 145. Monasticus. l. 110. V. *Monachi.*
 Origarium. l. 86. ll. 109. 117.
 Ostorodus Arianus. IV. 15.
 Otho I. Imper. l. 120. ll. 7. 33.
 Otho II. Imper. ll. 111. 112.
 Otho III. Imper. l. 88. ll. 15.
 25. 60. 76. 81. 109. 110. 111. 118. 130. ll. 109. 110.
 113. 158. IV. 86. 110.
 Ovidius Nalo Poeta. ll. 95.

P

P Achomius Abbas. ll. 115.
 B. Pa-

INDEX.

155

- B. Pacifica Disc. S. Clara. IV. 8. 33. 35. 36. 38. 40. 96. 98. 101.
- Paganus de Nartianula. IV. 134.
- Palladius Monachus. III. 115. 125. 136.
- S. Paritius Mon. Camal. 1. 50.
- Paschalis II. Pont. Max. I. 22. 23. 27. 30. IV. 137.
- S. Patricius Hiberniæ Primas. III. 125.
- S. Paulus Apostolus. III. 87.
- Paulus Disc. S. Rom. Aquæbellæ. I. 83. II. 52. 115. 133.
- B. Paulus Iustinianus Erem. Camal. Auctor Erem. Mōtis Coronæ. I. 5. 17. 23. 26. 39. 45. 46. 62. 65. 74. 90. 93. 104. II. 66. III. 38. 39. 67. 72. 73. 79. 100. 115. 127. 136. 146. 151. IV. 28. 41. 49. 56. 58. 97. 100. 104. 108.
- Paulus Morigia. I. 16. 104. III. 19. 21. 76. IV. 20. 64. 86.
- Paulus Orlandinus Abb. Camald. I. 35. III. 59.
- S. Paulus Primus Eremita. I. 93. IV. 100.
- B. Peregrinus Erem. Camald. I. 23.
- Petrus Abbas S. Mariæ Floren. IV. 127.
- Petrus Archiep. Raven. II. 7. 8. 33. 35. 36. 38. 40. 96. 98. 101.
- Petrus Ariminenſis Prior Avellanæ. IV. 136.
- Petrus Benedictus Linguarū Orientalium Profels. in Univers. Pisana. III. 9.
- Petrus Blesensis. III. 130.
- Petrus Bifurcensis Disc. S. Rom. I. 51. II. 112. 130. III. 55.
- Petrus Calzolarius Mon. Calſinen. I. 104. III. 19. 77.
- Petrus Candianus Dux Venet. II. 15. 76. 78. 89.
- Petrus Cannerus Abbas Camald. I. 74.
- Petrus Cantor Monachus Claſſen. III. 113. IV. 84.
- Petrus Cluniacēſis Abb. Ven. III. 108. 109. 122. IV. 72.
- S. Petrus Cœlestinus Pont. Max. IV. 126.
- Petrus Crescentius. IV. 86.
- B. Petrus Dagninus Disc. S. Rom. Prior Camald. I. 22. 47. 50. 51. 77. II. 43. 67. 68. 83. 93. 116. 134. III. 34. 35. 91. 92. 94. 95. 97.
- S. Petrus Damianus Camald. S. R. E. Card. Episc. Ostien. I. 5. 18. 42. 46. 48. 76. 97. 103. 118. II. 6. 119. 16. 28. 82. 99. III. 13. 15. 16. 17. 20. 21. 22. 31. 32. 51.

V 2

66.

66. 97. 101. 113. 116. 136.

159. IV. 4. et seqq. 132. 139.

et alibi passim.

Petrus Dandinus Pictor. III.

50.

Petrus Delphinus Gener. Ca-

mal. I. 49. 50. 72. 74. III.

57.

Petrus Discipulus S. Rom.

Camalduli. II. 68. III. 34.

Petrus Episcopus Arc. II. 37.

B. Petrus Fanensis Erem. Mō-

sis Coronæ. IV. 78.

B. Petrus Gambacurta. III. 53.

Petrus Lemovicensis Abbas.

I. 16.

Petrus Monachus Avellanita.

IV. 128.

B. Petrus Moriconius Abb.

Camald. Arch. Pisarum. III.

82.

Petrus de Natalibus Episc.

Equil. I. 38.

Petrus Papiensis Ep. Floren.

II. 44. IV. 128. 130.

Petrus Quirinus Erem. Ca-

mal. Card. elect. I. 74.

Petrus Secundus Abb. S. Mi-

chael. Pisar. III. 81. 82.

B. Petrus Vrfeolus Dux Ve-

net. Disc. S. Rom. I. 5. 10.

26. 39. 43. 44. 47. 49. 51.

67. 118. II. 8. 9. 76. 78. 80.

105. 107. 122. 123. 125.

139. III. 101.

Petrus Zianus Dux Venet. II.

79.

Pharulphus Comes. II. 61.

99.

Philippus Ferrarius. III. 24.

134.

Philippus Maria Machiarel-

lus. Erem. Cam. IV. 10. 70.

133.

Placidus Gener. Camal. I. 30.

IV. 56. 96.

Placidus Puccinellus Abb.

Cassin. II. 83. III. 159. IV.

127.

Plautus Poeta. III. 102.

Plinius Historicus. I. 114. II.

62. III. 51.

B. Pius V. Pont. Max. III. 74.

IV. 47. 86. 97. 119.

S. Podius Ep. Flor. II. 48.

Polybius. III. 95.

Polydorus Vergilius. I. 98.

Porphirius Philosophus. III.

125.

Ptolomæus Gallus S. R. E.

Card. IV. 97.

R

Rabanus Monachus Be-

ned. III. 124.

Raimbaldus Abbas Palatoli.

II. 96.

Rainerius Etruriz Marchio.

II. 113. 132.

Reclusi Eremitæ Camal. I. 89.

Regi-

S

- Regino . IV. 35.
 Robertus Bellarminus S. R.
 E. Card. II. 10. 29. III. 135.
 S. Robertus Cisterciensium
Pater. I. 17. IV. 78. 109. 110.
 B. Rodulphus Episc. Eugub.
 Camal. IV. 42. 130. 132.
133.
 Rodulphus Episc. Pavibron.
II. 51.
 B. Rodulphus Prior Camald.
II. 20. et seqq. 45. 47. 50. 51.
71. 75. 77. 90. 112. 114. II.
65. 75. III. 32. et seqq. 41.
55. 64. 66. 68. 102. 115.
136. 142. 157. IV. 26. et seqq.
passim. 92. et seqq. ex alibi
pluries.
 Rogerius Scriptor Vitæ S.
 Anselmi Ep. Lucen. IV. 8.
 Romanus Disc. S. Rom. Episc.
Nucer. I. 57. 58. II. 117.
134.
 S. ROMVALDVS Camaldu-
 lensis Ordinis Auctor . I. 4.
et seqq. II. 4. et seqq. III. 5.
11. et seqq. IV. 4. 16. 17. 18.
et alibi sæpe per totum.
 Romulus Monachus Cisterc.
II. 18.
 Rusticus Abbas. S. Mich. Pi-
 farum. III. 82.
 B. Rusticus Prior Camald. I.
19. 23.
 R. . . . Ep. Eugub. IV. 132.

- Sacchius Pictor. III. 51.
 Saul Rex Israel. III. 93.
 Scnlichsingius Arianus . IV.
15.
 Sebastianus Zianus Dux Ve-
 net. II. 79.
 Secundus Lancellottus Abb.
Olivet. II. 26. IV. 66. 86.
 Seiani, et Ruffini Dialogus.
 IV. 10. 120. 122. 123. 125.
127. 137.
 Sergius Pater, et Disc. S. Rom.
II. 12. 13. 103. 107. 119.
120. 126.
 Sergius Pont. Rom. II. 36.
 Servandus Diaconus Disc. S.
Bened. III. 87.
 Servius Grammaticus. IV. 73.
 Sethus Calvisius. II. 59.
 S. Severus Archiep. Raven.
 II. 35.
 Sigebertus Historicus. IV. 35.
 Silvanus Ractius Abb. Ca-
 mald. I. 9. 11. 15. 43. 63.
90. 117. II. 35. III. 11. 65.
67. 68. 70. 97. 136. IV. 36.
 Silvester Maurolicus Abb.
 Cisterc. I. 108. III. 19. IV.
64.
 Silvester II. Pont. Max. IV. 20.
21.
 B. Simon Eremita Camald.
 I. 23.

B. Si-

- B. Simon Stochius Carmelita. ll. 118. IV. 69.
ll. 47.
 Sixtus V. Pont. Max. l. 117.
 Smalcus Arianus. IV. 15.
 Smaragdus Abbas. IV. 72.
 S. Steplanus Abbas Grandimontensium Pater. l. 16.
 IV. 109. 110.
 Stephanus Demalevicius. l. 5.
38. 43. 62. 67. 97. 99. 103.
ll. 59. IV. 86.
 Stephanus Episc. Anicien. ll.
38.
 Stephanus Inclusus Mon. Camald. l. 87. IV. 25.
 Stephanus Presb. Cardinalis. IV. 84.
 S. Stephanus Prothomartyr. l. 50.
 Stephanus de Saxolo Abb. Gen. Camal. l. 117.
 Stephanus Senensis Scopetorum Auctor. l. 16.
 Stephanus IX. Pont. Max. IV. 66.
 Sybilla Comitissa. ll. 114. 133.
 Syrus, et Aldebaldus Vitz S. Majoli Scriptores. ll. 112.

T

- T** Ammus Disc. S. Rom. l. 75. 76. ll. 110. 128.
 Tedaldus Mon. Disc. S. Rom. ll. 118. IV. 69.
 S. Tereſia Carmelitarum Diſcalc. Mater. l. 48.
 Tertullianus. ll. 53.
 Thebaldus de Nartianula. IV. 134.
 S. Theobaldus Abb. Camald. IV. 86.
 Theodaidus Ep. Aret. Disc. S. Rom. l. 93. ll. 8. 37. 65. 66. 70. 72. 74. 88. 91. 94. 116. 133. ll. 13. 29. 30. 34. 72. 73. 93. IV. 14.
 Theodemarus Abb. Caſſinen. IV. 35.
 Theodora Romana. ll. 36.
 Theophilus Machetti Mon. Camald. ll. 82.
 B. Theuzo Disc. S. Ioann. Gualb. ll. 42. 53.
 B. Theuzo Inclusus Florent. ll. 54. IV. 28. 56. 82. 136. et ſeqq.
 B. Theuzus Disc. S. Rom. l. 51.
 B. Thomas de Coſtacciaro Erem. Camald. l. 38.
 Thomas Minius Mon. Camal. l. 5. 8. 22. 50. ll. 11. 12. 13. 14. 34. 35. ll. 11. 22. 68. IV. 18. 86.
 Thomas Vvalſingenſis. l. 109.
 Tribunus Memus Dux Venet. ll. 79. 126.
 Trithemius Abbas. IV. 8.
 Val-

INDEX.

V

V Aldrada Soror Hugonis
March. ll. 79. 81. 82.
 Vbertinus Florentinus. l. 73.
 Vbertus Abbas S. Miniatis.
ll. 43. 48. 49. IV. 128.
 Vbertus Comes. l. 20.
 Vbertus Marchio Etruriz. ll.
83.
 Vdalricus Episc. Germ. ll. 38.
 Venantius Simi Abb. Vallub.
ll. 42.
S. Venerius Disc. S. Rom. l.
49. 87. 100. ll. 110. 111.
128. 129.
 Venturas Abbas S. Mich. Mu-
rani. l. 50.
 Venturas Minardus Atheisti-
 nus Mon. Camald. l. 5. 116.
ll. 77. 78. 117. 120.
 Vgo Comes Clusentini. l. 20.

Victor Carthaginensis. ll. 28.
 Victor ll. Pont. Max. ll. 125.
 V. Desiderius.
 Vincentius Borghinius Mon.
Cassin. ll. 43.
 Vincentius Carrarius. ll. 8.
13. 14. 35. 83. 97.
 Vitalis Arch. Raven. ll. 35.
 Urbanus VIII. Pont. Max. IV.
86.
 Vcho Episc. Salisburg. ll. 38.
 Vvido Episc. Humanatensis.
IV. 132.
 Vuillhelmus Aquitaniæ Dux.
ll. 107.
 Vulfinus Boetius. ll. 126.

X

X Antes Perusinus Mon.
Vallumb. l. 83. ll. 42.
53.

FINIS.



Ty:

Typographus Lectori S.

OB Auctoris absentiam, qui, ne Dissertationum suarum impressioni coram adesset, ab occupationibus proprijs prohibitus fuit, nonnullos errores, à Prælis vix separabiles, irrepsisse faciliè deprehendes, sed et faciliè ignosces. Illud sagacitas, hoc humanitas tua sperare jubet. Hos inter (levioribus omisiss) sequentes dumtaxat notare licuit. In Dissert. I. pag. 4. lin. 12. *quane* pro *quare*. Pag. 13. lin. 2. *faciens* pro *faciens*. Pag. 16. lin. 26. *Lemonicensi* pro *Lemovicensi*. Pag. 19. lin. 21. *qued* pro *quod*. Pag. 20. lin. 23. *Idebrando* pro *Iddebrando*. Dissert. II. pag. 144. lin. 5. *Prostrant* pro *Prostant*. Dissert. III. pag. 41. lin. ult. *Afferiores* pro *Assertores*. &c. Vale,



